

ALTER TO
MVS OPERVM
ANGELI POLI
TIANI,

*Complectens ea quæ ex græco in latinum conuer-
tit. Quorū catalogum sequenti pagella reperiet.*

VIRTVTE DVCE,



CONITE FORTVNA.

APVD SEB. GRYPHIUM
LVGDVNI,
1533.

EX ANGELI POLITIANI
VERSIONE,

Herodiani Historia.

Enchiridion Epicteti.

Alexandri Aphrodisעי Problemata.

Amatorie Narrationes Plutarchi.

Magni Athanasij in psalmos opusculum.

Platonis Charmides de Temperantia.

3

ANGELVS POLI

TIANVS ANDREAE

Magnanimo suo, S.



PEFFLAGITARI scribis istic ab
ijs, qui libros excudunt formis, Herodia
num meū. Meū enim iure appello, quē
quasi latinitate donauerim. Tunc rogas
Codicem tibi ipsum tuum remittam ali-
quando, nostra (quōd illos cupere ais) manu emēdatum.
Remitto, sed (ut uerum fatear) leniter potius, quā se-
uerē castigatum: sic autem, ut nostra errata plura in co-
quā librarij deprehendas. Crediderim tamen stilo ipsi
certe meo, hoc est interpretis, plus aliquantō uenie de-
beri, quā auctoris. Quoniam meliuscule respondent serē,
quā scribas, ubi sit liber quasi cursus, quā quā uertas,
ubi nihil extra præsriptum. Accedit & illud, quōd hoc
mihi manus interpretādi quasi leuioris operæ fuit, ut po-
te qui diebus pauculis dictauerim sic deambulans. Itaq;
tantum abest, ut mihi inde laudem petam, ut etiam abun-
de pulchrum fore putem, si uitauero grauiorem culpam.
Quare cum amicis reliquis, tum tibi in primis, omnem
huius operis defensionem, non remitto solum, sed etiam
propē interdico, nosq; integros ad alia reseruo, quā
post edentur. Sed quanquam plurimi sunt apud uos, qui
mihi etiam plus nimio fauent, unus tamen es tu Andrea
Magnanime, cognomento isto tuo gentilitio dignissimē.
Quem equidem faciam plurimi, cum quod ex bonis ora-
tus, & opibus flores, & honoribus, tum uel maxime,
quod

quod ingenio es elegantissimo, moribus suauissimis, gra-
tia quadam (quicquid agis, quicquid loqueris, imò etiam
si nihil agis, nihilq; loqueris) singulari, ac vultu deniq;
ipso (quod dicitur) homines deuincis. Itaq; nihil quencquā
metuo, ubi tu mihi studeas. Nunquam enim male de Poli-
tiano sentiet, qui placere eum Magnanimo intelleget.
Vnam tantum est quod à te nunc contendo, cures pro re-
liqua in nostris rebus diligentia, ut quàm minimum quasi
degenerent ab origine, quæ mox uolumina formabuntur:
ut quia ne illæ ipsæ quidem adnotatiunculae omittantur,
quas marginibus adscripsimus. Inter eas uero, etiam lo-
cos puto treis, quatuor uel ad summum reperiēs, ubi fuit
excusatione uiendum, corrupti apud Græcos exempla-
ris. Ad hæc uero facile procuranda, obcundaq; magis
idoneum habere, magisq; ex usu tuo neminē possis, quàm
Alexandrum Sartium cinem tuum, literatum ho-
minem, nostriq; studiosum, tum (quod ego in
hac re primum puto) neutiquam in ami-
ci negotio dormitantem. Vale, in
ruscule Fesulano. Pridie No-
nas Maias. Anno sa-
luis. M. CCCC=
lxxxxiij.

Angeli

ANGELI POLITIANI

ad Innocentium VIII. Pontificem Maximum,

Præfatio in Herodiani historiam, è

Græco in Latinum

conuersam.



VM ROMAE ab hinc triennium
fermè in comitatu effem Florentinae
legationis, quæ tibi sancte pater In-
nocenti Pont. Max. ad supremæ istius
dignitatis fastigiũ nuper euecto gra-
tulatũ aduenerat, memini abs te mihi
magna celebritate curam delegari, uertendi in Latinam
orationem Romanorum principum res gestas, si quæ
adhuc inter Græcorum monumenta, nostris intactæ ho-
minibus reperirentur. Quare cum coelestis animi tui iu-
dicio, non plus mihi honoris additum, quàm oneris iniun-
ctum animaduertens, ut primum Florẽtiam sum reuer-
sus, altissima sollicitudine circũspicere cœpi, quem potissi-
mum ex omni Græcorum copia interpretadum suscipe-
rem. Occurrit autem in primis Herodianus hic excellens
rerum scriptor, & qui diu in Palatina uersatus aula, af-
fectuq; iam ætatis, historiam de suis temporibus compo-
nere aggressus, neq; eloquentiæ caruerit laudibus, & si-
dem tamẽ in primis, libertatemq; retinuerit. Hoc ubi opus
à nobis, neq; multo sanè negotio, neq; inuita (ut arbi-
tror) Minerva elucubratum est: ea mox tempora incide-
runt, quibus & nostra impedirentur studia, & quæ plu-
rimum ualet in scribendo, omnis propemodum alacritas

exciteretur. Postea uerò quàm pro tua prouidentia, & pacem Italia cupienti reddidisti, & cum patrono meo Laurentio Medice, amplissimæ quidem fortunæ, sed amplioris ingenij prudentiæq; uiro, priuatim affinitatē contraxisti, cessit uidelicet ille quasi nimbus, suaq; mundo reddita serenitas est: sic ut nos iam ipsos colligamus, atq; ut grauari pluuia flores, penēq; decidui, ad nouæ lucis radios erigamur. Ergo & uetera edere in publicū & noua procudere iam libet, unde aliqua modo uel tuo sacratissimo nomini celebritas, uel nostris tēporibus claritas, uel studiosis etiā hominibus utilitas pariat. Ceterum Herodianum hunc nostrum, donec maiora tibi, ac fortasse meliora parturimus, ueluti præludium aliquod ueri, iustiq; laboris, læta rogamus fronte excipias summe Pontifex: magnam in eo negociorum, personarumq; uarietate, multam rerū nouitatem deprehēsurus, crebraq; in utrāq; partem fortunæ ceu uacillantis exempla, consiliaq; admirabilia, & cōsiliorum inopinatos euentus, grauesq; pro tēpore sententias, & plenā ubiq; dignitatis, plenā suauitatis orationē, copiosam uidelicet quandā ad instruendos mores supellectilem, & ceu speculū humanitatis, in quod inspicere omnis uita, unde ea capere, atq; haurire documenta queat, per quæ uel publicis, uel priuatis rationibus cōsulatur. Quæ sanè nostræ fuerūt partes, tētauius profecto utinamq; effecerimus, uti omnia ex fide responderēt: ne inepta peregrinitas, ne Græculæ usquā figuræ, nisi si quæ iam pro receptis habētur, Latinā quasi polluerēt castitatē, ut eadē propemodū esset linguæ utriusq; perspicuitas, eademq; mundiciæ, idem utrobiq; sensus, atq; in-

doles:

doles: nulla uocum morositas, nulla anxietas. Tu quando nobis aliquod cœu signum ex arce ista tui pontificatus ad bene sperandum sustulisti, perge obsecro sanctissime pater. Perge inquā, fouere, atq; illustrare bonas artes, quæ sese pedibus istis sanctissimis aduoluūt supplices, numenq; tuum aduersus rudem inscitiam, tetramq; Barbariam implorant: ut à quo pax Italiæ, atq; à deo terrarum orbi restituta est, etiam ab eodem pacis alumne literæ, ab iniuria, scilicet atq; indignitate uindicerentur.

HERODIANI

HISTORIAE DE IMPERIO

post Marcum, uel de suis temporibus, liber
primus, è Græco tralatus, Angelo Po
litiano interprete, ad Innocen-
tium v IIII. Pont. Max.

PROE MIV M.



VI RES antiquas posteris
prodidcrunt, ueteremq; historiæ
memorian renouare literis studue
runt, ei magna ex parte, dum fa-
mam eruditionis affeclāt, nomenq;
suum conantur ab iniuria obliuio-
nis asserere, minus sanè multam in

ueri peruestigatione, quàm in exornanda, componendaq;
oratione industriam posuerunt, rati scilicet, neq; si quid

in rebus à suo seculo remotissimis falsi proderetur, posse
 refelli: & se tamen suauitate narrationis amplissimum la=
 boris, ingenijq; sui fructum percepturos. Alij uerò priua=
 tis inimicijs, tyrannorumq; odio prouecti, aut in laudes
 principum, ciuitatum, priuatorumq; hominum inmodicis
 assentationibus effusi, tenues per se res, atq; humiles, scri=
 bendi tamen artificio, longè supra ueri fidem sustulerunt.
 Ego uero contra, nō quidem acceptam ab alijs, aut inco=
 gnitam, aut testibus egentem historiam, sed eorum qui le=
 gent, sensibus adhuc, memoriaeq; inhaerentem, summa uel
 fide, uel diligentia collectam, conscribendam suscepi: spe=
 rans haud iniucundam fore posteritati, earum rerum no=
 titiam, quæ multæ sanè atq; magnæ, haud ita longo tem=
 pore acciderunt. Nam si quis ab Augusto usq; principe
 omnem ætatem complectatur animo, cum scilicet Roma=
 norum potentia ad unius est arbitrium deuoluta, ne annis
 quidem illis circiter ducentis (tot enim firmè, ad Marci
 tempora numerantur) aut imperiorum tam diuersas suc=
 cessiones reperiet, aut bellorum uel ciuiliū uel externo=
 rum tam uarios casus, atq; euentus, in tot excitas gen=
 tes, tot urbes nostras Barbarasq; expugnatas, præterea
 terræmotus & pestilentias, uitas quoq; principum, &
 tyrannorum adeo nouas, atq; inauditas, ut nulla ijs apud
 ueteres consimilia exempla, aut certe quàm paucissima
 inueniantur: quorum alij diuturnam, alij breuē poten=
 tiam obtinuerunt, nonnulli autem uix dum inito hono=
 re, Imperatoresq; duntaxat appellati eodem illo, quo su=
 sceperant die, imperium amiserunt. Nam cum sexaginta
 annis plures quàm pro tempore principes urbs Roma
 pertu

pertulerit, factum ex eo est, uti multæ sanè, uariæq; res, atq; admiratione dignæ exorirentur: quippe ætate pro- uecti principes, utpote rerum negotiorumq; periti, dili- gentius sese, suosq; regebant: contra adulescentes molli- ter, atq; indulgenter habiti, noua scilicet permulta desi- guabant. Quo factum est, ut dispari ætate atq; licentia, disparia quoq; studia moresq; sequerentur. Hæc quæ ad modum gesta sint, temporum ipsorum atq; principum seruatō ordine perscribemus.

IMperator Marcus filias quidem suscepit complures, Marcus Im-
perator.
Inares autem duos, horum alter natu minor adulescē-
tulus admodū fāto est functus: Verissimo nomē fuit. Alte-
rum uerum, Commodus
filius Marci. Commodū nonnuc, magna diligentia, curaq; pater educauit, accitis undiq; uiris doctrina claris, maxi-
maq; proposita mercede, uti mores pro se quisq; filij, in-
geniumq; excoleret. Filias porro cum adoleuissent, opti-
mis ex ordine senatorio uiris collocauit. Neq; enim qui
longam generis seriem præferrent, aut qui opes nimias
ostentarēt, sed qui morū probitate, atq; modestia, uitæq;
innocentia præcellerēt, eos sibi generos diligēdos puta-
bat. Hæc enim sola animi bona certa esse, stabiliaq; duce-
bat. Virtutē nullā non magnopere exercuit. Adeo litera-
rū antiquitatis studiosus, ut uenuni sit in eo genere Græ-
corū Romanorumq; secūdus. Argumēto sunt permulta,
quæ ab illo dicta, atq; conscripta, ad nos usq; perueni-
runt. Adeo uerò civilem sese, et cōmodum omnibus priu-
cipē præstabat, ut aduentū cuius dexterā placide daret,
neminemq; à suis custodibus prohiberi aditu pateretur,
solusq; Imperatorum sapientiæ studium non uerbis, aut

decretorum scientia, sed gravitate morum, vitæq; continentia usurpavit. Quo factum est, ut magnum sapientiū uirorum prouentum atas illa extulerit. Solent enim plerumq; homines uitam principis æmulari. Quæcunq; igitur ab illo modeste, atq; fortiter domi, forisq; sunt gesta, qualemq; porro se aduersus Barbaras nationes septentrioni subiectas, soli q; orienti gesserit, ea sunt multorum doctissimorumq; hominum comprehensa monumentis. Quæ uero post Marci obitum per uniuersam atatem uisa mihi auditaq; sunt, nonnulla item in expe-
riundo cognita, utpote in publicis officijs, principalibusq; uersato, ea nunc conscribenda suscepi.

SENEM iam Marcum, neq; etate solum sed laboribus multis curisq; confectum, dum in Pannonijs ageret, grauissimus repete perculit morbus. Quare cum deploratam planè salutē suā sentiret, anxius uidelicet agebat, ne filius, qui tum primā inierat adulescentiam, siue etatis feruore nimio, siue licentia quadā summa, quam in orbitate esset habiturus, bonis artibus, studijsq; relictis, ebrietati sese, et crapulæ dederet. Quippe facile ingenia adulescentium à recta honestaq; disciplina ad luxum uoluptatesq; delabuntur. Terrebatur insuper hominē minime imperitum, multorum memoria principum, qui iuuenes imperium suscepissent, ut Dionysij Siciliæ tyranni, cuius tanta fuit intemperantia uelut, ut nouarum uoluptatum inuectores summis afficeret premijs: ut item eorum, qui Alexandro successerunt. Ita enim contumeliosè, uiolenterq; dominati sunt, ut illius imperio graue dedecus conciliarint. Siquidem Ptolemæus cō turpitudinis prolapsus est, ut

Iuuenum principum mores.

Dionysius Siciliæ tyrannus.

Alexandri successores Ptolemæus.

est, ut contra Macedonum, atq; ádeo Græcorum omnium leges, etiam sororij amoribus implicaretur. Antigonus autem, quo liberum patrem representaret, pro causâ et diademate Macedonico, bederam capiti circumdare, thyrsumq; pro sceptro gestare est solitus. Sollicitabant animum senis recentia quoq; exempla, ut Neronis ipsius, qui ne à materna quidem cæde abstinerit, et se ridiculum populo spectaculum præbuerit. Vt item Domitiani, qui nihil sibi ad extremam crudelitatem reliqui fecerit. Has igitur tyrannidum imagines cum animo uolutans, inter spem metumq; agitabatur. Terrebat præterea illum Germaniæ uicina gens, quam nondum planè subiecerat, sed partim in societate adsciuerat, alios armis belloq; edomuerat. Nonnulli etiam ex ijs effugerant, metuq; principis impræsens continebantur. Quare dubitabat ne despecta mox filij ætate, arma resumerent: quippe Barbaris mos, quamlibet leuibus momentis aut causis impelli. His igitur curarum fluctibus æstuans, amicos propinquosq; omnes quotquot adcrant, cõuocari iubet. Qui postq̃ cõuenerunt, constituto in eorũ conspectu adulescente filio, paululumq; se è grabato subleuans, huiusmodi habuit orationem.

Dolere uos atq; angere, cum ita me affectum contem-
plamini, minime mirandum. Quippe humanum est humanis casibus ingemiscere, multoq; magis misericordiam prouocant, quæ oculis usurpamus. Caterum peculiaris uobiscum nostra ratio est. Nam de mei erga uos animi cõscientia mutuam spero à uobis quasi meo iure beneuolentiam. Nunc autem illud incidit, cum et mihi sit iudicium faciendum, frustra ne uobis honorẽ tam diu habuerim, studiumq;

Antigonus.

Nero.

Domitianus.

Oratio Marci
ad proceres.

diuinūq; omne meum lubens detulcrim, & uobis referēda gratia ostendendū, nō esse coram, quæ acceperitis in me mores. Videtis filiū quem ipsemet educaſtis, primas nunc aduleſcentiæ metas ingredientem, quaſiq; in ſalo atq; in fluctu uitæ gubernatoribus indigentem, ne rerū imperitia de recto quaſi curſu abſolutus, malis artibus impingat. Eſſe igitur uos illi pro me uno multi parentes, excolēdo ſcilicet, atq; optima ſuggerendo. Neq; enim aut pecuniæ uis tyrānidis luxuriā explere, aut ſtipēdiā ſatellitū agmina tueri principem poſſunt, niſi illi ipſi quos regas, animū imperanti beneuolentiāq; accommodent. Quippe ij deum diu tutoq; imperant, qui non metū ex crudelitate, ſed amorem ex bonitāte ciuium ſuorum animis inſtillant. Neq; enim quos ſeriare neceſſitas coēgit, ſed quos obtēperare ſua quēq; uoluntas adegit, ij ſunt in agendo patiēdoq; à ſuſpicionē omni aſſentationēq; uacui: nunquamq; imperia detractant, niſi uiolenter cōtumelioſeq; ſint habiti. Eſt autem difficile in maxima licentia moderari ſibi, quaſiq; frenos imponere cupiditatibus. Quod ſi bene uiuendi autores illi fueritis, & quæ nūc corā audit, identidem admonueritis, una opera & ipſum uobis reliquisq; omnibus optimū principē reddetis, & memoriā noſtram demerebimini, quam ſcilicet immortalē hac una ratione poteritis efficere. Talia dicentē Marcum ita repente animus deſecit, ut ſtatim cōticſceret, ac langore nimio ſupinus in lectulum relaberetur. Tanta autem quicunq; aderāt miſeratio inuaſit, ut ex ijs nōnulli præ dolore parum animi compotes clamorē extollerēt. Sed ille cum diem unū duntaxat, noſctm̄q; ſuperuiſiſſet, ſato eſt ſunctus

functus, sic ut magnum sui desiderium eius ætatis mortali-
 bus, posteris uerò etiam uirtutis memoriam reliquerit
 sempiternam. Postquam uerò illius mortem fama uulga-
 uit, incredibilis repente exercitū ipsum, plebemq; adeo
 omnē luctus occupauit. Neq; ulli sanè Romanæ ditionis
 mortales fuerunt, qui non eiusmodi nuncium multis la-
 chrymis exceperint, omnesq; eum uelut una uoce, alij pa-
 rentem probum, alij bonum Imperatorem, quidam for-
 tissimum ducem, nonnulli etiam continentem modera-
 tumq; principem uocitabant. Neq; sanè quisquam falsus
 habebatur. Paucis autem post diebus, celebrato iam fune-
 re, uisum amicis est adolescētem adducere ad exercitum,
 ut & milites alloqueretur, & (qui nouis Imperatoribus
 mos est) pecunijs largiendis, uelut auctoramento quodā
 illorum sibi animos adiungeret. Edictum itaq; omnibus,
 ut in campum de more adessent frequentes. Cū itaq; pro-
 cessisset Commodus, ac rem diuinā fecisset, erectumq; ad
 hoc ipsum medijs castris tribunal conscendisset, paternis
 amicis, qui multi sanè doctissimiq; uiri aderant, circūstans
 tibus, ad hunc fermè modum uerba fecit.

Communem mihi esse uobiscum huius mœrorem ca-
 lamitatis, neque uos aliter quàm meipsum affectos
 esse planissime persuasum habeo. Neq; enim ego super-
 flite parente ipso meo, superiorem me uobis unquā gessi.
 Nam ille ita nos uniuersos, ut unum aliquem diligebat,
 lubentiusq; me commilitonem quàm filium uocitabat.
 Quippe hanc naturæ appellationem, illam uerò uirtutis
 communicationem existimabat. Quin infantem sæpe me
 in uluis gestans, uobis dabat in manus, quasiq; uestræ
 mandæ

Commodi ad
 milites oratio.

mandabat fidei. Quapropter minime dubito, quin mihi omnem sitis beneuolentiam exhibitori. Cum pro alumno me maiores natu habere debeant, ipsos autē æquales cōdiscipulos armorum iure appellauerim, siquidem ita nos uniuerfos, ut unum aliquem pater diligebat, omniq; uirtutum studio, ac bonis artibus curabat instituendos. Nūc me post illum uobis fortuna principem dedit non quidē adsciticiū, quales ante me fuerūt, neq; uelut acq̃sito imperio gloriantē. Quippe unus ego uobis natus educatusq; in aula. Priuatisq; intactū cunabulis, statim me ut ex alio prodieram, imperatoria purpura suscepit, simulq; sol hominem me uidit & principem. Hæc cum animis uestris reputantes, iure principem colite, non datum uobis, sed natum. Nam pater quidem iam in cœlum euectus, cōsors est confessorq; deorum. Nobis autem orbis terrarum gubernacula, rerumq; humanarum cura incumbit. Quæ quos successus, quantasq; habituræ sint uires, in uestra manu est. Si enim belli reliquias fortiter deleueritis, & imperij Romani terminos ad oceanum usq; promoueritis, cum ipsi uobis ingentem gloriam comparabitis, tum cōmunis parētis memoriæ debitā gratiam referetis. Atq; cum quidem exaudire, quæ dicimus, & intueri præsentem, quæ gerimus credite. Nos autem felicissimos, qui benefactorum nostrorū testem eiusmodi sumus habituri. Quæ igitur ad hanc diē fortissimè prosperrimeq; gessistis, illius scilicet sapientiæ gubernationiq; tribuuntur. Quæ autē mecum, hoc est cū iuvene Imperatore uestro præclare feceritis, ea sunt uobis ipsis quasi peculiarem, cū fidei, tum uirtutis claritudinē paritura. Quocirca &

etati

ætati meæ rebus strenuè gerendis autoritatē conciliabitis,
 & Barbara gens initio noui principatus repressa, neq;
 impræsens contemptu ætatis nostræ se effret audacius,
 & suis nūc edocta periculis, metu deinceps ppetuo coër
 cebitur. His dictis pecuniā magna copia elargitus, ut sibi
 animos militū fidos faceret, in aulam reuersus est. Igitur
 breue sanè ad tēpus, omnia paternis amicis autoribus ge
 rebantur. Qui assiduitate, prudentiq; consilio nullo loco
 deerant. Tantū ei tribuentes laxamētī, quantū satis esse
 ad tuendam corporis uoletudinē arbitrabantur. Paulatim
 deinceps irrep̄scre nōnulli ex aulico famulatio, quā sibi ad
 corrumpendam iuueuis Imperatoris indolem nihil face
 rent reliqui. Quippe mensarij adulescentes, qui uētre atq;

Mensarij adu
 latorcs.

obscenis uoluptatibus felicitatē metiebātur, identidē illū
 urbis delictiarū admonebant, & nunc quæ illic uisu audi
 tuq; iucunda forent, cōmemorabant, nunc rerū omnium
 copiam atq; affluentiam ferebant laudibus. Ad hæc ripas
 Histri ut omni tempore incommodas uituperabant, quæ
 neq; pomiferos haberent frutices, & perpetuis rigori
 bus nubibusq; obtinerētur. Nūquam ne Imperator aie
 bant, cōcretam gelu, atq; effossam potare aquā desines?
 Alij calidis fontibus, riuorumq; fluentiū frigore, aurisq;
 & coelo illo fruuntur Italiæ peculiari. Tali scilicet illece
 brarum mentione, facile adulescentis animum uoluptatū
 cupidinibus incenderunt. Itaq; statim conuocatis amicis,
 teneri se patriæ desiderio non dissimulauit: causas tam
 repentinæ mutationis fateri ueritus, sollicitum se aiebat
 esse, ne quis opulens ex nobilitate domum occuparet
 principis. Dein collectis uiribus quasi ex munitissima
 arce

Pomptani ora-
tio ad Commo-
dum.

arce summam sibi rerum uindicaret, posse ex populo sa-
tis magnā uim delectōrū iuuenū conflare. Talia causante
illo, reliquis metu defixis, terranq; tacito uultu mœstoq;
intuentibus, surgens Pompeianus, qui & ætate reliquos
anteibat, & Cōmodi sororē natu maximā in matrimoniū
habebat, Teneri te inquit, o fili & domine, patriæ desi-
derio nūnime mirandū. Quippe eadē nos quoq; rerum
domesticarū cupido sollicitat, sed ei tamen resistimus, quo-
niam priores partes agunt, magisq; incumbunt nobis,
quæ hic expedienda supersunt. Nam illis quidē uel in po-
sterum diutius perfrueris. Roma autē illic est, ubi Impe-
rator est. Ceterū bellū relinquere inchoatū, præterquam
quod indecorū uidetur, etiā periculosum est. Quippe au-
daciā Barbaris iniicimus, neq; enim remeādi cupiditate
decessisse nos, sed aufugisse metu percussos arbitrātur.
Tibi autē quā fuerit pulchrū, deuictis hostibus atq; im-
perij finibus ad oceanū usq; propagatis, redire in urbem
triumphanti, uinctosq; & captiuos præteragenti reges
satrapasq; Barbaros, his enim artibus prioribus seculis
Romani homines magni atq; illustres euaserūt. Nihil est
autē quod ucreare, nequa illic res tuæ periclitētur. Nam
& optimus quisq; senator tecū hic est, & exercitus uni-
uersus tuum corā propugnat imperium. Quin ærarium
quoque principalis pecuniæ nobiscum est omne. Ad hæc
patris tui memoria eternā tibi apud potestates quaslibet
fidem atq; beneuolentiam roborauit. Cum ad hunc mo-
dum potiora suadens Pompeianus locutus esset, paulum
modo impræsens conatus adulescentis repressit, qui reue-
ritus senis dicta, cum nihil haberet, quod saltem hone-
stum

flam specie responderet, consilium dimisit, diligentius as-
firmans consideraturum. Dein uero ministris illius magis
magisq; instantibus, nihil iam ad amicos retulit, sed datis
Romam literis, ac præpositis, quos uisum esset tuendæ
Histri ripæ, & Barbarorum insultibus coercendis, pro-
fectionem continuo edicit. Illi igitur demandata sibi munia
obcûtes, haud ita longo tempore multos armis Barbaros
subegerunt, quosdam autem ex ijs magnis præmijs in ami-
citiam sibi adiunxerunt. Quod quidem haud difficile factu
fiat, quippe barbari suapte natura pecuniæ auidi, pericu-
lorû despicientes, aut incursibus populationibusq; uictum
parant, aut proposita mercede uenalem pacem habent.
Quod intelligēs Commodus, ut pecunia qua maxime abun-
dabat, securitatem redimeret, nihil uidelicet petentibus de-
negabat. Vbi autem dedita profectionis fama per exercitiū
est, ingens repente totis castris motus, extitit, nullo non
redire Roman cupiente, relictoq; hostili solo, urbanas
affectante delicias. Postea uero quàm fama, ac nuncijs uul-
gatum est, reuerti in urbem principem, incredibilis uniuersam
plebē læticia peruagatur, spem sibi unoquoq; optimā
de iuuenis Imperatoris præsentia proponente, credenti-
busq; uniuersis paternis cum uestigijs perreclurū. Sed ille
festinato iter faciēs, & iuuenili quodam ardore omneis in
medio urbes curriculo pertransiens, regioq; cultu, lætisq;
populorū celebritatibus exceptus, gratus nimirum omni-
bus atq; optatus adueniebat. Sed ubi Romā appropinqua-
uit, senatus statim uniuersus, populusq; Romanus magno
pro se quisq; anteuertendi studio effusi, laureatiq; ac flo-
res omnisfariā, quos dabat anni tempus conferentes, quàm

Barbari pecu-
niæ auidi.

quisq; ab urbe longissime poterat, occurrerant uisuri principem aetate atq; nobilitate conspicuum. Quippe amabant illum, & quidem uerissimis affectibus natum apud ipsos educatumq; tertioq; iam gradu imperium, nobilitatemq; Romanam complectentem. Nam paternum ei genus à primis moribus senatorij ordinis, mater autem Faustina, principis uxor, Antonini pij filia, Hadriani etiam per matrem nepotis, seriem ipsam generis ad Traianum proauum referebat. Hoc editus genere Commodus est, cui quidem præter ætatis florem, etiam formæ dignitas suffragabatur, congruens corporis modus, pulchra uirilisq; facies, tranquillæ facies oculis atq; micantes, flava & crassa cæsaries, ut in sole ambulanti uelut igne quodam rutilaret, sic ut euntem quidam scobe aurea putarent conspergi, quidam etiam pro argumento diuinitatis acciperent, ac radios esse illos circa uerticem genituius opinaretur. Ad hæc lanugo malis proserpebat, easq; quasi floribus conuestiebat. Talem igitur Imperatorem faustus omnibus acclamationibusq; & coronarum florumq; sparsionibus exceperunt. Sed postquam urbem ingressus est, Iouisq; primum, dein cæterorum deorum templa consalutauit, gratiasq; senatui uniuerso, & prætorianis militibus egit seruata sibi fidei, in aulam palatinam se recepit. Pauculis igitur annis nihil non honoris paternis amicis exhibebat, omnibusq; eos negotijs in consilio habebat. Cura dein totius Imperij alijs demanda, Perennium Italicum hominem militaris disciplinæ peritissimum, prætorianis præfecit. Is adolescentis aetate abutens delicijs illum ganeisq; corrumpi sinebat, curaq; omnium laboribusq; susceptis, totum plane Imperium administrabat.

Commodi nobilitas.

Commodi fortitudo.

Perennius prætorianis præfecit.

nistrabat. Erat in homine inexhausta diuitiarum sitis, sic
ut nihili quæ acquisierat pendens, nouis semper lucris insa-
tiabilis inhiaret. Hic et paternos Commodi amicos calum-
nijs premere, et locupletissimam quenq; nobilissimamq;
in suspicionem adducere instituit, scilicet ut perterrefacto
adulescente, atque illis supplicio affectis, causam potesta-
temq; ipse haberet in eorum bona et fortunas inuaden-
di. Cæterum aliquandiu cum patris memoria, tum amico-
rum reuerentia continuuit adulescentem. Dein uelut mali-
gna quædam atque inuida fortuna, rectum adhuc mode-
ratumq; illius ingenium subuertit. Nam ita res accidit,
Lucilla erat Commodi maxima natu soror, ea prius L.
Vero Imperatori nupserrat, quam consortem sibi Imperij
Marcus ascuerat, locataq; in matrimonium sorore, firmus-
simo affinitatis uinculo astrinxerat: sed postquam L. fato
functus est, manentibus adhuc Lucillæ principatus insigni-
bus, Pompeiano eam pater despondit, nihilo tamen secius
pristinum illi honorem Commodus reliquit usurpandum.
Nam et sella Imperatoria seditare in theatro, et ignem
de more præferri patiebatur. Postea uero quàm Commo-
dus uxorem duxit Crispinam, ac necesse fuit principis
uxori primo loco cedere, iniquo scilicet hoc animo Lu-
cilla ferens, atq; illius honorem in suam contumeliam uer-
tens, cum sciret à uiro suo Pompeiano Commodū diligere,
minime ausa est quippiam ad ipsum super occupando Im-
perio referre: Sed animū Quadrati nobilissimi locupletis-
simiq; adulescentis periclitata, cum quo etiam stupri con-
suetudinem habere existimabatur, grauissimeq; apud eum
de accepta iniuria conquesta, paulatim adulescentem eo

Lucilla soror
Commodi.

Crispina uxor
Commodi.

Quadratus adu-
lescens insidias
Commodo pa-
rat.

Infidia pro-
ditæ.

perpulit, ut in semet uniuersumq; senatum perniciosissime consuleret. Quippe inter cæteros senatorij ordinis, qui secum in id facinus conspirarent, etiam adulescentē quendam Quintianū nomine, prompti atq; audacis animi sibi adiunxit, persuasitq; uti pugionem in sinu cælans, tempus locumq; caperet, factōq; repente impetu Commodū occideret, reliqua se pecunijs largiendis curaturū. Ille in aditu Amphitheatri subsistens (quippe obscuro loco facile se occultū sperabat fore) nudato confestim pugione, ac magna uoce proclamans, hunc tibi senatus mittit. Dum loquitur, nudumq; ostentat pugionē, comprehensus à militibus, pœnas auentiae dedit, suoq; indicio autor à se cauendi fuit, aperto magis quàm impleto cōsilio. Hæc igitur prima, maximaq; odij causa adulescenti aduersus senatum extitit. Ita nanq; animū uerba illa fauciarant, ut omnes hostium loco haberet, semperq; eius memoriæ uox illa irruētis in se iuuēnis inhereret. Neq; uero tantam hanc occasionē Perennius omisit, sed ei persuasit ut præcipuum quenq; succideret, neq; emînere quempiam pateretur, quorū ipse in bona impetum faciens, facile omnium eius ætatis hominū locupletissimus euasit. Quæstiones autem Perennio diligenter exercente, soror ipsa Commodi, coniuratiq; omnes, cæteriq; præterea quantulacumq; suspicione attacti, supplicio affecti sunt. Igitur Perennius sublatis è medio, quos Imperator uerebatur, quiq; illum paterno quodam affectu complectebatur, atque ipse illius tuendæ salutis cura suscepta, nihilq; non autoritatis adeptus, imperiū iam ipsum animo inuaserat, persuasōq; Commodō, ut suos liberos adulescentes adhuc Illyricis præficeret exercitibus, ipse pecunie

quint

nim ingentem contrahebat, ut scilicet pratorianos ab ipso amplissimis largitionibus abalienaret. Filijq; itē eius clanculum copias colligebant, eo consilio, ut cum primum Perennius Commodum occidisset, ipsi principatum arriperent. Proditæ autem sunt insidie incredibili quodā modo.

Perennij insidie in Commodum.

Ludos Romani Ioui capitolino faciunt, tanta hominū confluente multitudine, quantam par est confluere ad tantæ urbis celebritatem. Spectare autem ac præsidere in theatro unā cum sacerdotibus, quos ordo singulis annis postulat, etiam Imperator solius. Cum itaq; nobilissimus scenicis operam daret, sedens Imperatoria sella Commodus, pleno spectatoribus theatro, suisq; cuique locis ad sedendum pro dignitate attributis, priusquam quicquam diceretur, agereturq; in scena, repente quidam philosophi habitu manu baculū gestans, peramq; seminudus ab humero suspensus curriculo prodijt, mediāq; in scena consistens, manūq; silentium imperās. Non hoc, inquit, ludorum tempus o Commodē, neque spectaculis, celebritatiq; uacandum. Imminet ceruicibus tuis Perennij gladius, ac nisi caueris, non quidem impendens, sed iam præsens periculum, perijsti. Nam & ipse hic aduersus te copias, pecuniamq; colligit, & nati exercitus Illyricos sollicitant, quos nisi statim præuenias, occidisti. His dictis, siue forte quadam diuinitus huc impellente, siue id auso homine, ut gloriam sibi ignarus atque obscurus acquireret, seu quia speraret ingens aliquod præmium ab Imperatore consequuturum, sanè illum de repente obstupescerat. Ceteri autem & si non de nihilo ea dicta suspicabantur, tamen fidem habere dissimulabant. At Perennius comprehendendi hominem iubet,

b b 3 ac pro

ac pro furioso, & uaniloquo igne comburi. Ita scilicet poenas dedit intempestivæ libertatis. Cæterum qui se Comodi studiosos uideri uolebant, perosi antea quoq; Perennium, utpote intolerandæ hominem superbiæ contumeliæq; nasciq; opportunum tempus, calumnijs, eum premere aggrediuntur. Sed scilicet ita futurum erat, ut & Commodus insidias euitaret, & Perennius unâ cum liberis pederet poenas. Quippe haud multo post milites quidam clam Perennij filio nummos quosdam attulerunt, illius imagine percussos, eosq; ignaro etiam Perennio, quanquã erat præfectus, Commodo ostenderunt, totoq; insidiarum ordine patefacto, maximis sunt muneribus affecti. Quocirca inscio negotij totius Perennio, actum nihil minus expectanti submissi noctu à Commodo quidam, caput absciderunt, iussiq; statim ad illius filium pergere, cum nihil ad celeritatem sibi reliqui fecissent, etiam rumores famamq; eorum quæ Romæ facta essent præuenerunt, ij antea ei literas ab Imperatore reddiderunt, quæ magna proposita spe Roman reuerti iuebant. Ergo & consiliis & omnis eius paratus, postremo paterni casus ignarus, cum quidam nuncij distitarent, etiam paternis ipsum uerbis acciri, qui ne ipse quidem scribere supersedisset, nisi satis momenti habituras Imperatorias literas existimasset, credidit uidelicet adulescens, & quauis iniquo animo ferret, interpellari sua cõsilia, tamen paterna fretus potentia, quam esse adhuc incolumem putabat, ad reditum se comparat. Tum deinde ut attigit Italiam, per eos, quibus negotium datum fuerat, occiditur. Hunc illi exitum habuerunt. Post hæc Commodus duos constituit præfectos, tu-

Perennij cædes.

Filius Perennij occiditur.

tius

tunc fore ratus, tantam illam potestatem, non uni duntaxat
 credere, sed dissectam in partes, imbecilliozem eo pacto
 contra principem reddere. Verum haud longe pessi, alie
 in illam huiusmodi insidie intenduntur. Maternus erat
 quidam miles multa ausus nefaria. Is repente desertis ca-
 stris, atq; aliquot in societatem cōmilitonibus ascitis, ma-
 gnā perditorum matum breui collegerat, uicesq; primo
 et agros populabatur, magna dein pecuniæ ui collecta,
 plures cottidie sibi ex facinorosis copulabat, pollicensq;
 ingentia cuiq; operæpretia, et in prædæ communione
 inuitans, cō rem adduxit, ut non iam latronum, sed iusto-
 rum hostium haberent autoritatē. Quippe magnas etiam
 urbes occupabant, effraclisq; per uim carceribus captiuos
 sine discrimine omnes uinculis eximebant, eosq; sibi impu-
 tate, ac beneficijs adiungebant. Igitur Galliā omnē atq;
 Hispaniā incurfibus uastabant, et ut quanq; ex magnis
 urbibus ui ceperant, incensa direptaq; protinus abibant.
 Quæ ubi Commodus cognouit, rectoribus gentiū plenas
 iræ atq; minarum mittit epistolas, castigans et ignauiam
 exprobrans, simul comparare aduersus illos exercitū im-
 perans. Quod ubi latrones acceperunt, decedendum sibi
 ex illis regionibus rati, clam per auia quedam compendia,
 seorsum alij ab alijs, in Italiā peruenerunt, ac iam de re-
 gno maioribusq; rebus Maternus cum suis deliberabat.
 Nam quando hactenus omnia illi spe ulterius processe-
 rant, aut aliquid magnum inuadendum sibi existimabat,
 aut certe quando in id discriminis inciderat, non obscure
 neque ignaue moriendum. Sed quoniam se non tantis esse
 uiribus intelligebat, quantæ ad resistendum Commodō

Neque insidie
 Maternus nisi
 lcs.

collata acie satis essent : quippe & Romanae plebis , & prætorianorum militum propensa in Commodum uoluntas credebatur, arte sibi consilioq; grassandum statuebat.

Matris deum
solemnia.

Quo circa tale quiddam commiscitur. Veris initio, solenni-
niq; die, pompam matri deum Romani celebrant : In ea
quæ apud quencque sunt diuitiarum præcipua supellexq;
pleræque Imperatoria, materiæ aut artis spectanda, præ-
ferri ante deam solent. Passimq; omnibus ludendi licentia
permissa, sic ut personas induant, quas cuiq; libitum, nul-
lamq; non magistratum quoq; imaginem, prout cuiusq;
studium representent, sic ut non temere à falsis ueros di-
noscas. Putauit hoc Maternus idoneum celendis insidijs
tempus ratus fore, ut si personam stipatoris alicuius indu-
ret, suosq; ad eandem similitudinem armis ornaret, ac se
hastatis immiscerent, sic ut pars esse comitatus imperatorij
crederentur, nullo uidelicet præcauente, repente impetu
facto Commodum obtruncarent. Sed proditus Imperatori
à socijs quibusdam, qui unà cum ipso uenerant in urbem,
indignantibus scilicet, siquidem cum non pro latrone iam,
sed pro principe habituri forent, antequam festus dies
adesset, & ipse comprehensus, ac multatus capite, & qui
eiusdem factionis erant, meritis supplicijs affecti. At Com-
modus facta re diuina, gratulatusq; deæ festum agitabat,
pompaq; gaudens frequentabat. Sed & populus omnis
pro Imperatoris salute diem latibundus celebrabat.
Quæ autem ratio sit, cur huic deæ tantum honorem Ro-
mani habeant, non alienum uidetur, quantum ex historia
accepimus, commemorare, præsertim cum ea res plerisq;
Græcorum ignota esse uideatur. Ipsum igitur simulacrū
coelius,

Materni cæ-
des.

Matris deorū
simulacrum.

coelitus, ut aiunt, demissum, neque quasit materia, nec à
 quo fabricatum artifice satis constat, neque plane hominū
 manibus creditur factum. Hoc igitur decidisse coelitus se-
 runt in quendam Phrygiæ agrum, cui nomen Pefinunti, à Pefinunti ager.
 casu eius simulacri factum putant. Ibi enim à principio
 comparuisse: licet apud alios comperiam, pugnam illic Iliū Ili & Tantalū
 Phryga, Tantalumq; Lydum inter se conseruisse, siue pugna.
 de uia ortam, siue potius ob raptum Ganymedis. Cumq;
 diu æquis uiribus decertatum foret, ac permulti utrinque
 cecidissent, nomen ex ea clade loco esse impositum. Hic
 etiam fama fert Ganymedem ipsum trahentibus in diuer- Ganymedes.
 sa Germani atq; amatoris manibus uita esse orbatū, subla-
 tumq; è medio, pro calamitatis solatio relata ad Iouē Ra-
 ptorem fabula diuinis fuisse honoribus affectum. In hoc
 quem diximus Pefinunte, Phryges olim Orgia colebant,
 ad ipsum fluuiū Gallum, à quo etiam euirati deæ sacerdo- Gallus fluuius
 tes cognominantur. Sed ubi res Romana creuit, responso Phrygiæ.
 accepto mansurum Imperium, atq; ad summam auctū iri, Galli sacerdo-
 si Pefinuntiam deam ad se transferrent, nisi in Phrygiam Pefinuntia dea.
 legati sunt petitum deæ simulacrum, quod quidem facile
 concessum est, consanguineos se dictitantibus, atq; oriun-
 dos ab Aenea Phryge, Cum itaque nauigio deuectū simu-
 lacrum ad ipsas Tyberis fauces appulisset, quibus tū Ro-
 mani uice portuum utebantur, confestum diuina quadam
 ui nauigium substitit, neque ullis Romani populi certatim
 trahentis moueri uiribus potuit, donec Vestalis sacerdos
 adesset. Ea cum uirginitatem perpetuo seruandam pol-
 luisse falsò argueretur, damnationem metuens, supplex
 petijt à populo, ut iudicium de se deæ Pefinuntiae committ-
 terent,

terent, quo impetrato, Zonam recinxit, clare preccata, ut si intemeratam se esse, ac uirginem dea sciret, nauim progre-
di iuberet, Quæ ubi dixit, statim alligatâ Zonâ manu du-
cta nauis sequi cœpit. Ita sunt pariter Romani, manifestâ
numinis diuinitatem, atq; innocentiam uirginis admirati.
Sed hæc hætenus de Pestilentia dea, prolixius etiam for-
tasse quàm decuit, haud insuauem tamen scientiam allatu-
ra ijs, qui res Romanas minus cognitâs habeant. Com-
modus autem ciuitatis Materni insidijs, maiore se custo-
dia muniebat, rarus prodire in publicum, plerunq; tem-
poris in suburbanis, aut in principalibus prædijs procul
ab urbe consumere, abstinere prorsus ab iurisdictione,
omniq; actu imperatorio. Per idem tempus accidit, ut in-

Pestilentia in-
gens.

gens Italiam quidem uniuersam pestilentia occuparet. Sed
in ciuitatem Romanam uehementius tamen sæuere: ut po-
te quæ & per se populo abundaret, & aduenas toto or-
be cōfluentes exciperet. Quare magna iumentorum atq;
hominum strages consecuta. Tunc Commodus (ita scilicet

Laurentum a
lauris,

quidam medicinæ periti persuaferant) Laurentium seces-
sit, quod frigidior ea regio sit, syluisq; è lauru permultis
opaca, à quo etiam regioni inditum nomen. Valere enim
plurimū aiebant ad aeris euitandam contagionē, cū odo-
res laurorū, tum ipsarū amœnitatē umbrarū. Quo circa
in ipsa quoq; urbe de medicorum sententia, pleriq; uingū-
tis suauissimis nares atque aures opplebant, suffiuq; &
odoramentis assidue utebantur, quod meatus sensuum (ut
quidā dicunt) odoribus illis occupati, neq; admittant aëra
tabificū, & si maxime adnuerint, tamen eū maiore quasi
ui longe superari. Cæterū nihilo secius moribus ingraue-

scere,

scere, hominesq; passim & pecora inter homines agitantia interire. Sed & fames eodem tempore ciuitatē oppresserat hac de causa. Cleander erat quidā Phryx genere, ex ea nota hominum, qui publice per præconem uenēūt. Hic cum in domū Imperatoriam seruitio esset traditus, & cū ipso Cōmodo accreuisset, cō scilicet honoris, atque auctoritatis prouectus est, ut & corporis custodiam, & cubi- culi curam, præterea militum præfecturam solus obtine- ret. Ceterum diuitie ac luxus, etiā illum ad Imperij spem instigabant. Quocirca grandi coacta pecunia plurimum frumētī coēmīt. Id autem occlusum habebat, sperans sibi Romani populi, atq; exercitus uoluntates aduincturum, si prius rerum necessariarum penuria laborantes, magis re- pente largitionibus demereretur. Idem gymnasiū quoq; maximum exædificauerat, publicatis etiam balneis, ut eo modo populum inescaret. At Romani insensī iam pridē, ac totius causam pestilentie in eum conferentes, simul perosi hominem diuitijs inexplebilem, prius quidem con- fertim per theatra idētidem traducebant. Dein agente in suburbanis Cōmodo, repente uniuersi magnis clamoribus concurrerunt, Cleandrum ad necem deposcentes. Cum autem suburbanum omne tumultu compleretur, & Com- modus ipse in alto secessu uoluptatibus indulgeret, inscius quæ gererentur (nam id Cleander cauerat) repente extra omnium expectationem armati equites principis crupe- rant, Cleandri iussu proruentes obuiam quenque, ac uulnerantes. Neque scilicet populus excipere illorum impetum ualebat inermis armatorum, pedester equitum. Quare fuga facta in urbē reijciūtur ibiq; permulti, neq;

Cleander Phryx
seruus ad impe-
riū alpirat,

modo

modo quos ferro milites conficiebāt, neci dediti, sed quos etiā ipsi proculcauerūt equites, quiq; aut conferta turba, aut equitum incurſu cōſlictabantur. Igitur ad urbis portas ſine ullo impedimento perſecuti, magnam populi partem interfecerunt. Qui autem in urbe remaſerant, calamitate ſuorum intellecta, clauſis domibus cum in teſta, & culmina euafiſſent, lapidibus, tegulisq; equites deſuper inceſſebant. Itaque ſtatim conuerſa fortuna eſt, nullo in manibus decertare auſo, ſed omni multitudine deſuper quaſi ex tuto dimicante. Quocirca ſaucij magna pars, cum tollerare iam ulterius nequirent, terga fugæ mandarūt. Multi itaq; cadebant crebro telorum laſtu, multi equis excutiebantur, inter deuolutos lapides fallente ueſtigio lapſantibus. Sed & pedites qui in urbe ſtationes habebant, populo ſuppeticias aduerſus inuiſos ſibi equites raptim tulerunt. Itaque cum ciuile bellum eſſet, nemo tamen quæ gererentur nuntiare Commodo audebat, metu Cleandri potentie. Donec maxima natu ſoror Fadilla nomine, accurrens ad imperatorem, quippe facilis aditus ſorori, crinibus ſolutis proiecta humi, ac planè in lugubrem habitum deſormata. Tu quidem inquit, ò princeps, ocium agens, & omnium quæ gerantur ignarus, extremo in periculo uerſaris. Nos autem ſanguis tuus propmodum occidimus. Actum de populo Romano, Actum magna ex parte etiā de exercitu eſt, & quæ ne à Barbaris quidem nos paſſuros expectabamus, ea nobis domeſtici faciunt, & in quos maxima contuſti beneficia, eos primos inimicos habes. Cleander aduerſus te populum, & exercitum armauit, quorumq; alteris inuiſus eſt, alteris charus, utriq; tamen
in armis

Fadilla ſoror
Commodi.

in armis sunt, cædemq; inter se patrant, & civili sanguine
 Romam replent. Sed in nos uidelicet utriusque multitudi-
 nis recidet calamitas. Nisi tu quàmprimum neci dedideris
 sceleratissimum famulum, qui tantæ cladis illis iam fuit,
 nobis mox futurus est autor. Hæc loquens uestem scidit,
 multiq; item qui aderant, sumpta de uerbis mulicris au-
 dacia, Commodum territabant. Is expauescens cum iam
 non ut impendens, sed ut præsens periculum formidaret,
 acciri ad se Cleandrum properè iubet, nihil dum certi
 scientem, Sed tamen aliquid suspectantem Imperatori re-
 nuntiatum. Accedentemq; ad se imperat comprehendi, &
 caput eius amputatum, contoq; præfixum circumferri, uo-
 luptuosum scilicet atque optatum populo spectaculū præ- Cleandri cædes.
 biturus. Ita id malum sedatum, atque utrinque dimicatio
 dirempta. Siquidem milites cum occisum uiderent, pro quo
 decertabant, iram quoque Imperatoris formidabant, cui
 uerba data, nihilq; non factum contra illius sententiã com-
 pterant. Populus contra satisfactum sibi autoris suppli-
 cio putabat. Sed & liberi Cleandri (binos enim uirilis se-
 xus habebat) & quotquot illius amici fuerant, ad unum
 omnes contrucidati, tractaq; per urbem cadauera, & cõ-
 tumeliosissime habita, postremo in cloacas abiecta. Hæc
 finis Cleandri fatum fuit, quasi in uno illo uelut ambi-
 tiosius ostentaret natura (ut sic dixerim) humana posse
 ex infimo loco ad supremum fastigium euehi hominem,
 atque euectum dein rursus deturbari quamlibet exiguo,
 atque insperato fortunæ momento. Cæterum Commodus
 tametsi uerebatur, ne quid fortasse populus etiam contra
 se noui moliretur, tamen suadentibus amicis in urbem re-
 uersus

uersus est, ac letis acclamationibus, magnoq; comitatu exceptus, in aulam principalem se contulit. Enimvero ex illo tot aditis iam periculis, coepit nulli satis cōfidere, sed occidere hunc, atque illum, nulli nō calumnie fidem accōmodans. Ad hæc neminem cui uirtus ulla esset, amicū sibi adiungebat, sed à cunctis æque rectis studijs animū auocauerat. Quippe quē die nocteq; alia ex alijs effrenæ corporis uoluptates grauissimo seruitio præmebant, neminemq; non ab limine uelut insidiatorem submouebat, quēcūq; aut probitas, aut disciplina ulla etiam mediocris illustraret. Scurræ uero, et qui turpissima quæque representabant, quasi addictum sibi habebāt, aurigando etiā bestijsq; conficiendis supra modum exercebatur, ob quæ studia adulatores cum fortitudinis gloria celebrabant, quare illa minus decore tractabat, quàm modesto principi cōueniebat.

Prodigia. Extitere ea tempestate etiam quædam in cœlo prodigia, stellæ enim per diem perpetuo apparuerunt, quædamq; ex ijs in longum productæ, medio quasi aëre suspensæ uidebantur. Præterea animalia omne genus, minime suam naturam seruantia, cum figura corporis prodigiosa, tum membris haud quaquam congruentibus edebantur. Maximum autem nefas cum in præsens dolorem attulit, tum in futurum pessimo augurio uniuersos conterruit. Nam cum neq; imbres ulli, neq; nubes, tantumq; exiguus terræ motus antecessisset, seu nocturni casu fulminis, siue igni aliquo in ipso terrarum motu uelut extrito, totum de improviso Pacis templum consumptum incendio est, quod unum scilicet opus cunctorum tota urbe maximum fuit, atque pulcherrimum. Idem templorum omnium opulentissimum,

Templum pacis consumptum igne.

tiffimum, egregieq; munitum, multoq; ornatum auro, &
 argēto. Quippe uniuerſi ſerue ſuas illuc diuitias, quaſi in
 theſaurum congregabant, ideoq; per noctem debacchatus
 ignis multos ex opulentis egenos reddidit. Quapropter
 cōmuncm quidē iacturam publice omnes, ſua autem quiſq;
 priuatim, deplorabant. Sed ubi templum omne conſumptū
 ignibus eſt, plurima quoq; & pulcherrima urbis ædificia
 conflagrarunt. Inter quæ etiam Veſtæ templum, ſic ut
 Palladium quoq; conſpiceretur, quod imprimis colunt, Veſtæ templū
deſlagrauit,
Palladium.
 atque in arcano habent Romani, Troia (ut perhibent)
 aduectum, ac tum primum poſtquā in Italiam deuenit,
 conſpectum ab hominibus. Quippe raptum id Veſtales
 uirgines media ſacra uia in aulam Imperatoris tranſtule-
 runt. Multæ præterea pulcherrimæq; urbis partes com-
 buſtæ, plurimosq; dies peruagatum incendium, nō prius
 ſedatum eſt, quā repentinis imbris extingueretur.
 Itaque totam rem dijs imputabant eius ætatis mortales,
 quorum ſcilicet uoluntate & inchoaſſe incendium, &
 deſiſſe arbitrabantur: ac portendi bella, quæ ſunt deinceps
 inſecuta, conſumpto pacis templo interpretabantur.
 Quam deinceps ſānam rerum euentus cōprobauit. Enim-
 uero plurimis maximisq; incommoditatibus laborante ci-
 uitate, non iam uti antea multitudo beneuole Commodum
 aſpicere, ſed referre omnes eius calamitatis cauſam in
 illius iniuſtos actus, & reliqua uitæ crimina. Siquidem
 neque latebant populū ſcelera hominis, neque latere
 ipſe uolebat, ſed quæ domū non ſine infamia patrabātur;
 ea etiam in publicum oſtentare haud uerebatur, eoque
 uerborum petulantiaq; proceſſit, ut paternum primo
 cognomen

Commodi inso-
lentia, cognomen repudiaret, ac pro Cōmodo Marci filio Hera-
culem se Iouis filiū iusserit appellari, depositoq; principū
Romanorum cultu, leonis pellem substerneret, manuq; cla-
uam gestaret, simul purpureas sibi, atq; auro intextas ue-
stes circumdaret, non sine omnium irrisione: quippe eodē
schemate & foeminarū luxum & heroum uirtutem re-
præsentabat. Talem se uidelicet cottidie præstabat. Idemq;
mensium nomina demutauit, ac pro uetustis appellationi-
bus, nouas de suis cognominibus imposuit, quorū ad Hera-
culem pleraq; tanquam scilicet ad fortissimum refereban-
tur. Quin statuas quoq; sibi tota urbe poni iussit, inq; ijs
unam pro curia, quæ arcum contenderet, ut etiā imagines
ipsæ terrores, atque minas præ se ferrent: quam dein tamē
senatus post illius obitum substulit, proq; ea libertatis ima-
ginem reposuit. Commodus autem cum temperare iam sibi
ultra nō posset, publice spectacula edere professus, omneis
se sua manu feras occisurum pollicebatur, & cum fortissi-
mis quibusq; iuuenum singulari certamine depugnaturū.
Ea cum rumoribus celebrarentur, concurrebant ex Ita-
lia omni, ac finitimis gentibus uniuersi ad id spectaculum,
quod nec antea oculis usurpauerant, neque unquam san-
do audiuerant. Siquidem ita esse certa manus illius diceba-
tur, ut quodcunque destinaret, iaculo sagittæue continge-
ret. Erantq; cum illo assidue Parthorum lectissimi sagit-
tarij, ac Numidæ iaculatores, quos ille tamen omneis lon-
ge artificio superabat. Vbi autem spectaculi dies adfuit,
pleno Amphitheatro exædificatus Commodo peridromus
fuerat, per quem decurrere in orbem posset, ne commu-
nus cum bestijs pugnans periclitaretur, sed superne ac
de tuto

Cōmodus iacu-
landi peritissi-
mus,

de tuto loco tela iaciendo, iaculandi potius scientiā, quā fortitudinem ostentaret. Ceruos igitur & damas, Item cornigera alia præter tauros, currens pariter ipse, atque insequens impetebat, ac præuenta fuga certissimis ictibus prosternebat. Leones uero & pantheras, aliāq; id genus nobilissima animalia, currens in orbem superne iaculis confodiebat, sic ut nec telum quisquam secundum, nec uulnus uiderit nisi letiferum. Nam ut primum se fera concitauerat, statim illam uel in fronte, uel in corde sauciabat, nullo præterea usus scopo, neque ad aliam corporis partem telo destinato, sic ut pariter cum uulnere ipso conficcretur. Cæterum bestię conquirebātur undique, ac tum primum uidimus, quæ antea in picturis mirabamur. Quippe ex India, Aethiopiāq; itemq; à meridie, & à septentrionibus quicquid incognitum prioribus seculis fuerat, confecit ille pariter, atq; ostendit, nullo non obstupefacto, tam certa illa manu, tamq; nusquam telis oberrantibus. Idem aliquando sagittas lunatæ cuspidis in Maurusias struthos intorquebat, quæ & pedum celeritate, & alarum quasi uelis ocyssimè ferebantur, sic ut summum contingeret collum, atq; ita capita amputaret, ut ex sectis ceruicibus (qui teli impetus fuerat) aliquandiu tamen uiuentibus similem cursum continuarent. Quin & pantheram, quæ scilicet eductum quendam in harenam cursu acerrimo comprehendebat, sic ut iamian laniatura uideretur, ita opportuno uulnere consecutus est, ut interfecta belua hominem seruauerit, ac dentium quoque aciem cuspidè ipsa iaculi præueniret. Leones item cauea centum eductos, totidem missilibus uniuersos occidit, ita suo ordine iacentibus corporibus, ut

Commodus
gladiator.

numerari facillime singula præsenterent, nullo scilicet superuacuo incidente telo. Haslenus igitur quæ gerebantur, quâvis à principe aliena uiderentur, tamen quoniam fortitudinem, scientiamque præ se ferrent, popularem quandam gratiam emerebantur. Verum ubi iam nudus ingressus amphitheatrum est, sumptisque armis numeros gladiatorios implebat. Tum uero triste Romano populo spectaculum id uisum, nobilissimum Imperatorem post tam multos parentis sui, maiorumque triumphos, non quidem aduersus beluas arma capere militaria, uel Romanorum Imperio congruentia, sed amplissimam dignitatem turpissimo foedissimoque cultu contaminare. Facile autem dimicans suos comparares superabat, neque tamen ultra uulnera procedebat, dante unoquoque manus, atque Imperatorem potius quam gladiatorem agnoscente. Eoque uesaniæ prouectus est, ut deserere principalem aulam, atque in ludum gladiatorium migrare institueret, neque se amplius Herculem appellari patiebatur, adoptato nobilissimi gladiatoris nomine, qui iam uita excessisset, quin simulacro illi Colosso, quod Romanis uenerabile est, Solis effigiem gerens, capite dempto suum imposuit, atque in basi subscripsit, non quos consueffet Imperatorios paternosque titulos, sed pro Germanico mille gladiatorum uictorem. Ceterum ipsum quoque desinere aliquando ab sua uecordia, & ciuitatem tyrannide liberari oportebat, idque anno incunte quem diem Romani festum agunt, ad Ianum uetustissimum Italiae deum refrenantes, cuius etiam Saturnum ipsum ab Ioue filio pulsum fuisse hospitem prædicant, & quod ibi latuisset, nomen Latium inditum, Quocirca etiam nunc Romani Saturnalia prius, dein

Ianus uetustiss.
Italiae deus.

Latium unde
dictum.

dein uerò initium anni more suo concelebrant. Estq; eius dei biceps imago, ut à quo incipit, & in quem desinit annus. Cum igitur hunc diem festum ciuitas agigaret, in quo Romani inuicem se colunt salutantq; & nomismata alter alteri, cæteraq; omnifariam munera misitant, summiq; magistratus conspicuam sibi & solennem purpuram induit, uniuersis diem concelebrantibus: statuit Commodus, non quidem ex Imperatorijs (ut mos erat) ædibus, sed ex ipso gladiatorio ludo prodire in publicum, ac pro eleganti uessitu purpuraq; Imperatoria, procedere armatus, deducente gladiatorum agmine in conspectum Romani populi. Quod ubi consilium suum ad Martiam retulit, unam è suis concubinis, cui scilicet piarimū deferebat, ac propè uxoris eam loco habebat, sic ut præter ignem omnes honores uelut Augustæ tribuerentur: intellecto mulier tam absurdo turpiq; consilio, orare multis lachrymis, supplexq; ad genua accedere, ne aut Romanum Imperium pollui pateretur, aut ipse uitam suam perditis, ac deploratis hominibus tam periculose committeret. Sed cum nihil profecisset, lachrymans discessit. Ille præfectum exercitibus, Lætum nomine, & Electū cubiculi custodem ad se accitos, parare iubet in ludo ipso gladiatorio, quo se dormitum recipiat, ut illinc ad sacrificādum mane procederet, ac se armatum Romano populo ostentaret. Illi multis precibus persuadere tentabant, ne quid indignum principe conaretur. Quibus Commodus ira percitus, facessere ab se iussis, statim in cubiculum reuersus, ut quemadmodū consueuerat, meridiaretur, sumpto in manus libello, quales de philæra tenuissimi, atq; in utranq; partem replicabiles fiunt, con-

Martia Com
modi concubina.

Libellus occi-
dendorum.

Philocommo-
dus.

scribit in eo quoscunq; illa nocte interficere destinauerat. Ex quibus prima erat Martia, mox Loctus atq; Electus, post hos ingens eorum numerus, qui plurimū autoritatis in senatu obtinebant: siquidem senes uniuersos paternos amicos tollere è medio, ne censura illorum sua interpellarentur flagitia, bonaq; ipsa diuitum dilargiri partim militibus, partim gladiatoribus decreuerat, ut alteri se defenderent, alteri oblectarent. Eum igitur libellum ita conscriptum, supra lectulum deposuit, neminem ad se introiturū suspectans. Erat autem pusio quidam, infans ad huc, ex ea nota, qui uestitu cætero nudi, sed auro gemmisq; ornati, solent delicatissimo cuiq; Romanorum esse oblectamento. Is ita Commodo charus erat, ut cum illo sæpe etiam cubaret, ac Philocommodus appellaretur, ipso indicante nomine amorem principis. Hic itaq; puer forte ludibundus, occupato inter balnea & crapulas Commodo, cubiculum (ut cōsueuerat) ingressus, sumpto in manus libello, qui cū lusitaret: foras processit, ac sorte quadam in Martiam incidit: quæ cum puerū etiam ipsa diligeret, complexa prius, atq; deosculata, libellum manu aufert, uerita nequid ob infantiā inscius puer rerum fortasse grauiorū labefaceret. Agnita dein Commodi manu, ac legendi cupidine illecta, ubi funesta contineri, ac se primā peti intellexit, Latumq; & Electum subsequi, tantamq; deinceps reliquorū futurā cædem, hæc secum ingemiscens confusurrabat. Euge Commode, hæcine præmia beneuolentiæ, amorisq; sunt? Ita scilicet de te merui, cum tam multos annos cōtumelias, ebrietatemq; tuam pertuli. Sed nequaquam tibi hæc ita successerint, uiro temulento aduersus sobriam mulierem. His die-

ctis,

Elis, Electum ad se arceſſit, quem etiam ipſa aliquādo per
 ſe conuenire, utpote cubiculi cuſtodem ſolita, & cum eo
 quoq; ſtupri habuiſſe conſuetudinem credebatur, traditoq;
 in manus libello, uide inquit Electe cuiuſmodi ſumus hac
 nocte feſtum celebraturi. Is eo lecto expauſcatus (erat au-
 tem Aegypcius genere, audax homo, ac proptus, & ira-
 ſci facilis) ſtatim ſignatū libellum per hominem ſibi fidum
 Lato legendum mittit. Qui item exterritus, ad Martiam
 contendit, ſimulans de ijs ire ſe conſulatum, quæ ad con-
 cinnandum ex iuſſu principis ludum gladiatorium pertine-
 rent. Hoc igitur uſi prætextu, conſtituunt, aut faciendum
 ſibi quàm primum, aut patiendum aliquid, nullum moræ
 locum, nullum procrastinationi eſſe. Placitum autem eſt,
 rem ueneno agi, quod ſe facile daturam Martia recepit.
 Quippe ſolita primum illi miſcere, atque offerre poculū,
 ut ab amica porrectum ſuauius biberetur. Igitur redeunti
 ex balneis commixtum uino odoratiſſimo uenenum in caſ-
 lice obtulit. Ille diu lauando, uenandoq; collecta ſiti ueluti
 de more propinatum ſibi temere interbibit. Quare ſtatim
 capitis grauedine occupatus, atq; in ſoporem prolapſus,
 cum id ex labore accidiſſe opinaretur, quieti ſe tradidit.
 Electus autem, & Martia recedere omnes conſeſſim, &
 ſuan quæque domum reuerſi iubent, ne ſomni indigum
 Commodum expergeſcèrent. Id autem aliàs quoque ex
 ebrietate nimia facere conſueuerat: nam cum uel balneis,
 uel epulis operam daret, nullum ſcilicet habebat præſtitu-
 tum quieti tempus. Etenim aliæ ex alijs uoluptates, cæque
 inter ſe maxime diuerſæ, ſeruire ſibi hominem etiam inui-
 tum quocunq; tempore ſubigebant. Pauillum igitur cum
 c c 3 requieſſet

Commodum ue-
 uenū miſcetur.

requieſſet, ac iam ſe ad ſtomachum & aluum ueneni uis inſinuaffet, oborta uertigine, uomitus & quidem affatim conſecutus eſt, ſiue ipſo cibo quem largiter ante ſumpſiſſet, multaꝫ meri potione uirus expellente, Seu quoniam principibus mos eſt, antequam cibum capiant, medicamēto uti, quo uenena prohibeantur. Ceterum cum multum cuo-
 muiffet, ueriti illi ne ueneno quoque omni eiectio collige-
 ret ſeſe, atque unā omnes cædi imperaret, perſuaſerunt
 magna mercede Narcifſo cuidam audaci ſtrenuoꝫ adule-
 ſcenti, ut ipſum in cubiculo ſtrangularet. Hunc finem uitæ
 Commodus habuit, tredecim annos poſt parentis obitum
 imperio adminiſtrato, unus omnium ante ſe imperatorum
 nobiliſſimus, omniumꝫ eius ætatis hominum formoſiſſi-
 mus. Quod ſi dicendum de fortitudine quoque eſt, ne in
 hoc quidem cuiquam præſertim deſtinandis iſtibus, con-
 ceſſurus. Sed tamen totam uitæ rationē ſtudijs (ut dictum
 eſt) foediſſimis contaminauit.

Commodus
 ſtrangulatur.

LIBER SECVNDVS.



C CISO Commodo, quemadmodum
 ſuperiore uolumine deſcripſimus, cum
 calare factum interfectores, & aulicas
 excubias fallere uellent, uili quodam ſtra-
 gulo inuolutum, conſtrictumꝫ corpuſcu-
 lum, ac duobus exploratæ fidei ſamulis impoſitū, ædibus
 exportandum, uelut aliquid ſuperuacuum ex cubiculi ſu-
 pelleſtile curauerunt. Qui autem exportabant, per medios
 cuſcare cuſtodes, partim ebrios, dormitantesꝫ ac manu
 languida tenentes haſtilia, partim etiam ſocordes eorum,
 quæ

quæ ad se parum pertinere arbitrabantur. Ita corpus principis furum elatum, ac per noctem uiculo impositum, in Aristeum miserunt. Lætus autem, & Electus, Martiaq; quid agendum foret diu deliberato, tandem decernunt, ita de eius morte rumores serere, quasi repente in apoplexiâ incidisset, quod facile de illo creditum iri existimabant, quem constabat identidem solitum immoderatis epulis saginari. Sed ante omnia tamen uisum est, aliquem prouectû ætate, ac modestum hominem deligere ad imperium, per quem & ipsi incolumes forent, & omnes à seua immoderataq; tyrannide respirarent. Igitur diu consultato, neminem sic idoneum inuenerunt, ut Pertinacem. Erat autem Pertinax genere Italus, domi belliq; rebus gestis clarus, multisq; insignis trophæis, quæ aduersum Germanos atq; orientales Barbaros crexerat. Vnusq; erat reliquis è grauissimis illis, quos pater Commodus amicos reliquisset, cuique plurimum ex omnibus socijs ducibusq; contulerat. Tutus hæcenus, uel grauitatem ipsam uerito, uel ob paupertatem hominis dissimulante Commodus. Siquidem id quoque illius laudibus accedebat, quod cum plurima omnium administrasset, tamen erat omnium pauperrimus. Hunc igitur Pertinacem nocte intempesta sopitis omnibus, Lætus, atq; Electus cum paucis eiusdem factionis adcunt, & cum ianuam oclusam offendissent, ianitorem excitauerunt, qui ubi adaperuit, militesq; & Lætum præfectum adesse uidit, perterritus atq; expauesctus, Pertinaci renunciat. Is admitti ilico iubet, euentura mox inquiens, quæ sibi ad eam diem mala præsagiuerat. Tanta porrò fuit animi constantia, ut ne lecto quidem se mouerit, aut habitum

Pertinax.

oris demutauerit, sed ingressis Læto, atque Electo, quāuis ad se occidendum missos crederet, pleno audaciæ uultu, minimeq; pallenti, iam pridem inquit, hunc exitum uite singulis etiam noctibus sperabam, qui ex omnibus paternis amicis unus adhuc esset reliquus. Itaq; demirabar, quonā tam diu rem differret Commodus. Proinde quid statis, quin facitis imperata, meq; à tristi aliquando, ac perpetua formidine liberatis? Ad hæc Lætus, desine inquit, indigna te, & superiore uita tua fabulari, neq; nos mortem tuam, sed salutem, cum nostram, tum Romani Imperij petittum uenimus. Iacet enim tyrannus, debitasq; luit pœnas, ea passus à nobis, quæ in nos facere moliebatur. Quare huc adsumus Imperium tibi tradituri, quem unum ex omni senatu, uel temperantia uita, uel autoritate, uel ætate etiam, & grauitate morum scimus esse præstantissimum, charumq; populo, & uenerabilem, sperantes quod agimus & optabile illis, & nobis salubre futurū. Ad hæc Pertinax, desinite inquit, senem ludere hominem, atq; ita timiditatis arguere, ut prius decipere, dein occidere studeatis. Atqui inquit Electus, quando nobis parum credis, cape libellam hunc (nam manum certe agnoscis Commodi) tute lege, cognosces proculdubio quantum effugerimus periculi, neq; tentamentum aliquod in nostris uerbis, sed ueri fidem deprehendes. Quod ubi Pertinax fecit, iam profecto uiris antea quoq; sibi amicissimis credendum ratus, intellecta omni re, totam se illorum potestati permisit. Placuit igitur primo exercitum adiri, ac milium tentari animos, quos tamen Lætus in sententiam suam facile se adducturum pollicetur, quippe cuius aliqua, utpote præfecti, futura esset apud

apud illos autoritas. Quocirca omnes quotquot aderant, ad exercitum festinant, cum iam multum noctis processisset instante Calend. Ianuariarum die. Mittunt præterea fidos homines, qui passim rumorem disseminant, uita de- functum Commodum, Pertinacemq; iam imperaturum, contendere ad exercitum. Qui ubi rumor euagatus, repente populus uniuersus Lymphato similis ebacchari, et discurrere per uias, ac letabundi omnes renuntiare pro se quisque amicis, quibus aut dignitas, aut diuitiæ superabant, namq; illis potissimum discrimen impendebat à Cōmodo. Ibant igitur ad templa, et aras dijs gratulatum, alij alia uociferantes. Quidam iacere tyrannum, pars gladiatorem, nōnulli etiam multo his fœdiora. Quæq; hæc- nus metus represserat, ea nunc licentia, ac libertate obor- ta, impune iactabantur. Sed et pleraq; pars populi cursu concitato ad exercitum tendebant, ueritis omnibus ut sa- tis libenter imperatorem Pertinacem milites acciperent, quippe moderatum principem, non sanè nimis ex senten- tia futurum sperabant milibus: qui scilicet tyrannidi ser- uire, uinq; omnem, ac rapinas exercere consueuissent. Itaq; uelut ad obsequium impulsuri confluxere ad castra frequentes. Quo ubi peruentū, ingressi Lætus et Electus una cum Pertinace sunt, ibi conuocatis milibus ad hunc

Læti oratio ad
milites.

nibus mortis causa, sed aliæ alijs, cunctæq; tamen ad eundem tendentes uitæ finem. Verum pro illo adducimus uobis ipsi, ac Romanus populus uirum ætate grauem, uita moderatum, militaris disciplinæ peritissimum, cuius bellicam uirtutem uos quidem ueterani sepenumero experti, ceteri tot annos urbi præfectum non honore solum, sed etiam admiratione dignissimum iudicastis. Igitur fortuna non principem solum uobis dat, sed parentem quoq; optimū. Cuius principatus non uobis modo, qui eū præsentis tucmini, sed ijs etiam iucundissimus futurus est, qui ripas fluuiorum, ac Romani terminos imperij defensant, uidelicet res eius præclare gestas memoria retinentibus. Neq; uero iam Barbaros nobis præcio conciliabimus, sed eorum memores, quæ hoc duce perpepsi sunt, metu potius subigentur. Hæc dicente Læto, numime iam se cohibuit populus, quin cessante adhuc & dubitabūdo milite, Augustū illum declararet, patremq; appellaret, & faustis omnibus acclamationibus prosequeretur. Idem etiā milites fluctabant, quāquam non pari alacritate: sed circūfusa undiq; inermibus, festumq; agitātibus diem, populi turba facile illos acclamare, ac Pertinacē uocare Augustum coëgit. Mox iurati de more in illius nomen, factaq; re diuina, laureati omnes populus atq; exercitus prosequiebantur. Sed postquam in aulā imperatoriam per noctē (ut diximus) à milite populoq; deductus, magnis curarū motibus æstuabat. Et quāuis animo esse forti cōstantiq; uideretur, tamen illū uehementer præsentia territabāt, nō de salute sua magno perire sollicitū, quippe aliàs grauidora pericula cōtēpserat, sed repentinæ tyrannidis mutationem animo uersantem, nobilitatemq;

Pertinax saluatur Augustus.

nobilitatemq; nonnullorum senatorum reputantem, quos minime passuros arbitrabatur, post imperatorē genero-
sisimū recidisse principatum ad hominē priuatæ stirpis,
atq; obscuræ. Nā si uita ipsius planè temperās, ac fruga-
lis audiebat, maximamq; in bellicis negotijs gloriā fuerat
adeptus, attamen claritate generis impar habebatur. Igi-
tur postquam diluxit, in curiam se cōtulit, neq; ignem sibi
præferri, neq; ulla principatus insignia passus attolli, do-
nec senatus sententiā sciscitaretur. Sed eū omnes simul atq;
uiderūt, letis acclamationibus unanimiter exceperūt, An-
gustumq; & Imperatorē consalutarunt. At ille recusare
iussit, tanquam rem inuidiosam nomen Imperij, excusare
senectutē, ueniamq; orare, multos esse dicētes patricios
uiros, quibus magis imperium conueniret. Simul Glabrio
nem manu compræhensum protrahens, seditare Impera-
toria sella iubeat. Erat enim ille omnium patriciorū no-
bilissimus, ad Aeneam Veneris & Anchisæ filium seriem
generis referens, idemq; itemq; iterum consul, qui tamen
ita tum locutus est. Equidem egomet, quem tu omnium pu-
tas dignissimum, cedo tibi imperio, atq; unā mecū senatus
omnis summam tibi potestatem decernimus. Ibi uero ille
uim penè afferentibus, atq; impense rogantibus uniuersis,
uix tandem dubitabundus sellam imperatoriam cōscendit,
atq; orationem huiusmodi habuit.

Glabrio nota-
lissimus Roma-
nus.

Consensus hic uester, studiumq; eximium uni mihi plu-
rimum in tanta ista nobilitate deferendi, cum omni
adulationis suspitione uacet, argumētumq; beneuolentiæ,
fidemq; præferat, alium fortassis audaciorem, atq; alacrio-
rem redderet ad ea quæ iraderentur suscipienda, sperantē
facili

Pertinacis ora-
tio in senatu.

facili se gubernatione usurū, qui tantam in uobis beneuolentiam animaduverteret. Me autem cōtra, magna ista scilicet atq; egregia, sicut honoris sensu obstupesciunt, ita metu quodam, curaq; sollicitant. Siquidem arduum in primis est, magnis acceptis beneficijs, paria referre. Nam in beneficiorum uicissitudine, si magnam gratiam referat, qui paruum debuerit, non tam facilis remunerandi expenditur, quàm in ipso argumentum grati animi commedatur. Sed cum prior quispiam eximia in te quedam contulerit, tum si illum parum ample demerearis, nō tam deesse quod reponas, quàm ipse inops sensuum ac planè ingratisimus uideare. Cerno igitur iam animo, quàm mihi arduum sit propositum certamen, ne tanto à uobis accepto honore parum me fortasse dignum exhibeam. Quippe nō in sella ipsa fastigium dignitatis, sed in operibus situm, quæ illam minime dedecorent. Nam quantum præterita odimus, tantum de futuris bene speramus. Et ut tenax est iniuriarum memoria (quod enim offēdit, nunquam obliteratur) sic beneficia in ipso excidunt usu. Siquidem non tam delectat libertas, quàm seruitus offēdit. Neque habendam quisquā gratiam putat, quod rebus suis pro arbitrio utatur, quippe id sibi deberi iure autumat. Qui uero suis exiit bonis, nunquam sanè iniuriarum obliuiscitur. Neque quisquā lucro apponit, quod utilitatem in commune pariat. Quæ enim publice prosunt, parum cuique curæ sunt. Sin quæ propria cuiusque sunt, minus ex sententia ceciderint, tum nemo satis secum benigne agi putat. Ad hæc, quicumque enormibus tyrannorum, atque immensis largitionibus infuerunt, ij si frugalius paulo, aut continentius ex pecunia inopia

inopia agere instituas, non tam id moderatæ cuidam dispensationi, prudentiꝫ; attribuunt, quàm auaritian continuo tibi & sordes exprobrant. Neque autem cogitant neminem posse magna cuius dilargiri, qui se à ui atque à rapinis abstineat. Qui autem recte, ac pro cuiusque dignitate dispensat, non modo nihil cuiquam iniuste eripit, sed & ceteros frugi esse docet, & parcere parto. Hæc igitur cū animis uestris reputantes, adnitimini uos quoque mecum partes, communemq; hanc Imperij administrationem existimate. Quippe in Repub. optimatum, non autem sub tyrannide uicturi, cum ipsi optimā habere spem, tum reliquis etiam debetis polliceri. Hæc locutus Pertinax senatui animum addidit, notisq; exceptus & acclamationibus, habitusq; honorificentissimè, Iouis, aliorumq; decorum templis consalutatis, sacrificioq; de more facto, in aulam palatinam se contulit. Postea uero quàm fama uulgauit, quæ ille uel in senatu dixisset, uel ad populum scripsisset, leti omnes agitare, sperantes serium se & elementē principem, parentemq; adeo magis, quàm imperatorem habituros. Nam & militibus edixit, ne cui ex populo cōtumentiam facerent, ne uel quem uiatorem pulsarent, cunctaq; denique ad honesti cultum, modestiamq; referebat. Ipse cum aut ingrederetur, aut ius diceret, comem scilicet, ac mansuetam indolem ostendebat, & cum Marcum in primis referre uideretur, seniores quidem admonitu delectabat, reliquos autem à crudeli contumeliosaq; tyrannide ad modestam uitam, tranquillamq; uindicatos, facile ad se amandū impulerat. Quæ cum fama latius euagaretur nationes omnes, atq; exercitus subiectos Romanis, aut amicos

cos ad deferendos ei diuinos honores incitauit. Quin Barbari quoq; siqui aut frenos depulerāt, aut seditiones moliebantur metu uirtutis, quam præstitisse eū superioribus bellis meminissent, iustitiæq; fide, cum neminē ab illo scirent ultro offendi, sed gratiam cuiq; pro meritis referri, uimq; abesse & crudelitatem, sponte illi se dediderūt. Legationes præterea undiq; confluebant, gratulatū Romano populo, quod Pertinacis imperio gubernarentur. Sed quod plerisq; omnibus publice priuatimq; gratū fuit, modestū mansuetumq; principē populo Romano contigisse. Id uero urbanae cohortes Imperatorū custodiæ adhibita grauius molesteq; ferebāt. Siquidem à rapinis iniurijsq; ad temperatum uitæ cultum reuocata, ac mitem illā ciuilemq; gubernandi rationē in contumeliam suam, ac dedecus accipientes, ut ex qua licentiā sibi ademptam intelligerent, nullo iam pacto rectorē huiusmodi tolerandū statuebāt. Igitur principio cōtumaciores se gerere, minusq; dicto audiētes esse. Postremo nondū bimestri imperio expleto, cum quidē ille iam non dubium suæ probitatis specimen dedisset, uniuerfis in optimam spem erectis, inuidit repente mala sors, quæ omnia funditus euertit: sic ut egregij illi conatus uehementer omnibus profuturi, in medio quasi cursu prolaberētur. Nam primum quidem quicquid in Italia aut alibi gentium inculti soli, etiamq; sub regibus uacaret, id totum occupantibus & colentibus adiudicauit: decemq; annorum immunitatem, ac perpetuam libertatem agricolis concessit, Imperatorijs autem possessionibus nomē suum inscribi prohibuit, non esse illas dictitans imperantium proprias, sed cōmunes Romanorum, & publicas

eas, ueſtigalia quoq; omnia, quæ ad contrahendas pecunias
 tyranni excogitauerant in fluuiorum ripis, in urbium por-
 tibus, perq; uias & itinera, penitus remiſit, atq; in anti-
 quam libertatem reuocauit. Multaq; item ad idem exem-
 plum factior uidebatur. Nam & delatores urbe exege-
 rat, & ubiubi inuenirentur, puniri imperauerat: cauens ne
 cui de uanis criminibus periculum conſlaretur. Ergo in
 maxima tranquillitate ſeſe, beatiſſimoq; rerum ſtatu uiſtu-
 ros ſenatus, cæteriſq; arbitrabantur. Siquidem adeo ſe
 æquabilem parcemq; cæteris præſtabat, ut filium quoque
 iam aduſcentem in aulam palatinam nunquam adduxe-
 rit, ſed intra priuatos parietes continuerit. Sic ut in ludum
 quoq; literarium, atq; gymnaſia de more itaret, nihil pri-
 uatis aſſimilis, erudireturq; & omnia perinde, ut quuiſ
 è medio agitare, neq; ullam aut tyrannicam, aut omnino
 Imperatoriam pompam oſtentaret. Cum in hac morum,
 uitæq; moſteſtia ageret, ſoli ſcilicet prætoriani milites, Prætorianorum
inſolentia.
 præſentem rerum conditionem haud ſatis æquo animo ferē-
 tes, ueterem illam licentiam, uiolenter ſe gerendi, raptan-
 diq; omnia aſſectabant, Interq; uina, & epulas conſilia
 iniiciunt, Pertinacem è medio tollendi, grauem iſſis, atq;
 oneroſum, alterumq; eius loco imponēdi, rebus Romanis
 indulgentem, atq; intemperantem, nihilq; deniq; non licen-
 tiæ præbiturum. Igitur conſeſtim haud opinato cunctis
 ocium agitantibus turbidi, ac furētes, militari curſu meri-
 dic ipſo, protentis haſtis, nudis gladijs, frequentes ad Im-
 peratoris ædes feruntur. Re autem ſubita, inſperataq; per-
 territi cubicularij palatini, pauci plurimis, & inermes ar-
 matis minime aſſi reſiſtere, relicta ſua quiſq; ſtatione di-
 uerſi

uerſi alij aliò defugerunt. Pauci tamen ex amiſſimis nuntiato militum concuſſu perſuadere Pertinaci conabantur, uti fuga ſibi cōſuleret, populiq; auxilium imploraret. Ille autem tametſi utilia in præſens audiebat, tamē indecorum exiſtimās atque illiberare, minimeq; dignum imperatoria maiestate, atque anteacta uita, fugæ aut latebris ſalutē debere: occurrere periculo, ac procedere in medium decreuit, ſperans perſuaſurū quæ uellet, & ſurentes in præſens animos placaturū. Igitur cubiculo egreſſus, factuſq; irruētibus obuiam, quæſere cauſas inſtituit tam ſubiti motus, & à fœdiſſimo illo tumultu abſterrere, non attonitus periculo, ſed habitum oris grauem, moderatumq; retinens, paremque Imperatoriæ dignitati, ac nihil humile, nihil pauidum, aut obnoxium, nihil denique ſupplique dignum præ ſe ferens, ita ad eos uerba fecit. Me quidem o milites, inquit, ſi occiditis, neque ipſi rem magnam faciſtis, neq; mihi ſanè grauem, homini uidelicet huius ætatis & gloriæ. Siquidē humanæ uitæ finis certe eſt aliquis neceſſarius. Vos autē principis curæ, cuſtodieq; & propulſandis aliunde periculis adhibitos, cædem ipſos facere primos, neque ciuili tantū, ſed imperatorio quoq; ſanguine polluere dexteras, id uero uidete, ne uel in præſens flagitioum ſit uobis, uel in poſterum periculoſum. Neq; enim ego ulla uos iniuria affeci. Si enim Cōmodi doletis interitu, nihil pfecto nouū fuit mori, qui homo natus fuerat? Sin dolo necatū putatis, non meum ſanè id crimen, quippe quem ipſi ſcitis ab omni etiam ſuſpitione procul abeſſe. Quæ enim tunc acta ſunt uos primi cognita habuiſtis, ut etiā ſi quid obortū ſuſpicionis eſt, id utiq; alios attigerit. Cæterum ne illo quidem

extincto,

Pertinacis oratio ad milites.

extincto, quicquā uobis desieri patiemur, quod modesto,
 atq; ex dignitate uestra, non autem per uin & rapinas
 concupiueritis. Ita loquente eo, iam quidā ex his permo-
 tum iri uidebantur, neq; sanē pauci abire iam cœperant,
 ueriti sanctimoniā principis, ac senectutem, sed à cæteris
 facto impetu obtruncatur. Qui statim eo perpetrato scele- Pertinax ob-
 re, multitudinē declinantes, indignissime laturam id faci- truncatur.
 nus, occupant in castra abire, muroq; continent se, dispo-
 sitis pro turribus armatis, qui populum à moenibus arce-
 rent. Hunc finem Pertinax sortitus est uitæ, morumq; (ut
 supra diximus) laudādus. Sed ubi cædis illius fama per po-
 pulum dedita, tumultu scilicet, luctuq; omnia cōpleri, di-
 sciuerere uniuersi furentibus similes, neq; certi quid age-
 rent, querere ipsos autores, quos neq; inuenire tamē po-
 terant, neq; ulcisci. Præcipue uero Senatus indigne id fer-
 re communemq; eam calamitatem existimare, desiderans
 parentem optimum, ac principem indulgentissimum, rur-
 sumq; tyrannidem metuens, quam cordi esse militibus in-
 telligebat. Sed cū dies unus, itemq; alter abiisset, plebsq;
 uniuersa suo quisq; metu quietem ageret, & qui dignitas
 te, autoritateq; pollebant, in sua prædia quàm longissime
 poterant, ab urbe secessissent, ne quid in eligēdo successo-
 re grauius obijceretur: cognito milites, & quietū esse po-
 pulum, & existere neminē, qui principem interfectū uine-
 dicaret, ipsi quidem castris se continebant: constituto au-
 tem supra murum uocalissimo quoq; edicunt uenale Im-
 perium, traditurosq; se ei qui plurimum pecuniæ pollice-
 retur, tutoq; in aulā deducturos. Id auditum neminem ē
 senatu grauitate, atque autoritate præditum, neminemq;
 d d ē nobilitate,

è nobilitate, aut ex his denique permouit, quicunq; adhuc opulenti superabant tenues reliquæ Commodi Tyranni dis, neq; ausus quisquā, aut muro succedere, aut turpem, contumeliosumq; dominatum pecunia pacisci. Sed enim

Iulianus. Iuliano cuidam consulari uiro, qui grandem habere pecuniam credebatur, uespere supra cœnā nunciatur, inter uinum atq; epulas, militū edictum. Quippe homo alioqui parum uitæ continētis habebatur. Persuadēt igitur uxor atq; filia, & parasitorum turba, ut relicta mensa accelleret, & quid agatur intellegat, ac subinde inter cundū adhortatur, occupet proiectum imperium, superaturum largitione omnes, qui tantum diuitiarū possideat. Igitur ubi ad muros accessit, clamare occœpit, daturū quæ uellēt habere se magnas opes, plenos auri thesauros, atq; argenti.

Sulpitianus. Eodemq; tēpore Sulpitianus & ipse uir cōsularis, ac præfectus urbi, socerq; Pertinacis Imperiū licitabatur. Verū in eo milites suspectum habuerunt Pertinacis propinquitatem, subesse aliquid fraudis suspectantes, quo illius cædes iudicaretur. Ergo Iulianum scalis demissis supra muros attollunt, nō prius ausi referare portas, quā cōueniret de numero dandæ pecuniæ. Ille ingressus in castra, primum quidem honores Commodi, & statuas quas sustulerat Senatus, instauraturum pollicebatur, concessurumq; ipsis quam quondam sub illo licentiam obtinuissent, præter militibus singulis plus multo argenti daturum, quàm aut petere auderent, aut accepturos expectauerant: neque in dando moram futuram, nam domi eam pecuniam adseruari. Quibus adducti rebus milites, atque in tantā spem crecti, Iulianum declarant principem, simul ei Commodi cognomen

Iulianus princeps declaratur.

gnomen

gnomen imponunt. Tum signis sublati, impositisq; illius
 imaginibus, deducere hominem tendūt. Igitur de more sa-
 crificio in castris peracto, exijt maiore militum comitatu
 quā ceteri cōsueverant, siquidem per iam, contraq; po-
 puli uoluntatem, perq; turpitudinem, & dedecus, impe-
 rium emeratus, iure impetum multitudinis uerebatur.
 Sed induti armaturas milites, circumseptiq; undiq; teslu-
 dine facta, ut etiam si res posceret dimicarent, receptoq;
 in medium Imperatore suo, clypeis, hastisq; supra capita
 elatis, ut tutiores forent, si forte lapides ē tectis mitteren-
 tur, deducunt eum in aulam, neque auso resistere popu-
 lo, neque (ut mos est) faustis acclamationibus prosequen-
 te, sed diras procul imprecantibus uniuersis, grauitiq;
 exprobrantibus, quod ere sibi imperium parauisset. Tum
 primum uidelicet corrupti militū mores, foedaq; & insa-
 tiabilis pecuniae cupiditas, & contēptus imperatoriae ma-
 iestatis inoleuit. Nam cum neq; uindex existeret illius tam
 crudeliter interfecti principis, neq; promerciale factū im-
 perium foedeq; nundinatum quisquam prohibuisset: id ue-
 rò initium causaq; militibus fuit, ut etiam in posterū tur-
 pissimi, contumacissimiq; euaderent, sic ut auaritia indies
 ac principum contemptus, etiam usque ad sanguinē pro-
 ueberetur. Enimvero Iulianus imperium adeptus, delitijs
 continuo crapulaq; se dedere, circa rempublicam indili-
 gens, uitamq; mollissimam, luxuq; circumfluentem tradu-
 cere. Sed & spem militum sefellerat, neque implere fidem
 promissorum potuerat, siquidem nec opes domi quantis
 iactabat, & publicum aerariū sumptibus illis insanis iam-
 pridem, à Commodò exhaustum. Quare cum milites
 d d 2 habebat

Militum corrupti mores.

Niger ad imperium uocatur.

habebat infensos, tū à populo totius rei cōscio facile con-
temnebatur. Itaq; & prætereuntem maledictis insectaban-
tur, & turpes ambiguasq; uoluptates exprobrabant, sic
ut propalā etiam in circo, quo maxima uis hominū con-
fluit, Iulianum incesserent, ac uindictam Romani imperij,
præsulem q; summū principitatus Nigrū uocitarent, oran-
tes ut quamprimum adesset, ipsos q; à tantis contumelijs
assereret. Is Niger consulatū gesserat, ac tū Syriæ præ-
erat uniuersæ, qui honos ea tempestate multo maximus
erat. Quippe etiā Phœnicesq; omnisq; ad Eufratē regio
Nigri suberat imperio. Ipse ætatis erat iam ad senectutē
spectantis, multisq; & magnis in rebus uersatus famā ob-
tinuerat mansuetudinis, ac dexteritatis, sic ut etiam Parti-
nacis uitam putaretur æmulari. Quibus maxime rebus po-
puli fauorē adeptus uidebatur. Hūc igitur assidue frequen-
tis populi clamores implorabāt, ac præsentem Iulianum
conuictio lacerantes, illum etiam absentem uniuersi princi-
palibus acclamationibus, faustisq; uocibus prosequen-
tur. Quibus intellectis: Niger putās omnia sibi ex senten-
tia successura, quod et à militibus neglegebatur Iulianus,
ut qui fidem minime impleuerat, & contemnebatur à po-
pulo, ut parū dignus empto principatu, spem cœpit impe-
rij uindicandi. Ac primo quidē ex ducibus, tribunisq; ca-
terisq; militibus, qui plurimum haberēt autoritatis diuer-
sos alium alio tempore domū dimittebat, edoctos rerum
omnium, quæ sibi Roma afferebantur. Id hoc cōsilio faciebat,
ut quā latissime toto oriente rumores disseminaren-
tur. Ita enim sibi adiuncturum quā plurimos existi-
mabat, si non imperiū ex insidijs occupaturus, sed opem
uocari

vocantibus, atq; implorantibus allaturus uideretur. Proinde uniuerſi conſeſtim adeſſe, obſecrare pro ſe quiſque, obteſtariq; uti quanprimum rempublicā capeſſeret. Eſt autem Syrorū gens natura leuiſ, pronaq; ad res nouan- Syri leues,
das. Amabāt autem uehementer Nigrum, quod & impe-
rium apud illos humaniſſime geſſerat, & ludis multitudi-
nem ac celebritatibus detinuerat. Sunt autem Syri ſuapte
natura huiuſcemodi oblectamentorum cupidioreſ, è qui-
bus Antiocheni maximā, ſeliſſimāq; urbem inhabitant- Antiocheni.
tes, totum ſermē annum, uel in urbe ipſa, uel in ſuburbā-
nis ludos, & feſta concelebrant. Quocirca edendis aſi-
due ſpectaculis, ac remittendis exhilarandiſq; ocio ani-
mis, ita ſibi uulguſ adiunxerat, ut ab omnibus magnopere
coleretur. Quæ cū ita ſe habere intelligeret, iuſſis adeſſe
dicta die militibus, reliqua etiam conſtante multitudine,
ita pro ſuggeſtu ad idipſum extructo uerba fecit.

Quā mirē ingenium, quantāq; in rebus maioribus Nigri oratio.
aggrediendiſ noſtra cautio ſit, forſitan ipſi quoq;
iam pridem cognouiſtis. Neq; ego nūc apud uoſ proceſſiſ-
ſem uerba facturus, ſi uel priuato cōſilio, uel incerta ſpe,
aut ſpem ſuperante cupiditate adducerer. Sed me uocant
Romani, & aſidue clamātes fatigant, ut eis manū porri-
gam ſalutarem. Neq; patiar tam excellens, tamq; glorio-
ſum relictum à maioribus imperiū iacere abiectum turpi-
ter. Vt autem citra occaſionē aliquā, reſ aggredi tan-
tas, audax ſanē, temerariumq; ſit, ita ſi implorantibus, ac
rogantibus opem deneges, timiditatis, & proditiōis cri-
mine labores. Quapropter eo cōſilio ad uoſ huc prodij,
ut ſciſcitarer quid factio opus eſſe duceretis, uobiſq; utc-

rer' quasi totius negocij huius cōsultoribus, quod si ex sententia successerit, communis mihi inde uobiscum crit utilitas. Neque scilicet tenues opes, aut leues sunt, quæ nos sollicitant, sed ipse Romanus populus, cui rerum omnium potestatem superi tribuerūt, ipsum Romanum imperium fluctuans adhuc, neq; apud quenquam certa sede residēs. Sed neque parum tuta minus consilia, his implorantium animis, nullo ad prohibendū resistendumq; parato. Nam qui illinc ueniūt, ne ipsos quidem milites, unde imperium emptitauerit, satis ci fidos fore affirmant, quoniam promissa non soluerit. Quæ sit igitur uestra mens ostendite. Tala loquentē continuo exercitus omnis, cætrumq; uul-
 Niger Augustus Imperatorem, atq; Augustum consalutant. Tum amictum purpura, reliquoq; exornatum aulico paratu, ibidem ex tempore conquisito, præcedente etiā igni, in Antiochiæ primum templa, mox ad suas ædes deduxerunt, quas etiā cœu non iam priuatas omnibus extra insignibus imperatorijs adornauerūt. His lætus Niger, cum scilicet et Romanorum animos, et cæterorum studia hominum animaduerneret, iam haud dubie rem omnem sibi esse in uado arbitrabatur. Qui postquam rumor increbruit, statim quæcūq; aduersum Europæ continentē nationes incolunt, festinare pro se quæq; ut præsto illic essent. Legati undiq; Antiochiam confluere, uelut ad legitimū principem: Reges quoq; et satrapæ trās Euphratē, Tygrinq; habitantes gratulatū miserunt, suamq; operam in omnem euentum pollicebātur. Quos ille amplissimis affectos muneribus, gratijsq; actis, dimittebat, nullis sibi in præsens opus esse auxilijs affirmans, satis munitū imperium, idq;
 gesturum

Niger Augustus
 salutatur.

gesturum se incruentum. Quare tanta spe sublati animis
 supini iam neglegētiusq; agitabat, seq; populumq; An
 tiochenū. ocio delicijsq; oblectans, ludosq; edens et spe
 clacula. Neq; uero aut Roman, quod res maxime postula
 bat, proficisci studuit, aut Illyricos exercitus, qui scilicet
 in primis adeundi, conciliandiq; fuerant, ullis de rebus cer
 tiores fecit, sperans statim intellectare, cum Romanis
 eos pariter, cumq; orientis totius exercitibus consensu
 ros. Hæc dum agitar et leui incertaq; spe subnixus, fama
 iam per Pannonios, Illyricosq; increbruerat, perq; exer
 citus omnes, qui pro ripis Danubij, Rheniq; excubantes
 coercendis Barbaris Romanum tuetur imperium. Præ
 erat autem Pannonijs uniuersis (nam unius regebatur im
 perio) Seuerus quidam, genere Afer, uehemens homo ne
 gocijs gerendis, ac ferox, uir eq; insuetus diuæ, et aspe
 re, promptus excogitandis, acer exequendis rebus. Qui
 postquam, Romanum principatū pendere sublimem, qua
 siq; direptui expositum uidit, alterum quidem ut desidē,
 alterum ut parum efficacem contemptū habuit. Adde
 bant præterea spem somnia quedā, et oracula, cæteraq;
 futurorum præsagia, tum denique fidem ueri impetrant
 tia, cum sunt euentum sortita. Quorum pleraq; ipse in
 libris de uita sua cōscripsit, ac publice in tabulis picta de
 dicauit. Sed quod illi extremum maximiq; momenti so
 mnium, spem propemodum omnē conciliauit, id ne nobis
 quidem silentio prætercundū. Quo enim tempore nuncia
 tum est Pertinacem ad imperiū ascitum, peracto Seuerus
 sacrificio, iuratusq; fidem principi, ubi primū domū redijt
 somno comprehensus, uidet per quietē magnū quendam,

Seuerus Panno
 niæ præfectus.

Seueri somniū.

ac generosum equum ornatum phaleris imperialibus, qui Pertinacem ipsum per urbē ueheret media sacra uia: Sed ubi ad ipsum fori peruenit ingressum, in quem olim liber populus frequens cōueniebat, uisus est excussisse Pertinacem equus, atq; abicisse humi, proximēq; astanti Seucro tergum substernare, cumq; proferre sublimem tuto in forum medium, conspicuum uenerabundæ multitudini. Manet autem adhuc huius imago somnij eodem ipso in loco ingens ex ære conflata. Ad hunc igitur modū sublatis animus Seuerus, ac se diuina prouidentia sollicitari ad imperium ratus, decreuit animos periclitari militū, quare primum quidam præfectos, tribunosq; & primos militū sibi adiungens, cumq; ijs de Romano imperio sermones faciens, abiectum id esse distabat, existente nullo per quem fortiter atque ex dignitate gubernaretur. Inuchens præterea in prætorianas cohortes, quæ sacramentum militum re ciuili, Imperatorioq; sanguine polluiscent. Vindicandā esse aiebat, ac persequendam Pertinacis cædem, minime ignarus excubare adhuc memoriam Pertinacis apud Illyricos exercitus, quoniam sub imperatore Marco multa illius ductu, aduersus Germanos trophæa excitauerant, & cum præfectus Illyrico foret, nullum non exemplum uirtutis in prælio ostentauerat, beniuolentiam porro, ac probitatem, ad hæc ciuile moderatumq; imperium socijs præstiterat. Quocirca memoriam eius principis colētes, tantam in illum editam crudelitatem indignissime ferebant. Hanc igitur Seuerus occasionem arripiens, facile eos quo uellet, adducebat, simulans non se quidem imperium querere, aut summā potestatem affeclare, sed ire cultū sanguis-

nen tanti principis, Nam ut eius regionis homines corporibus utuntur præualidis, atq; proceris, et in pugnant cædēq; paratissimis, ita pingui sunt ingenio, quare haud facile sentiunt, si quid agas, dicas'ue astutē, ac subdolē. Quocirca cum fidem fecisset Seuerus, cædem se Pertinacis persequi uelle, ita sibi uniuersos conciliauit, ut imperator diceretur, summamq; ab eis acciperet potestatem. Sed ubi Pannoniorum animos explorauit, statim uicinarum quoq; gentiū præsides, quæcunq; Romano subiacent imperio, magnis illexit præmijs. Erat autem Seuerus unus omnium mortalium ad amorem simulandum maxime sceleratus, sic ut ne iusiurandum quidem fallere dubitaret, si ita usus posceret, longeq; aliud in lingua promptū, quam in animo reconditum gerebat. Igitur Illyrico omni, rectoribusq; prouinciarum per literas insinuat, collectisq; undecunque militibus, ac suscepto Pertinacis cognomine, quod non Illyricis modo, sed Romano etiam populo gratissimum fore suspicabatur, conuocatis omnibus in campum, ita pro suggestu locutus dicitur.

Seueri astutia.

Seueri contio.

Quantū uel fidei, uel religionis erga deos, per quos iurati estis, quantūq; honoris imperatoribus exhibeatis, quos adeo ueneramini, facile ostenditis milites: cum tantopere indignamini, cohortes urbanas, pōpe magis quam uirtutis administras, adeo sceleratum facinus perpetrasse. Ac mihi quidem in uotis est, nunc primum tantā spem auspicienti (nam profecto scitis, quā semper audientis dicto principibus suam (perducere ad exitum, atque explicare, quæ uobis cordi sunt. Neq; Romanum imperium abiectum pati, quod quidem apud maiores summa

d d 3

semper

semper autoritate gestum, uenerandum omnibus uidebatur. Postea uero ad Commodū recedit, & si ob illius adulescentiam sæpenumero impegit, attamen omne uitium, cum ipsius principis nobilitate, tū sanctissimi parētis memoria obumbrabatur. Neque tam errata illius odiū quam misericordiam emerebantur. Quippe nō tam ipsi quæ gerebantur, quam assentatoribus imputabamus, cæterisq; malarum artium consultoribus atque ministris, donec ad sanctissimum illum senem, cuius adhuc uirtutis & probitatis, nostris mentibus memoria residet, delatum fuit imperium. Quem tamen tantum abest, ut tolerare illi potuerint, ut cæde etiam nefaria talem uirum è medio sustulerint. Post hunc autem terræ, marisq; imperiū, nescio quis turpissime auctionatus, & populo quemadmodum auditis inuisus est, & milites ipsos, quibus imposuit, parum fidos habet. Qui tamen si etiam defensuri illum forent, attamen neque numero uniuersi, neque uirtute singuli conferendi sunt uobis. Ad hæc bellica uos negocia exercuerūt. Nam & cum Barbaris pedem conferre, & labores omnes perferre, & algores æstusq; despicere, & concreta gelu calcare flumina, & potare effossos latices non haustos, & uenatu inuigilare consueuistis. Omnia denique ad uirtutem adepti uiatica, sic ut nemini facile sit uestris obistere uiribus. Etenim labore miles probatur, non mollitudine, qua illi exsaturati, atque enutriti, ne uocem quidem uestram, nedum pugnam poterūt sustinere. Quod si cui Syriæ res formidabiles uidentur, is uel ex eo cogitet, quam imbecillæ sint, quamq; tenui spe nitatur, quod neq; adhuc progredi quoquā, neq; de urbe petenda deliberare ausi, sedesq;

sedesq; illas boni consulentes, delicias in diē quæsitæ, lucrum esse ambiguae potestatis arbitrantur. Est autem ad ioca et cauilla in primis factum Syrorum genus, tū qui Antiochiam colunt, ij studere Nigro potissimum creduntur. Nam gentes reliquæ et ciuitates, cum adhuc neminē imperio dignum aspiciant, quiq; sit rempub. fortiter moderatēq; gesturus, ei scilicet obedire se tandem simulant. Quod si ab Illyrico exercitu ducē creatum cognouerint sinulq; nostrū nomē inaudierint, nō obscurū sanē apud ipsos, neq; ignoratū. Quippe illic etiā cum imperio præsumus, neq; me profecto desidiæ, aut torporis arguerint, neq; uestrū exceptare impetū, aut bellicam uirtutem uolēt experiri, præsertim cū et corporū proceritatibus, et armorum exercitationibus, et conferenda manu longe uobis impares habeantur. Quare occupemus quamprimum Romā, larē ipsum imperij, reliqua dein facile expedituri, cum deorū oraculis, tum armorū corporumq; uestrorū uiribus confidentes. Hæc locutum Seuerū faustis acclamationibus milites exceperunt, Augustum Pertinacemq; ap-
pellantes, studiumq; in eum propensum, atque egregiam uoluntatem pollicebantur. At Seuerus nihil procrastinandum ratus, armari quā expeditissime iubet, iterq; ad urbem edicit, distributisq; iaritim cibarijs, omniq; uaticio, nihil sibi ad celeritatem facit reliqui, nullis interque-
scens locis, ac uix residere tantisper milites passus, donec à nimia itineris contentione respirarent. Ipse inter primos laborans, ualiq; tabernaculo utens, cibū potumq; eundem, quem etiam cæteri milites, capiebat. Nihil unquam imperatorie luxuriæ, nihil deliciarum ostentans,
sic ut

Seuerus Augustus salutatur.

sic ut acceptior indies militibus fieret. Nam cum laborū
 omniū, non modo particeps, sed princeps etiam, autorq;
 foret, adeo cunctis uenerabilis erat, ut nihil non pro illo
 cupidissime facturi uiderentur. Postea uero quā emensa
 Pannonia ipsos Italiae montes infedit, famanq; sui praeue-
 niens, prius corā conspectus est, quā aduentare audi-
 tum fuerat, magnus scilicet omnes Italiae ciuitates tanto
 conspecto exercitu metus inuasit. Quippe homines in Ita-
 lia pridem ab armis belloq; remotissimi, agros, pacemq;
 colebant. Etenim quādiu libera ciuitas egit, atque a se-
 natu belli duces eligebantur, fuere in armis semper Itale
 nationes, Græcisq; et Barbaris subactis, terræ sibi ma-
 risq; Imperium pepererunt. Neque ulla orbis terrarum
 pars, aut cœli tractus fuit, quo non uires suas Romano-
 rum arma protulerint. Postea uero quā Augustus re-
 rum potitus est, et laborem Italis ademit, et arma detra-
 xit. Milites tantum quosdam certis autoramentis habuit
 mercenarios, qui Romanum tuerentur Imperium, tum
 fluuiorum magnitudine, atq; fossarum, montibusq; asper-
 rinis, desertisq; locis, atque imperijs circumseptos im-
 perij limites communiuit. Quocirca merito omnes, post-
 quam aduentare Seuerum cum tanto milite audiuerunt,
 insueta re perterriti, cum neque stare contra, neque pro-
 hibere auderent, ibant obuiam laureati, portisq; cū pa-
 tentibus excipiebāt. Ille tandiu locis singulis immoratus,
 quandiu aut sacra faceret, aut populos alloqueretur, Ro-
 manæ uestigio pergebat, Quæ ubi Iuliano nuntiata sunt,
 actum de se prorsus existimauit. Nam et exercitus Illy-
 rici potentiā, multitudinemq; audiebat, et populo parū
 fidebat

Iuliani trepi-
 datio.

faciēbat, cui se cernebat inuisum: neq; satis magnam spem
 in militibus habebat, quos uidelicet sefellisset. Itaque col-
 lectas undique pecunias, partim suas, partim ab amicis
 acceptas, tum quascunque in templis, alijsq; locis publice
 inuenisset, diuidere militibus instituit, ut eo pacto illorum
 beniuolentiam redimeret. Sed ei tametsi multa magnaq;
 acceperant, nullam tamen habebant gratiam persolui
 debitum sibi, nō dari munus aliquod interpretantes. Cæ-
 terum suadentibus amicis Iuliano, ut exercitum educa-
 ret, atque alpium angustias occuparet (sunt autem Alpes Alpes
 altissimi montes, quales in his regionibus nulli, porrecti
 ad muri formam, circumdatiq; Italiæ, quasi ad reliquam
 regionis eius felicitatem hunc etiam quasi cumulum na-
 tura addiderit, aut munitionem haberet inexpugnabi-
 lem, pertingentem scilicet à septentrionali, ad id mare
 quod ad meridiem spectat) non ausus tamen ille urbe egre-
 di, supplicatum militibus mittebat, uti arma caperent,
 exercerentq; se, ac fossas ante urbem ducerent, omnemq;
 belli apparatus in ipsa demum urbe expediebat. Siqui-
 dem Elefantos quoq; quos ad pompam institutos ha-
 bebat, insuefacere conabatur sessorem pati: ratus Illyri-
 cos milites, equosq; eorum perterritum iri facie magnitu-
 dineq; belluarū, quales antea nullas aspexissent. Totaq;
 ciuitas armis fabricandis, bellicisq; instrumentis confi-
 ciendis erat intenta. Sed cunctantibus adhuc Iuliani militi-
 bus, ac se comparantibus ad bellum, nunciatur adesse iam
 Seuerus. Is multos è militibus suis sparsim dimiserat, qui
 clam Romam proficiscerentur. Quare alij alijs itineri-
 bus noctu ingressi urbem, protectis armis habitu Pagani-
 norum

Seuerus ubi
 imminet.

norum operiebantur. Iamq; intus hostis erat, supino adhuc Iuliano, & quod ageret ignaro. Quæ ubi populus intellexit, cunctis metu percussis, ac Seueri potentiam formidantibus, sentire iam se cum illo simulabat. Et Iulianum quidem, quod imbellis, Nigrum quod lentus, atque iners, uituperantes: Seuerum ipsum iam aduentantem, magnopere admirabantur. Enimvero Iulianus hæsitabundus, atq; inops consilij, cōuocato prius senatu, literas ad Seuerum mittit, quibus fœdus pacisceretur, eumq; in communio- nem acciperet imperij. Cæterum senatus, & si illa omnia decernebat, tumē ut eū pauitare desperata salute animaduertit totus iam ad Seuerum incubuerat. Biduo uerò post, triduo uē, audito Seuerum iam planē adesse, omnes contempto Iuliano, in curiam cōuenēre iussu consulum. Quippe ijs curæ Romana res est, quoties de imperio anbigitur. Qui postquā frequentes affuerūt, quod factū opus esset, inter se deliberabant, manente adhuc in aula Iuliano, ac fortunam suam miserante, suppliciterq; rogante, ut sibi ciurare imperium liceret, omnemq; eam potestatem Seuerō transcribere. Sed ubi intellexit senatus pauidum Iulianum, perterritos corporis custodes, ipsum penē ab omnibus destitutum: decreta illius nece, Seuerum imperatorem declarant. Tum legatos ad eum mittunt, partim qui magistratum obtinerent, partim qui maximam haberent in senatu auctoritatem, ut omnes illi honores Augustorum deferrent. Occidendi autem Iuliani datur uni ē tribunis negotium. Is imbellem, miserumq; senem, qui sibi ipse tantum infelicem exitum propria pecunia emisisset, desertum iam, destitutumq; ab omnibus, inter fœdissimas complorationes

nes irucidauit. Quæ ubi Seuerus audiuit, maiora iam mo-
liens animo, cōsiliū inijt capiendorum militū omnium,
quicumque Pertinacem interemissent: Datis itaq; clām ad
tribunos, centurionesq; literis hortatur, multa pollicens,
persuadeant militibus urbanis, ut sibi dicto audiētes sint.
Ipse edictū proponit, ut relictis inter castra armis, exeant
pacatorum habitu quales procedere in pompā, aut ludos
celebrare consueuissent, iurentq; in Seueri nomē, ac spem
sibi optinam proponentes præsto sint, ut nouum impera-
torem comitentur. His creditis, milites suasu quoq; tribu-
norum relictis armis, pomparum habitu laureati proces-
serunt. Sed ubi ad exercitum Seueri peruenerunt, nuntia-
to iam adesse, iubet in campū conuenire frequentes, quasi
salutaturus, ac perbenignē accepturus uniuersos. Ennue-
ro cū ad tribunal principis accessissent unanimiter accla-
mantes, dato repente signo compræhenduntur. Ita enim
præceperat Seuerus, ut cum stare pendentes eos ab ore
principis uidissent, circumirēt uniuersos milites sui more
hostium, neminemq; uulnerantes aut pulsantes, tantū or-
be facto clausos in medio continerent, pila duntaxat inten-
dentes, & hastas, ut scilicet metu uulnerū nudi resistere
armatis, pauciq; plurimis minime auderent. Quos ubi ue-
lut indagine armorum conclusos captiuosq; habuit, ma-
gna uoce, ac turbido spiritu, ita ad eos uerba fecit.

Superari uos à nobis, uel sapientia, uel uiribus, uel
etiam numero, re ipsa uidetis. Capti estis quàm facili-
me, ac nullo firmè negotio tenemini. Quid futurū de uo-
bis sit, in mea manu est. Iam scilicet uictimæ hic statis ob-
noxie nostro imperio, si secleri uestro debitum queratis
supplicium,

Seueri oratio ad
milites prætoria
nos.

supplicium, nunquam sanè inuenietis, sanctissimum illum senem, imperatoremq; optimum seruandum, tuendumq; uobis, ipsi occidistis: Romanum imperium perpetua clarum gloria, quod maiores nostri, aut uirtutis, aut nobilitatis nomine suscipiebant, hoc uos turpiter, foedeq; uelut aliquid ex priuatorum instrumento, quasi sectores uendi distis. Ac ne eum quidem ipsum, quem sic ad imperium produxeratis, seruare saltem, ac defensare ausi, homines timidissimi prodidistis. Ob hæc igitur crimina, ac facinora uestra, mille uobis debetur mortes, si quis par noxæ supplicium studeat petere. Proinde quid uos æquum pati sit, sanè uidetis. Ego tamen sanguine abstinebo, neq; uestras imitabor manus. Sed quoniam ius fasq; negat stipari à uobis iam principem, uiolato iureiurando, ac manibus ciuili et imperatorio sanguine pollutis, proditaq; fide custodiaq; animas quidem, et corpora uobis nostra largietur humanitas. Porro militibus meis ita præcipio, recingant uos, ac uestimentis exutos militariibus, nudosq; dimittant. Vobis autem sic impero, discedatis quàm longissime, edico item, iuroq; ac denūcio capite poenas daturum, si quis uestrum posthac intra centesimum ab urbe lapidem conspicietur. His imperatis, è uestigio milites Illyrici concurrunt, breuesq; illos gladiolos detrahunt, quos auro argentoq; ornatos, in usum pompæ suspensos habebāt, tū 200 nis, uestituq; et cæteris militiæ insignibus per uim ablati, nudos ad unum, exauctoratosq; dimiserunt. Enimuero illi proditos se uidentes, atq; astu captos, patientiam scilicet præstabant. Nam quid agerent nudi aduersus armatos, pauci aduersus plurimos? Discessere igitur complorantes

Prætoriani ex-
autorantur.

rantes sese, concessamq; salutem loco muneris interpre-
 tantes, pertæsi tamen, ac dolentes, quod inermes egressi, ca-
 piendos se turpiter, ignominiosq; obtulerant. Vfus item
 alio consilio Seuerus est. Quippe metuens, ne recineli, ex-
 autoratiq; deploratis rebus, rursus castra repeterent, re-
 sumerentq; arma, præmissos alijs itineribus ac semitis ele-
 ctissimos quosque, & exploratissimos suorum militem,
 iubet clanculum uacua castra irrumpere, armisq; ipsorum
 occupatis excludere redeunt. Hanc igitur poenam Perti-
 nacus interfectores dederunt. Posthac Seuerum cum reli-
 quo exercitu instructo armis, Romam petijt, attonitis,
 metuentibusq; pariter primo conspectu Romanis, auda-
 ciamq; uiri, ac fortunam repetentibus animo. Quem qui-
 dem senatus, populusq; uniuersus laureati exceperunt, pri-
 mum scilicet ex omnibus hominibus, atq; imperatoribus,
 citra sanguinem, atque adeo citra puluerem tanti effectus
 operis, Omnia porro mirabilia in illo præcipueq; in-
 genij acumen, laborum tolerãtia, rebusq; maximis aggre-
 diendis, bonam sibi spem proponens audacia. Postea uero
 quam cum populus faustis acclamationibus suscepit, &
 senatus uniuersus ad portas urbis consalutauit, inito Iouis
 templo, factaq; re diuina, reliquisq; item sacris ædibus de-
 more consalutatis, nouissime ad domum imperatoriam se-
 recepit. Postridie uero curiam inijt, ibiq; placidus oratio-
 nem habuit plenam optimæ spei, simul omnes publicè pri-
 uatimq; benigne complexus, uenisse in urbem aiebat, ut oc-
 cissam Pertinacem ulcisceretur, daturumq; operam, ut sta-
 tus optimatium fundamenta se principe iacerentur. Nullum
 nisi iudicio damnatum capite bonis uel multatum iri, non
 e e passu

Seuerus Romam
 ingreditur.

passurum delatores, æmulum se Marci futurum gerendo imperio, neque solum Pertinacis cognomen, sed mentem quoq; habiturum. In hanc sententiam uerba faciens, fauorem sibi, fidemq; conciliabat. Quidam tamen è maioribus natu, qui consuetum ipsius haberent ingenium, iam tum clanculum reliquis prædicebant, uersipellcm hunc esse hominem, nihil non astu, & arte tractantem, simulatorẽ, dissimulatoremq; idoncum nihil pensi habentẽ, dum id efficeret, quod usui sibi aut emolumento crederet fore, quod seniorum iudiciũ haud ita multo post euentus comprobauit. Igitur Seuerus paucos in urbe dies moratus, dato plebi uberrimo congiario, donatisq; abunde militibus, & ex ijs robustissimo quoque in locum exaut oratorum delecto ad imperij custodiam, statim in orientem profectionem parat, cunctante Nigro adhuc, & supino, atq; Antiochenis delitijs uacante, ratus properandum sibi, ut inexpectatus imparatum opprimeret. Edicto igitur militibus, ut ad iter se accingerent, contractisq; undique copijs, ac delectu iuniorum tota Italia habito, simul reliquijs Illyrici exercitus, quæ in Thracia remanserant occurrere iussis, neque secius ingenti classe coacta, completisq; armato milite totius Italiae triremibus, ingentis sibi omnis generis copias incredibili celeritate comparauit. Siquidem haud exiguis uiribus esse opus intelligebat, aduersus nationes partem orbis Europæ oppositam incolentes, quæ scilicet uno ordine omnes Nigri sequebantur auspicia. Ad hunc igitur modum bellum Seuerus instruebat. Caterum prouidus homo, ac sobrius, nonnulla suspitione tenebatur de Britannicis exercitibus, maximis uidelicet pugnacissimisq; quibus præ-

Seuerus expeditionem aduersus Nigrum parat.

erat

erat uniuersis Albinus, senatorij patricijq; generis uir, Albinus.
 summis opibus ac delicijs innutritus. Hunc sibi igitur Se-
 uerus astu ratus adiungendum, ne scilicet diuitijs, genere,
 exercitijs, fama; nominis, magnis ad concupiscendum
 imperium facibus instinctus, summam sibi rerum posce-
 ret, Romanq; haud procul à Britannia distantem, se bellis
 orientalibus implicito occuparet: statuit cum specie qua-
 dam honoris inescare, leuem alioqui & simplicem, tunc
 uerò etiam iuranti per literas credentem. Quare cum Cæ-
 sarem appellans, spem, cupiditatemq; hominis anticipat,
 potestate participanda. Mittit item plenas humanitatis
 literas, obsecrans, ut ipse potissimum curam suscipiat im-
 perij, opus esse uiro aliquo nobili, & ætatis integre, qua-
 lis ille foret, se iam senem, morboq; articulari affectum,
 natos adhuc infantes. Quibus creditis Albinus honorem
 libenter suscepit, latus citra pugnam aut discrimen ullum
 compotem se uoti factum. Cæterum Scuerus quo omnia cre-
 dibilia forent, ijsdem illis ad senatum relatis, nummisq;
 imagine eius percuti iussis, statuisq; erectis, simul alijs col-
 latis honoribus, fidem gratiæ suæ fecit. Quæ postquam sa-
 pienter ab illo prouisa sunt, nullo iam ex Britannia inpen-
 dente metu, collatis in unum circa se Illyricis exercitijs,
 reliquisq; rebus ex usu comparatis, copias aduersus Ni-
 grum educere iussit. Igitur quibus locis itinere illo re-
 moratus sit, quæ apud quamq; ciuitatem uerba fecerit, quæ
 signa diuinitus apparuerint, regiones item peragra-
 tas, conflictasq; & utrinq; cæsorum numerum, cum ple-
 rique historiæ autores, tum maxime poëtæ uersibus suis
 uberrime sunt executi, materiam totius operis, ipsam
 ce 2 denique

denique Seueri uitam diligentes. Mihi autem propositum est septuaginta annorum res, quas habeam cognitissimas sub diuersis principibus gestas, in unum corpus comprehensas, literarum mandare monumentis. Quocirca excellentissima, et præcipua quæq; rerum à Seuero gestarum, deinceps persequemur. Neque ad gratiam uerò quippiam affingentes, quod fecisse uidemus, qui illa ætate scripturarunt, neque tacitum prætereuntes, si quid modo mentione dignum, memoriaq; uidebitur.

LIBER TERTIVS.



SUPERIORE libro Pertinacis interitum, eademq; Iuliani, simul professionem Seueri ad urbem, susceptamq; mox aduersus Nigrum expeditionē edocuiimus. Enimuero Niger ubi Romanā à Seuero occupatam, ipsum à senatu appellatū imperatorem nihil tale expectans audiuit, præterea omnem Illyricum exercitum contra se, pedestres, naualesq; copias educi, perturbato uehementer animo, monet prouinciarum præsides, aditus omneis, portusq; custodiant, mittitq; rogatum auxilia ad Parthorum, Armeniorum, atq; Atrenorum reges. Cui quidem Armenius, neutras se parteis suscepturū respondit, tantum res suas defensurū Seueri aduentu, Parthus autem satrapis imperaturū per epistolas, uti copias congregarent. Ita enim facere consuevit bellum comparaturus. Siquidem mercenarios milites, atque ordinarios exercitus Parthi nullos habent. Ex Atrenis autem sagittarij auxiliares uenerunt missu regis Barsemij, qui tum in eis
regia

regionibus imperitabat. Reliquas omniscias copias è militibus qui aderant, potissimum conflavit, plurimis etiam è populo, maximeq; Antiochenis, cum ætatis leuitate, tum ipsius Nigri studio impulsis, audacius quàm prudentius nomina dantibus. Sed & Tauri montis angustias, ac præ- Taurus mons,
rupta loca muro ualido Niger, munimentisq; obstruebat: ratus montem illum imperuium, magnum orienti propugnaculum futurum. Siquidem Taurus inter Cappadociam, Ciliciamq; dorsum erigens, nationes discriminat, orienti, ac septentrionibus subiectas. Idem Byzantium præ- Byzantium,
sidio occupauit, urbem Thraciæ maximam felicissimamq; uiribusq; & opibus ea tempestate florentem. Quippe in angustissimo Propontidos constituta freto, uectigalia, piscatumq; à mari accipit, simul agros possidens amplissimos, uberrimosq; utroque uelut elemento lucrum facit. Visum igitur Nigro talem hanc urbem præsidij occupare, ut classes, nauigiaq; per eas angustias transgredi ex Europa in Asiam prohiberentur. Erat enim munita urbs ualido, ingentiq; muro, qui Milesio quadrato lapide constructus, adeo tenui iunctura fuit, ut nemini compositum opus, sed ex uno tantum perpetuoq; lapide uideretur, ac nunc quoque ruinas ipsas, reliquiasq; cum uideris, mireris utique uel eorum artificium, qui primi extraxerunt, uel horum uires, qui deinceps sunt demoliti. Ad hunc igitur modum Niger suas res comprobat prouidentissimo scilicet (ut ipse putabat) tutissimoq; consilio. Cæterum Seuerus quantum maxime poterat, cum suis copiis festinare, nullum desidiæ, quietiq; locum relinquere. Cognito autem præsidij teneri Byzantium, quod sciebat munitissi-

Aemilianus
dux Asiæ.

Vincitur Aemil.

nam esse urbem, ad Cyzicum se conuertit. Hoc intellexit, dux Asiæ Aemilianus, cui summam Niger totius belli, maximūq; imperium tradiderat, & ipse Cyzicum proficiscitur, & copias adducit uniuersas, quasunque aut Niger miserat, aut ipse contraxerat. Sed ubi uentum ad manus, aliquot acerrime editis prælijs, uictoria tandem penes Seuerum stetit, fuso, fugatoq; Nigri exercitu. Itaque confestim fracti orientalium animi, Illyricianis autem spes ingens addita. Neque defuere qui crederent Nigri res initio statim proditas ab Aemiliano, cuius consilij duplicem afferunt causam. Alij Nigro inuidisse ferentem scilicet haud æquo animo, si quem paulo ante in Syria successorem habuisset, eundem superiorem mox, atq; adeo Imperatorem, dominumq; esset habiturus. Alij persuasum à liberis patri per epistolas, uitam, salutemq; suam commendantibus, quos Romæ inuentos Seuerus in custodia habebat, siquidem hoc quoque usus est prouidentissimo consilio. Mos fuerat Commodο retinere apud se liberos eorum, qui ad regendas prouincias cum imperio proficiscerentur, quasi obsides quosdam beneuolentiæ illorum, fideiq;. Igitur Seuerus cum primum est imperator appellatus, superstite adhuc Iuliano, misit furtim qui suos liberos ex urbe subducerent, ne in alterius essent potestate. Cæterum ipse cum primum Roman ingressus est, comprehensos omnes ducum liberos, cæterorumq; item quicumq; munus pub. in oriente, Asiaq; tota obirent, atque in custodiam datos secum retinebat, quo per ea quasi pignora Nigri ducibus persuaderetur, uti illum desiderio salutaris liberorū proderent, aut certe si in fide permanisissent, liberum

liberum sibi relinquerent eade filiorum, quos uellet ulcisci. Victi autem ad Cyzicum Nigri milites, quam quisque maxime poterat, aufugerunt, partim præter Armeniæ montana, quidam per Asiam Galatiamq; superare tantum festinantes, ut scilicet intra munimenta se reciperent. At uero Seueri exercitus Cyzicenum per agrum, in Bithyniam finitimam regionem contendebat. Sed ut Seuerum uicisse fama diuulgauit, repens confestim in eis locis seditio, discordiaq; urbes inuasit. Non tam quidem ipsorum Imperatorum odio aliquo, aut studio, quam æmulatione quadam, et contentione, inuidiaq; inter eiusdem gentis homines funestissima. Antiquum id uitium Græcorum qui dum seditiones agitant, atque eminentissimum quenque tollere è medio conantur, totam iam consumpsere Græciam. Cæterum illi quidem inueterati iam, attritiq; inter se captiui prius Macedonum, dein mancipia quoque Romanorum facti sunt. Ea uero labes æmulationis, atque inuidiæ, florentibus etiamnum ætatis nostræ ciuitatibus incubuit. Igitur in Bithynia statim post res ad Cyzicum gestas. Nicomedenses ad Seuerum defecerunt, missis legationibus, quæ se exercitum accepturos, omniaq; tradituros pollicerentur. Nicenses contra illorum instigati odio, Nigri partibus studebant, eiusq; suscipiebant milites, siue qui se ex fuga receperant, siue qui ad tuendam Bithyniam mitterentur. Quocirca ex utriusq; urbibus quasi è castris egressi milites iterum concurrerunt, magnoq; commisso prælio, longe superior Seuerus fuit. Inde etiam fuga facta. Nigri milites, qui prælio superfuerant, ad Tauri montis angustias euaserant,

Græcorum
uitium.

Nicomediæ
deditio.

Nicæa.

Bithynia.
Galatia.
Cappadocia.

Laodicea.
Tyros.

Mauri auidi
cædis.

clausasq; munitiones tuebatur. At Niger relicto ibi quantum satis fore praesidij putabat, profectus Antiochiam est, ut exercitus, pecuniamq; contraheret. Interca Seueri exercitus Bithyniam Galatiamq; egressus, cum se mox in Cappadociam quoq; incitasset, oppugnare munitionem incœpit, ibi multis est laboribus cōsuctatus. Quippe arcta, asperaq; uia, lapidesq; supernè iacentibus ac fortissime dimicantibus, qui summis institerant mœnibus, eoq; facile paucis arcentibus plurimos. Etenim angustissima utiq; uia est, cuius pars altera monte altissimo defenditur, altera per immane præceps defluente montibus aqua redundat, tum ualida munitione Niger obstruxerat, ut scilicet undiq; hostis aditu prohiberetur. Dum hæc in Cappadocia geruntur, interim seditiones inter se quoq; agitabant, pari emulatione, odioq; Laodicea quidem in Syria Antiochenorū odio. Tyros autem in Phœnicia Berythijs infensa. Quæ nunciata Nigri fuga, sublati illius honoribus, Seucro prospere acclamarunt. At Niger audita re, cum quidem Antiochiæ ageret, iure scilicet homo alioqui benigni mansuetiq; ingenij, defectione illorum contumeliâq; irritatus, immittit utrisq; urbibus Mauros iaculatores, quoscunque secum habuerat, simul partem sagittariorum iussos occidere obuium quenque, diripere urbes ipsas, atq; incendere. Sed enim Mauri (ut est genus hominum suapte natura cædis auidissimum, nihilq; non facile audens, ac desperatis simile contemptu uidelicet mortis, ac periculorum) Laodicens de improviso oppressis, populum ipsum omni genere crudelitatis, urbemq; uastarunt. Inde Tyrum pergentes, direptis omnium bonis, ac patrata ingenti cæde,

totum

totum incenderunt. Quæ dum in Syria gerebantur, contrahente copias Nigro, interea Seueriani milites, munitio nem Tauri montis oppugnabant, tristes utique, ac citra spem uictoriæ, quippe ualida, inexpugnabiliq; per se, monte quoq; ipso, præcipitioq; defendebatur. Igitur iam de-
 fatigatis, alta aduersariorum securitate, ecce tibi noctu maximi repente ruere imbres, oppleri omnia niuib; ut sunt difficiles in Cappadocia hycines, maximeq; ad Taurum montem. Quocirca subitus impetu magno erumpit torrens, cursuq; impedito (quod munitio exitum prohibebat) maior iam uiolentiorq; factus, quando artem superante natura tantum impetum sustinere munitio non poterat, laxatis paulatim coagmentis, ac fundamentis loco emotis, iter sibi torrens patefecit. Quo animaduerso qui in præsidio erant metu ne ab hoste circumuenerentur, nullo mox futuro propugnaculo, simul unda resedisset, prodita custodia, cuncti fuga dilabuntur. Igitur lati Seueriani, confirmatiq; animos, uelut dijs ipsis immortalibus manducentibus, cognito custodes aufugisse, facile scilicet nullis prohibentibus Taurum supergressi, in Ciliciâ mox Ciliciâ,
 impetum fecerunt. His nuntiatis Niger, cum quidem ingentem exercitum, sed pugnae laborumq; inscium collegisset, magnis itineribus accelerabat, quamplurimis cum mortalibus, omniq; ferme Antiochenorum iuuentute sequentibus ducem, multa scilicet animorum alacritate, cæterum uirtute, ac peritia belli nulla ex parte cum Illyrico milite conferendis. Ita concurrerunt ad Issicum, quam appellauit sinum, longe lateq; spaciosissima in planicie, quæ perpetuis subiecta collibus, in theatri speciem litus
 ce 5 habet

Darius.
Alexander.

habet à mari longissime excurrrens , quasi quoddam belli stadium fabricata natura: quin eodem quoq; loco Darium ab Alexandro ferunt maximo, extremoq; illo prælio profligatum captumq; septentrionalibus etiã tum uiris, orientis nationes superantibus. Manet adhuc trophæum, & tantæ uictoriæ testimoniũ urbs in colle Alexandria, simul æneum ipsius simulacrum, unde loco impositum nomen. Euenit autem, ut Seueri ac Nigri exercituum nõ cõgressus modo in eum locum, sed fortuna etiam fortunæ similis fuerit. Vtrinq; enim sub uesteram parati ad pugnam constitierant, curis dein pauoribusq; totam noctem extraxerant insomnem, statimq; cum solis ortu ducibus utrinq; adhortantibus, incredibili alacritate utrinq; se incitarunt, tanquam de omni spe reliqua nouissimo illo congressu dimicaturi, disceptante illic super Romano Imperatore fortuna. Sed ubi diu pugnatũ accerrime, tantaq; edita utrinq; strages, ut flumina per eam planiciem decurrentia, maiore aliquanto ui sanguinis, quàm aquarum in mare se uoluerent, fusi tandem profligatiq; orientales, imminetibus à tergo Illyricianis, partim in mare saucij protrudebantur, partim in colles summos fugitantes à persequentibus obtruncabantur. Cumq; ijs unã uulgus ingēs hominum, qui ex urbibus uicinis, agrisq; confluxerant, superne, quasiq; ex tuto loco prælium spectaturi. At Niger ualido euectus equo, paucis comitantibus Antiochiã peruenit, ubi fugiente passim multitudine, magnoq; ubique fletu clamoribusq; natos, fratresq; lugentium, deploratis & ipse rebus suis fugam capit, occultantiq; dein se in suburbano quodam, & ab equitibus reperto, caput amputatũ. Hunc

Nigri fuga.

habet

habuit exitum uitæ Niger, dato cunctationis tarditatisq; Nigri mors, supplicio: homo alioqui (ut perhibent) publice, priuatimq; minime improbus. Sed occiso Nigro, Seuerus omnes statim illius amicos supplicio affecit, siue qui sponte, siue qui necessitate coacti rebus illius studuissent, militibus tantum qui effugerant, ac trans fluuium Tygrim, metu Seueri ad Barbaros abierāt, impunitate proposita receptis. Quippe Barbari militarem disciplinam a Ro. militibus edocti, magna uis hominum in ea loca concesserat, quo effectum est, ut ualidiores deinceps Barbari aduersus Romanos cōferenda manu euaserint, gnari antea pugnare, tantū arcu ex equis, neq; armatura muniti, neq; hasta, gladio uē satis audaces, leui, pēdulaq; ueste plurimumq; inter fugiendum auersi sagittas intende bāt. Postea uerō quā Romani aliquot milites, fabriq; nōnulli in eas regiones cōfugerunt, ibi atq; aēcturi, non solum armis uti, sed ea quoq; fabricari Barbari didicerunt. Rebus autē orientis ex sententia gestis, atq; ut res poscere uidebatur ordinatis, cupido iam Seuerum habebat, regem quoq; Atrenorum bello tentandi, ac Parthorum regionem occupandi, quos utrosq; in societate Niger asciuerat. Quibus tandē rebus in aliud tēpus reiectis, cogitare institit, quo pacto sibi Romanū imperium, liberisq; suis bona fide adiudicaret. Nā sublato Nigro reliquus erat Albinus, quē sibi parū ex sententia, parumq; usui fore arbitrabatur. Vulgato rumore, iam nimis illum impotenter nimisq; moleste nomē Cæsaris usurpare, præterea multos esse ē prioribus senatus, qui ad eum clam darent literas, hortantes ad reditum, absente adhuc occupatoq; Seuero. Quippe nobilitas omnis Albinum malebat imperatorem, ortum illustri genere, ac bonæ indolis iuuenem.

Barbari militarem disciplinam a Ro. militibus edocti.

Albinus Seueri suspectus.

Infideliæ Albino
a Seucro para-
ta.

iuuenem. Quibus rebus cognitis Seuerus, minime utique apertis inimicitijs ac manifesto bello agendum putans, nulla existente causa, quæ saltem specie honesta uideri posset, decreuit eum dolo, insidijsq; tentare. Quare tabellarios aliquot ex ijs, qui literas imperatorias perferunt, fidissimos sibi homines, cum literis mandatisq; ad eum mittit, præmonitos uti redditis publice epistolis quædam habere se dicerent, quæ apud illum remotis arbitris loquerentur. Quare ut primum seorsum à custodibus nacti eum forent, facto impetu obtruncarent. Quin uenena quoque dedit, quibus eum si possent, per aliquem ab epulis, aut à cyatho aggredierentur. Erat autem illius amicis suspecta Seueri fides. Itaque cauendum identidem admonebant hominem perfidiosum, plenum fraudis, et insidiarum. Nam uulgo etiam parum constanti fide habebatur, impulsis (ut dictum est) per ipsorum filios Nigri ducebatur, ad res illius prodendas, dein postquam eorum opera abusus est, suaq; omnia ex sententia composuerat, ipsis liberisq; enecatis. Igitur infidum, subdolumq; ingenium, res ipsæ declarabant, obq; id maiore se custodia Albinus circummunerat. Neq; enim temere quisquā à Seucro missus ad illum introducebatur, nisi prius deposito militari gladio, sinuq; excusso. Postquam igitur à Seucro tabellarij ad eum peruenerunt, redditisq; publice literis, habere se dixerūt quædā secretius renuntianda, indulgēs suspitionibus Albinus cōpræhendi illico iubet. Dein explorata re, insidijsq; ordine intellectis, ubi noxios supplicio affecit, iam ipse se, ut aduersus manifestissimū hostē comparabat. Quibus cognitis Seuerus homo iracundo ingenio, non

Detestæ infideliæ.

iam

iam celandas sibi inimicitias putauit, sed omni conuocato exercitu, huiusmodi habuit orationem.

NEque leuitatis me quisquam ob antea facta insimulet, neq; infidum aut ingratum putet aduersus eum quem pro amico habuerim. Omnia nos quidem prestitimus, etiam in partem principatus, et quidem stabilissimi recepto. Quod ne geminis quidem fratribus facile quisquam indulserit, quod enim uos mihi uni detulistis, id ego cum illo communicauit. Tantis autem beneficijs nostris pessimam uidelicet gratiam retulit Albinus, contempta uirtute nostra, suaeque inmemor fidei, ardensque inexhausta cupiditate id uniuersum periculose praeripiendi, cuius particeps esse citra bellum, ac dimicationem ullam potuisset. Neque deos reueretur, per quos toties iuratus, neque uestris parcat laboribus, quos tanta cum gloria, uirtuteque pro nobis pertulistis. Quippe successuum uestrorum nec ipse fructu carebat, imo aut si fide seruasset, maior illi portio contigisset. Ut autem si ipse autor malorum sis, iniustus uideare: ita si non ulciscare, acceptas iniurias, ignauus. Nam cum bellum aduersus Nigrum gessimus, non ita sane speciosas inimiciarum causas habebamus: non enim quasi raptorem occupati a nobis principatus oderamus, sed positum eum in medio, atque adhuc in disceptatione uersantem, pari uterque ambitu ad se trahebat. Verum Albinus despecto foedere, ac iureiurando, cum sit nostro munere adeptus quae tantum legitimis liberis tribuuntur, hostis esse mauult nobis, quam familiaris. Ut igitur pridem beneficio affectum, honore gloriaque cohonestauimus, ita nunc perfidiosum, atque imbellem ipsius animum coarguamus armis. Neque enim sustinere ille exercitus poterit

Seueri oratio
ad exercitum.

terit exiguus, atq; insularis, uires nostras. Nam cum uos propemodum soli alacritate quadā, & uirtute uestra, tam multis praelijs peruiceritis, totumq; nobis orientē subegeritis, quis dubitet, quin nunc quoq; tantarū accessione uirū (quippe hic totus penē Romanus exercitus) facile profligaturi paucos sitis, ne sub uiro quidē sobrio, nedum sub forti duce militantes? Quis enim luxuriam illius ignorat, uitamq; hominis subulcorum potius gregibus, quam militum legionibus congruentē? Proinde eamus audaciter in illū, qua solemus alacritate animi, atq; uirtute, dijs freti auctoribus, ab eodē impie peieratis, simul memores excitatorum saepe à uobis trophaorum, quæ scilicet ab ipso despecta sunt. Hæc locuto Seuero, confestim exercitus uniuersus Albinum hostem declarat, exceptoq; faustis acclamationibus ipso, nihil nō alacritatis, & studij clamoribus ostēdētes, magis magisq; hominem spe addita succenderūt. Qui amplissimo donatiuo milites prosecutus, statim uniuersos cōtra Albinū educit, missis itē pariter qui Byzantiū expugnaret, clausam adhuc receptis Nigri ducibus. Quæ dein de urbs fame capta, totaq; planē diruta, simul theatro, thermisq; omniq; cultu, atq; honore detractō, & in uici formā redacta, Perinthisq; adiudicata est, quēadmodū Antiochia quoq; Laodicens. Tū pecuniæ magnā uim curauit ad reficiēdas, instaurādasq; urbes, quas Nigriani milites deuastauerāt. Ipse iter faciebat sine intermissione, neq; festos dies, neq; labores ullos magnopere curās, algoris atq; aestus iuxta patiēs: saepe etiam per altissimos montes hyeme sæua, niuibz coelo ingruētibus ibat aperto capite, ut milites ad alacritatē, patiētiamq; laborū re ipsa cohortaretur.

Byzantium capitur ac diruitur.

taretur. Quocirca non metu quòdam, ac lege, sed æmulatione magis, atq; exēplo principis ad perferēda omnia incitabatur. Misit etiā qui angustias occuparet Alpiū, atq; aditus Italiæ obsiderent. Enimvero postquā nuntiatum Albino est, nihil cunctari Seuerum, sed adesse iam, supinus Albini metus, hæcenus ac delitias agitans, magno tum metu perculsus, statim è Britannia transmittens, in aduerso Galliæ littore castra collocauit, literisq; ad uicinarum gentium præfides missis, pecunias cōmeatumq; exercitibus iuuandis conrogabat. Qui igitur dicto audiētes fuerūt, pessime illud in se consuluerunt, nullo nō supplicio dein post bellum affecti.

Qui uero imperium detractauerunt, cū quidem felicius, quā prudentius id egissent, euasere incolumes, euentu, ac fortuna rerū utraq; consilia discernētibus. Sed ubi iam in Galliam Seueri copię peruenerunt, lues quēdā primo pugne, quasiq; uelutares fuerunt, donec postremo apud Lugdunum magnam urbem, atq; opulentam, prælium in manibus fuit. Nam cū se moenibus tenuisset Albinus, exercitus emisit in pugnam. Vt uero ad manus uentū, diu quidem utrinq; decertatum est æquis uiribus, sic ut ambigua uictoriæ fortuna penderet, neque enim Britanni uel animi magnitudine, uel auaritate cedis, Illyricis concesserint. Ita consuetu primo ualentissimorum exercituum neutram in partem acies inclinabat. Atque ut nōnulli prodiderūt eius ætatis autores, qui non ad gratiam, sed ad fidem loquuntur, longe potior fuit Albini acies. Qua in parte Seuerus curabat, sic ut fugerit quoq;, & ab equo deciderit, abiectioq; paludamento delituerit. Sed insequentibus iam uictulātibusq; Britannis, ceu planè uictoribus, apparuisse ex templo

Lugdunū. Forte Londinū legendum, ut exsequentibus patebit.

Lætus Seueri templo Lætum Seueri ducem, cum recenti adhuc exercitu, dux.

Quippe male audiit, quasi euentum pugnae expectauerit, cunctatus de industria retento milite, ut sibi met imperium vindicaret. Siquidem non prius in pugnam protulit pedem, quam ubi Seuerus cecidisse nuntiatus. Quam suspicionem etiam deinde euentus approbavit. Quippe rebus omnibus ex sententia mox compositis, atque in maxima securitate agitans Seuerus, cum quidem ceteros belli duces magnis affecisset praemijs, Lætum ipsum tamen (ut par fuit) memor prodicionis, morte mulctauit. Sed ista quidem post fuere. Tunc autem conspecto (ut diximus) Læto, spes addita Seuerianis est, ac sublatus in equum Seuerus, et paludamento purpureo circumdatus. At Albiniani iam se victores rati, confusis ordinibus, incitante se in eos de improviso, ualida rescentique hostium manu, cum paulum primo restitissent,

Albini exercitus terga demum uerterunt. Fusos igitur, fugatosque eos persecuti Seueriani, magna edita strage, ad urbem ipsam perueniunt. Occisorum utrinque, aut captiuorum numerus, uarie prout uisum eius aetatis scriptoribus, proditur. Dire

Londinum dirpta mox, incensaque Londinum, et Albino caput abscisum perlatumque ad Seuerum est. Ita duo maxima excitatione trophea ad orientem, ac septentriones, sic ut nihil sit quod

Albini cedes.

cum Seueri contentionibus, aut uictorijs conferas, siue copiarum multitudinem, siue nationum motus, siue numerum pugnantium, siue itinerum longitudinem, celeritatemque consideres. Nam Caesaris quidem res aduersus Pompeium, Romano utrinque milite, magnae profecto fuerunt, item Augusti aduersus Antonium, aut Pompeij liberos, et quae antea à Sylla, Marioque ciuilibus externisque praelijs gesta sunt. Sed qui

unus utr treis Imperatores rerum iam potitos sustulerit,
 qui urbanos exercitus, Romā ipsam, ac palatiū obtinētes,
 astu circūuenerit, quīq; unum ē principibus in ipsa palati-
 na aula curauerit, occidendū, alterumq; iterum in oriente
 rursus gubernacula rerum tenentem, appellatumq; à Ro-
 manis imperatorem, tertium porrò Caesaris honore, atq;
 autoritate præditum, in potestatem redegerit, haud facile
 alter inuenietur. Hunc finē utæ habuit Albinus, breui sanè
 letatus funesto honore. Cæterum Seuerus omnem statim
 iram atq; atrocitatē animi suā, in illius necessarios Romæ
 effudit, ac primo quidem præmissō in urbem capite Albini
 abscisso, iussōq; publice patibulo præfigi, in ima epistola,
 qua de sua uictoria populū edocebat, hoc quoq; ascripsit:
 ideo se caput illud publice in patibulo spectandum misisse,
 uti exemplum caperent, quid item ipsis patiendum foret.
 Rebus igitur Britāniæ ordinatis, cum totius insulæ admini-
 strationē bisariam dispertisset, itemq; omni Gallia (quem-
 admodum quidem uidebatur) composita ex sententia, sup-
 plicioq; de Albini amicis sumpto, siue quos ei sua quemq;
 uolūtas, siue necessitas adiunxerat, continuo Romā profi-
 ciscitur, exercitū secum omnem adducens, quo terribilior
 uideretur. Confectoq; magna uelocitate itinere, quē admo-
 dum consueuerat, infestus adhuc superstitiis Albini ami-
 cis, Romā intrat, occurrente laureato populo, ac magno
 honore, faustisq; acclamationibus excipiente, senatūq; uni-
 uerso consalutante. Tamen si plerosq; metus consternane-
 rat, quod sibi haudquaquā parsurū rebatur inimicem su-
 apte natura, et sanguinariū, neq; sanè magna causa indi-
 gentem ad inferendas iniurias, cæterum tunc probabiles

Seuerus Ro-
 mam intrat.

ff odij

Corrupta militaris disciplina.

odij rationes habiturū. Postea uero quā in templū Iouis ingressus est, omniaq; sacrificia de more peregit, reuersus in palatiū, magnoq; congiario populū Romanū uictoriæ nomine prosecutus, ac nūmos militibus largitus est, simul alia permulta indulxit, quæ nunquam antea acceperant. Nam & frumēti summā primus adauxit, & aureis anulis uti, & domi habere mulierē permisit. Quæ omnia procul à militari disciplina succinctos cos, paratosq; ad bellū minime præstitura uidebantur. Primusq; ipse duritiā, atq; asperitatem uictus, tolerantiamq; laborum, disciplinamq; omnē, ac ducum reuerentiā subuertit, inhiare pecunijs, & mundicias colere militibus insuefactis. His ergo optime pro suo iudicio cōstitutis, curiā deinde ingressus sedensq; Imperatoria sella, accusare insit truculēta oratione Albini amicos, prolatis etiam quorundam archanis epistolis, quas apud illum sepositas depræhendisset, quibusdam autem exprobrās, quòd eū splendidioribus muneribus affectissent, alijs quòd amici orientalibus, alijs quòd Albino fuerūt notiores. Eoq; pacto eximū quēq; ē senatu, tum ut quisq; in prouincijs genere, aut opibus excelleret, omnes sine discrimine supplicio afficiebat, ulciscens (ut quidem præ se ferebat) inimicos, sed reuera subigente auaritia, qua supra omnes Imperatores laborauit. Nam ut animi patientia, atque in laboribus perseuerantia, simul rei militaris gloria, nemini etiam laudatissimo cōcesserit, ita quæstui supra quā dici posset, addictus iniustis cædibus, atq; adeo cuiusmodi ex causa pecuniā colligebat, imperiū metu quā beneuolentia retinens. Quāquā popularis esse in primis uolebat, edendis omnifariā magnificentissimis spectaculis, centenis

centenis etiam sepenumero occisis belluis, quas omnibus regionibus nostris, Barbarisq; conquirebat. Sed & con-
 giaria dedit uberrima, & certamen proposuit, undiq; ac-
 citis lusionibus, atq; athleticis. Vidimus item sub illo quosdā
 omnis generis ludos, cunctis editos theatris, simulq; suppli-
 cationes, & peruigilia ad formā Cereris initiorum, secu- Ludi seculares,
 lares hi tunc appellabantur, celebratos (ut aiunt) decurso
 trium spatio atatum, siquidem urbe tota, atque Italia præ-
 cones itabant conuocatu omnes ad ludos, quos nec uidis-
 sent hactenus, nec usuri postmodo forent. Ita scilicet in-
 teruallum præteritæ, futuræq; celebritatis, supra omnem
 esse hominū atatem significātes. Igitur aliquandiu Romæ
 moratus, participato filijs Imperio, cum se civili tantum
 uictoria, contraq; Romanos exercitus habita, clarum ha-
 stenus intelligeret, ex qua etiam triumphum recusauerat:
 decreuit item Barbarorum inclarescere trophæis. Quo- Seuerus denuo
in orientē prohi-
ciscitur,
 circa prætextu uindicandī Barsemij Atrenorum regis, qui
 Nigri partes fouerat, exercitū in orientem eduxit, iamq;
 in Armeniam facturus impetum, præuentus à rege Arme-
 niorum est, mittente obsides ultro, & munera, ac suppli-
 citer petente, ut sibi cum illo inire amicitiam, foedusq;
 ferire liceret, Quare Seuerus procedentibus ex senten-
 tia rebus, in Armeniam perrexit ad Atrenos. Sed & rex
 Osrhoenorum Augarus ad eundem transfugit, traditisq;
 obsidio liberis fidem suam autorauit, sagittariorumq;
 uon magnam misit auxilio. Cæterum Seuerus regionem
 interamnānam, agrumq; Albenorum transgressus, etiam
 in Arabiam felicem excucurrit. Illic enim herbe proueniūt
 odoratæ, quæ nos aromata, suffimenta q; habemus. Ibi

Atræ urbs ob-
fessa a Seuero.

expugnatis uicis, urbibusq; permultis, omnemq; agrum depopulatus, in Atrenorū regionem mox ingressus, Atræ circumfedit urbem scilicet altissimo impositam monti, ac maxonis ualidissimisq; obseptam mœnibus, florentemq; ingenti sagittariorum copia. Igitur hanc urbem Seuerianus exercitus, quanta maxima ui poterat, oppugnabat, machinæq; omnifariam mœnibus admovebantur, nullo oppugnationis genere prætermisso. Contra autem Atreni audacter urbem defensare, sagittasq; ac lapides supernè iacientes, pessime accipere Seuerianos, etiamq; uasa fictilia uo'ucris quibusdam, uenenatisq; bestiolis oppleta deuoluerunt, quæ cum aut oculis inuolitant, aut in apertas corporis partes sensim obreperent, grauitè singulos consanciebant, incideratq; in morbos Romanus miles, æstum illū cœli nimio sole præfruidi, parum ferens, sic ut longè plures ob hos casus, quàm hostili manu interierint. Proinde saugatis iam, & contusis omnibus, procedente secus obsidione, ac plus iacturæ, quàm lucri Romano faciente decreuit exercitum Seuerus priusquàm uniuersus perierat, deportare ex eis locis, tristè uidelicet infecto negotio. Quippe assuetus uincere prælijs omnibus, uictum se tunc putabat, quia non uicerat. Sed cum propera fors, & sautrix statim consolatur, neq; enim planè rebus infectis redijt, sed maiore quàm sperat successu. Nam impositus nauibus permultus exercitus uniuersus, nequaquam, scilicet quo intenderat, Romanæ appulsus ripæ, sed undarum impetu, Parthorum ad agrum prouectus, haud procul Ctesiphonte, qua in urbe sedes regis est. Is tunc pacem agitans, ac nihil ad se pertinere Seueri pugnas autumans, quas gereret

Ctesiphō urbs,
parthiæ caput,
depopulata.

cum

cum Atrenis, otiosus uidelicet nihil expectabat mali. Cæterum Scueri exercitus, cum ad eas ripas ui fluminis inuectus, moxq; in terram esset expositus, omnē illico depopulari agrum cœpit, abactisq; ut in queq; inciderant, pecoribus ad uescendū, uicisq; aliquot incensis, paulatim usq; ad Ctesiphontē perrexerunt, qua in ciuitate magnus rex Artabanus commorabatur. Igitur imparatos nacli Barbaros, cæsis primo quicūq; restitissent, direptaq; mox urbe, pueris, scœminisq; in captiuitatē abductis tantum ipso rege cū paucis equitibus elapso thesauris illius ornatuq; omni, & supellectile potili, uictores regrediuntur. Ita Scuerus fortuna magis quā consilio, Parthicā uictoriā adeptus est. Igitur prospere succedentibus rebus literas ad senatū populūq; Romanū de se magnificas dedit, ac depictas in tabulis pugnas, uictoriasq; suas exposuit, nihil non honorum decernente senatu, & super his cognomina imponente deuictarū gentium. Ipse interea rebus ad orientē sic gestis, Romā reuertebatur, filios iam puberes secum adducens. Confectoq; itinere, ac prouincijs, ut cuiq; uisus foret, ordinatis, Mysorumq; & Pannoniorū recognitis exercitibus, urbem dein triumphans inuectus est, multis acclamationibus, omniq; cœrimonia populo excipiente. Cui quidem ipse festos dies, sacrificiaq; & spectacula, ac celebritates indulxit, magnoq; dato congiario, & ludos pro uictoria celebrauit. Romæ deinde haud paucos moratus annos, ius dicebat frequenter ciuilibus negotijs, & liberis erudiēdis intentus. At illi iam tum adulescentes delitijs, uictuq; urbano, nimioq; spectaculorum aurigationisq; & saltationis studio, bonā indolem corruperant. Interq; se fratres

Artabanus partiorum rex.

Filiorū Scueri discordia.

disſidebant, puerili primum certamine, edendis coturnicū
 pugnis, gallinaceorumq; conflictibus, ac puerorum colla-
 ctationibus exorta discordia. Nam ſeu quid in ſcena audirent,
 ſiue item ſpectarent, ſemper utiq; diuerſis accedebāt,
 nuſquam eiſdem ſtudente utroq; , ſed quod alteri charum
 foret, id alteri ſtatim odioſum, cōmittentibus etiā utrinq;
 ipſos adulatoribus, atq; miniſtris, nihilq; non ad gratiam
 ſuggerentibus, ut ad ſe quiſq; pro uirili diuerſos retrahere-
 rent. His cognitis Seuerus reducere in gratiā, atq; emen-
 dare conabatur. Tum Baſſiano, qui tunc honores Impera-
 torios adeptus, Seuerus Antoninus, accepto Marci cogno-
 mine, uocabatur, ac maior natu erat, uxorem dedit filiam
 Plautiani, præfecti cohortibus urbanis. Hic (ut perhibent)
 Plautianus ab initio ætatis tenui fortuna fuit, ſeditionisq;
 & aliorum criminum reus, ac mulſtatus exilio, ſed erat
 Seueri municeps, Aſer natione, atque (ut quidam putant)
 etiam conſanguinitate propinquus: ut uerò alij affirmant,
 flore magis ætatis per ſtuprū conciliatus. Hunc autem Se-
 uerus ex parua humiliq; fortuna, ad opes maximas proue-
 xerat, ac damnatorū bonis adiudicatis, longe ſupra cete-
 ros collocupletauerat, tantum non imperio quoq; partici-
 pato. Quæ ille opibus licētiāq; abutens, nihil crudelitatis
 aut uiolentiæ, ut quidque ageret, omittebat, cunctis etiam
 atrocior omnium ætatum principibus. Ergo huius filiam
 Seuerus uxorem filio ſuo tradidit. Enimuero Antoninus
 ipſe parum letus eo matrimonio, ac neceſſitate, quā uo-
 luntate impuſus, puellam ipſam pariter & puellæ parens
 tem peſſime oderat, ſic ut ne thorum quidem, laremq; cum
 ea communem pateretur, adeoq; aduerſabatur, ut minare-
 tur.

Baſſianus.

Plautianus præ-
 fec. cohort. urb.

Antoninus ſi-
 lius Seueri.

tur cottidie occisurum ipsam, patremq; simul, atq; imperium solus obtinuisset. Quod cum illa identidem ad patrem referret, simulq; quâtopere foret iniussa, patrefecisset, magnopere hominē irritauit. Igitur Plautianus senem iam Seuerum ipsum ceruens, ac morbo sepe laborantem, contra uerò Antoninū ferocem in primis, audacemq; iuuenē, pauidus ob illius minas, decreuit facinus innadere aliquod priusquā ipso opprimeretur. Suberat præterea multa quæ hominē ad imperij cupiditatem inflammarent: opes, quantas nemo antea priuatus possederat. Militiū præterea obediētia, & apud omnes Romanæ ditionis homines maximi honores: ad hæc habitus, quo in publicum prodibat. Siquidem latum clauū perpetuo habebat, atq; in secundis consularibus numerabatur. Ensem præterea gestabat, cæteraq; omnia supremæ dignitatis insignia, adeo quacumq; incederet, trux, atq; horribilis, ut non modo nō adiretur à quosquam, sed etiam qui fortuito occurrebant, ab eo uerterēt oculos. Quin antea ambulones aliquot, quacumq; iter faceret, denūciabant, ne quis in proximo cōsistere, ne'ue illum contueri auderet, sed auerterent uniuersi oculos, terramq; despectarent. Quæ cum cognouisset Seuerus, ne ipse quidem prorsus æqui boni facere, sed molestius iam, grauiusq; ferre, sic ut nonnihil etiam de illius autoritate detraheret, ac persuadere homini conaretur, aliquid iam ē tanta illa insolentia imminueret. Quorū impatiens Plautianus non dubitauit Imperium ipsum appetere insidijs, quocirca talia quedam machinatur. Saturninus erat quidam tribunus, qui Plautianum in primis obseruabat, & cum facerent idem omnes, unus tamen ille maiore quadā uenerationis specie,

Plautiani insolentia.

Plautianus Seuerō insidiatur.
Saturninus.

magis, magisq; homini obrepserat. Hunc sibi igitur fidiſſi-
 mum fore putans, ac ſolum deniq; commiſſa tacite habitu-
 rum, & imperata facturum, uocari ad ſe ſub ueſperam in-
 bet, remotisq; arbitris. Nunc illud, inquit, eſt, cum ſum-
 mam imponere manum debeas amoris, obſervantiæq; tuæ,
 cuius mihi haſtenus dediſti ſpecimen: cumq; ego recom-
 rare te pro meritis, ac debitam referre gratiã poſſam. Da-
 tur optio tibi, ueliſ ne ille ipſe euadere, quem me nunc eſſe
 cernis, atq; huic tantæ potentiæ ſuccedere, an perire ſtatim
 dato contumacis animi ſupplicio. Neq; tu uel magnitudinẽ
 rei pertinueris, uel nomina Imperatorum expaueris, in-
 trare tibi in cubiculum, ubi ſomnum capiunt, ſoli nempe li-
 cet, redcunte uice nocturnæ cuſtodie clam, nulloq; probi-
 bente, facile quod uolueris, trãſiges. Nihil eſt autem quod
 hic mecum iam expectes imperiũ. Abi modo in aulam prin-
 cipum, quaſi aliqua à me mandata habeas arcana, & gra-
 uia, atque ut uirum fortem decet, ſencm unum, ac puerum
 intra ſuum utrunque cubiculum obtrunca. Nam cum in
 partem ueneris periculi, etiam re conſecta, in partem ma-
 ximi honoris ſuccedes. Hæc dicta ut animum tribuni per-
 terruerunt, ita minime conſiliũ excuſſerunt. Sed ut homo
 neuitquam mente captus (erat enim genere Syrus, ac ſunt
 ferme ad orientem mortales accerrimis ingenijs) cognito
 ſerore, ac uecordia, quantumq; ei liceret minime igna-
 rus, haud quaquam auſus detractare, ne ſcilicet continuo
 daret poenas, cum ſe optata, ac lubentia ſimularct audire,
 prius adorato illo, tanquam imperatore, iam libellum pe-
 tebat demandatæ ſibi cædis. Quippe mos tyrannis, cum
 aliquem indemnatum occidi iubent, per literas potiſſimum
 iniunt

Syrorum in-
 gena.

iniungere, ne dein cædis Imperatæ nullum relinquatur argumentum. Hic Plautianus cecutiens nimia cupiditate, dat libellum tribuno, atq; ad cædem mittens admonet diligenter, ut interfecto utroq; principe, priusquam diuulgetur facinus, se iubeat acciri, quo ante in palatio conspiciatur, quàm occupatum imperium quisquam audiat. Sub hac pactione tribunus digreditur, ac de more totam libere domum principis peruadit, cognitoq; quàm difficile factu foret, duos ab uno homine principes, & quidem diuersis habitantes cubiculis obtruncari, adit ad Seuerum, & cum ianitoribus agit, ut se ad principem intromittant, afferre se quæ ad illius salutem pertineant. Illi hæc Seuro renuntiant, qui tribunum continuo iubet acciri. Ingressus uenio inquit, tibi ò domine, ut sanè putat is à quo sum nussus, ad cædem tui, carnificinamq;. Vt egomet opto, ac uolo, beneficij autor tibi & salutis. Plautianus imperium captus insidijs, cædem mihi tuam, filijq; tui mandauit, neq; uerbis modo, sed & literis. Testimonio est hic libellus. Equidem ego recepi facturum quæ imperaret, ne alter scilicet me detrectante, negotium susceperet. Verum ad indicandam rem tibi sum præsto, ne ignarum illius opprimat audacia. Dicenti hæc tributo, atque ubertim lachrymanti, non continuo tamen fidem Seuerus habebat. Quippe adhuc in pectore multam ex Plautiani amatorio infederat, quin esse id totum negotium compositum, ac fabulosum suspectabat, ratus filium suum Plautiano infestum, natamq; eius perosum, commentum esse technam huiuscemodi, ac mortiferam calumniam. Quare accitum ad se, grauiter increpare institit, quod in hominem amicum, atque dome-

sticum talia machinaretur. Antoninus autem primo quidem deierabat ignarum se totius negotij, dein instanti tribuno, & libellum ostendenti, animum audaciamq; addebat ad crimen coarguendum. Sed ille cognito quam magnum in discrimine uenerat, tum praterca haud ignarus, quam acceptus Seucro Plautianus foret, neque non etiam intelligens si latuissent insidiae, parumq; indicium probaretur exquisitissimum sibi impendere supplicium, & quodam inquit, o domini argumentum amplius, quod uicaper tius queritis indicium? Sinite egrediar regia, perq; aliquem fidum mihi hominem significare Plautiano, facta esse iam quae imperauerat. Aderit ille statim re credita, uacuant scilicet regiam occupaturus. Ibi uestri muneris fuerit, rem totam deprehendere. Iubete modo in aedibus quietem agitari, ne praecognita res omne consilium subuertat. Haec locutus, fidissimum sibi hominem deligit, qui Plautianum suis hortetur uerbis, acceleret, atque adsit quam primum, dum uterque princeps iacet, oportere antequam res populo innotescat intus esse eum, ut scilicet occupata arce, constabillitoq; imperio, uelint, nolint uniuersi non scilicet principatum adeunti, sed iam plane principi obediunt. His creditis, Plautianus (erat autem iam dici uestper) magnam in spem sublatus, lorica induitur sub uestem tuendi corporis gratia, simul conscenso uehiculo, properat in regiam, paucis modo qui aderant deducantibus, ratisq; cum magnis de rebus ab Imperatoribus acciri. Ut autem in aulam nullo prohibente ingressus est, ignaris quae agerentur custodibus, occurrens tribunus, composito dolo salutatur Imperatorem, dein manu prehensum deducit intra cubiculum,

cubiculum, ubi proiecta esse Imperatorum cadauera mentiebatur, ianq̃ aliquot è corporis sui custodibus Scuerus cōparauerat, qui statim ingresso manus inijcerēt. At Plautianus cum longe alias animo spes agitaret, ut ingressus cubiculum est, cernens utrūq̃ illic stantem principē, compræhensumq̃ se teneri sentiens, re tanta perterritus, rogare, supplicare falsa illa omnia cōmentum id in se, fabulamq̃ excogitanti. Igitur exprobrante hinc Scuero beneficia, & honores, illinc Plautiano fidei, beneuolentiæq̃ suæ ueteris testimonia repetente, paulatim labascere Scuerus, atque adduci Plautiani uerbis, donec pars lorica per scissum uestimenti apparuit. Qua Antoninus animaduersa, audax iuuenis, & iracundus, ac iam antea homini infestus. Atqui inquit, ad hæc certe duo quid respondeas expecto. Venisti ad Imperatores sub uesteram minime accitus, dein quid sibi rogo hæc lorica uult? Quis ad cœnam, comessationem uel armatus accedit? Simul hæc dicens iubet tribunum, cæterosq̃ qui aderant, ilicò cum strictis gladijs obtruncare, ut hostem manifestarium. Nihil illi cunctati, iussa faciunt iuuenis Imperatoris, occiduntq̃ hominem, & cadauer in uiam proijciunt ad uulgi ludibrium. Hunc finem habuit parem uitæ Plautianus, inexhaustæ hominis cupiditatis. Cæterum Scuerus duobus præfectis militariibus constitutis, plurimū in suburbanis, aut circum maritimas Campaniæ oras agitabat, ius dicēs, & civilibus negotijs intentus, cupiensq̃ in primis, uti Romæ sui liberi bonis moribus instituerētur. Nam ludis eos, spectaculisq̃ uehementius studere animaduërterat, quàm principibus conueniebat. Quo fieret, uti studio certamineq̃ semper in duces sum

Plautianus obtruncatur.

in diuersum tendente, etiā animi iuuenum distraherentur, quibusdam quasi admotis contentionum, atq; iuimicitiarū facibus. Maxime tamen Antoninus intolerandus, sublato iam è medio Plautiano, terribilisq; & formidolosus erat omnibus, tum illius natæ coniugi scilicet suæ, quibus maxime artibus, aut machinis poterat exitium intendebat. At Seuerus ipsam pariter cum filiolo quē pepererat, relegauit in Siciliam, datis opibus quantæ ad uictum, atq; usum abundē sufficerent. Imitatus in hoc Augustū, qui filios Antonij, postea quā hostis iudicatus est, eodem modo traclauerit. Ipse ad pacem, concordiamq; reuocare liberos, & reconciliare utrunq; alteri conabatur, admonens idētidem ueterum fabularum, in quibus pleræq; regum calamitates fraternis ortæ seditionibus memorātur. Huc addebat thesauros, templaq; pecunijs plena esse, diuitias fors ex uectigalibus accedere posse in tanta opulētia, militē largitione teneri auctas in quadruplum copias urbanas, tantum sedere exercitum ante urbē, ut nulla externa uis, seu multitudinē ipsam militum, seu corporum magnitudinem, seu pecuniæ abundantiam spectes, par inueniri tantis opibus possit. Sed ea in nihilum recafura, ipsis inter se discordantibus, atq; intestinum agitantibus bellum. Hæc ille quotidie edisserens, precesq; castigationibus admiscens, reprimere illorum spiritus, ac reducere germanos in gratiam studebat. Cæterum omnia frustra erant. Quippe fratres nos ore depulcrant, prouisi semper in peius, atq; illos adulescentes adhuc, in ipso ætatis feruore, atq; in summa licentia uoluptatum omnium, irritamentis incitatos, etiam adu-lorum ministeria diuersos trahebant, scilicet qui non modo

modo illorum obsequerentur cupidinibus, atq; flagitijs, sed noua semper aliqua excogitarent, unde alteri gratum fieret, alter offenderetur. Quorum etiā nonnullos Seuerus ipse in huiusmodi ministerijs depræhensos, supplicio affecit. Hanc liberorum suorum uitam, & indecora in spectaculis studia ferens grauitè senex Imperator, literas à Britannia præfecto accepit, quæ docebant Barbaros illic seditiones agitare, regionemq; omnem incursionibus, ac depopulationibus uastare, quare maiore manu ad resistendum, uel etiam principis ipsius præsentia opus esse. Lætus ea Seuerus accepit, quippe homo suapte natura gloriæ appetentior, post uictorias ad orientem, septentrionemq;, & cognomina utrinq; parata, etiā trophæa cōtra Britannos excitare aliqua cupiebat. Ad hæc filios quoq; abducere ex urbe, ut procul à mundicijs urbanis, in castris militari uitæ, ac sobriæ iuuenes insuescerent. Ita expeditionem in Britanniam edicit senex iam, & morbo articulari laborans, tanta autem animi uirtute, quanta nemo unquam uel iuuenū. Igitur iter ingressus, lætica plurimum uehebatur, nulloq; cessabat loco. Quare confecto itinere, spemq; omni, ac sermone celerius enauigato oceano, Britannia ingressus est, collectisq; militibus, ac maximis conflatis uiribus, bellum cōparabat. Cæterum Britanni repëtino principis aduentu perculsi, auditoq; tantas contra se comparari copias, legatos ad eū de pace, ac seipsos expurgatum miserunt. At Seuerus moras de industria nectens, ne uacuo sibi Romam adendum foret, cupidus uictoriæ, cognominisq; Britannici, legatos quidem re infecta domum dimittit, ipse quæ bello usui forent, magna solertia comparabat. Sed in primis

Britanniæ motus.

Britannia palu-
dosa.

Britannorū mo-
res.

Geta filius Se-
ueri.

primis tamen curæ habuit pontibus occupare paludes, ut stare in tuto milites possent, atque in solido præliari. Siquidem Britanniae pleraque loca frequentibus oceani adluuionibus paludescunt. Per eas igitur paludes Barbari ipsi narrant, excursantque; ad illa usque demersi, ac pleraque corporis nudi coenitum contemnunt. Neque enim uestis usum cognouerunt, sed uentrē, atque ceruicē ferro incingunt, ornamentum id esse, ac diuitiarum argumentum existimantes, perinde ut aurum ceteri Barbari. Quin ipsa notant corpora pictura uaria, et omnifariam formis animalium, quocirca ne induuntur quidem, uidelicet picturam corporis ne adoperiant. Sunt autem bellicosissima gens, atque audissimā cedis, tantum scuto angusto, lanceaque cōtenti, præterea gladio nudis corporibus dependente, loricae, ac galeae penitus ignorant usum, impedimentum id esse transgrediēdis paludibus arbitrantes, quarū uaporibus, aestuque coelū ibi semper caliginosum. Ad hæc Seuerus nihil non comparabat, quod usui Romano militi, quod detrimento Barbaris impedimentoque foret. Vbi uero satis ex sentētia prompta sibi esse, ac parata omnia intellexit, iuniorem filium Getam nomine, in parte insulae Romanis subiecta reliquit, ut iuri dicundo, rebusque ciuilibus administrandis præesset, eiisque consiliarios ex amicis natu grandibus reliquit, Antonino secum aduersus Barbaros educto. Transgresso igitur Romano exercitu amnes, aggeresque eos, qui obiecti Barbaris, Romanorum fines determinant, pugnae quaedam tumultuariæ fiebant, et excursions, uictore ubique Romano. Ceterum facilis erat ex fuga receptus Barbaris, quippe inter syluas, ac paludes et loca ipsis notissima delitescen-

delitescantibus. Quæ omnia Romanis aduersa, morâ bello addebant. Interea Seuerum iam confectum senio, longior inuasit morbus, sic ut ipse domi residere, atq; Antoninum mittere in bellum, ad imperatoris obeunda munia cogretur. Cæterum Antoninus haud magnopere de Barbaris sollicitus, exercitum sibi adiungere, & confirmare uniuersos tendebat, uti se unū intuerentur, soli sibi imperium iudicans, ac Germano idētidem obtrectans. Quin longior quoq; patris uoletudo, ac mortis mora diuturnior, anxium uidelicet adulescentē habebant. Sic ut medicis, ministrisq; subinde conaretur persuadere, senem ut è medio quā primum quoquo modo tollerent. Donec tandem Seuerus morore magis quā morbo consumptus, uitāq; defunctus est, clarissimus omnium imperatorum bellicis operibus. Neq; enim aut ciuiles quisquā aduersus inimicos, aut externas aduersus Barbaros totidem alius uictorias reportauit. Annisq; duodeuiginti gesto imperio decessit, successoribus liberis, tanta pecuniæ relicta copia, quantā antea nemo, tum ampliore exercitu, quā cui obistere ulla uis posset. Igitur Antoninus mortuo Seuero, summā potestatiē nactus, cōsestim uniuersos ab ipso (quod aiunt) lare interficere cœpit. Nam & medicos supplicio affecit, quod sibi parū obtēperauerāt, iubenti senis matrare necē, nutriciosq; suos iuxta, & fratris, quod de recō ciliādīs egissent, ne uno quidē reliquo suæ crudelitati facto ex eo ordine hominū, qui in honore aliquo fuerant, quiq; ipsius parentē obseruauerāt. Duces porrò exercitus magnis muneribus, ac promissis adhortabatur, persuaderent militibus, uti se unū Imperatorē declararent, nullasq; nō machinas

Seueri morbus.

Seueri mors.

Antonini cauita.

machinas aduersus germanū intendebat. Neq; id tantum persuadere militibus potuit. Quippe memores, utrumq; à Seucro iā inde à pueritia pari honore cultūq; educatum, etiā ipsi parē utrinq; obediētiā, beneuolētiāq; exhibebāt. Igitur Antoninus cognito parū sibi rem aduersus exercitum procedere, iēto cum Barbaris fœdere, datāq; pace, & obsidibus acceptis, decedēsq; illinc, ad matrē iam, germanumq; festinat. Congressos reducere in gratiā mater conata, adniētibus honestissimis quibusq; Seueri amicis, & consiliarijs. Igitur Antoninus, cū nemo scilicet nō eius libidini refragaretur, ui potius quā uolūtate, ad concordia, amorisq; simulationē adducitur. Ita ambo pari honore Imperium gerentes, soluerunt ex Britannia, Romanq; cū patris reliquijs cōtendebant. Nam corpusculo ignibus tradito, cinerem ipsum cum odoribus in uasculum alabastrī coniectū, Romā referebant, ut uidelicet in sacris principum monumentis componeretur. Ipsi exercitū deporantes, uictoresq; iam Britannia, in aduersam Galliā crenoso Oceano peruenerunt. Quo igitur pacto & diem suum obierit Seuerus, & liberi eius Imperium susceperint, in hoc uolumine demonstratum est.

LIBER QVARTVS.



RES Gestas Seueri principis, per annos duodeuiginti superiore libro sumus persequuti. Porro autem ipsius liberi adulescentes iam unā cum matre Romam festinabant, seditiones etiam tum in itinere agitantes. Quippe diuersorij, mensaq; nunquam eisdem utebantur,

utebantur, multumq; suspicionis in cibo omni, potiùq; ne alteruter antecapto tēpore, ipse clam, aut per ministeria ueneno rem gereret. Ob eamq; causam etiam iter propere faciebant, tutius rati uicturos, ubi iam in urbem peruissent, diuisaq; inter se regia, amplis ac spaciosis ædibus, maioribus etiam reliqua urbe, pro suo uterq; arbitrio separatim agitarent. Postquam uero in urbem peruentum, populus cos uniuersus laureatus excepit, et senatus consalutauit. Præibant igitur principes ipsi cū purpura imperatoria, post sequebantur consules, urnam cum Seueri reliquijs gestantes. Qui autē nouos Imperatores consalutauerant, progressi deinde, urnā quoq; ipsam suplices adorabant. Ita comitati magna pompa, composuerunt ipsam in tēplo, ubi Marci, ac superiorū principum sacra uisuntur monimenta. Re igitur diuina, ceremonijsq; de more concelebratis, uterq; in regiam discedunt, partiti inter se domū, ianuisq; secretioribus obstructis, publicis tantum, atq; atriensibus promiscue utentes. Quin et custodes corporis separatim sibi delegerūt, uix unquā conredientes, nisi paucillum dūtaxat, ut in publico à multitudine ipsa conspicerentur. Sed in primis tamē iusta paranti persoluerunt. Mos est enim Romanis cōsecrare Imperatores, qui superstitibus filijs, uel successoribus moriuntur. Quiq; eo sunt honore affecti, relati dicuntur inter diuos. Est autē tota urbe quasi luctus quidam, festæ celebritati promiscuus. Quippe sanctum uita corpus, ritu hominum sumptuoso funere sepeliunt. Sed certam imaginem defuncto quā simillimam fingunt, eamq; in regia uestibulo proponunt supra eburneum lectum maximum, atq;

Relatio Imperatorū inter diuos.

sublinem, uestibus instratum aureis. Et quidem imago illa ad ægroti speciem pallida recumbit. Circa lectum uero utrinq; magnam partem dici sedent, à leua quidē senatus omnis uestibus atris amictus, à dextra uerò matronæ, quas uirorum, aut parentum dignitas honestat, Harumq; nulla, uel aurum gestans, uel ornata monilibus conspicitur, sed uestibus albis exilibus induta, mærentiū speciem præbent. Hæc ita per septem dies continuos faciunt, medicis ad lectum quotidie accedentibus, inspectumq; uelut ægrum deterius se habere subinde pronunciantibus. Dein ubi iam uisus obijisse diem, lectum humeris attollunt eque stris senatorij que ordinis nobilissimi ac lectissimi iuuenes, perq; uian sacram in uetus forum deferunt, ubi magi stratus Romani deponere imperium consueuerāt. Vtrinque autē gradus quidam sunt ad scalarum similitudinem extructi, in quibus altera ex parte puerorum chorus est è nobilissimis, atque patricijs, altera foeminarum illustrium, hymnos in defunctum, pæanasq; canentium, uerendo, ac lamentabili carmine cmodulatos. Quibus peractis, tollunt iterum lectum, atque extra urbem perferunt in Martium campum, ubi quàm latissime campus patet, suggestus quidam specie quadrangula, lateribus æquis assurgit, nulla præterquam lignorum ingentium materia compactus in tabernaculi formam. Id quidem interius totum est aridis foratibus oppletum, extra autem intextis auro stragulis, atque choreis signis, uarijsq; picturis exornatum, Infra uerò alterum minusculum quidam positum est, sed forma et ornatu persimile, portis, ianuisq; patentibus. Tertiumq; item, et quartum semper superiore

viore contractius, ac deinceps alia, donec ad extremum,
 quod est omnium breuissimum, perueniatur. Possis eius
 ædificij formam comparare turribus his, quæ portibus im-
 minentes noctu igne prælato, naues in tutas stationes di-
 rigunt. Pharos uulgò appellant. Igitur lecto in secun- Pharos.
 dum tabernaculum sublato, aromata & suffimenta omnis
 generis, fructus herbasq; succosq; omneis odoratos con-
 quirunt, atque aceruatim effundunt. Quippe neque gens
 est, neque ciuitas, neque qui honore ullo, aut dignitate
 præcellat, quin certatim pro se quisque suprema illa mu-
 nera principis honori deferant. Vbi uero ingens aromas-
 tum acruus aggregatus est, ac locus omnis expletus, tum
 circa ædificium illud adquatant, uniuersis equestris or-
 dinis certa quadã lege ac recurſu, motuq; Pyrrichio, nu-
 meroq; in orbem decurrentibus. Currus item circumagun-
 tur inſeſſi purpuratis reſtoribus, qui personas ferant du-
 cum omnium Romanorum, principumq; illuſtriũ. Quæ
 ubi celebrata ſunt, faciem capit imperij ſucceſſor, eamque
 tabernaculo adnouet. Tum cæteri omnes undique ignem
 ſubijciunt, cunctaq; illico ſomitibus illis aridis, odoramen-
 tisq; reſerta igni ualido corripuntur, Mox ab extre-
 mo, minimoq; tabernaculo, tanquam è faſtigio quodam,
 ſimul cum ſubiecto igni, aquila dimittitur, quæ in cœlum
 creditur ipſam principis animam deferre. Ac iam ex illo
 una cum cæteris numinibus Imperator colitur. Ita conſe-
 crato parente, reuerſi domum iuuenes, diſcordias quoti-
 die, & ſimilitates exercere, inſidiari inter ſe, moliri, para-
 re omnibus modis, atque ea modo uterque in animo habe-
 re, quibus alter dolo caperetur, poſtremo quacunque uia

Filiorum Sæucti
 diſcordia.

grassari ad singulare Imperium, ac nihil inuicē prætermittere, dum consortem potestatis expungerent. Sed & mentes animiq; omnium urbanorū, quicunq; honore aliquo, aut dignitate præstarent, diuersi traherentur, utroq; seorsum literas, clanculū misitante, magnisq; pollicitationibus sibi homines adiungēte. Maior tandē pars ad Getā spectabat, quod opinionē nonnullā ostēderet probitatis, moderatumq; se, & lenē in cōgressibus præstaret, studia porrò tractabat honestissima. Quippe & disciplinarum laude celebres circa se frequētes habebat, & in palæstra, ac reliquis ingenuis exercitationibus uersabatur. Placidus præterea in omnes, atq; humanus, fāna, & gloria quadā optima plurimos ad amicitia benculentiamq; alliciebat.

Getæ mores. **Antonini mores.** Contrā uero Antoninus cuncta asperius, ferociusq; gerebat, atq; ab his rebus, quas supra diximus, alienus militaris uitæ, ac bellicæ uideri amator affectabat. Nihilq; non iracundē faciens, munitando quā suadēdo, metu quā beneuolentia sibi amicitias quærebat. Sed cū diu frustra mater discordāteis inter se germanos redigere in gratiā studeret: Visum aliquādo ambobus est Imperiū inter se diuidere, ne Romæ agitantes, alter alterius essent insidijs opportuni. Quare conuocatis paternis amicis, corā ipsa matre de Imperio diuidendo disceptabant, sicuti Europa omnis Antonino, tellus autē aduersa, quæ omnis Asia nuncupatur, Getæ adiudicaretur. Ita enim diuina quadā providentia, utrunq; continentē Propontidos incursu disteminari, Placebat autem, ut Antoninus castra ad Byzantium haberet, Getæ uero in Calchedone Bithyniæ urbe, quæ scilicet opposita inter se, utriusq; Imperiū tueretur,

atq;

Imperium diuidere deliberant.

atq; à transmittendo prohiberēt. Tum ut è senatorio ordine quocumq; ex Europa forent, in urbe ipsa remanerent, reliqui Getam sequerentur. Sedes Imperij sui Getæ destinabat Antiochiam, uel Alexandrian, urbes magnitudine haud longe infra Roman. Tum ex gētibus ad meridiem habentibus Mauros, Numidasq;, Antonino concedens, reliquos ad orientem usq; Getæ sibi asciscibat. Hæc dum illi agitent, reliquis omnibus moesto uultu terram intuentibus, ita Iulia mater locuta est. Terram quidem & mare ò filij, iam inuenistis quo pacto diuidatis, & continentem utranq;, ut dicitis, pōtici discrimināt fluctus, Matrem uerò quo nam modo diuidetis? quo nā modo infelix ego distribuar inter utrunq; uestrum, aut diffecabor? Me primā igitur occidite, dimidiamq; uterq; apud se partem sepeliat, ut ego quoque inter uos cum mari, terraq; ipsa diuidar. Hæc locuta multis cum lachrymis, ciulatuq; manus ambobus iniiciens, cōplexa utrunq; reconciliare inter se conabatur. Quare cohors miseratione, cūcti discessere improbatō consilio, ipsiq; in ædes suas reuersi. Sed gliscibat in dies odiū, atq; discordiæ. Nam siue duces ac magistratus aliqui eligerentur, uterq; amico suo potissimum suffragabatur, siue ius dicerent, semper diuersa sentiebāt magno illorū periculo cuius res agebatur. Pluris enim studiū suū, quā ius aut æquū faciebant, etiam in ludis ipsis diuersarum semper factionū. Nihil præterea insidiarum omittēbant. Cocos identidē, & pincernas conati ad ueneficia impellere, quæ ubi tardius procedebāt, quòd scilicet uterq; magna diligentia, curaq; cibum capefferent. Postremo impatiens Antoninus, atq; imperij totius cupidine

Iulie oratio ad
filios.

Getæ cædes a
fratre,

dine instigatus, deliberat magnum aliquid uel facere, uel pati, ferrumq; & cædem molitur. Et quando secus processerant latentes insidie, necessarium putabat periculo omni, ac spe posthabita, quouis modo inceptum patrare. Quare irrupto fratris cubiculo, nihil cum tale expectantem supra matris pectus multo undantem sanguine sæuus obtruncat. Quo facto exilit statim, ac per totam regiam currens clamittat magnum se periculum effugisse, uixq; euasisse incolumen. Simul imperat militibus regie custodibus, raperent illic se: atq; in castra deducerent, ubi tutius asseruetur, perituum dictitans, si diutius in ædibus moram trahat. Illi pro ueris ea dicta accipientes, simul ignari quæ intus gesta, currentem cum currentes & ipsi comitantur. Fit ingens populi tumultus, raptim agente se sub uesperæ principem median per urbem. Ut autem castra attigit, ædiculam que eam, intra quam signa, ac simul lacra exercitus adorantur, procidens humi gratias agebat uotis, quasi pro salute susceptis. Ea re militibus nunciata, partim iam lauantibus, partim requiescentibus, statim illuc omnes exterriti feruntur. Ille progressus in medium, non quidem continuo rem ipsam, prout erat gesta facebatur, sed effugisse periculū clamittabat, insidiasq; inimici hominis, atq; hostis. Nā ita fratrem appellabat. Vixque tandem post longū certamen, aduersarios superatos. Quippe utrisq; periclitantibus, se postremo unicū Imperatorem fortunæ relictū dono. Talia quædā obliquans, atq; inuoluēs, intelligi quæ fecisset, quam audiri malebat. Tum pro salute, imperioq; suo singulis militibus Atticarū drachmarum duo milia supra quingētos pollicetur. Prætereaq;

eaq; aunoæ supra quàm sucti, accipere dimidium. Iubet
 item iam tum ex templis, thesaurisq; sibi ipsos pecuniam
 sumere, largiter effusis uno die, quæcunque per duodeci-
 ginti annos Seuerus collegerat, atque recondiderat alic-
 nis calamitatibus. At milites tanta pecuniæ magnitudine
 illecti, totoq; iam negotio intellecto, uulgata passim cæde
 per eos, qui adibus effugerant, unum illum declarant Im-
 peratorem, Geta hoste appellato. Igitur ea nocte moras
 tus in templo Antoninus, ac fretus largitionibus, quibus
 sibi milites adiunxerat, contendit postridie in senatum,
 toto stipante exercitu, sed armis instructiore, quàm consue-
 uit principem deducere. Ingressus deinde, ubi rem diuinā
 fecit, conscendit sellam Imperatoriam, atq; ad hunc mo-
 dum uerba facit. Non me quidem fugit, omnem domesti-
 corum cædem statim atq; auribus inciderit, odiosam uide-
 ri, nomenq; ipsum ut primū audiatur, asserre grauem ca-
 lumniam. Quippe infelices misericordia, potentes inuidia
 sequitur, ac uictus accepisse, uictor attulisse iniuriam uide-
 tur. Cæterum si quis uero magis iudicio, quàm studio cra-
 ga defunctum aliquo rem ipsam expendat, causamq; eius,
 & consilium exquirat, facile scilicet inueniet rectū esse,
 & necessarium uindicare magis quàm accipere iniuriam,
 quippe ad occisi calamitatem etiam infamia timiditatis ac-
 cedit. Victor præterquam quod incolumis est, etiam glo-
 riam retulit fortitudinis, ac cætera quidē, quæ sæpe in me
 cum ueneficijs, tū omni genere insidiarum intendit, facile
 uobis est exquirere tormentis. Quippe idcirco adesse o-
 mnes illius ministros imperaui, ut uerū deprehēdatis. Sūt
 autem nonnulli quoq; ex his iam torti, quorum exaudire

Antoninus Im-
 perator declara-
 tur.

Antonini ad se-
 natum oratio.

Romulus
Germanicus,
Titus,
Marcus,

Antonini crude
litas.

confessionem possitis. Postremo autem cum ego apud matrem forem, uenit ille in me, quosdam secum adducēs gladijs accinctos. Sed ego re præcognita, ultus hostem sum. Neq; enim iam aut fratris mentem gerebat, aut fraternam moliebatur. Vlcisci autem illum, qui prior insidietur, ut iustum est, ita usu quoq; iam receptum. Quippe ne ipse quidem urbis huius conditor Romulus germanum pertulit, suis tantum opcribus illudentem. Taceo Germanicū Neronis, ac Titum Domitiani fratres. Marcus ipse philosophie simulator, ac mansuetudinis, Lucij generi sui contumeliam non pertulit. Ego uerò uenenis cōparatis in me, gladioq; impendente, ultus hostē, quippe hoc illi sua opera nomen imponebant. Vos autē dijs gratias agite, quod alterum uobis principem seruauerint, neque mentes uestras in diuersa partiti, sed unum tantum spectantes Imperatorem, uitam securi traducite. Imperium autem Iupiter sicut ipse inter deos solus possidet, ita etiā uni tantum mortalium adiudicat. Hæc locutus magna uoce, irarumq; plenus, ac truculento uultu illius amicos intuens, trementibus, pallentibusq; plerisq; in regiam reuertitur. Continuo igitur cœpti occidi domestici omnes fratris, atq; amici, quiq; in ædibus habitabant, quas ille incoluerat, ministriq; item uniuersi, sic ut ne ætati quidem infantium parceretur. Porro ipsa cadauera plaustris omnibus per contumeliam imposita, atq; extra urbem exportata, acervatim, aut temere iniecta rogis comburebantur. Nec quisquam superfuat ex ijs, qui leuē modo cum Geta noticiam habuisset. Athletæ etiam, & aurigæ, atque omnifariam histriones, & quicquid denique uel oculis illius, uel auribus

his iucundum fuerat, passim occidebantur. Præterea senatorij ordinis quicunq; aut nobilitate, aut opibus excellere, minima quaq; de causa, uel planè nulla, quantumlibet leui delatione pro illius amicis interimebantur. Quin & Commodi sororem iam animum, atque ab omnibus imperatoribus, ut Marci filiã oportuit, magno in honore habitam, morte affecit. Causatusq; Getæ necem apud ipsius matrem defleuisset. Et coniugem quondam suã Plautiani filiam, quæ fuerat in Siciliam relegata ac consobrinũ Seueri cognomine, filiumq; Pertinacis, & Lucillæ Commodi sororis, postremo quicquid ex cognatione imperatoria, aut in seuatu ex patricia nobilitate supererat, planè quasi ab stirpe abscidit. Ducesq; provinciarũ uniuersos, ac procuratores, ueluti Getæ amicos, neci dedit. Totæq; noctes cædendis plurifariã mortalibus impèdebatur. Sed & Vestales uirgines uiuas obruit terræ, quasi temerata uirginitate. Deniq; id quod nunquam alias faciliatũ, cum Circenses spectate eo populus Romanus in aurigã, cui studebat, nescio quid cauillatus esset, ratus sibi contumeliã illatam, repente omnem exercitum facere impetũ iussit in populum, ac raptare, & occidere quicunq; in aurigam dixissent. At milites accepta semel uiolandi, rapiendiq; potestate, cum discerni à reliquis nequirent, qui fuerant proteruius locuti, nullo scilicet in tanta multitudi-
ne uerum fatente, passim ut in quenq; inciderant, aut occidebant, aut omnibus creptis, quasi salute redempta, uiuos ægre dimittebant. His actus stimulante malorum facinororum conscientia, uitamq; perosus urbanam, statuit Roma secedere, ut & milites ordinaret, & provincias inui-
deret.

Antoninus Germanico cultu incedit.

seret. Igitur Italia decedens, ad ripas Danubij peruenit, ac partes Imperij Romani septentrioni subiectas. Ibi aut corpus exercebat aurigando, cædendisq; coninus omne genus beluis, aut ius dicebat (rarius id tamen) statimq; sententiam ferens, ac respondens, pauculis duntaxat auditis. Cæterum Germanos illic sibi omnes adiunxit, atq; in amicitiam conciliat. Sic ut ex his socios bellorum, & custodes corporis ualidissimum quenque, & pulcherrimum sibi adsciuerit. Sæpe etiam Romano cultu deposito uestem Germanicam induebat, atque in eorum sagulis argento uarietatis conspiciebatur, etiam flauam capiti cæsariem imponens, ad modum Germanicæ tonsuræ. Quibus læti Barbari, nūrifice eum diligere, gaudere etiam Romanus miles, quem scilicet ille amplissimis largitionibus prosequabatur. Ipse nullum non militiæ munus prompte obire, & siue quid fodiendum foret, primus fodere, siue pōs flumini inponendus, aut extruendus agger, siue quod opus manuum faciendum, aut labor subeundus, primus omnia occupare, tenuiq; mensa, ac ligneolis poculis, uasisq; esculentorum contentus esse, panemq; etiam tenere factum comesse. Quippe tritico quantum satis uni foret, sua manu molito, massaq; inde facta, atque in carbonibus decocta, uesci solitus, omnia denique elegantiora aspernari, & uilissimis quibusq; ac uel pauperrimo, gregarioq; militi facillimis uti. Tum commilitonem, quam principem uocari se malle, ac plerunque iter facere perinde, atque ipsi pedibus ambulans, raroq; uehiculum conscendere, aut equum, sibi ipse portare arma, nonnunquam etiam signa militaria longissima, & aureis ornamentis prægrauia,

prægrauia, ac ne robustissimis quidem militibus facilia,
 ipse humeris subire. Ob hæc igitur alia que huiusmodi,
 et hominem militarem diligere cum suis exercitus, & ut
 virum fortem admirari. Quippe instar miraculi uideba-
 tur tantulæ hominē stature, tantis esse laboribus parem.
 Sed ubi milites apud Danubiū ordinauit, atque in Thra-
 ciam Macedonibus conterminam discessit, continuo Ale-
 xander alter euasit. Nam & memoriam regis eius omni-
 bus modis renouauit, statuis, imaginibusq; nulla non urbe
 poni iussis, Romanq; ipsam, capitoliumq; & templa uni-
 uersa refferit Alexandri simulacris. Vidimus item imagi-
 nes nonnullas ridicule depictas, quæ uno corpore duas fa-
 cies præferrent, Alexandri atq; Antonini. Ipse prodibat
 Macedonico habitu, causiam gestans, & crepidas, ac le-
 ctiſsimam iuuenum manum in exercitu Phalangem Mace-
 donicam appellabat, iussis ducibus nomina sibi ducum
 Alexandri imponere. Præterea iuuenes sparta accitos,
 Laconicam, & Pitanitem centuriam uocabat. His igitur
 actis, atque urbibus prout quaque potuerat ordinatis,
 Pergamum adit Asiæ ciuitatem, ut Aesculapij curationi-
 bus uteretur. Quo postquam peruenit, somnijs quàm diu
 uoluit captatis, Iliū mox petijt, & cunctis urbis reliquijs
 collustratis, ad Achillis tumulum processit. Eoq; coro-
 nis, floribusq; magnifice exornato, rursus imitari Achil-
 lem coepit. Sed Patroclum desiderans aliquem: quidpiam
 huiusmodi fecit. Libertorum omnium charissimus Festus,
 à memoria, dum ad Ilium moratur, iacta defunctus est, ut
 neno (ut quidam aiebant) extinctus, quo scilicet Patrocli
 more sepeliretur, (ut alij affirmant) morbo interceptus.

Alexandrum
imitatur.

Achillē simulat.

Patroclū fingit.

Huius

Alexandriam
petit.

Huius igitur cadauer efferrī iussit, cōpluribusq; lignis ro-
gum strui. Dein imposito in mediū, maciatisq; omne ge-
nus animalibus, subiecit ignem, phialamq; manu tenens,
uinumq; libās, uētos precabatur. Cumq; esset raro capil-
lo, & crinem quærerct, ut imponeret ignibus, deridiculo
erat omnibus, ceterum quos habuit capillos, tamē totone-
dit. Laudabat autem ex omnibus ducibus præcipue Syllā
Romanum, & Afrum Hannibalem, quibus etiam statuas
atq; imagines excitauit. Decedens autē Ilio, Asiaq; omni,
& Bithynia, gentibusq; reliquis pertransitis, atq; ubiq;
rebus cōpositis, deuenit Antiochiā, ibiq; exceptus hono-
rificentissime, atq; aliquandiu moratus, Alexandriā con-
tendit, prætexens huic itineri desiderium uisendæ urbis ab
Alexandro constructæ, simul consulendi illorū numinis,
quod egregiæ incolæ uenerantur, ac simulans hæc duo, in
primis religionem Dei, & herois memoriam, iubet hec
tombas comparari, ac parentationes omne genus. Quod
ut primum est Alexandrinæ multitudini nunciatum, leuif-
simæ suapte natura, & omnibus momentis expositæ, stu-
dium, beneuolētiāq; principis omnes, quasi animorum
impotes accipiebāt. Igitur ad excipiendū illum, se compa-
rabant, quanto nunquā antea honore consueuerāt. Quip-
pe omnifariā musica instrumenta disposita, ubiq; uariū
edebāt sonitū. Præterea aromatū ac suffuentorū uapor
omne genus aditus, cunctos optimis replebat odoribus,
tedis præterea & florū sparsionibus honorabāt. Sed ubi
in urbē iam peruenit, primo quidē templum ingressus est
multisq; uictimis immolatis, ac thure cumulatis altaribus
ad Alexandri monumentū se cōtulit, paludamētūq; pur-
pureum,

pureum, & claris, speciosisq; genibus anulos cōspicuos, balteumq; & siqua alia gestabat elegātiōra, dempta sibi, tum illius imposuit tumulo. Hæc cernentes Alexandrini, leti supra modum, noctibus totis, ac diebus festum celebrabant, ignari quid intra ulceratum pectus Imperator occuleret. Hæc enim omnia per simulationem faciebat, ut uniuersam illorum multitudinem contrucidaret. Latentis odij causa talis erat. Nunciatum ei fuerat Romæ agenti, uiuo adhuc patre, atq; item post extincto, multa in ipsum dicere Alexandrinos. Sunt enim homines suapte natura dicaces, atq; ad describendum illudēdumq; maxime facti, iactantes in optimum quenq; & potentissimum dictētia quædam, ut quidē ipsi putant, festina: ut autē uidētur ijs, in quos dicuntur, longe grauissima, Quippe huiusmodi iocorum, uel maxime illa permouēt, quibus delicti ueritas arguitur. Quare cum multa in eum dixissent, ne dissimulata quidem fraterna cæde, matremq; etiam Iocastam uulgo appellarent, irriderentq; ipsum, quod tantulæ homo staturæ, Alexandrū atq; Achillē maximos, ac fortissimos heroes emularetur. Dum ludere se putant, cō impulerunt Antoninum, hominem suapte natura iracundū, atq; sanguinarium, ut perniciem illis, insidiasq; moliretur. Igitur celebritate, ac festo iam peractō, cum uideret maximam hominum multitudinem ex uicinis regionibus confluisse in urbem, monuit edicto, ut in planiciem quandam iuuentus uniuersa conueniret, uelle affirmans, sicuti Macedonicam, Spartanamq; habebat, ita etiam in Alexandri honorem ipsius herois cognomento Phalangem constitutere. Iubet igitur consistere iuuenes uniuersos, relicto interuallo,

Odij in Alexandrinos causa.

uallo, ut singulorum ætatem, statumq; & corporis habitudinem militiæ idoneam consideraret. His creditis iuvenes, ac uerisimili specie ducti, ob insignem honorem paulo ante exhibitum principi, conueniunt frequentes una cum parentibus, atque germanis latis gratulantibusq;. At uero Antoninus singulos inter se distantes circumiens, contrectansq;, & aliud in alio laudans præteribat: donec illos, neque id animaduertentes, neq; expectantes uniuersus circumueniret exercitus. Ut uero coniecturam fecit iam esse omnes militum suorum armis inclusos, quasiq; retribus implicitos, ipse statim cum suo præsidio excessit, ac si gnium militibus dedit. Qui statim facto undique impetu, depræhensam in medio incremem iuuentutem, cæterosq; qui aderant, magna cæde contrucidant, atque è militibus alij cædem tantum faciebant, alij foueis ingentibus cadauera obruebant, aggestaq; desuper homo immanem tumulum excitauit. Multi etiam in eas foueas semiuui protrahebantur, multi adhuc integri detrudebantur. Sed & milites nonnulli simul perierunt. Nam qui reliquias adhuc aliquas spiritus retinebant, neque penitus defecti erant miribus, impliciti proruētibus se militibus, eos quoq; secum trahebant in foueam. Tanta est autem facta cædes, ut riuus cruoris per planiciem decurrentibus, cum fauces ipse Nil ingentes, tum litus omne circa urbem purpurasceret. Sed affectans Parthici cognomē, famamq; deuictæ ad orientem Barbariæ, quanquā in altissima pace, tale quiddam machinatur. Dat literas ad regem Parthorū Artabanum, simulq; legatos cum muneribus mittit, materie & artis conspicuæ. In eis literis fuerat scriptū, uelle se regis

Alexandrini circumuenti trucidantur.

Antonini ad Artabanū Parthorum regem epistola.

filiam

filiam ducere in matrimoniū, Principem se esse, & prin-
 cipe natum, quare haud decorum privati cuiusquam, &
 tenuis fieri generum, sed reginam ducere potius, filiamq;
 magni regis. Duo maxima imperia esse, Romanū, & Par-
 thicum. Quibus affinitate illa in unum coeuntibus, ac nul-
 lo iam discriminante fluuiio, unam tantum potentiam fa-
 ctum iri, nullis expugnabilem uiribus. Nam reliquas Bar-
 baras nationes, quæ nunc amborū imperijs subiectæ sunt,
 facile iugum toleraturas, si proprios gens quæq; & con-
 uentus sit habitura rectores. Esse Romanis pedestrē exer-
 citum, qui hastis, & stataria pugna ceteros antecellat,
 Parthis uero equitatum plurimum, peritissimosq; sagitta-
 rios. His igitur concurrentibus, & quæ usui ad bellū sunt
 in unum conspirantibus, facile ipses sub uno diademate to-
 tius orbis terrarum imperium retenturos. Præterea odo-
 rantia, quæ apud illos proueniāt, telasq; laudatissimas,
 contraq; apud Romanos metalla ipsa, & quæcunq; arte
 aliqua conspicua uisuntur, nō iam iuxta raroq; & clancu-
 lum per mercatores importatum iri, sed in una duntaxat
 terra, unoq; imperio, communemq; fore utrisque usum re-
 rum omnium, minimeq; impeditū. His literis Parthus ac-
 ceptis, primo quidem abnuere, negare Romano coeunire
 Barbarum matrimoniū. Quam enim fore concordia, neq;
 uoce satis congruentibus, & uicū habituq; inter se distan-
 tibus. Esse Romæ patricos permultos, quorum sibi ille
 optare liberos in matrimonium possit, sicuti itidem apud
 se Arsacidæ. Neq; ullam sanè extare causam, cur alteru-
 trum genus adulteretur. Hæc igitur à principio rescri-
 bens conditionē aspernabatur. Sed instanti Antonino do-
 nisq;

Artabanire.
 sponsio.

Antoninus a
Parthis honori-
fice acceptus,

Parthi circum-
uenti cæduntur.

nisq; & iureiurando fidem studij sui, & charitatis ioco-
riæ faciēti, credidit Barbarus, ac pollicitus daturū filiam
generum iam ipsum appellitabat. Cuius rei iulgata mox
fama, Barbari scilicet omnes ad Romanum suscipiendum
principem se comparabāt, spe quadam sempiternæ pacis
exultantes. Ceterum Antoninus prohibente nullo fluuios
transgressus, ac iam Parthicam regionē quasi propriam
peragrans, sacrificantibus passim uniuersis, supraq; coro-
nata altaria odores incenduntibus, letum se honore illo
Barbarorū magnopere simulabat. Postea uero quā ma-
gno itinere facto, ad ipsam Artabani regionem appropin-
quabat, occurrit ei rex in quadam ante urbem planicie,
nouum nuptum excepturus, generumq; suum, Sed Barba-
rorum magna multitudo, floribus indigenis coronati, at-
que induti uestes auro diuersisq; coloribus uarias, festum
agitabant ad tibiærum fistularumq; & tympanorum so-
nitus saltantes numero se. Quippe huiusmodi tripudijs
supra modum delectantur, præsertim cum se temeto lar-
gius inuictrunt. Sed ubi omnis multitudo confluxit, ac re-
lictis, equis, pharetrisq; & arcibus depositis, inter liba-
mina, & calices agitabant, collectisq; in unum Barbaro-
rum quā plurimi, temere, inordinatq; constiterant, ni-
hil suspectantes mali, sed pro se quisque studentes uidere
nouum nuptum, tum signo dato Antoninus militibus im-
perat impetum, cædenq; in Barbaros faciant. Illi re sus-
cita perterriti, cædenibus sauciantibusq; Romanis ter-
ga obuertunt. Ipse Artabanus à suis stipatoribus raptus,
atque equo impositus, uix, ægreq; cum paucis fugiens
elabatur. Reliqua uero multitudo Barbarorum passim cæ-
debat.

debatur. Quippe neque equos habebant, quibus maxime utantur. Descenderant enim ex ijs, pastumq; dimiserant: neq; ipsi euadere fuga poterant, impediēte cursum fluxa ueste, ad pedes usq; deducta. Porro pharetras, & arcus omnino non attulerant. Nam quid illis opus ad nuptias? Ita ingenti cæde Barbarorū facta, Antoninus prædāq; & hominibus magna copia captis discedit, resistente nullo, uicisq; & urbibus incensis, data potestate militibus rapiendi, quod quisq; posset, aut uellet. Hanc igitur calamitatem haud opinato Barbari acceperūt. Antoninus autē regionē Parthicā penitus ingressus, defessis iam rapiendo, cædendoq; militibus, reuertitur in Mesopotamiā, indeq; senatus, populoq; Romano per literas significat subactum à se orientem, cunctosq; illius regni mortales in suam ditio- nem concessisse. At senatus quanquam totius negotij gnarus (quippe principū res latere nullo pacto possunt) metu tamen atq; assentatione cūctos illi honores uictoriæ decernunt. Substitit autem post id Antoninus in Mesopotamia studio aurigādi, ac beluarum uenationibus intentus. Erant præfecti exercituum duo, Audentius, & Macrinus: quorū alter senex iam, rerumq; ciuiliū planè rudis, haud tamen imperitus rei militaris habebatur, Alter & in foro uersatus, & legum consultissimus. In hunc igitur ut parum militarem, minimēq; fortem uirum, publicè nonnunquam princeps cauillabatur, nec conuitijs quidem abstinēs. Nam audito illam & uictum usurpare liberaliorem, & asperari uilissima, abiectissimaq; cibaria, quibus Antoninus militarily delectabatur, chlamydemq; & uestem cæteram ad urbanū modum gestare, quasi degenerem ipsum, mor-

Audentius.
Macrinus.

h h

boq;

Magos con-
sulit.

Materniani
reliciptum.

boq; muliebri laborantem calumniabatur, minitans etiam occisurum. Quorum impatiens Macrinus, uehementer exacerbatus est. Accidit autem res huiusmodi. Quippe habitura finem aliquando fuerat Antonini uita. Nam cum suapte natura curiosior esset, non hominum modo res cognoscere studebat, sed deorum, demonumq; etiam rimari arcana, metuq; semper insidiarum nullis non oraculis incubabat. Accitis undique magis, astrologis, haruspicibus, ac nullo plaue præterito, qui huiusmodi fallacias profiteretur. Sed eos quoq; suspectans, ut parum uera loquentes, omniaq; ad assentationem uaticinantes, scribit ad Maternianum quendam cui rerum suarum omnium curam in urbe crediderat, & quem sibi ex amicis omnibus fidissimum putabat, consciumq; omnium secretorum habuerat, magos undiq; optimos cõquirat, atq; euocatis manibus de fine ipsius uitæ cõsulat, & an quisquã Imperio insidietur.

At Maternianus nauata principi opera, siue id re uera matnes significauerant, siue alioqui Macrinum perosus, rescribit Antonino, Macrinum esse qui insidietur Imperio, cumq; è medio tollendum. Has igitur literas, ut mos est, cum reliquis obsignatas, dat ignaris quid ferrent tabularijs. Illi consucta usi itineris celeritate, ad Antoninũ perueniunt, quo ille potissimum tempore ad aurigandum se parabat, ac iam currum conscendebat. Ita ei reddunt integrum epistolarum fasciculum, in quibus erant etiam literæ, quæ ad Macrinum pertinebant. At uero Antoninus studio iam omni, atq; animo ad aurigandum intentus, imperat Macrino, uti ipse literas scorsum inspiciat, ac si quid maioris momenti sit, renũciat, sin minus, ipse de more suum,

suam, hoc est præfæcti officium, exequatur: quippe talia identidem iniungere consueuerat. Ipse deinde ad suam studium perrexit. Macrinus seorsum epistolis omnibus solatis, etiam in eam incidit, quæ ipsi perniciem afferebat. Cognito igitur quantum periculi impenderet, ac gnarus Antonini iracundiæ truculentiaeq; præsertim tam specioso prætextu, subtrahit epistolam illam. Caterarum uerò (ut solebat) argumenta principi renunciat. Sed metuens ne iterum super eiusmodi rebus Maternianus rescriberet, malens facere ipse aliquid, quàm expectando pati, tale quiddam comminiscitur. Erat Martialis quidam centurio unus è custodibus corporis Antonini, semper illum affestari solitus, cuius fratrem paucis ante diebus princeps delatum tantum, sed nūnime redargutū occiderat, ipsumq; Martialem per contumeliam timidum, ac degenerem, & Macrini amicum appellauerat. Hunc uehementer dolentem fratris nece, proprijsq; incitatum cōtumelijs, gnarus omnium Macrinus ad se uocat, studiosum iampridem sui, ac multis obstrictum beneficijs, cui persuadet, ut captato quàm primum tempore Antoninum obtruncet. Ille cum promissis adductus, tum proprio odio, ac uindictæ fraternæ studio incitatus, libenter omnia se facturum pollicetur, cum primum occasio euenisset. Euenit autem haud multo post, quippe agens Carris, quæ est Mesopotamiæ urbs, Antoninus, deæ Lunæ inuisit templum, quod in ea regione distans aliquantum ab urbe, præcipuo honore ab incolis colitur. Eò secum paucos equitum eduxit, relicto exercitu cætero, ut sacrificio factō in urbem reuenteretur. Medio autem itinere uno tantū famulo comitatus, ac reliquis

Martialis centurio.

Carris.

abſistere iuſſis, receſſit ad requiſita natura. Quare auerſis omnibus, & quàm longiſſime recedētibus, honoris, ac reuerentiæ cauſa, Martialis, qui omnes temporū captabat articulos, ut eum ſolum eſſe animaduertit, ceu nutu principis ad uidendum aliquid, aut audiendum uocatus, accorrit illicò. auerſumq; & ſubligacula ſibi deducentem pugione traiecit, quem celatū manu attulerat, & cum in ipſam iuncturam ferrū incidſſet, letali ſcilicet uulnere deimproviſo Antoninus minime deſenſus occubuit. Quo factò, Martialis ſtatim equum inſcendit, ac fuga euadere conatur. Cæterum Germani equites, quibus & delectabatur Antoninus, & cuſtodibus corporis utebatur, propiores cæteris, primūq; facinus conſpicati, Martialem cōſecuti miſſilibus conſodiunt. Quod ubi exercitus reliquus cognouit, omnes ſubitò concurrerūt, primūq; Macrinus ſupra cadauer conſucri, ac delanētari per ſimulationē cœpit. Gratis ea res, & moleſta militibus incidit, commilitonem, coniectoremq; aliquem amiſſe, non principem exiſtimantibus. Neque de Macrino quippiā illis adhuc ſuboluerat, putantibus Martialem proprias inimicitias perſecutum. Ita in ſua quiſq; tabernacula diſceſſere. At Macrinus tradito igni corpuscuſulo, reliquias intra urnam coniectas matri ad ſepulturā remiſit. Ea tunc Antiochiæ morabatur. Moxq; ob liberorū calamitates, incertum ſponte, an Imperio alicuius, mortem ſibi conſciuit. Hunc finem habuerunt Antoninus, & Iulia mater, cum quidem ad eum, quem diximus modum uixiſſent, ac ſexenniū tantum ille ſine parente, germanoq; ſuo imperauiſſet. Exincto Antonino, incerti ignariq; quid agerent milites, biduo ſine Imperatore fuerunt, querentes
inter

Antonini cæ-
des.

Martialis cæ-
des.

Iulie matris
Anto. mors.

inter se, quem potissimum principem deligerent. Siquidem aduolare magnis copijs Artabanus nunciabatur, poenas exacturus, & cæsis inter pacem, ac libationes missurus inferias. Igitur principem deligunt, primo quidem Audentiũ militarem scilicet uirum, præfectumq; non improbum. Sed ille senectutem excusans, abnuuit Imperium. Dein uerò Macrinum, suadentibus potissimum tribunis, quos etiam consocios infidiarum Antonini, ac Macrino participes consilij fuisse, post illius mortem suspitio extitit, quemadmodum in sequentibus dicemus. Suscepit autem Macrinus Imperium, non tam fide militum fretus, quàm necessitate impulsus, usuq; præsentis. His actis, iam scilicet Artabanus multis copijs, ac uiribus aderat, equitatum ingentem, & sagittariorum multitudinem adducens, præterea cataphractos chanelis insidentes, qui prælongis contis præliarentur. Quo cognito Macrinus conuocato exercitu, ita loquutus perhibetur.

Audentius imperium recusat.

Macrinus accipiat.

Dolere uos omnes principis huiusmodi, uel ut ne-
drius loquar, commilitonis interitu, minime mirandũ. Sed calamitates casusq; humanos modice ferre, id uerò est prudentium. Caterum illius memoria uestris æternũ præcordijs infidebit, atque ad posteritatem propagabitur, rerum fortiter, ac magnifice gestarum, præterea amoris, beneuolentiæq; & communicatorum uobiscum laborum laudem secum deferens sempiternam. Nunc autem postulat tempus honore habito illius memoriæ, iustisq; omnibus persolutis, occurrere imminenti periculo. Videtis Barbarum instantem cum totius orientis multitudine, ac iustas (ut uidetur) belli causas præferentem, siquidem nos

Macrini oratio ad exercitũ.

illum priores laceſſuimus, uiolato ſœdere, atque in altifſima pace bellum excitauimus. Nunc omne Romanum Imperium in uirtutem ueſtram recumbit, & fidem. Neque enim de finibus imperij, aut de fluminibus dimicatio nobis aduerſus magnum regem, ſed de omnibus fortunis eſt, cum ſcilicet liberos, conſanguineos ſuos ultum ueniat, quos iniuſte à nobis, contraq; ſœdera occiſos arbitratur. Igitur arma capiamus, atque (ut mos Romano eſt) ordines in prælio ſeruemus. Quippe in acie Barbarorū incompoſita multitudo, ac tumultuaria, ipſa ſe fortasse impediet. Veſter autem ordo, atque conſenſus pugnandiq; peritia, ſicuti uobis ſalutem, ita hoſtibus perniciem attulerit. Quapropter ſic uelim bene ſperantes dimicetis, ut Roma nos deceat, utq; haecenus conſueſtis. Ita enim & Barbaros ipſos fuderitis, & gloriam inſignem adepti, fidem Romanis, cæterisq; omnibus feceritis, non dolo aut fraude ulla, ſed uirtute, & armis ſuperiorem uictoriam à uobis paratam. Quæ poſtquam locutus eſt, cognita neceſſitate, milites in ordines ſe recepere, atque in armis agitabant. Sole autem oriente conſpiciunt Artabanum maximas ſecum copias adducentem. Vt autem ſolem Barbari de more propitiant, conſeſtim edito ingenti clamore concurrunt in Romanos, iſq; adequitantes ſagittas ingerunt. At Romani acie inſtructa, Maurorumq; equitatu per latera diſpoſito, ac receptis per interualla expeditis militibus, quibus facilis eſſet excuſſio, fortiter reſiſtentes, impetum Barbarorum ſuſtinebant, qui ſcilicet & ſagittarum multitudinis, & prælongis contis, quibus cataphracti ex equis, aut chameleis depugnabant, peſſime Romanos accipiebant.

Contra

Romanorum
cū Parthis con-
ſuetus.

Contra Romani quoties pedem conferebant, facile scilicet aduersarios superabant. Postea uero quam ab equitatu, & chamelitarum multitudine premebantur, fuga simulata tribolos, aliaq; machinamenta ferrea acuminata proijciebant, quæ sub harenis latentia, neque cuiquam conspecta perniciem equitibus, & chamelorum infessoribus afferebant. Quippe illis calcatis, equi potissimum uerò chameli, quoniam huic generi mollissimæ sunt ungulæ, succiduae claudicabant, excussis tergo infessoribus. Cæterum Barbari illi quandiu equis, aut chamelis inuehantur, acerrime scilicet conflunt. Vbi autem uel descendere iam, uel excidere faciles sunt captu, neque prælium in manibus gerere audent, & si fugiendus, aut insequendus sit hostis, crura scilicet fluxa ueste præpediuntur. Vno igitur, alteroq; die à mane ad uesperam pugnatum. Nox prælium dirimit, reuersiq; sunt in castra atq; quasi uictores. Tertia die in planiciem pugnaturi conuenere. Tentante autem Barbaro, utpote qui numero præstabat circumuenire Romanum, quasiq; indagine concludere. Contra non iam profundiorē, sed in frontem productam constituebant Romani aciem, ac se circumueniri prohibebant. Tanta autem uirorum, iumentorumq; multitudo cecidit, ut omnis cōpleretur campus, maximq; cadauerum acerui in altum attollerentur, præsertim uerò chamelorum, qua alie super alias procubuerunt. Ergo nec liber pugnantibus cursus erat, nec inter se cernendi copia, uelut ingenti quodam, ac uix per uio aggere cadauerum in medium extructo, quo scilicet prohibente transitum ad reliquos, singuli se in sua castra receperunt. At

Macrinus cognito non alia de causa tam acriter, ac pertinaciter pugnare Artabanū, nisi quia se pugnare cōtra Antoninū arbitrabatur (Solent enim Barbari paulo negotio quasi satisfacere, uelutiq; oneri cedere, si modo primis congressibus parū ex sentētia res gesserint. Tunc autē perstāt, praeliū integraturi, cū primū cadauera cōcremassent, ignari perijisse, qui has inimicitias cōcitauerat) mittit Parthis legatos cum literis, quæ declararēt occidisse Imperatorem, ac debitū suppliciiū luisse, qui fœdera, & iusiurandum tenerauerat, sibi esse à Romanis, quorū ipsum tandē Imperium sit, summā rerum traditam. Non placere uerō quæ acta fœrent. Itaque captiuos quācumq; superessent, raptaq; omnia redditurū. Cupere se illum ex inimico amicum facere, pacemq; iureiurādo, ac libamīnibus sancire. Quibus lectis Artabanus, edoctusq; à legatis de Antonini cæde, satis dedisse supplicij uiolatorē fœderis arbitratus, contentusq; reddi sibi citra ullum cruorē captiuos, prædamq; omnem, fœdus cum Macrino ferit, atq; in proprias sedes reuertitur. Sed & Romanus Imperator, deducto ex Mesopotamia exercitu Antiochiam profectus est.

LIBER QVINTVS.



DE ANTONINI Imperio, cædeq; , insidijs, ac successione item superiore libro diximus. Ceterū Macrinus ubi Antiochiam peruenit, literas senatui, populoq; Romano misit in hanc sententiam. Cum satis ipsi cognitū habeatis, quodnam fuerit meum iam inde à principio totius uitæ institutum, quāq;

Macrini ad senatum literæ.

quantiq; ad benignitatem propensi mores, quæ mansuetudo
in ea potestate explicata, quæ non multum abest à princi-
patu (siquidem ipse quoq; Imperator fidei se præfæcti co-
hortis credit) superuacuum esse arbitror multis uerbis uti
apud uos. Nostis enim & ipsi parum me letum fuisse ijs
rebus, quæ ab illo gerebantur, ac sæpe uestri causa pericli-
tatum, dum ille nulli non calūniæ fidem habēs, uelut effre-
nus contra uos irrueret. Itaque identidem mihi obtrecla-
re solitus, etiam publice modestiam in me, atque humani-
tatem uituperabat, segnem, & fluxis moribus uocitans.
Quippe homo assentationibus gaudens, quicumq; ipsum
ad crudelitatem exacuebāt, rabiemq; insitam, quasi signo
dato prouocabant, & calūnijs iram excitabant, eos sibi
deniq; bencuolos, fidosq; in primis amicos arbitrabatur.
Mibi autem iam inde à principio nihil lenitate antiquius,
modestiaq; fuit. Igitur Parthicum bellum longe maxie-
mum, & in quo omne Romanum imperium fluctuauerit,
ita confecimus, ut nec in acie fortiter dimicando hostibus
cesserimus, & regem maximas secum trahentem copias,
istò foedere ex inimico amicū reddidimus. Porro me prin-
cipe liberi, incruentiq; omnes agitabunt, magisq; optima-
tum conspiratio hæc erit, quàm principatus. Neq; tamen
est, quod quisquam indignum Imperio censeat, aut fortune
ne crimen putet esse, quod ex equestri ordine ad imperiū
peruenerim. Nam quò obsecro nobilitas ipsa, nisi morum
benignitas adsit, & humanitas? Siquidem fortune mu-
nera, etiam parum dignos exornant, animi uirtus pro-
prian cuiq; gloriam conciliat: & claritas quidem gene-
ris, diuitiaq;, atque id genus reliqua, & si beatorū pro-
h h 3 priā

pria putantur, minime in ipsis, utpote ab alijs tradita laudantur. Lenitas autem, ac benignitas, & si ipse quoq; admirationi sunt, attamen habenti quoq; laudem accumulât. Quid enim uobis profuit Commodi nobilitas, aut Antonini paterna successio? Scilicet eiusmodi homines quasi ipsis debitam hereditatem adepti, ueluti proprio patrimonio per contumeliam abutuntur. Qui autem à uobis Imperium acceperunt, ueluti in perpetuum obstricti etiam referre gratiâ pro meritis entuntur. Ad hæc patricia principum nobilitas sæpenumero in superbiam uertit, despectis omnibus uelut inferioribus. At qui modestiæ experimento ad Imperium asciscuntur, quasi partû labore tuentur semper, uerenturq; & colunt, quos consueuerant. Mihi sane decretum est, nihil sine autoritate uestra gerere, ac uos principes, consiliariosq; habere Reipub. gerendæ. Viuetisq; pro arbitrio uestro in libertate illa, quâ uobis antehac à patricijs imperatoribus creptam, Marcus deinde Pertinaxq; restituere conati sunt, ambo ad Imperiû priuatis cunabulis innutriti, quippe generis initia clara posteris relinquere, ipsum præstat, quam accepta à maioribus sædis moribus contaminare. Hac lecta epistola, conclamatum à senatu uniuerso, nulliq; non honores Augustorum Macrino decreti. Neque uero tantopere lætus senatus Macrini successione fuit, quam uulgò uniuersi gratulabantur extinctum Antoninum. Nam ut quisq; auctoritate aliqua, aut dignitate præcellebat, ita maxime imminentem suis ceruicibus depulisse gladiû arbitrabatur. Delatores autem & serui omnes, quicunq; dominos detulerant, patibulo suffixi, totaq; urbs, atq; adeo Romanum Imperium

Macrinus a senatu Imperator approbatus.

rium sceleratis hominibus per purgatum, partim supplicio affectis, partim exilio multatis. Quòd si qui tamen latuerunt, metu quiescentium, etiam ipsi libertatis quandā imaginem præferebant, anno dūtaxat uno, quo Macrinus Imperium obtinuit. Quippe hoc tantum peccauit, quòd non exercitum illicò dimisit, atque unoquoq; domum reuerti iussu, ipse Romam sui cupidam statim non petijt, uocante populo quotidie se, ac Macrinum uociferāte. Sed Antiochie morabatur, barbam nutrens, et incedens quā solebat lentius, tardissimeq; ac uix adeuntibus se respondēs, adeoq; interdum submissa uoce, ut ne exaudiri quidē posset. Hæc enim dcnum sibi de Marci moribus imitanda proposuerat, cum ad illius reliquam uitam nullo pacto aspi-raret. Quippe deliciosius indies agitans, histrionibusq; et saltatoribus intentus, et gubernandi negligens, incedebat cum fibulis, ac balteo auratis gemmatisq;. Qui luxus minime Romano gratus exercitui, certe quem Barbaris putant, scæminisq; congruentiorem, quā principi. Talia igitur intuentes, magnopere improbare omnes, uitamq; plane hominis aspernari molliorem, quā ut militari uiro conueniret, simul comparari inuicem Antonini uitæ exemplum, solertis imprimis, ac plane militaris uiri, et Macrini luxuriam. Præterea grauiter indignari, quod ipsi adhuc in tabernaculis agerent, procul à Patria, ac nonnunquam rerum quoq; necessariarum indigerent, neq; domum dimitterentur etiam pace facta, cum scilicet ille contra mollissime, ac deliciosissime uitam cole-ret. Igitur excusatus uelut habenis quotidie in hominem can-
auctura

Mæsa soror Iu-
lia.
Emesa urbs
phœnicie.

Soænis.
Mammæa.
Bassianus.
Alexianus.

Heliogabalus.

aucupabantur. Sed ita, scilicet fato datum fuerat, ut uno
dūtaxat anno princeps Macrinus in delicijs absumpto,
simul cum uita Imperium amitteret, exiguan, tenuemq;
fortuna occasionem militibus ostentante, ad ea quæ concu-
pierant patranda. Mæsa erat quædā nomine Phœnissa mu-
lier, ab Emesa urbe Phœnicie, cui soror Iulia fuerat Se-
ueri coniunx, ac mater Antonini, ea uiuente sorore mul-
tos annos in aula Imperatoria uixerat, Seuro & Anto-
nino principibus. Hanc igitur Mæsam post sororis obiitū,
atque Antonini cædem, iusserat Macrinus in patriam cum
omnibus bonis reuerſi. Abundabat autem grandi pecunia,
utpote longiſſimo tempore inter principalem potentiam
enutrita. Reuerſa igitur anus, domi agitabat. Erant uerò
ei filie due, quarum natu maior Soænis, minor Mammæa
uocabatur. Illi filius Bassianus, huic Alexianus, amboq; sub
matribus, auiaq; educabantur. Et quidem Bassianus annos
natus erat circiter quatuordecim, Alexianus autem deci-
mum iam annum attigerat. Sacerdotes ambo Solis, quem
maxime indigenæ colunt, Phœnicum lingua Heliogaba-
lum uocitantes. Templumq; illi maximum cōſtructum ha-
bent auro, argentoq; plurimo, ac lapidum eleganti ma-
gnificentia exornatum. Neq; solum indigenæ deum illum
uenerātur, sed uicini quoq; satrapæ, regesq; Barbari, cer-
tatim quotannis splendida offerunt munera. Simulacrum
uerò nullum Græco, aut Romano more manufactum ad
eius dei similitudinem: Sed lapis est maximus, ab imo ro-
tundus, & sensim fastigatus propemodum ad coni figu-
ram. Niger lapidi color, quem etiam iactant cœlitus decia-
diſſe. Eminent in lapide quædam, formæq; nonnullæ uis-
suntur,

suntur, ac Solis imaginē illam esse affirmant, minime humana artificio fabrefactam. Huic igitur deo sacer erat Bassianus, quippe natus maior, ipse potissimum sacerdotio fungebatur, incedens Barbarico cultu, tunicas indutus intextas auro, ac manuleatas, et ad pedes usque demissas, cruraque tota conuelans ab unguibus ad femora, uestibus similiter auro, purpuraque varijs, capite coronam gestans, preciosorum lapidum coloribus florentem. Præterea integer æui, cunctorumque eius ætatis adulescentium formosissimus. Quare congruentibus in unum forma corporis, atque ætatis flore, simul habitu illo molliissimo, facile eum Dionysij pulcherrimis imaginibus assimilabant. Hunc igitur sacra celebrantem, chorumque circa altaria Barbarum in morem, ad tibias, fistulasque, et omnifariam organa instaurantem, curiosius inspectabant, cum mortales alij, tum in primis Romani milites, uel quod genere Imperatorio editum sciebant, uel quod formæ uiribus, omnium in se oculos cōuertebat. Quippe tum uicinus urbi illi exercitus erat, tuēdæ Phœniciæ præpositus, deductus inde mox, ut in sequentibus exponemus. Cum itaque cottidie religionis nomine milites ad templum itarent, libenter scilicet adulescentē intuebantur. Erant autem ex ijs nonnulli Roma profugi Mæse familiares, quibus illa formam pueri admirantibus, incertum mentita, an uerum professsa, filium utique esse ait Antonini, quamuis alterius putaretur. Quippe cum suis natus adulescētulis adhuc, et forinosis rem habuisset: quo tempore ipsa in palatio simul cum sorore agitabat. Ea res audita ab illis, ac sensim communicata, reliquis commilitonibus, per uniuersum denique exercitum uulgata est: Porro etiam

Bassiani cultus
& forma.

etiam aceruos habere nummorum. Mæsa dicebatur, facie
 leq; omnes militibus elargitura, si modo imperium sue so-
 boli restitueretur. Pollicentibus autem se eam cum suis, si
 noctu clanculum in castra uenisset, patentibus portis exce-
 pturos, atque Antonini filium Imperatorem declaratu-
 ros, nihil scilicet recusauit anus, decreta periculū quoduis
 adire, quā uitam colere priuatam, atque abiectā. Quæ
 propter noctu clanculum urbe egressa, cum liberis, nepo-
 tibusq; suis, deducente ipsos profugo tum militum agni-
 ne, facile in castra dimittitur, ibiq; puerum confestim mili-
 tes uniuersi Antoninum appellatum, atq; indutum purpu-
 ra custodiebant. Tum cōmētu omni simul cum suis natis,
 & coniugibus, cæterisq; adeò rebus importatis, quas in
 uicis agrisq; propinquis habebant, ita se intus compara-
 bant, ut etiam si opus foret, castrorum obsidionem exci-
 perent. Quæ ubi nuntiata Macrino sunt Antiochiæ mo-
 ranti, edito per exercitus rumore, repertum Antonini fi-
 lium, pecunias militibus elargiri Iuliæ sororem, cū omnia
 quæcunq; dicerentur, aut esse ullo modo poterant, pro-
 ueris acaperentur, pendebant animis omnes, atq; eos ad
 res novas moliendas, cum proprium Macrini odium, tum
 Antonini memoriæ quædam quasi commiseratio subige-
 bat, sed in primis pecuniarum spes, ut multi iam ex ijs ad
 nouum Antoninum transfugerent. At Macrinus reui to-
 tum quasi puerilem cōtemnens, cōsuetamq; obtinens animi
 alacritatem, domi ipse sedens, unum è suis ducibus mittit,
 traditis copijs, quantæ ad rebelles expugnandos, uideren-
 tur suffecturæ. Vt autem cōperuenit Iulianus (id enim no-
 men præfesto fuit) ac iam moenibus succedebat, statim in-
 clusi

Basilius Anto-
 ninus uocat⁹ ad
 imperium seua-
 tur.

elusi milites, puerum exercitui infesto de turribus, pin-
 nusq; ostendere, uociferari Antonini filium, sacculos quoq;
 nummorum plenos, escam scilicet produtionis attollere.
 At illi credito Antonini esse filium (et quoniā sic uidere
 uolebant) facie quoq; et linamētis quā simillimum exi-
 stimantes, caput amputant Iuliano, mittuntq; ad Macri-
 num. Ipsi reſeratis portis, uniuerſi in castra accipiuntur.
 Ita scilicet adauctæ copiae, nō modo ad excipiendam obſi-
 dionem, sed ad conferendā quoq; manum, dimicandumq;
 instructa acie satis futurae, Transfugarū etiam magna ui-
 paulatim quotidie se aggregant. Quibus auditis Macri-
 nus cum omni exercitu ad castra illa oppugnanda cōlen-
 dit. Antoninus autem militibus oppugnationem haud ex-
 pectantibus, sed cōgredi audentibus, copias omnes educit.
 Concurrerunt aut inter se exercitus uterq;, in Phœniciae
 Syriaeque finibus, acrius dimicante Antonini milite, cōſcien-
 tia, metuq; poenae, si uictus foret, contra aut Macrini exer-
 citu languidius, remissiusq; praelium capeſcente, multisq;
 subinde ad Antoninum transfugientibus. Quo animaduer-
 so Macrinus metu, ne planē omnibus exutus copiis ca-
 ptius ageretur, nihil non passurus cōtumeliæ, stante ad-
 hac acie, chlamydem sibi, ceterumq; imperatorū detra-
 hit ornatum, paucisq; è fidiſſimis commilitonum comita-
 tus, fugam occupat, detonsaq; barba, ne agnosceretur, ita-
 nerario uestimento, capiteq; semper conuelato, noctem
 diemq; accelerabat, famam quoq; suae fortunae praeueniēs,
 quippe ingenti studio commilitones uehicularum urgebant,
 quasi Macrino adhuc rerum potente, magnis de rebus
 mitterentur. Ille igitur fuga euaserat, quemadmodum
 diximus.

diximus. Interea milites utrinq; pugnabāt, atq; à Macria
 no quidē corporis custodes, ac stipatores, quos prætoria
 nos uocant, fortiter stantes, reliquum omnem exercitū soli
 sustinebāt, uidelicet proceri homines, atq; ex omni nume
 ro delecti. Cetera omnis multitudo pro Antonino prælia
 batur. Sed ubi diu neq; Macrinū iam ipsum, neq; imperij
 signa cōspiciebant, qui pro illo certamē subierant, ignari
 ubi nam foret, iaceret, an aufugisset, haud satis constitutū
 habentes, quod sibi capiendū consilium foret, neque peri
 culari diutius pro eo decreuerant, qui iam nusquam cōpa
 reret, & se permitteret hostiū potestati, quasi dediticios,
 captiuosq; uerebantur. Vt autem à captiuis audiuit Anto
 ninus aufugisse è prælio Macrinum, mittit statim nūtiōs,
 qui doceāt frustra illos pro homine pauidissimo, ac fugiti
 uo decertare, ueniamq; & obliuionē omnium iureiurando
 pollicetur, stipatoresq; iam tum sibi illos adsciscit. Igitur
 omnes re credita cesserūt. At uero Antoninus mittit illicō,
 qui Macrinum cōsequantur, cū iam plurimum uia præ
 cepisset. Inuentus autē est in Chalcedone Bithyniæ urbe,
 grauissimè egrotans, ac perpetuo itinere attritus, latitans
 in suburbano quodam, ubi illi caput abscissum. Dicebatur
 autem Romam properare, fretus popularibus studijs, sed
 transgredientē in Europam, angusto propontidos freto,
 iamque Byzantio appropinquatē, uento aduerso usum
 perhibēt, quasi flatu ipso ad supplicium retradente. Tan
 tum igitur absuit Macrinus, quo minus persecutores effu
 gerit, finem uitæ sortitus fœdissimum, qui Romam reuerti
 post uoluerit, quod statim à principio facere oportuerat.
 Offendit autem consilio pariter, atque fortuna. Ita scilicet
 occisus

Macrinus cedes.

occisus est Macrinus cum filio Diadumeno, quem iam Cæsarem fecerat. Postea uero quàm exercitus uniuersus Antoninum Imperatorem consalutauit, atq; ille summā rerum suscepit, rebus iam in oriente, ut quæq; maxime urgebant, ordinatis, ab auia scilicet atq; amicis (nam ipse adulescens admodū, ac rerum erat imperitus) haud diu moratus, promotionem edicit, festinante in primis Mæsa ad Romanam aulam, cui tam diu insueuisset. Sed ut senatui, populoq; Romano res innotuit, omnes eum nunciū grauiter accipere. Sed parendum necessitati fuit, electo à militibus principe. Ceterū incusantes Macrini negligens ingenium, fluxosq; mores, neminem utiq; alium, sed ipsum sibi fuisse mali causam distitabāt, At uero Antoninus è Syria profectus Nicomediæ hyemauit, ita postulante anni tēpore. Statim igitur debacchari supra modū cœpit, cultumq; patrij numinis, eiā dicatus fuerat, celebrare superuacuis saltationibus, uesitum usurpans luxuriosum, purpura intextum, atque auro, monilibusq; et armillis redimitus, coronas etiam substinens ad Tiaræ modum, auro lapillisq; pretiosis insignitis. Forma habitus inter Phœnissam stolam, ac Mædorum amictum. Nam Romanam uestem, aut Græcā planè aspersionabatur, è lana (ut ipse aiebat) hoc est è re utilissima confectam. Neq; nisi sericas telas dignabatur, procedens identidē ad tibias, et tympana, uelut orgia numinis celebraret: Hæc cernens Mæsa ac ferens iniquo animo, superplex illi persuadere conabatur, ut Romanū assumeret cultum, ne urbem mox, curiamq; ingrediens peregrino illo, Barbaricoq; habitu, spectantiū oculos perstringeret, insolentes eiusmodi munditiarū, ac reputantes mulierculis,

Diadumenus filius Macrini.

Antonini insolentia.

quàm uiris congruentiores. Sed ille uerbis aniculæ cōtem-
 ptus, nec cuiquā praterca credendum putans (quippe nemi-
 nem circa se, nisi moribus consimilem, suisq; obsecundantē
 uitij habebat) cum retinendum sibi quemcunq; illum cul-
 tum animo obstinasset, decreuit absens periculum facere,
 quoniam animo senatus populusq; Romanus laturi forent.
 Quare imaginem propriā maximis liniamentis, qua ipse
 obire sacerdotis munia uidebatur, simulq; figurā numinis,
 cuius sacerdotiū gerebat, depictam in tabula prēmisi Ro-
 mam, iussis qui eam ferrent in media curia loco edito supra
 uictoriæ caput collocare, ut cum senatus haberetur, thura
 unusquisq; adoleret, merumq; libaret. Edixit itē ut omnes
 Romani magistratus, quiq; publice sacra fierēt ante alios
 deos, quorum meminisse inter sacrificandum solent, deum
 Heleogabalum nuncuparēt. Quapropter ut in urbē pere-
 uenit, nihil scilicet nouum Romani uiderūt, insueti iam pi-
 cturæ. Diuiso igitur congiario in populū (ut mos est impe-
 rium suscipientibus) spectacula omni fariā edebat magnifi-
 centissima, templumq; item maximū, pulcherrimumq; deo
 erexit, plurimasq; circa templum constituit aras, ad quas
 cottidie mane taurorū hecatombas, & ouium magnā mul-
 titudinem immolabat. Coaceruatisq; supra aras omne ge-
 nus odoribus, etiam ueterrimū cuiusq; optimūq; uini pluri-
 mas amphoras profundeabat, sic ut riuī passim uini, sangui-
 nisq; promiscue defluerent. Chorosq; circū aras agitabat
 nullis non organis consonantibus, unaq; mulicribus Phœ-
 nissis cursitatibus in orbem, cymbalaq; inter manus haben-
 tibus, aut tympana, omni circūstante senatu, atq; equestri
 ordine ad theatri formam. Extā porro uelīmarum, atque
 aromata

aromata inter lances aureas, capitibus imposita gesta-
 bant, non quidem famuli aliqui, aut humiles persone, sed
 præfecti exercitibus, & quicumque maximas dignitates
 obtinebant, induti tunicas tilares, ac manuleatas, unanq;
 in medio purpuram ferentes, sed & linteis calciamen-
 tis utebantur, quemadmodum uates in eis regionibus con-
 fuerunt. Porro ingentem se honorem tribuere puta-
 bat, quibus eiusmodi sacrificia participaret. Sed quam-
 uis instaurare choros, & sacra facere perpetuo uideretur,
 plurimos tamen ex illustribus uiris atque opulentis
 interfecit, delatos sibi, quod parum leti illiusmodi uita,
 etiam in ipsum quandoque cauillarentur. Duxit præ-
 terea uxorem illustrissimam Romanam foeminam, quam
 etiam Augustam appellauit, cumq; ea tamen paulopost di-
 uortium fecit, ademptisq; honoribus priuatâ colere uitam
 inſit. Post illam uero captū se amore simulans, ut aliquid
 uirile saltem facere uideretur, Vestalem sacerdotem, quā
 leges castam esse, & uirginem perpetuo uolunt, abreptam
 è templo pro uxore habuit. Ita mæstum tanto flagitio, ac
 piaculo senatum per epistolam consolatus, humanū esse id
 peccatum, captum se illius amore. Cæterum sacerdoti con-
 gruere sacerdotis nuptias, ob idq; etiam augustiores futu-
 ras. Sed eam quoq; paulopost dimisit, tertia uxore ducta,
 quæ referre suū genus ad Commodū dicebatur. Neq; uerò
 humana tantū matrimonia ludebat, sed etiā deo suo quære-
 bat uxorem: Itaq; Palladis simulacrū, quod occultum Ro-
 mani, neminiq; uidendū colunt, in cubiculum suum trāstu-
 lit, immotumq; ad eam diem, ex quo Illo auēctum fuerat,
 præterquā quum templum conflagrauit, ipse emouit sedi-
 bus,

Palladium.

Vrania.

Astroarche.

bus, eamq; deam sui dii coniugem in aulam Imperatoriam adduxit. Dein cordi esse negans deo belligeram uxorem, atq; armatam, simulacrum Vrania iussit afferri. Quod scilicet Carthaginensibus, omniq; Africae uenerabile, positum fuisse à Phoenissa Didone creditur, quo tempore antiquam Carthaginem dissecto corio edificauit. Hanc Afri Vrania uocant, Phoenices Astroarchen, Lunam esse affirmantes. Congruere igitur aiebat Antonius matrimonium Solis & Lunae. Itaq; & simulacrum afferri iussit, & auri quicquid in templo erat, pecuniamq; deo suo dotis nomine dari praecipit. Quod ubi allatum est, ac propè Heleogabalum constitutum, iussit urbe tota, Italiaq; festos dies, celebresq; & letitiae plenos, publice, priuatimq; quasi dijs nubentibus agitari. Fecit & in suburbano templum maximum, ac magnificentissimum, in quod anno uertente deum suum adultæ ætate deducebat, ludisq; currulibus, & scænicis, epulisq; & peruigilijs populum à se oblectari arbitrabatur. Ipsum porro dei simulacrū impositū uehiculo, quod esset auro, pretiosisq; lapidibus exornatū, deducebat ex urbe in suburbanū, trahentibus equis seiugibus, emaculato candore, ac magnitudine præcellētibus, auroq; multo, & phalerarum uarietate conspiciendis. Neq; enim quisquā mortaliū eum inscenderat currum, sed circumstabant omnes quasi aurigantem deum. Antoninus autem retrorsus currens, ac simulacrū ipsum aspectans, currum antecedebat, frenos manibus retinens, totumq; iter ita retrorsum currens, ac deum semper aspectans confecit. Ac ne caderet, labereturq; ignarus quò tenderet, aurosam substrauerant harenam, militesq; eum utrinque retentabant, quo tutius retroce-

retrocederet, discurrere etiam cum facibus utrinq; populo, & coronas, floresq; iacente. tum deorum omnium simulacra, & quicquid conspicuum in templis, principatusq; insignia, & prætiosissima supellex, equites item, & exercitus uniuersus pompam illiusmodi comitabantur. Vbi autē deduxerat, atq; in templo constituerat, sacris iam celebritatibusq; peractis, maximas, altissimasq; turres ad id ipsum extructas conscēdebat. Inde scilicet in plebem missilia sparsurus, aurea uidelicet argenteaq; pocula, uestesq; & lintea omne genus: bestias præterea cicures omnes, exceptis subus, quibus ipse (ut mox est Phœnicibus) abstinebat. Multi igitur inter rapiendū periere, partim inuicē proculcati, partim militū contis transfixi, sic ut ea celebritas calamitatem quā plurimis attulerit. Ipse identidē auri gans, aut saltans conspiciebatur: quippe ne latere quidem sua patiebatur flagitia, procedens etiam in publicum pietis oculis, genisq; purpurissatis, faciemq; suapte natura formosam indecoris coloribus inficiens. Quod animaduertens Mæsa, ac suspectans nultum indignationē, metuensq; ne si illi quid accidisset, ipsa rursus in priuatam uitam relaberetur, persuadet leui alioqui stolidoq; adulescenti, ut sibi consobrinum suum, nepotemq; ipsius ex altera filiarum Mammæa progeneratū adoptaret. Ita ad gratiā locuta, oportere iam ipsum sacerdotio, religioniq; numinis uacantem bacchari, ac deū celebrare orgia, sufficēdum autem alterum, qui res curaret humanas, quiq; illi principatū uacuum ab omni molestia, curaq; præstaret. Neq; tamen peregrinum aliquem, aut alienum hominem requirendum, sed consobрино potissimum id honoris tribuēdum. Is erat

Alexianus Alexander vocatus.

Alexāder cæsar declaratus.

Alexianus, qui tum nuncupabatur Alexāder, auito ipso nomine in Macedonis regis nomē cōmutato, Nam cum regē fama per se celebrem, etiā magnopere coluerat Antoninus Seueri filius, quē fuisse amborū parentē persuadere annis conabatur, iactato filiarū incesto, quo illi magis, magisq; à militibus diligerentur. Quare Cæsar declaratus Alexāder, consulq; factus cum Antonino est, senatu scilicet per ridiculū decernēte, quod ille uoluerat, hoc est uideri ipsum patrē, qui natus annos foret circiter quatuordecim. Alexādrum uero filium, qui tum duodecimum attigisset. Postea igitur quā Alexander Cæsar est appellatus, uolebat cum statim Antoninus suis illis institutis imbueret, ut scilicet choros agitans, saltansq; et sacerdotij particeps, uestitu eodem, atq; artibus uteretur, quē tamen mater Mammæa ab omni illa fœditate uindicabat, summis clam doctoribus omnium disciplinarū, modestiamq; edocens, ac palæstra, uirilibusq; gymnasijs insuefaciens, græcisq; cum pariter, et latinis literis instituēs. Quibus rebus magnopere Antoninus indignabatur, iamq; adoptionis, imperijq; participati poenitebat. Quapropter omnes illius doctores aula exegit, quosdamq; illustriores partim morte, partim exilio affecit, ridiculas allegans causas, quod filium ipsius corrumpere, neq; agitare cum choros, atq; ebacchari sine rent, sed ad modestiā componerent, et uirilia officia edocerēt. Eoq; ueracitæ prouectus est, ut omnes scenicos artifices, ac theatricos ad maximas imperij dignitates promoueret. Quippe exercitijs saltatorē quendā præfecit, qui olim iuuenis publicè in theatro operas dederat. Alium uero à scena iuuetuti, aliū senatui, alium etiā equestri ordini

dimi præposuit. Aurigis item, & comædis, mimorūq; his-
 trionibus, maxima imperij munia demandabat. Scruiſq;
 suis, aut libertis (ut quisq; turpitudine reliquos antebat)
 procuraciones tradebat prouinciarū. Ita rebus omnibus,
 quæ graua olim, honestaq; censebantur, per omnē contu-
 meliam, ac temulentia debacchantibus, cum cæteri omnes,
 tum in primis Romani milites indignabantur, contemne-
 bantq; cum, utpote uultum componentē elegātius, quā
 fœminā probam deceret. Insuper aureis monilibus, mollis-
 simoq; uestitu, haud quaquā uiriliter ornatū, saltantemq;
 in conspectu omnium. Quare propensiores animū in Ale-
 xandrū habebant, spemq; meliorem in puero modeste, &
 continenter educato, seruabantq; cum diligēter omnes ab
 insidijs Antonini. Mater autem Mammæa neq; poculen-
 tum aliquid, neq; esculentū gustare puerum sinebat, quod
 ab illo mitteretur. Cocis autē & pincernis utebatur puer
 non quidem imperatorijs, aut cōmunibus, sed quos mater
 tantum delegerat, ac spectatæ fidei futuros arbitrabatur.
 Dabat item furtim pecunias mater, quas ille inter milites
 clanculum diuideret, ut eorum beneuolentiā etiā pecuniæ
 pignore (hanc enim illi potissimū spectant) haberet auto-
 ratam. Quæ intelligens Antoninus, nihil non insidiarum
 Alexandro, matriq; intendebat. Quas tamen omnes arce-
 bat, prohibebatq; communis auiæ Mæſæ, mulier alioqui
 acerrima, multosq; annos in aula cum sorore sua Iulia Se-
 ueri coniuge cōmorata. Nihil itaq; eam latebat, quod An-
 toninus moliretur, homo suapte natura futilis, & qui o-
 mnia quæ placrent propalam loqueretur, atque ageret.
 Postea uero, quā insidiæ parum procedebāt, detrabere

Mammæa.

Mæſa.

puero Caesaris honorē decreuit. Itaq; neque salutari, neq;
iam foras procedere patiebatur. Milites autē magnopere
illum requirebant indignantes, siquidem imperium quoq;
adimeretur. Sed Antoninus famā uulgauit, quasi iam obijss
set Alexander, ut scilicet periclitaretur, quoniam id animo
laturi milites forent. At illi nusquā comparēte puero, præ
terea animis ruiore illo exulceratis indignabūdi, neq; so
litam custodiam miserunt Antonino, & inclusi castris ui
dere Alexandrū uelle in ipso templo desistebant. Eo metu
ictus Antoninus Alexandro secum in uehiculo Imperatorio
confidente, quod erat auro multo, gemmisq; exornatum,
contendit in castra. Cæterum portis reſeratis accepere
utranq; milites, atq; in templum caſtrorū deduxerunt, ſa
lutantes ſupra modum, & lætis clamoribus proſequentes
Alexandrū, ſpreto propemodū Antonino. Quæ ille egreſ
ſerens, cum in templo caſtrorū pernoctaffet, iratus militi
bus, notatos qui Alexandro acclamauerāt, quaſi ſeditionis
& tumultus autoribus, arripi omnes ad ſupplicium impera
uit. Quod illi egreſerentes, atque Antoninum iam antea
quoq; perofi, cum tollere è medio principem ſœdiſſimum
optarent, ſuiſq; commilitonibus ferre ſuppētiās, rati hoc
eſſe tempus ipſam ſtatim Antoninū matremq; Soænidem,
quæ forte illic aderat, interfecerunt, cumq; eis ſeruos, mi
niſtrosq; omnes ſcclerū, quicunq; tum in ea caſtra conue
nerant. Cæterum Antonini, & Soænidis cadauera trahen
da per contumeliā plebi tradiderunt, quæ diu per totam
urbem raptata ac dilaniata, poſtremo in cloacas abiecta
ſunt, ut inde ſcilicet in Tyberim deſerrētur. Sic Antoninus
ſexenniū Imperio occupato, uitaq; (ut diximus) acta ſimul

Antoninus &
Soænis mater
occiduntur.

cum

cum matre occisus est. Milites autem Alexandrum Imperatorem consalutatam in aulam palatinam deduxerunt, adulescentulum admodum, atque adhuc auæ præceptis obtemperantem.

LIBER SEXTVS.



VE M igitur habuerit finem uitæ, maior Antoninus, in superioribus demonstratum est. Alexander autem post illud nomen insigniaq; gerbat Imperij. Cæterum negotiorum administratio, ac principatus gubernacula, mulieribus incūbebant, omnia trāse-

Alexander per mulieres principatum gubernabat.

ferre ad modestiam grauitatemq; conantibus. Quippe iam primum sedecim ordinis senatorij viros ætatis grauitate, uitæq; sanctimonia præcellentes, assessores principis, et consiliarios delegerunt, nihilq; aut dicebatur, aut agebatur, nisi illorum accedente suffragio. Grati igitur populo militibusq; ac senatui, præterea forma principatus erat, ex contumeliosissima tyrannide ad optimatum gubernationē redacta. Igitur primo deorum simulacra, quæ ille proprijs sedibus extulerat, suis quæq; tēplis, delubris, fanisq; restituerunt. Dein quos ille temere, aut uiciorum nomine, ad honores dignitatesq; extulerat, submotos inde ad pristinam uitam omnes, artificiumq; redegerunt. Res autem cunctas, atque administrationes, ciuiles quidem, et forenses, insignibus doctrina uiris, legumq; peritissimis, militares autem claris bellica uirtute hominibus commendabant. Cumq; diu ad hunc modum regeretur imperium.

Mæsa iam extremæ senectutis diem suum obiit, honores Mæse mon.

Mammææ pruden-
tia.

Anematon im-
perium.

adepta imperatorios, atque (ut mos Romanis est) inter di-
uas relata. At Mammæa cernens iam solam se filio reli-
quam, præesse ad eundem modum moderariq; studebat.
Cumq; adolescentem summam habere iam cerneret auto-
ritatem, metu ne iuuida ætas in summa potestate, licentiâq;
rerum, in cognata aliqua impingeret iatia, undiq; aulam
seruabat, neq; adiri à quoquam adolescentem patiebatur,
cuius uita moresq; improbarentur, ne scilicet bona indoles
corrumpere, prouocantibus appetitum eius iam uigen-
tem assentatoribus in extremas libidines. Persuaserat au-
tem, ut actibus incubaret meliore diei parte, idq; faceret
quàm sapissimè, ne quod spatium superesset uacandi malis
artibus, occupato rebus potioribus, ac necessarijs impe-
ranti. Cæterum suapte natura suberat Alexandro mite mæ-
suetumq; ingenium, propensumq; ad humanitatem, quod
ipsum ætas etiam consequens declarauit. Quippe annis
quatuordecim Anematon, hoc est citra sanguinem gessit
Imperium, ne uno quidē occiso. Licet enim permulti ma-
ximis criminibus impeerint, tamen ab illorū cæde semper
abstinuit, quod utiq; non facile à quoquā omnium Impera-
torum, quique Marco successerint, factum obseruatumq;
inuenies. Neminē quisquā illo imperante cōmemorare po-
test, cui mors indēnato sit illata. Matrē uero etiā incusa-
bat, eiq; grauitè succensebat, quod esset pecuniæ auidor
et opum cumularum studiosior uidebatur. Etenim
cū simularet ideo se thesauros congerere Mammæa, ut
suppeditare Alexandro posset, quod is facile, abundatèq;
suis largiretur militibus, proprios domi thesauros extrue-
bat. Quæ res imperatori notam infamæ attulit, quod illo

salicet

ſcilicet inuito, atq; indignabundo etiam mulier auida per fraudē bona quorūdam, atq; hereditates ſuppilabat. Dedit uem filio in matrimoniu puellam patricij generis, quā etiā marito charam, gratamq; imprimis, cadē paulo poſt aula per omnem contumeliā exegit. Et cū ipſa tantum uocari Auguſta uellet, eamq; appellationē puellæ inuideret, cō cōtumeliarum prouecta eſt, ut puellæ pater, quāuis magnæ apud Alexandrū generū autoritatis, impatiens Mammææ iniuriarum, quas ipſi nataq; inferebat, conſugerit in caſtra, gratiam ſe habere Alexandro diſtitans habiti ſibi honoris. Cæterum Mammæam accuſans, nihil non contumeliæ inferentem. Quare indignata mulier interfici eum quidem iuſſit, puellam uero ædibus Imperatorijs exactam, in Africā relegauit. Hæc autē omnia fiebant inuito, coactioq; Alexandro, quippe illi mater ſupra modum imperitabat, ac dicto audientem ſemper habebat, ut hoc tantum reprehendi in Alexandro poſſit, quod manſuetudine nimia, et reuerentia maiore quā oportuit, etiam contra animi ſui ſententiam matri obſequeretur. Igitur cum ad hunc modum tredecim annos (quod quidē ad ſe attineret) ſine querela cuiuſquam imperium gubernaffet, ecce ſibi haud opinato literæ è Syria, Meſopotamiaq; redditæ à ducibus, in quibus ſcriptum eſſet, Artaxarem Perſarum regem Parthis iam deuictis, atque Artabano, qui Rex magnus prius appellatus eſt, dupliciq; diademate utebatur, non ſolum orientis regno, ſed uita quoque expulſo, ſubigere uicinos Barbaros, ac ſibi ueſtigales facere: neq; iam intra fluuium Tygrim tenere ſe, ſed ſuperatis ripis, ac Romani ſinibus imperij, excurrere per Meſopotamiā, Syriæq; munitari,

Artaxaris Perſarum rex bellū mouet,

minitari, omnemq; Europæ oppositam continentem, quæ
 mari Aegæo fretoq; Propontidos terminatur, atq; Asiæ
 nomen habet, ceu ueterem Persarum possessionē sibi uin-
 dicare, quod iam inde à Cyro, qui primus imperiū à Me-
 dis in Persas transtulit, ad Dariū usq; extremum Per-
 sarum regem, cui regnum Alexander abstulerit, cuncta
 olim Ionia, Cariaq; tenus à Persarum satrapis guberna-
 rentur. Quare sui muneris esse curare nunc, ut uetus atq;
 integrum Imperium Persis restitueretur. Quibus intelle-
 ctis Alexander, atque haud mediocriter re subita, inopi-
 nataq; perturbatus, quippe in altissima pace educatus à
 puero, atq; urbanis delicijs innutritus, conuocato prius
 amicorum consilio, decreuit legatos cum literis mittere,
 qui spem Barbari, conatusq; inhiberent. Igitur literæ in
 hanc sententiam compositæ. Oportere illum suis finibus
 contentum, nihil rerum nouarum moliri, neq; sublatum
 uana spe ingens excitare bellum. Debere unumquēq; suis
 fortunis acquiescere. Non perinde sibi pugnam processu-
 ram aduersus Romanos, ut aduersus uicinos, et eiusdem
 corporis Barbaros. Admonebat præterea uictoriarum,
 quas contra eos Augustus, ac Traianus, Luciusq;, item
 et Seuerus adepti fuissent. Huiusmodi literis Alexan-
 der persuasurum se Barbaro, metu scilicet perterritō, pa-
 cem, quietemq; arbutabatur. Quibus ille contemptis,
 remq; armis potius, quàm uerbis gerendam ratus. Tum
 uero ferocissimus ingruere, decursaq;, ac perequitate Mes-
 opotamia omni, prædas agere, atque oppugnare Roma-
 norum castra, imposita fluminum ripis, quæ, scilicet impe-
 rij limites tuerentur: Cumq; homo esset natura glorios-
 sus, ac

sus, ac sublimes animos gereret, successu rerum inopina-
 to subacturum se omnia uidelicet existimabat. Neq; enim
 parua erant, quæ illius animum ad maius concupiscendum
 regnum inflamabant. Primus nanq; ipse Parthis bellum
 inferre ausus, Persarum recepit imperium. Siquidem post
 Darium illum, cui regnum Macedo Alexander abstule-
 rat permultis sanè annis, Macedones ipsi, quiq; Alexan-
 dro successerunt, diuisas inter se Orientis, Asiæq; totius
 regiones gubernarunt. Sed ortis inter ipsos discordijs,
 ac frequentibus bellis attrito Macedonum robore, pri-
 mus Arsaces Parthus persuasisse earum regionum Bar-
 baris memoratur, ut à Macedonibus deficerent, imposi-
 toq; sibi diademate Parthorum, Barbarorumq; uicino-
 rum consensu, & ipse regnum tenuit, & posteris reli-
 quit ad Artabanum usque regem, quo interfecto Artaxa-
 res, regnoq; Persis restituto, uicinaq; Barbaria per uim
 subacta, facile iam Romanam quoque potentiam laceſce-
 bat. Quæ ubi Alexandro Romæ agenti nuntiata sunt,
 minime iam ferendam putans insolentiam Barbari, uocan-
 tibus illuc se ducibus, ægre scilicet tandemq;, contraq;
 animi sui sententiam ad expeditionem se comparat. Igitur
 in Italia, prouincijsq; reliquis delectus habebantur cun-
 ctorum, qui uel habitudine corporis, uel ætatis uigo-
 re, idonei fore ad pugnam uiderentur, Motusq; ingens
 omnibus Romani imperij regionibus extitit delectibus
 habendis, qui tantæ Barbarorum multitudini pares fo-
 rent. At uero Alexander, urbanis omnibus militibus con-
 uocatis in campum, consensuq; tribunali, in hanc senten-
 tiam uerba fecit.

Arsaces Par-
 thus.

Cuperem

Alexandri ora-
tio,

CVperem commilitones eiusmodi habere orationem
apud uos, quæ & dicenti mihi, ut consueuerat orna-
mentum, & uobis audientibus lætitiā conciliaret. Nam
cum multos annos pacem agitaucrimus, siquid noui nunc
audieritis, fortasse quasi præter spem acciderit, expauesce-
tis. Decet autem uiros fortes, atque moderatos optima
quidem optare, sed ferre quæcunque incident. Vt enim
quæ cum uoluptate agimus dulcia, ita quæ cum uirtute,
gloriosa sunt. Atque ut is qui prior laceffit, ipse sibi iniu-
rius uidetur, ita qui propulsat iniuriā, confidentior ex
conscientia fit, atque ex iustitia spem bonā mutuatur.
Artaxares uir Persa, postea quā Artabanum dominum
suum interfecit, atque ad Persas imperium transtulit, etiā
nostra arma laceffere despecta maiestate Romana, etiam
incursare, ac uastare nostras prouincias aggreditur. Huic
ego per literas à principio studui persuadere, ut inexplē-
bilem illam uerecordiam omitteret, ne'ue aliena concupisce-
ret. At ille Barbara insolentia prouectus, neque se conti-
nere suis sedibus iam uult, & nos ad pugnam prouocat.
Ne cunstemur igitur ne'ue præliū detractemus, sed qui-
cunque seniores hic adestis, admonete quā primum illū
trophæorum, quæ plurima aduersus Barbaros Seuero,
atque Antonino parente meo ducibus excitastis. Quibus
autem ætas integra est, laudem hanc in primis, ac glo-
riam concupiscite, ut intelligant omnes scire uos non so-
lum pacem mansuete, ac reuerenter colere, uerum etiam
cum res postulat fortissime præliari. Quippe Barbari ut
cedentibus, detrectantibusq; acriter instant, ita repugnā-
tibus minime resistunt. Neq; enim illis collata acies spem
uictoriæ

uictorie pollicetur, sed excursibus fugaq; utentes, lucrari
 se demum putant, quæ scilicet rapuerūt. At nos cū omnia
 composita, ordinataq; habeamus, tam illos uincere, ac
 profligare semper didicimus. Talia quædam locutū Ale-
 xandrum alacri uociferatione milites exceperunt, ac se
 promptissimos ad bellandum ostenderunt. Ille diuiso lar-
 giter stipendio, iubet ad iter accingi, mox ad eam fermè
 sententiam locutus in senatu, diem discessui præstituit.
 Quæ ubi aduenit, sacris de more peractis, deducente se-
 natu, populoq; uniuerso, Roma proficiscitur, respectans
 identidem, ac lachrymans. Sed neque popularium quis-
 quam fuit, qui siccis oculis aspexerit abeuntem. Quippe
 omnem multitudinem sui cupidam habebat, educatus ab
 ipsis, imperioq; tam multos annos modestissime admini-
 strato. Cæterum festinato itinere cum Illyricas etiam
 gentes, exercitusq; lustrasset, magnis inde quoq; uiribus
 collectis, Antiochiam contendit. In ea ciuitate, quæ belli
 usus postularet, diligenter comparabat, exercendis etiam
 militibus, ac cæteris bellicis muneribus pertractandis in-
 tentus. Visum igitur illi est legationem iterum mittere ad
 Persarum regem, quæ de pace, amicitiaq; cum illo age-
 ret. Nam cum ipse iam afforet, nūnime desperabat, aut
 persuasurum quæ uellet, aut certe perterrefacturum.
 Enimvero Barbarus Romanos oratores re infecta do-
 mum remisit. Ipse quadringentos è suis, proceritate in-
 signes, uestituq; eleganti, auroq; exornatos, equis atque
 arcubus conspicuos, legatos ad Alexandrum mittit, per-
 territum iri Romanos putans aspectu illo, cultuq; Persa-
 rum. Legationis eius hæc erat sententia. Iubere magnorum
 regem

Alexandri ad-
 uersus Artaxa-
 rem expeditio

Artaxaris lega-
tio.

regem Artaxarem Romanos, eorumq; principem Syria
omni, Asiaq; quaecunq; ex aduerso Europæ sita est, dece-
dere, sinere Persas Ionia, Cariaq; tenuis dominari, omnia-
busq; ijs regionibus, quas mare Aegæum, Pontusq; diste-
minat. Hæc affèrentes legatos quadraginta comprehen-
di Alexâder iubet, omniq; adepto cultu in Phrygiam re-
legat, uicis agrisq; concessis, quos colerent, cōtēnuius hoc
supplicio interdicti in patriâ reditus, quippe occidere ne-
farium facinus, minimeq; uirile arbitrabatur, neq; in acie
captos, & sui regis mandata executos. His ad hunc mo-
dum peractis, comparante iam se, ut fluuios transgrede-
retur, Alexandro, ac Romanorum exercitum in Barbaro-
rum agros deduceret, defecerunt ab illo milites nonnulli
ex Aegypto acciti, neque non in Syria quoq; res novas
contra imperium moliti alij, sed uniuersi tamen oppressi
statim, supplicioq; affecti sunt. Quosdam etiam exercitus
in regiones alias transtulit Alexander, ut inde Barbaro-
rum incursiones facilius arcerentur. Quibus ordinatis
rebus, magnoq; iam coactō exercitu, cum primum se
haud imparem fore aduersariorum copijs credidit, de ami-
corum sententia milites trifariam distribuit. Sic ut unam
partem iuberet, spectantem ad septentriones, facere iter
per Armeniam, quæ regio amica Romanis uidebatur,
atque illinc Medorum fines incursare. Alteram item ad
Septentrionem, per Barbarorum agros contendere, ubi
confluentes Tigris & Euphrates, densissimis paludibus
excipi, atque ob id eorum latere egressus dicuntur.
Tertiam porrò exercitus partem, ipse adducturum se
aduersus Barbaros medio iam itinere pollicebatur. Ita
enim

enim putabat diuersis itineribus imparatos eos, ac sic nec opinantes oppressurum, Persarumq; copias semper in-
gruentibus Romanis occurrentes, distractum iri, atque imbecilliores futuras, minusq; ordinate prælium susce-
pturas. Neque enim mercenario milite utuntur Barbari, quemadmodam Romani consueuerunt, neque statiuis ca-
stris exercitus habent, qui bellorum actibus exerceantur, sed omnis multitudo uirorum, nonnunquam autem mu-
lierum quoque, regis congregantur imperio, quæ mox bello peracto, suas protinus in sedes dimittitur, ea de-
mun præmia belli referens, quæ cuique ex rapina super-
fuerint. Arcubus autem, & equis non in prælio tantum more Romanorum utuntur, sed à pueritia usque enutri-
untur unà, uenatu inuigilantes, pharetratiq; semper, ac nunquam ex equis desilientes, siue bellum gerant, siue fe-
ras conficiant. Sed hoc Alexandri consilium, & si lon-
ge optimum prima specie uidebatur, statim tamen fortu-
na destituit: siquidem exercitus contendere per Arme-
niam iussus, uix, ægrèq; superatis eius regionis asperri-
mis, præruptissimisq; montibus, quanquam æstas tolera-
bilis iter faciebat, impetu in Mediam facto, uicos con-
cremavit, prædamq; abegit, At rex Persarum intellecta
re, confestim quàm maximis potuit copijs auxilio ad-
fuit. Cæterum arcere illinc Romanos minime poterat.
Quippe aspera regio peditibus quidem stabilem gressum,
facilemq; transitum præbebat. At Barbarorum equitatus
montium asperitate, & cursum difficiliorem, & iter ha-
bebat impeditius. Nuntiatum dein regi est, exercitum al-
terum Romanorū, Parthorum in agros, quæ ad orientē
k k spectant,

spectant, impetum fecisse. Quare metuens ne Parthis facile superatis, mox in Persiam grassarentur, reliquis copijs quantæ ad tuendam Median satis fere uidebantur, ipse cū toto exercitu ad orientis partes accelerabat. Cæterum exercitus Romanus comparente, ac repugnante nullo negligentius iter faciebat, ratus Alexandrum cum tertia parte copiarum quæ maximæ, ualentissimæq; foret in medios incurrisse Barbaros. Itaque resistentibus illis, atque ob id exercitum retinentibus, minime sibi prope-
 randum putabat, ut qui se tutos crederent, præstituto ante loco, in quem pariter uniuersi cum præda abacta, captiusq; omnibus conuenirent. Sed eos Alexander fefellit, neq; enim aut ipse uenit, aut exercitum adduxit, incertū metū ne proprio, ne ipse imperium tuendo uita periclitaretur, an quia mater retinuerit, muliebri pauore, et charitate filij nimia. Siquidem omnes illius generosos spiritus retinebat, suadēs alios potius periculis exponeret, quam ipse in acie consisteret. Quæ res exercitum Romanum fines Barbarorum ingressum, planè prodidit. Etenim Persarum rex omnibus copijs occurrens, imparatis, minusq; expectantibus, quasiq; intra retia undique concludens, omnem Romanorum exercitum profligauit. Quippe pauci plurimis resistere haud poterant, semperq; nudas corporis partes armis aduersus impetum sagittarum protegebant, satis præclare agi secum existimantes, si nulla edita pugna integri recessissent. Sed cum aliis quandiu confertim clypeis sese quasi muro circunsepsissent, atque omnes undique uelut urbs aliqua oppugnarentur, cōsauciarenturq;, tandem ubi diu fortiter resisterant,

Romanorum
 clades.

rant, occisione occiderūt, ingens hæc calamitas, & quæ
lis nulla facile memoratur, Romanus incidit, amisso ingen
ti exercitu, uel fide, uel robore cuilibet antiquorum exer
cituum conferendo. Persam uero maiorum spe rerum im
pleuit tantarum successus rerum. Quæ ubi nuntiata Ale
xandro sunt, grauissime tunc ægrotanti, siue ex mœrore
animi, siue insolentia cœli, cum ipse tulit molestissime,
tum exercitus omnis grauiter imperatori succensebat.
Quippe ipsius mendacio minime signis seruatis, prodia
tos ab eo suos milites declinabant: Cæterum Alexander
morbi, cœliq; illius æstuarii impatiens, laborante pariter
omni exercitu, maximeque Illyricianis qui humido, hi
bernoque cœlo infueti, largiusque cibum captentes, le
taliter ægrotabant, redire Antiochiam constituit, acci
tis etiam eo militibus, qui montium tamen, atque hyc
mis asperitate attriti, paucissimis tantum reliquis, peric
rant. Copias autem quas secum Alexander habebat, An
tiochiam reduxit, multis inde quoque amissis. Quare ma
gnum exercitui mœrorem, magnum Alexandro dedecus
cares attulit, cum scilicet omnibus locis fortuna illius
consilium fefellerit. Siquidem plurimi è triplici illo exer
citu (ita nanque distribuebat) desiderati sunt diuersis cala
mitatibus, morbo, ferro, frigore. Vt uero Antiochiam
peruenit Alexander, facile & ipse conualuit, spiritu illo
cœli, & aquarum abundantia, post æstuosos Mesopota
mæ calores reffectus, & milites uniuersos recreauit, con
solatus etiam mœstitiam illorum pecunijs elargiendis.
Id enim solum ualere ad conciliandos militum animos
arbitrabatur. Copias autem instaurabat, comparabatq; de
k. k. 2. integro

integro, quasi iterum in Persas exercitum deducturus, si molesti esse pergerent, neq; ab iniuria desisteret. Sed et rex Persarum dimisisse milites suam quenq; domum nunciabatur. Nam quamvis bello superiores fuisse Barbari uiderentur tamen praelijs crebris in Media, Parthiaq; gestis pars ceciderant, alij attriti, et saucij superfuerant. Neque enim segniter Romani deuicti, sed ipsi quoque interdum exitiosi hostibus, nullaq; adeo re magis perierunt quam quoniam pauciores deprehensi. Nam cum ferè par utrinque numerus cecidisset, reliquæ illæ Barbarorum non quidem fuisse uiribus superiores, sed numero uidebantur. Cuius rei argumentum est, quod triennio mox, aut quadriennio Barbari nequaquam arma resumpserunt. Quibus intellectis Alexander Antiochiæ commorabatur, hilariorq; iam, et liberior, laxatis bellorum curis, urbis eius delicijs indulgebat. Enimvero putante illo tum quæturos Persas, aut sanè multum spacijs, moræq; intercessurum, priusquam exercitum de integro cogerent, haud facile, cum semel dissipatus est, in unum coeuntem, utpote incertum, atque inordinatum, uulgusq; potius quam exercitum, tantumq; comineatum habentem, quantum sibi unusquisque ad præsentem usum domo attulisset. Præterea et grege filios, uxoresq; et sedes proprias relinquentem, statim nuncij, literæq; ab Illyricis procuratoribus adfuerunt, qui cum uehementer perturbarent, curamq; animo maiorem inijcerent. Quippe significabant Germanos Rhenû, Danubiumq; transgressos, Romanos in fines hostiliter intrasse, oppugnareq; iam exercitus ripis insidentes, perq; urbes, et uicos magnis copijs excurrere. Quas propter

Germanorum
 motus.

propter haud leuiter Illyricas nationes conterminas, uicinasq; Italiae periclitari. Opus esse igitur ipsius praesentia, totoq; quantum secum exercitū haberet. Haec & for midinem Alexandro, & Illyricis militibus mœsilitiam attulerunt: quippe duplici se calamitate usos intellegebant, quod & ipsi male accepti in acie aduersus Persas fuerāt, & suos domi cæsos à Germanis audiebant. Quare indignabantur, atq; Alexandro succensebant, tanquam res in oriente prius, uel metu, uel negligentia prodidisset, nunc autem rebus ad septentrionem uocantibus, in eum cunctaretur. Erant autē Alexander iam, atq; amici illius etiam de ipsa Italia solliciti. Neq; enim par periculum à Persis, atq; à Germanis impendebat. Nam qui sub orientē habitant magno terrarum, marisq; interuallo discreti, Italiae uix nomen audiunt. At Illyricæ gentes angustæ uidelicet, neq; multum agri Romanis subiecti possidentes, solæ disserimen faciūt inter Italiam, atq; Germaniam. Edicit itaque profectionem ingratam, atque egrefereus, sed urgente tamen necessitate. Relictis autem copijs quantas fore satis tuendis Romanis ripis arbitratur, castrisq; & castellis diligentius communitis, ac praesidio firmatis, ipse aduersus Germanos cum reliqua omni multitudine appropinquabat. Confectoq; celeriter itinere, constitit ad Rheni ripas, atq; ibi res ad bellū necessarias comparabat. Pontemq; primo iunctis inier se nauigijs fecit in Rheno flumine, ut per eum exercitus transgrediretur. Quippe hi maximi fluminum sub septentrione feruntur, Rhenus ac Danubius, quorum alter Germanos, alter Panuonios praeterfluat. Atq; aestate quidem nauigabiles altissimo, latissim-

Rhenus & Danubius flumina.

moq; aluco, per hycnem dein concreti gelu, camporum
 in morem perequitantur. Est autem adco eius aluei solida
 glacies ut non equorum ungulis tantum, pedibusq; uiro-
 rum subsistat. Sed qui hausturi inde sunt, non tam urnas,
 aut uasa alia secum afferant, quàm secures, ac dolabras,
 aut casan inde aquam sine uase ullo ueluti lapidē aspor-
 tent. Hæc igitur illorum annium natura est. Alexander
 autem Mauros complureis, ac uim ingentem sagittario-
 rum, quos secum ex oriente adduxerat, partim ex agro
 Osirboenorum, partim è Parthia transfugas, pecuniâ ue-
 illectos, aduersus Germanos instruebat. Quippe huiusce
 modi milites maxime Germanos infestant. Cum & Mau-
 ri longius iacula intorqueant, sintq; faciles ad incursus
 recursusq; utpote leues, atque expediti, & sagittarij, nu-
 da Germanorum capita, prægrandiaq; illa corpora facile
 eminus ueluti signum aliquod contingant. Nonnunquam
 uero etiam collata acie res gerebatur, ex qua Germani
 persepe, haud impares Romanis abibant. Cum in his
 Alexander uersaretur, decreuit tamē oratores ad illos de
 pace mittere, qui pollicerentur omnia illis principem Ro-
 manum, quorum foret opus præbiturum, pecuniasq; dæ-
 turum magna copia. Sunt enim Germani pecunie in pri-
 mis auidi, nunquanq; non auro pacem Romanis caupo-
 nantur. Quare Alexander pacem, sœderaq; potius ab il-
 lis emercari, quàm periclitari bello tendebat. Cæterum mi-
 les Romanus iniquo animo ferebat frustra se tempus tes-
 rere, nulla occasione fortiter quicquam, animosq; geren-
 di, intento aurigationibus (ut aiebant) ac delicijs Alexan-
 dro, cum contra oporteret vindicare potius Germanos,
 poenasq;

Germani auri
 cupidi.

pœnasq; ab ijs exigere audaciæ. Erat autem in exercitu
 Maximinus è quodam Thraciæ, & quidem intimæ uico, Maximini or-
tus, & cōditio,
 senubarbarus homo, & qui à pueritia opilio fuisset, dein
 uigente ætate ob corporis proccritatem, uiresq; ingētes,
 equo stipēdia fecerat, postremoq; fortuna quasi manudu-
 cente, ac præuia, cum per omnes militiæ gradus ascendis-
 set, etiam ad exercituum, prouinciarumq; præposituras
 euaserat. Hunc igitur Maximinum, ob eam quam supra
 diximus rei militaris peritiam, tyronibus uniuersis Ale-
 xander præfecerat, quos ad militiæ munera exerceret, at
 que ad bellandū idoneos redderet. Qui cū in eo negotio
 nihil sibi ad omnē diligentiam reliqui faceret, maximam
 scilicet à cuncto exercitu gratiam inibat. Non solum quæ
 gerenda forent assidue edocens, sed ipse etiā primus obi-
 ens quæ usus posceret, ut non discipulos tantum, sed amu-
 los etiam, atq; imitatores haberet suæ uirtutis, quos etiā
 muneribus, omniq; genere honorū sibi adiūgebat. Quæ
 propter adulescētes, quorū bona pars ex Pannonia erat,
 leti uirtute Maximini, uulgo obtrectabant Alexandro,
 quòd sub matris autoritate adhuc esset, nihilq; nō ex arbi-
 trio, cōsilioq; illius administraret, bellūq; segniter, & ti-
 mide gereret, ferentes identidē sermonibus inter se, quan-
 tum detrimenti cunctatione illius in oriente acceperissent,
 nihilq; adhuc fortiter, ac uiriliter gestum aduersus Ger-
 manos. Quare & suapte natura proni ad res nouādas,
 & tam longū principatum grauati, minus iam lucrosū,
 omni ambitione pridem cōsumpta. Tum sperantes alterū
 mox principem, adepto præter expectationem imperio,
 plus aliquantum utilitatis, honorumq; ipsis, ac studiij de-
laturum

Maximū imp-
erator saluta-
tur.

laturum, decreuere Alexandrum obtruncare, ac Maximū
num uocare Augustum, commilitonem uidelicet, & con-
tubernalem, pratercūq; rei militaris peritia maxime prae-
senti bello idoneum. Cum igitur frequentes in campū con-
uenissent, uenienti de more ad exercendos tyrones Ma-
ximino, dubium ignaro, an re prius composita, purpuram
circundant, imperatoremq; saluant. Ille primo reniti, &
obijcere purpuram. Vt autem nudos intentari gladios à
militibus uidit, occisuros nisi cederet minutantibus, futu-
rum quàm praesens periculum praepotans, honorem scili-
cet recepit, fortunamq; illam saepe (ut aiebat) oraculis, ac
somnia praemonstratam, testatus milites prius, inuitum,
retreſcentemq; se cogi, sed illorum tamen obsequi uolun-
tati. Quamobrem quae ipsis placuerint, resciant, subla-
tisq; armis etiam praevento rumore, Alexandrum iam rei
totius ignarum opprimant. Vt milites illius, ac stipatores
re subita perterriti, aut sponte cum reliquis consentiant,
aut certe dum imparati sunt, nihilq; eiusmodi expectant,
etiam ingratis subigantur. Postea uero quàm beneuolen-
tiam omnium, atque alacritatem prouocauit, duplicata scilicet
annona, ingentiq; promisso donatiuo, poenisq; omni-
bus, ignominijsq; renuſis, confestim ad Alexandri taber-
naculum, quod haud procul abesset, uniuersos educit. His
ille nunciatis uehementer rei nouitate perturbatus, atq;
exterritus, profilit è tabernaculo uesano similis, lachry-
mansq; & tremens, nunc Maximinum perfidum ingra-
tumq; uocare, enumeratis quaecunque in illum beneficia
contulisset, nūc tyrones accusare, qui neglecto sacramen-
to, adeò proteruiter id facinus auderēt, postremo autem
polliceri

polliceri daturum se quæ uellent, emendaturumq; si quæ
desiderarent. Sed milites qui cum tuebantur, faustis in=
præsens acclamationibus prosecuti, defensuros eum cun=
ctis uiribus affirmabant. Nocte autem exacta, cum iam lu=
cesceret, nuntiantibus quibusdam adesse Maximinū, pul=
ueremq; haud procul excitatum uideri, ac uoces magnæ
multitudinis exaudiri. Rursus in planiciem egressus Ale=
xander, conuocare milites, rogare ut se defenderent, tue=
renturq; cū, quem ipsi educauissent, quoq; iam quatuor=
decim annos imperante, sine ulla querela uixissent. Com=
motisq; miseratione omnibus arma capere, ac resistere
hostibus imperabat. At milites & si omnia principi pol=
licebantur, paulatim tamen alij aliò dilabebantur. Quidā
etiam præfectum prætorij, atque Alexandri familiares ad
supplicium deposcebant, ortam ab illis defectionem cau=
santes. Alij matrem ipsius accusabant auarā fœminā,
& quæ pecunijs congerendis, ob sordes nimias, parsi=
moniaq; erga milites, inuisum cunctis Alexandrum reddi=
derit. Igitur aliquandiu hæc inter se diuersi dictitantes,
stabant adhuc tamen. Vt uero exercitus Maximini in con=
spectum uenit, atq; hortari commilitones cœpit, ut mulie=
rem sordidam, & pusillum adulescentem etiamnum sub
matris seruitio statim desererent, seq; uiro forti, probiq;
aggregarent, commilitoni ipsorum, atque in armis sem=
per, bellicisq; muneribus uersato, confestim uniuersi ab
Alexandro desciuerunt, atque unanimiter imperatorem
Maximinum consalutauerunt. At ille tremens, atque exa=
nimatus in tabernaculum reuertitur, matriq; implicatus,
& (ut aiunt) conqurens, atque incusans, quod ob illam

Alexandri & matris
caedes.

talia pateretur, expectabat interfectorem. Maximinus autem postquam eum exercitus uniuersus Augustum appellauit, tribuno, & centurionibus aliquot negotium dedit Alexandri, matrisq; unâ, & quicumque uim contra facerent occidendorum. Qui facto impetu in tabernaculum, statim ipsum cū matre, amicisq; & honoratissimo quoq; obtruncant, exceptis qui paulo ante fuga sibi, ac latebris consulissent. Quos tamen uniuersos haud multo post comprehensos Maximinus ipse morte affecit. Hunc finē habuit uitæ Alexander, unâ cum matre, cum annos quatuordecim, sine ulla subiectorum querela, atque adeo sine sanguine imperasset. Siquidem à cædibus & crudelitate abhorrens, uenunem nisi iudicio damnatum perire patiebatur, ad humanitatem uidelicet, ac beneuolentiam propensus. Quapropter nisi filium mater auara ac sordida infamasset, nihil planè desiderari in illius gubernatione imperij potuisset.

LIBER SEPTIMVS.

Maximini
fauit.



VALEM se gesserit Alexander quatuordecim annorum imperio, superiore uolumine exposuimus. Interea Maximinus rerū potitus, mutata uehementer rerum conditione, asperere, ferociterq; adepta potestate utebatur, sic ut ex molli, mansuetoque imperio ad tyrannidis crudelitatem uertere omnia contenderet. Nam cum se inuisum hominibus cognosceret, quod primus ex infimo loco ad eam fortunam peruenisset, præterea moribus perinde ut genere Barbarus, patrioq;

patrioq; instituto cædis auidissimus, ad id potissimum dabat operam, ut imperium sibi seuitia constabiliret: scilicet metuens ne senatui, reliquisq; omnibus Romanæ ditionis hominibus contemptibilior fieret, dum non tam in eo præsens fortuna, quàm natalium obscuritas spectatur. Quippe iam id tritum, uulgatumq; apud omnes opilionē fuisse in Thraciæ montibus, dein corporis uastitate, ac robore inter eius regionis tenuissimos milites adscitum, quasiq; manu ductum à fortuna ad Romanum imperium. Quare omnes confestim amicos, consiliariosq; Alexandri à senatu lectos subtulit è medio, partimq; Romam dimisit, partim administrationem rerum causatus officio priuauit. Id eo consilio fecit, ut solus esset in exercitu, ne minemq; prope se haberet ex conscientia nobilitatis potentiorē, sed uelut ex arce quadam citra ullius reuerentiam, tyrannidis operibus uacare posset. Omniaq; Alexandri ministeria, quibus ille per tot annos usus fuerat, ex aula eiecit, plurimis etiam interfectis, quod insidias uidelicet suspectaret, quando omnes illius interitu mortuos esse intellegebat. Cæterum magis magisq; crudelitatem irritauit coniurationis cuiusdam in se delatio, conspiratis in unum centurionibus permultis, omniq; senatu Romano. Magnus erat quidam nomine, uir patricius et consularis, qui delatus imperatori est, quasi maximum contra ipsum compararet, ac militibus persuaderet, ut ad se imperium transferrent. Consilium autem huiusmodi fuisse putatur. Pontem construxerat Maximus supra flumen qua aduersus Germanos transiret, ut enim primum summam rerum suscepit, statim bellica facinora

Magnus patricius.

facinora affectavit. Siquidem ob immanem corporis staturam, & militare robur, ac peritiam pugnandi, adscitus ad imperium, re ipsa famam confirmare, atque opinionem militum tendebat, ut metum illum atque contationem Alexandri in prælijs capeffandis iure improbatam fuisse coargueret, Quare nihil sibi ad exercendos milites reliqui faciebat, & cum ipse in armis assiduus erat, tum exercitum uehementer adhortabatur. Sed tum constructo (ut diximus) ponte, transire in Germaniam statuerat. Cæterum Magnus haud sanè paucis militibus, sed qui uirtute cæteros anteirent, atque ijs potissimum, quibus custodia pontis, curaq; fuerat demandata, persuasisse dicebatur ut simul ac Maximinus in alteram ripam persuasisset ponte abscisso, redituq; intercluso Barbaris eum proderent. Siquidem tanta erat amnis illius profunditas ac latitudo, ut irremediabilis fore uideretur, nullis præsertim nauigijs in aduersa ripa. Talia scilicet sermonibus ferebantur, incertum uero, an cõposita fraude, (neq; enim facilis sententia, parum explorata re citraq; iudiciũ, aut defensionem ullam, correptis, interfectisq; omnibus, quoscunque suspitio attigerat) Sed & militũ Osrhoënorum defeclio nonnulla oborta est. Nam cum magnopere indoluissent Alexandri nece, ac forte fortuna in quendam ex illius amicis, cui nomen Quarcino fuit, paulo ante à cæstris à Maximino dimissum incidissent, correptum, atque retractantem, neque tale quippiam cogitantem ducem sibi delegerunt, purpuraq; eum, prælatoq; igni, funestis scilicet honoribus condecoratum, nihilq; minus optantẽ, ad imperium protulerunt. Qui tamen haud diu post in tabernaculo

Quarcinus ad
imperium ul tra-
hitur.

tibernaculo dormiens, à cõtubernali quodam suo, & (ut credebatur) amico per iusdidas occiditur. Macedoni non
 men fuit, qui & antea Osrhoënis præfuerat, & nunc pri-
 mus eisdem autor fuerat deficiendi à Maximino. Cumq;
 nulla subesset odij, aut inimicitiarum causa, tamen eũ occi-
 dit, quem ipsemet corripuerat, atq; ad suscipiendũ impe-
 rium perpulerat. Sed enim magnopere tũc gratũ se Ma-
 ximino facturum putans, abscisum Quarcino caput dono
 obtulit. Verũ Maximinus quamuis eo facinore lætus, gau-
 dens præceptũ sibi hostem, tamẽ illũ haud modica speran-
 tem, putantemq; sibi insignẽ gratiam relatũ iri, extremo
 supplicio affecit, ceu defectionis auctore, interfectoremq;
 eius cui facinus inuito persuaerat, atq; infidum homini.
 quem antea pro amicissimo habuisset. Huiusmodi igitur
 causæ magis, magisq; animum exasperabant Maximini,
 atque ad scitiam exacuebant, etiam antea sua sponte cru-
 delissimam. Cæterum aspectu quoque erat horrendus, ua-
 sto atque immani corpore, ut nemo illi, uel exercitatis-
 morum Græcorum, uel pugnacissimorum Barbarorum
 conferri possit. His ita dispositis rebus, collecto exercitu
 omni, ac ponte intrepide pertransito, bellum Germanis
 intulit. Secuti illum magna uis mortalium, ac penè omnes
 Barbarorum copię, ad hæc Maurisij iaculatores, sagitta-
 rijq; quamplurimi. Præterea Osrhoëni, & Armenij, quo-
 rum hi Romanis subiecti, illi in amicitiam fuerant, socie-
 tatemq; adsciti, Tũ siqui ex Parthis, aut pecunia condu-
 cti, aut transfugæ, aut item capti bello Romanis serui-
 bant. Hæc autem multitudo coacta ab Alexandro prius,
 aucta dein, atq; exercitata à Maximino fuerat. Cæterum
 iacula

Quarcinus a
 Macedone occi-
 sus.

Maximinum
 ponte rheno tra-
 cto Germanis
 bellum inferre.

iaculatores, sagittarijꝫ; gerendo aduersus Germanos bello magnopere idonei uidentur, siquidem expediti hostem opprimunt incautum, facileꝫ; rursus in tutũ se recipiant. At uero Maximinus hostilem ingressus agrũ, diu nemine qui resisteret inuẽto (quippe omnes abscesserāt Barbari) regionem illorum depopulabatur, maturis iam segetibus, uicosꝫ; omnes incendiẽdos, deripiendoꝫ; militibus tradebat. Sunt autem urbes, ædificiaꝫ; illa maxime incendijs obnoxia. Rara apud Germanos structura ẽ lapide, ac lateribus coctilibus, densisꝫ; potius syluis, quoru confixis, coagmetatisꝫ; lignis, quẽdã quasi tabernacula edificāt. Igitur Maximinus in eã regionẽ grassatus, populatis segetibus, omniꝫ; pecore captiuo militibus permissõ, nullos adhuc hostes inuenerat. Siquidẽ cãpestres regiões, locaꝫ; ab arboribus pura deseruerāt, atq; intra syluas & paludes delituerant, ut inde præliarẽtur, atq; eruptionẽ in hostem facerent. Etenim densitas illa arborum, sagittis, iaculisꝫ; hostium allatura impedimentũ, & paludũ altitudo periculosa Romanis locorum ignaris, ipsis autem facilis, expeditaꝫ; fore uidebatur, non ignaris quæ usquam peruiua, quæ inuiua, & genuũ tenuis quotidie per illas discursantibus. Sunt autẽ Germani peritissimi natãdi, ut qui tantummodo in fluminibus lauẽtur. In huiusmodi igitur locis, pugna inita, ubi etiã Imperator ipse Romanus fortissime præliũ inchoauit. Nam cum ad ingentem quandã, uastamꝫ; paludem uentum esset, intra quã Germani fuga se receperant, uerentibus Romanis eodẽ hostes insequi, prius Maximinus equo paludẽ ingressus, cum quidẽ etiam supra aluum equus uoragine hauriretur, magna uir repugnans

Germani petiti
uandandi.

Maximinus stre
nuus bellator.

gnātes Barbaros cōtrucidauit. Quare exercitus reliquus pudore instinctus, ne prodere pignantē pro se Imperatorem uideretur, ausus & ipse est paludem ingredi, multiq; utrinq; ceciderūt, ita tamē ut nullus penē Barbarorū fuerit reliquus, dimicāte insigniter Romano principe. Quare & stagnū cadaueribus oppletum: & palus sanguine cōfusa, pedestris praelij naualē faciē præstebat. Hanc igitur pugnam, suāq; ipsius fortia facinora, nō solū per literas senatui, populoq; Romano significauit, sed etiā depictam maximis imaginibus ante curiā publicauit, ut nō tam audire quæ gesta forent, quam etiā subijcere oculis Romani possent. Eam tabulā deinde una cū reliquis illius honoribus senatus substulit. Fuere itē alia praelia, quibus omnibus ipse manu pugnam capeffens, ac fortissime dimicās expledescebat. Multisq; captiuis, atq; ingenti abacta præda, instante hyeme in Pannoniā reuersus est, intraq; urbē Sirmū, quæ maxima omnium eius regionis habetur, in hybernis agens, ad uernā sese expeditionē cōparabat, identidem munitans, id quod etiā præstiturus uidebatur, excursorum, subacturūq; oceano tenus omnes Germaniæ Barbaras nationes. Talis utiq; fuit in bellicis negocijs, maximam rebus gestis claritudinē adepturus, nisi grauior multo suis, ac truculentior, quā ipsis fuisset hostibus. Quō enim Barbaros interceptos, si lōge plures in ipsa urbe Romana, subiectisq; nationibus cedes edebātur? Quid prædā, aut captiuos abactos, pderat, si suis fortunis Romanæ ditionis mortales quotidie despoliabātur? Quippe omnis nō modo libertas, sed instigatio quoq; delatoribus permissa, ut circūuenire quos uellēt, renouareq; etiā (si ita usus posceret)

Sirmium urbs
Germaniæ.

Maximinus
auaritia.

sceret) usq; à progenitoribus ignota, atq; indeprehensa ad eam diē crimina liceret. Neq; sanè delicti alicuius quispian arcessebatur, quin idem cōtinuo reus perageretur. ac censu, fortunisq; omnibus expelleretur. Itaq; quotidie cerneret, qui pridē opulentissimi fuissent, eos nūc emendi care stipē. Tanta uidelicet tyrātidis auaritia incesserat, assiduas erga militē largitiones obtendētis. Erant præterea illius aures omnibus calūnijs patulæ, sic ut nullius uel ætatis, uel dignitatis rationem haberet. Igitur complures exercitibus, aut prouincijs præpositos, cōsulares, triumphalesq; uiros, leuissima tenuissimaq; calumnia attactos, corripī de improviso iubebat, ac sine ullis ministerijs solos uehiculis impositos die, noctuq; iter facere ab oriēte, aut occidente, si ita cecidisset, itemq; à meridie in Pannoniam usq; in qua tūc ipse morabatur. Dein spoliatos omniq; ignominia affectos exilio, uel morte puniebat. Quā diu igitur, unus, aut alter talia patiebātur, neq; ea calamitas extra ipsorū familiā egrediebatur, nō sanè magnopere populorū, gentiūq; interessē uidebatur. Siquidē beatorum, diuitumq; res aduersæ, nō solū à plebe negleguntur, sed eis nonnulli etiā prauo malignoq; ingenio, ob inuidiā scilicet potentiorū, atq; felicium delectantur. Postquam autem Maximinus plurimas illustrium uirorum familias ad egestatem redegit, leuiora iā illa, ac minora ducens, quā ut ipsius cupiditati satisfaccerent, animū ad publicas opes transtulit. Igitur quæcunq; pecunie ciuiles, aut ad publicam annonā repositæ, aut in plebē diuidendæ supererāt, tum quæ theatris, ac celebritatibus seruiebant, uniuersas sibi adiudicauit. Ad hæc templorū omnium donaria, statuasq;

tueq; deorum, heroumque honores, tum quicquid publici operis, aut ciuilis ornamenti, aut materię denique fuit nummis idoneę conficiendis, omnia pariter ignibus cōflabantur. Quę res in primis animos multitudinis exulcerat, quasiq; luctum publicum effecit: cum cura pugnam, atque arma quasi oppugnationi esse urbs obnoxia uideretur, sic ut quidam ē populo contra resistere, templaq; ausi tueri, etiam cadere ante aras deorum immortalium, quā spectare patrię spolia præoptauerint. Hinc itaq; potissimum per urbes, atq; nationes popularium animi intinuerant, ac nec milites quoq; satis æquo animo ferebant, exprobrantibus inuidiose consanguineis, atq; domesticis, & ipsorum culpa talia patrare Maximūm dictitantibus. Huiusmodi igitur causę minime profecto leues ad odium, ac defectionem populos proritabant. Ceterum uotis tantummodo agebant, læsa implorantes numina, nullo scilicet audente profiteri se uindicem, donec exacto imperij triennio, exigua, leuiq; occasione (ut sunt lubricę tyrannorum res) primo arma sumperunt, rebellaueruntq; Afri tali causa. Procurator erat quidam Carthagini, cui nihil ad extremā uel asperitatem, uel seuitiam deerat. Is damnandis iudicio hominibus, exigendisq; pecunijs, fauorem principis aucupabatur. Siquidem Maximus, quos sibi factos cognoscebat, eos potissimum diligere consueuerat. Quicūq; igitur fisci rem curabant, si modo uiri probi forent (quod perraro eueniebat) aut procuratore exciderāt, aut præsentī periculo conterriti, gnariq; illius auaritię, quāuis inuiti cæteros imitabantur. Quapropter Africę procurator, cum pleraq; alia uiolenter factitabat, tum ab adolescentibus quibusdam nobilibus,

Rebellionis
Astroq; cauta.

atque opulentis damnatione circumuentis, statim exigere pecunias intenderat, patrimonioq; illos, et auitis bonis exuere. Quibus rebus exacerbati adolescentes, pecuniam quidem se duros pollicentur, petito trium dierum spatio, conspirantesq; interim in unum, quicumque graue aliquid, uel passi fuerant, uel passuros metuebant. Iubent nocte ex agris iuuentutē cum fustibus, ac securibus adesse. Illi dominorum imperia exequentes, uenire ante lucem uniuersi in urbem, celantes sub uestibus arma, quae cuique tumultuaria se obtulerāt. Magna uero uis mortalium confluxere, siquidem foecundissima hominum Africa, plurimos tunc etiam agrorum cultores habebat. Vt autem dies iam illuxit, iubent adolescentes ponē sequi seruorum suorum gregem, tanquam si ē reliqua essent populi multitudine, neque tamen arma proferre prius, aut uim facere, quam ubi aliquos, aut ē militibus, aut ē populo uiderint irruere contra se, atq; ire ultum facinus, quod gesturi mox essent. Ipsi reconditis intra sinum pugionibus, adeunt procuratorem, tanquam cum eo de persoluendis pecunijs acturi, continuoq; nihil tale suspicantem neci dedunt. Ibi exertantibus gladios illius militibus, atque ire ultum uolentibus, repente agrestes cum fustibus, ac securibus occurrunt, fortiterq; pro dominis pugnantes, facile omnes in fugam uerterunt: Ad hunc modum negotio succedente, iuuenes desperatis semel rebus, unam sibi reliquam salutem fore arbitriati, si patratum nuper facinus maiore aliquo facinore commularent, statuunt in communionem periculi rectorem provinciae assumere, ac populos ad defectionem sollicitare, quod optari iam pridem ab uniuersis cognouerant, Maxi-

Africa foecunda hominum.

Procuratoris Africae caedes.

mini

mini odio, sed metu prohiberi. Igitur cum omni multitudine nocte intempeſta domum proconſulis petunt. Is Gordianus fuit proconſulatum ſortitus cum, cum annum ageret circiter octogefimū, multarumq; ante provinciarum fuerat rector, atque in maximis ſpectatus negotijs. Quo circa facile ſuſceptum iri ab illo imperium exiſtimabant, quaſi faſtigium aliquod ſuperiorū dignitatum, ſenatuq; & populo Romano, gratum futurū principem, qui præterquam quod erat illuſtri ortus genere, etiam per honores plurimos, quaſi per gradus quosdā ad imperij culmen aſcendiſſet. Euenit autem, ut quo die hæc agebantur domū Gordianus reſideret, dilatis laboribus, omniq; actu rerum ſuſpenſo. Igitur aduſcentes cum gladijs magna ſtipante multitudine, proturbatis ianitoribus, impetum in ædes faciunt, cumq; ſupra grabbatum requieſcentem offendent, circumfuſiq; ſenem purpura induunt, atque Auguſtalibus honoribus conſalutant. Ille re ſubita exterritus, inſidiasq; & dolum in ſe compoſitum ratus, deiicit humi ſe ex grabbato, obſecrans parcerent ſeni, à quo nihil iniuriarum accepiſſent, fidemq; principi, & beneuolentiam ſeruarent. Inſtantibus autem illis, ac nudos manu gladios tenentibus, cum partim metu, partim ignoratione, haudquaquam ſciret Gordianus, quid ſibi ea res uellet, quæq; ſubitæ fortune cauſa foret, unus è numero aduſcentium, qui & nobilitate, & ſacundia cæteros anteiret, reliquis tacere, & pauliſper quieſcere iuſſis, dextra capulum tenens, in banc ſententiam uerba fecit.

E Duobus, periculis, quorum alterum præſens, manifeſtumq; alterum futurū forſitan, dubijq; euentus, eli-

gendum tibi hodie alterutrum est, ut aut nos, teq; una serues, & spem meliorem, qua omnes freti sumus amplectaris, aut iam iam nostris manibus intereas. Quod si potiora malueris, multa ad spem bonam uatica sunt. Quippe inuisum omnibus Maximunū, pestemq; illam crudelissimæ tyrannidis tolles, uitamq; ante hac præclare tibi actā, illustri gloria cumulabis, maximosq; à senatu, P. Q. R. honores, ac sempiternam laudem nancisceris. Sin uero abnueris, ac nobiscum conspirare pernegaueris, iam iam te hic obruturabimus, atq; ipsi quoq; (si oportuerit) occiso tibi immoremur. Maius namq; facinus ausi sumus, quàm ut salui esse citra desperationē possimus. Iacet enim tyrannidis minister, luitq; poenas crudelitatis, nostris nunc nuper manibus interemptus. Quapropter si consenseris nobiscum, atque in partem periculorū accesseris, cū ipse honorē imperij cōsequeris, tum quod nos facinus perpetravimus, laude quàm supplicio dignum reputabitur. Dum hæc loquitur adulescens, impatiens moræ cætera multitudo, cum quidē eodē iam ciuitas uniuersa re uulgata concurrisset, Gordianum unanimes Augustum appellant. Ille quamuis recusaret, ac senectutē obtenderet, tamen suapte natura gloriæ auidior, haud egre tandem honorē suscepit, malens futurum deinde, quàm præsens iam periculū subire, simul atq; iam exacta minime recusandū putabat, quin (si ita res posceret) etiam Imperatorijs honoribus immoretur. Igitur statim tumultuari omnis Africa, sublatuq; Maximini honoribus ciuitates plerēq; imagines Gordiani, ac statuas ponere. Sed eum quoque à se cognominarunt Africanum, nam qui ad meridiem Libyes habitant, Afri Romana uoce nuncupantur.

Gordianus Augustus appellatur.

At Gor

At Gordianus aliquot dies Thyſiri commoratus, qua in Thyſiris Afri-
 urbe hæc acta fuerant, nomen Imperatoris iam, cultumq; cæ urbs.
 gerens, Carthaginem proficiſcitur, ut in ciuitate maxima, Carthago.
 celeberrimaq; omnia quaſi Romæ agitarentur. Siquidem
 urbs illa, uel opitus, uel populi frequētia, uel magnitudine
 tantum Romæ concedcus, cum Alexādrī urbe Aegyptia- Alexandria.
 ca de ſecunda palma contendit. Sequebatur autem ipſum
 principalis pompa omnis, militesq; quicūq; aderant, iuue-
 nesq; urbani proceræ ſtatura, ad eorum ſimilitudinem qui
 Romæ Imperatorē comitantur, uirgæ item laureatæ, quo
 inſigni principes à priuatis diſciuntur. Prætereaq; ignis
 de more præſerebatur, ut ſpeciem, fortunamq; exiguū ſauē
 ad tempus Romanæ ciuitatis Carthago repræſentaret. Cæ-
 terum Gordianus literas compluribus, ad primū quēq;
 Romā miſſitabat, atq; ad proceres ſenatus, quorum erant
 ei permulti amici, ac neceſſarij. Scripſit item publicè ad
 S. P. Q. R. ſignificans Afriſorum erga ſe conſenſum, ſi-
 mulq; accusans Maximini crudelitatem, quam eſſe omni-
 bus magnopere inuiſam ſentiebat. Ipſe omnem præ ſe man-
 ſuetudinem ferebat. Nam & delatores omnes exilio aſſe-
 cit, & ijs qui parum iuſto iudicio damnati fuerant, iterū
 defendendi ſui poteſtatem induxit, quin exules quoq; in pa-
 triam reſtituebat, ac militibus plura ſe, quàm quiſquam
 antea largiturum, populoq; ingens daturum congiarium
 pollicebatur. Idem præfeſtum quoq; prætorij Vitalianū, ▼italiani cæ-
 ſerum, crudelemq; hominem chariſſimum, deuotiſſimumq; des.
 Maximino, in ipſa urbe curauit interimendum. Siquidem
 ſuſpectans, ne ille ſuis inceptis fortiter reſiſtendo, cæte-
 ros quoq; metu perterritos à ſe auerteret. mittit prouin-

ciæ quæstorem adulescentem audacissimum, corpore ualidum, atque ætate florentem, promptumq; ad omne periculum pro se suscipiendum, traditis centurionibus, ac militibus nonnullis, cui etiam literas dedit obsignatas duplicibus tabellis, per quas arcana occultaq; negotia significare imperatores consueuerant. Iubet itaque illos intrare urbem ante lucē, ac dum adhuc in actibus occupatus esset Vitalianus, accedere ad eum intra cellulam, ubi res secretas, atque arcanas ad salutem principis pertinentes seruari, atq; inquirere consueuerat, habere se ad eum literas arcanas à Maximino dicentes, ac uelle etiam remotis arbitris, de rebus ad securitatem Imperatoris spectantibus cum illo colloqui, ac mandata principis exponere. Deinde signis agnoscēdis occupatum pugionibus, quos in sinu oculos haberent, de improviso confoderent. Quæ scilicet omnia ex sententia successerūt. Etenim ante lucem, quo tempore prodire illi mos fuerat, inueniunt hominem penè solum, paucis tantum circumstantibus, quippe alij nondum uenerant, alij salutato abierant, priusquā dilucesceret. Igitur uacante illo, ac paucis duntaxat ante cellulam inuentis, ubi quæ supra diximus nunciauerunt, facile scilicet intronissi sunt, porrectisq; epistolis, contemplantem eum signa diligentius, prolatis pugionibus confodiūt, nudosq; eos manibus præ se tenentes prosiliunt, omnibus locis cedentibus. Nam id Maximini factum imperio putabant. Quando idem sæpenumero etiam in eos facere consueuerat, qui antea ipsi charissimi uidebātur. Deinde uadentes media sacra uia, proponunt epistolam Gordiani ad populum, literasq; item ab illo consulibus ipsis, cæterisq; reddant,

uulgata

vulgata etiam fama interfecti Maximini. Quod ubi auditū est, statim uniuersus populus discurrere undiq; , fidenti similibus. Nam & si ubiq; uulgus semper ad res nouas leuisimam, tamen Romana plebs in primis, quæ ex magna uariarq; etiam peregrinorū multitudine constat, longe ceteris mobilior est. Igitur statuæ atque imagines Maximini, ceteriq; honores statim conuulsi, clausumq; antea formidine odium, licentia iam, & potestate adcepta, nullo prohibente effundebāt. Quare senatus quoq; frequens, & si de Maximino certi nihil habebat, ex præsentī fortuna rem coniectans, abolitis illius honoribus, Gordianum, filiumq; ipsius Augustos declarauerunt, statimq; delatores atq; accusatores uniuersi, aut effugerunt, aut ab ijs quos offenderant occidebātur. Procuratores autem, & qui ius in illius crudelitatis ministeriū dicebāt, tracli à plebe sunt, abiecliq; in cloacas. Multi item insontes occisi. Nam & creditorē suū quisque, & aduersarium in forensibus causis, & ut quenq; aliquis leuissima de causa oderat, impetu in domum facto, bonisq; direptis trucidabant. Ita sub specie libertatis, pacisq; prætextu, ciuiliū belli facinora cdebantur, quin præfectum quoq; urbi Sabinum, prohibere talia conantem fuste capiti illiso macclauerunt. Hæc igitur populus agibat. Enimvero senatus quando iam semel periculū subiebat metu Maximini, nihil sibi ad sollicitandas ad defectionem prouincias reliqui faciebat. Quocirca legationes undiq; ad rectores prouinciarum mitebātur, electis è senatorio equestriq; ordine clarissimis hominibus, cum literis quibus S. P. Q. R. mens exponebatur, qui procuratores ipsos hortarentur, uti communē patriam capefferent, cum

Romani leues

Gordianus declaratur Augustus,

Sabini præfecit urbem,

riamq; Romanam tuerentur, persuaderentq; nationibus, ut in fide populi Romani perseverarent, cuius propriū antiquitus imperium foret, ueterrimumq; cum illis amicitie ius à maioribus institutū. Quocirca pleriq; legatis benigne exceptis, populos ad defectionē perpulerunt, quod scilicet prouidum fuit, adeo incredibili apud omnes odio Maximinus laborabat. Igitur omnibus quicūq; apud ipsos magistratū gerentes, cum Maximino sentiebant, repente ad unum occisis, ipsi uniuersi ad Romanos defecerunt. Pauci tamen inuenti, qui legatos ad se missos interficerēt, aut ad ipsum mitterent, adhibitis custodibus, qui deinde omnes exquisitissimis à Maximino supplicijs affecti sunt. Hæc mens Romanæ ciuitatis, hic animus fuit. Quæ postquā Maximino nunciata sunt, quanquam tristis ac sollicitus, tamen illa se contemnere simulabat, ac primo quidem, alteroq; die domi quietus, ad amicos de eo negotio retulit. Ceterū exercitus omnis, cunctiq; eius regionis mortales, et si rem omnem intellexerant, intumuerantq; animis, audacia rerū tantarum ac nouitate, tamen pro se quisque tacebant, ac se ignorare omnia simulabant. Quippe tantus erat Maximini metus, ut nihil illum planè lateret, omniumq; non solum uerba, sed nutus quoque speciemq; oris obseruaret. Tertio uero die conuocatis in campum ante urbem militibus suis Maximinus, tribunal inscendit, atque ex libello orationem ab amicis compositam, in hanc sententiam recitauit. Scio me uobis incredibilia, nouaq; dicturum, sed (ut ego existimo) nō tam admiratione, quam risu digna. Arma uobis, uestræq; uirtuti non Germani inferūt saepe deuicti, non Sarmatæ, qui de pace nobis quotidie supplicāt. Perse
item,

Maximini ad
militēs oratio.

item, qui olim Mesopotamiam peruagabantur, nunc suas intra sedes quiescere, boni consulunt, cum gloria in armis uestra, tum rerum à me gestarū periculo edocti, quæ iam tum illis innotuerunt, cum tuendi ripas exercitui præfuerunt. Verum (ne quid magis ridiculum dixerim) Carthaginienses insaniunt, atq; sene infelicissimo, & extremo iam ætatis delirante, dubium suasu an coactu, quasi aliqua in pompa ludunt principatū. Quo enim freti exercitu, cum apud eos proconsulis ministerio lictores satisfaciāt? Quibus porro usuri armis, ubi præter lanceas exiguas ad feras excipiendas, nihil sit telorum, proq; bellicis exercitationibus chori tantum, dictaq; procacia, & numeri quidā usurpentur? Neq; uero uos perterrefecerint, quæ facta in urbe nuntiantur, nempe Vitalianus per dolum, fraudemq; occisus est. Quā autem leue, instabileq; sit Romani populi ingenium, quā prompta clamorū tenuis audacia, notissimū scilicet uobis est. Si duos modo, tres ue armatos cōspexerint, trudentes alter alterum, & proculcantes, ac suum quisq; periculum fugitantes, publicum neglectui habent. Quod si quis uobis etiā, quæ acta in senatu sunt, renūtiat, nō est profecto quod miremini nostrā illis continentiā duriorē uideri, atq; ob id morū congruentiā, uitamq; illius luxuriosam nobis anteferri. Quippe apud illos fortissima quæq; ac grauissima pro asperrimis, dissoluta atq; ebacchantia, pro nitibus uoluptarijsq; habentur. Quocirca nostrum quidem imperium, quoniam industrium, atque moderatum reformidant, Gordiani delectantur nomine, cuius infamia uitæ minime uos præterit. Igitur aduersus hos, atq; huiusmodi homines bellum uobis est milites, si

Maximinus in
Italiam profici-
scitur,

tamen id bellum appellādum. Nam ut mihi quidē, atque
adeo ceteris omnibus uidetur, non prius Italiam attigeri-
mus, quā illorū maxima pars ramos supplices, liberosq;
suos prāferētes, nostris se pedibus aduoluent, aut formi-
dine degeneri fugā facient, ut mihi liberū sit bona illorum
uobis cōtribuere, quibus in perpetuum perfruari. Hēc
cum dixisset, ac multa in ciuitatem, senatumq; uniuersum
interpellatim probrā iecisset, manuumq; gestibus minabū-
dus, truciq; uultu, nutuq; oris quasi prāsentibus irascens,
professionē in Italiam edicit. Diuisoq; inter milites ingenti
stipendio, uno tantum die interiecto facere iter incēpit,
magnum secū exercitum, atq; uniuersas adducens Roma-
nas copias. Sequebatur eundem etiā Germanorum haud-
quaquā neglegendus numerus, quos uel armis subegerat,
uel in amicitia, societatemq; adscuerat. Prāterea machi-
nā, et bellica instrumēta, quāq; alia aduersus Barbaros
cōparauerat. Ceterum tardius iter faciebat, ob uehicula,
resq; alias usui necessarias, quae undiq; importabātur. Nā
cum repentinum id illi iter obuēisset, nō cuiusquam prou-
dentia, ut consueuerat, sed tumultuario, ac festinato mini-
sterio, quae erant militibus necessaria colligebātur. Igitur
prāmittere Pannoniorū cohortes decreuit, quibus fretus
maxime erat, quāq; primae Imperatorē consalutauerant,
atq; ultro etiā pro illius salute omne periculum deposce-
bant. Nisigitur imperauit, ut ceteras copias prācederent,
ac regiones occuparent Italiae. Dū in itinere Maximinus
est, res interea Carthagini prāter spem magnopere suce-
cesserūt. Erat enim Capellianus quidam senatorij ordi-
nis, procurator Mauritaniae Romanis subiectae, quae ab
ipsis

Capellianus uir
senatoriij ordi-
nis.

ipsis Numidia appellatur. Ea gens munita exercitibus fuerat, à quibus Barbarorum incurſus, ac populationes cohercerentur. Quare haud contēendam militum manum circa ſe habebat. Cum hoc igitur Capelliano ueteres Gordiano ſimulantes, ex ſoreniſi quadā diſceptatione interceſſerant, quo circa nomen adeptus Imperatoris, ſucceſſorē illi niſit, atq; abſcedere prouincia imperauit. Ille ea re indignatus, ac principi ſuo deuotus, à quo magiſtratū quoq; cum accepiſſet, omni coaſto exercitu, cum quidē fidē tueri, ac iuſiurandum perſuaſiſſet, Carthaginem contēdit, maximas, ualentiffimasq; copias ſecum adducens, uiroſq; cū etate florentes, tum omni armorum genere inſtructos, peritosq; rei militaris atque ex conſuetudine præliorum aduerſus Barbaros magnopere ad pugnandum paratos. Ut uero nuntiatum Gordiano eſt aduentare ad urbem Capellianum, & ipſe affēctus eſt extrema formidine, & perterriti Carthaginiēſes uniuerſi, qui ſcilicet in turba potius, quàm in exercitus aliquo ordine, collocata uictorie ſpe, cunēti pariter urbe effunduntur obuiam Capelliano. Cæterum ſenex Gordianus (ut quidam perhibent) ſimal atq; ille Carthaginem attigit, deſperatis rebus, quòd Maximino uires ingentes, nullas in Africa copias eſſe uidebat, laqueo ſe ſuſpendit. Sed occultata illius nece, Gordianus laqueo ſe ſuſpendit, filium ſibi ducem multitudo elegit. Ita uentum ad manus eſt. Erant autem numero quidem plures Carthaginiēſes, ſed inordinati, ac rerum bellicarum imperiti, quippe in altiffima pace educati, feſtisq; & delicijs emolliti, nudiq; armis, omniq; bellico inſtrumento. Nam domo quiſque pugionem, aut ſecurē, aut uenabulum, aut item præuſtas ſudes,

Carthaginensium
fuga, & strages.

Gordiani filius
occisus.

Capelliani cru-
delitas.

sudes, ut quisq; poterat acuminatas, ac tuendum corpus extulerant. Contra, Numidæ iaculatores optimi, atq; equitandi peritissimi, sic ut equos etiam infrenos uirga tantum currentes moderentur. Quocirca facile Carthaginensium plebs in fugam uersa. Siquidem haud ferentes illorū impetum, omnes abiectis armis confestim effugerunt, trudentesq; inter se, & proculcantes, multo sanè plures ipsi inuicem affligebantur quàm cædebantur ab hostibus. Hic & Gordiani filius cecidit, & quicumq; eum secuti, sic ut præ multitudinem interfectorum, neq; discerni ad sepulturam suam potuerint, neq; adulescentis Gordiani cadauer inueniretur. Etenim ex tanta copia fugientium, pauci duntaxat urbem ingressi, coniectiq; in latebras euaserant, ceteri ad portas conferti, ac pro se quisq; intrare primam urbem festinabundi, ab iaculatoribus Numidis, ceterisq; armatis militibus contrucidabantur, maximo foeminarum, puerorumq; eiulatu, quorum ante oculos charissima pignora occidebantur. Sunt qui perhibeant, ut primum Gordiano, qui propter senium domi se continuerat, nuntiatum sit Capellianum iam in urbem peruenisse, deplorata salute intra cubiculum se quasi dormiturum recepisse, colloq; zone inserto, qua præcinctus fuerat, sibi mortem consciuisse. Hæc finis Gordiani fuit, felicitis antea acta uita, atq; in quadam principatus imagine extincti. Sed enim Capellianus Carthaginem ingressus, præcipuum quæq; ex ijs, qui è pugna superauerant, neci dedit, ac neque à templis despoliandis, neque à publicis, priuatisq; pecunijs diripiendis abstinuit, aditisq; urbibus reliquis, quæcunque honores Maximini sustulissent, in his præstantissimum quæq; morte,

morte, ceteros supplicio afficiebat: agros autem, uicosq;
 concremandos militibus tradebat, prætexto quidē ulciscē-
 di Maximinum. Ceterum clanculum militum sibi animos
 concilians, ut sicubi res à Maximino turbassent, ipse ad
 occupandum principatū beneuolis militibus uteretur. Ita
 se, uidelicet res in Africa habebant. Postea uerò quā Ro-
 mæ audita senis Gordiani mors est, ingens perturbatio Se-
 natum populūq; Romanū, ingensq; terror inuasit, ex-
 tincto, in quem unū spes omnes suas collocauerant. Neq;
 enim illos præteribat, nemini iam parsurum Maximinum,
 cum sponte alienū ab ipsis, atq; hostili animo, tum iustis
 etiā causis, et professio quasi odio succensentē. Itaq; fre-
 quentes in unum cōuenire, ac de toto negotio deliberan-
 tes, quādo semel in periculū uenerant, bellum comparare
 decreuerunt, duobus electis imperatoribus, qui Rempub.
 pari potestate administrarent, ne rursus principatus auto-
 ritas in tyrannidē prouehcretur. Conuenerunt igitur nō
 quidem in curiam quo antea consueuerant, sed in templum
 capitolini Iouis, quod in arce summa præcipuè ueneratio-
 nis Ro. habent, ibi clausis foribus soli quasi teste, et con-
 fessore, atq; adco rerū omnium inspectore deo, selectis, qui
 ætate, ac dignitate ceteros antecirent, de quibus suffragia
 ferretur, duo ex omni numero, Maximus, atque Albinus
 plurimis suffragiis imperatores creati. Horū Maxi-
 mus cū sæpe exercitibus præfuerat, tum præfectura urbi
 egregie gesta maximā ingenij prouidentiaq; præterea uitæ
 cōtinētis opinionē uulgo de se præbuerat. Albinus autem
 patricij generis homo, cōsulatu iterū gesto, multisq; pro-
 uincijs sine ulla querela administratis, moram simplicior
 habebatur.

Maximus &
 Albinus impe-
 ratores.

Maximus reijci
tur.

habebatur. Ita creati principes, Augustiq; appellati, ac senatuscōsulto omnibus imperatorijs honoribus affecti sunt. Dum hæc aguntur in Capitolio, interea Popu. Ro. incertum subijcientibus Gordiani amicis, ac necessarijs, an tantum rumoribus excitati, facti ad portas concursu, uiam qua itur in Capitolium, totam conferta multitudo occupauerant, lapidesq; & fustes ingerentes, rebus in Capitolio actis aduersabantur, ac Maximum in primis recusantes, seucriorem quàm ut cum lenis multitudo facile pateretur. Quapropter eo maxime offēdebantur, clamantes idēti dem, ac mīntantes utrunq; se confestim occisuros, Nam ipsi ex Gordiani genere principem sibi deposcebant, ut in familia nomineq; eo nomen Imperatorū remaneret. Albinus autem ac Maximus equestris ordinis iuuentute, atque urbanis militibus cum gladijs undiq; stipati, egredi Capitolio conabantur, sed lapidibus ac fustibus coerciti, donec subijciente nescio quo, ad hunc modum populo imposuerunt. Erat puer quidam infans adhuc ex Gordiani filia natus, nomē autē referens. Hunc igitur submissis quibusdam afferri ad se iusserunt. Qui cum domi eū ludibundū offēdissent, impositum in humeros per mediā ferebant multitudinem, plebi ostentantes, ac nepotulum Gordiani dictitantes, uocantesq; eum nominatim, quoad in Capitolium pertulerunt, populo subinde acclamante, & conspergēte puerum frondibus. Cum itaq; senatus Cæsarem illum declarasset, quando adhuc per ætatem Rempub. gerere non poterat, & ira multitudinis resederāt, passi uidelicet sunt in aulam palatinam senes imperatores commigrare. Sed incidit per eos dies ciuitati Ro. funesta calamitas, orta de

minia

nimia duorum senatorum audacia. Nam cum senatus ha-
 beretur de publicis negotijs, duo ex militibus Maximini
 quos in castris reliquerat, emerita iam ætatis, ad fores cu-
 riæ acceſſerunt exploratū quæ gereretur, incrimines uideli-
 cet, tantumq; sub armalibus, & sagis induti. Conſtiterant
 autē pariter cum reliqua multitudine, ſed cæteris ante fo-
 res præſtolantibus, duo, tres uē ad ſumman curioſiores
 audiendi, curiam ingreſſi, ſic ut ultra aram quoq; uictorie
 penetrarent. Hic ſenator quidā de poſito nuper conſulatu,
 Gallicanus nomine, ac genere Carthaginiēſis, alterq; item Gallicani auda-
 prætorius Mæcenæ, nihil tale expectantes, milites ma-
 nusq; adhuc ſub ſagulis habentes, repente adaſtis in cor-
 da pugionibus interficiunt. Etenim omnis ſenatus ob recē
 tem ſeditionem, tumultumq; ſuperiorem, alij propalam,
 pars clanculum gladios gerebant, quibus ſuā quiſq; ſalu-
 tem ab inimicorum inſidijs tueretur. Ita caſi milites, quod
 ſe de impropiſo defendere haud quierant, proſtrati ante
 altaria iacebant. Quo uiſo cæteri conſeſtim expauſi facti
 comuſitionum interitu, ſimul populi concurſum formidā-
 tes, quod erant incrimines, fugam arripuere. Cæterū Galli-
 canus raptim ſe curia in mediā multitudine prorapiens,
 gladiamq; & manum ſtillantē ſanguine oſtētans, ad per-
 ſequentes, occidendosq; ſenatus, populiq; Romani ho-
 ſtes, amicos, ſociosq; Maximini uulguſ adhortabatur.
 Quibus rebus induc̃ta plebs, Gallicanum ſuiſtis excipit
 acclamationibus, militesq; lapidibus inceſſit, quatenus licuit
 perſecuta. Cæterum cum ſe illi in caſtra recepiſſent paucis
 tantummodo uulneratis, clauſis portis, armisq; arre-
 ptis, caſtrorum moenia deſenſabant. Verum Gallicanus
 quando

(quando semel tantum facinus ausus fuerat) bellum protinus civile, atq; omnibus perniciosum suscitauit. Quippe iussis effringi publicis armamentarijs, in quibus pompæ magis instrumenta, quam belli asservabâtur, unde sibi quisq; munimentum corporis accommodaret, apertisq; item gladiatorum ludis, atque unoquoq; proprijs armis ornato, præterea cūctis, quæcūq; intra domos, aut officinas essent, hastis, gladijs, ac securibus direptis, cum quicquid occurrerat, furor in arma conuerteret, statim omnes conferti, conglobatiq; ad castra contenderunt, ac uelut urbem aliquam expugnaturi, murum ipsum portasq; circūfederūt: Cæterum milites, utpote pugnandi peritissimi, pinnis sese murorum, clypeisq; protegentes, sagittarum iacta crebro, ac prælongis contis multitudinem repellebāt. Postremo cum iam defatigato populo saucijsq; magna ex parte gladiatoribus, atque in uesperam uergente die, regredi in urbem decreuissent, conspicati milites securitatem abcurtium (quippe minime ausuros putabant Romani, adeò paucos aduersus tantam multitudinem, castris eruptionem facere) cōfestim uniuersi sese portis patētibus in uulgus illud hominum concitauēre. Ibi gladiatores ad unum cæsi, magnaq; pars populi collisa. Quo factō, cum haud procul castris recessissent, rursus sese intra munimenta receperūt. Hinc igitur maior senatui, populoq; Romano indignatio oborta: quare duces ex Italia omni probatissimum quæq; delegerunt, iuuentutemq; omnem collectam in unū, subitarijs armis, ac tumultuarijs adornarunt. Horum potissimum partem secum Maximus eduxit, ut aduersus Maximum præliaretur, reliqui ad urbis custodiam tutelamq; relictī.

relictis. Interea cottidie ad muros castrorum dimicabatur, sed profectu nullo, defensantis superne militibus, iectamq; & sauciam multitudinem fœde repellentibus. At Balbinus domi se continens, populo per edictum supplicabat, ut in gratiam cum militibus rediret, quibus etiam omnium quæ patrauerant, obliuionem atque impunitatem pollicebatur. Sed neutris id persuasum, gliscente indies malo, ac populo indignante, quod tanta multitudo tam paucis contēptui foret, contrā militibus egerrime ferentibus, ea se à Romanis passos, quæ uix unquā à Barbaris expectassent. Postremo quādo oppugnatio parum procedebat, iussum ducibus interuertere omneis riuos, qui in castra peruenirent, ut milites aquarū penuria, sitiq; conficerent. Igitur abscindendo, obstruendoq; cunctos è castris aquarum riuos auertebant. Sed enim intellecto periculo milites, ac rebus desperatis, erumpunt uniuersi patētibus portis, congressiq; multitudinem fugientem in urbem usq; persequuntur. Sed ubi iam statario illo certamine, plebs inferior intra domos se receperat, ac tegularum, lapidumq; & testarum iactibus desuper urgere cœperat milites, haud ausi illi ignota ædificia subire, clausis etiam domibus, & tabernis, ignem ianuīs, ac ligneis ædificiorum proiecturis, quales in urbe plurimæ sunt, illico admonuerunt. Quo factum est, ut partim crebritate insularum, partim lignea materia, bona pars urbis conflagrauerit, multiq; ex opulentis pauperes facti, maximis, atq; egregijs amissis possessionibus, uel pronētu uberrimis, uel splendore ipso, & uarietate pretiosis. Neq; uero pauci extincti mortales, quod ianuīs igne occupatis, proripere se domo copia non fuerat. Bonāq; diuitum di-

repta penitus, immiscēte se militibus studio rapiendi facinorosissimo quoq; & tenui plebecula. Sed adeo peruagatū longe, lateq; incendium est, ut plus multo consumpserat, quam quantum spatij maxima quēq; urbs edificijs occupet. Dum hæc Romæ geruntur, interea Maximinus confecto itinere Italiam attigerat, ac sacrificio ad aras, quæ in finibus ipsis erectæ sunt, pergit iter facere, iussis arma tenere, atque instructa acie progredi militibus. Sed cum & Africæ defectionem, & Romæ bellum ciuile, prætereaq; res à Maximino gestas, iterq; eius hætenus conscripserimus, reliqua deinceps explicabuntur.

LIBER OCTAVVS.



VAE POST interitum Gordiani gesserit Maximinus, iterq; eius in Italiam, prætereaq; Africæ defectionem, & in urbe ipsa populi, ac militum seditio- nes, superiore uolumine recensimus.

Enimvero Maximinus postquā ad Italiæ fines peruenit, præmissis exploratoribus, qui specularentur, an ullæ in alpiam conuallibus, & densissimis syluis insidiæ delitescerent, ipse in planum deductis militibus, iubet armatorum acies quadrato agmine incedere, ut ab ijs quàm plurimum campi occuparetur, cunctisq; in mediū coactis impedimentis, ipse cum suis stipatoribus ueluti subsidio sequebatur, alis utrinq; discurrentibus cataphractorū equitum, Maurisq; iaculatoribus, sagittarijsq; ex oriente & equitatu Germanorū, quos auxiliares asciuerat, quosq; etiam præcipue opponere hostibus, consueuerat, ut primos uidelicet impetus

impetus exciperent, feroces, audacesq; initio pugnae viri, simul ut (si in discrimen ueniretur) uilis potissimum Bar-
 baria illa periclitaretur. Sed ubi totam planiciem seruatis or-
 dimbus transmiserunt, ad Italiae urbem peruentum est, quae
 Ema à cultoribus uocatur. Ea sita est in extrema planicie
 ad alpiū radices, ubi speculatores atq; exploratores exer-
 citus, narrāt Maximino, uacuum relictam urbem, au fugisse
 omnis incolas, templorum etiam, ac domorū ianuīs incen-
 dio consumptis, atq; omnibus quae uel in urbe uel in agris
 fuerant exportatis, aut igni corruptis, nihil aut iumentis,
 aut hominibus alimentorum relictum. Quae res grata in
 primis Maximino fuit, quod idem ceteros quoq; populos
 suo quenq; metu facturos arbitrabatur, contra nunties indi-
 gne tulerunt, quod initio statim fame laborarēt. Cumq; no-
 tum exegissent, partim intra patētes, cōmunesq; omnibus
 domos, partim in planicie ipsa, statim sole oriēte, ad Alpes
 accesserūt. Hi sunt longissimā quidam mōtes, uice murorū
 Italiae circūdati, adeo in altum editi, ut etiam superare nu-
 bes uidētur, itaq; in longum porrecti, ut uniuersam Italiā
 comprehendant, leua ad Tyrrhenum pelagus, dextra ad
 Ioniam usq; pertingentes, densis ubiq; nemoribus infesti,
 atq; angustissimis callibus, et rupiū praeerupta altitudine,
 scopulorumq; asperitate uix peruij, nonnullis tamen quasi
 semitis magno ueterum Itolorū labore manufactis. Qua-
 propter ingens transiturū illac exercitū formido tenebat,
 sperantem summa iuga teneri iam ab hoste, nullosq; non
 obstructos exitus ad se prohibēdos. Neq; is metus de ni-
 hilo erat, locorū naturā contēplātibus. Postea uero quā-
 siue ullo impedimento, superatis alpibus in castra descen-

Ema urbs
 Italiae.

Alpes.

Aquileia maxi-
ma Italiae urbs.

derant, leti scilicet omnes instauratis animis uitulabantur, nihilq; non sibi ex sententia cessurum Maximinus arbitrabatur, ne locorū quidem difficultati fidentibus Italis, intra quos latitare ipsi, & saluti suae consulere, praetereaq; insidiari hostibus, ac locis superne imminuentibus pugnam capeffere potuissent. Sed ubi planiciem attigerunt, nunciant exploratores maximā Italiae urbem Aquileiam portas occlusisse. Pannoniorū acies quae praeuertant, acriter murum oppugnasse. Ceterum tentata re, saepe omnes incassum conatus euasisse. Itaque iam defatigatos recedere, lapidibus scilicet & hastis, magnaq; sagittarum ui desuper ingruentibus. At Maximinus iratus Pannonijs, quasi parum impigre praeliatis, ipse cum exercitu reliquo accelerabat, sperans nullo negotio se illius urbis potiturum. Sed Aquileia prius quoq; (ut erat ingens urbis eius magnitudo) populo abundabat, & uelut Italiae quoddā emporiū ad mare sita, quasiq; terminus Illyriae, copiam rerum ē continenti per terrā, fluuiosq; conuectam nauigantibus suggererat, & ab ipso mari res ad usum eorum qui continentē colunt, necessarias uidelicet superioribus terris propter hyemis asperitatem minus feracibus, maxime tamen uinū, cuius in ipsa regione maximus prouentus est, uicinis gentibus ne uitem quidem habentibus, affatim suppeditabat. Ex quo factum uti super ciuium ingentē numerū, etiā magna uis hospitum, ac mercatorū eam urbem frequētare. Enimuero tunc etiam aucta multitudo confluētib; illuc ex agris quicūq; oppidulis, uicisq; circa relictis, fidebant urbis magnitudinis, ac uetustis mœnibus dirutis quidē antea magna ex parte. Quippe in tanta Romanorū potentia, neq; murorum, neq;

neq; armorum Italiae ciuitates indigebāt, pacem altissimā
 agitantes, atq; in participatū Reipub. adscitæ. Sed tunc ur
 gente uidelicet necessitate, renouatis, instauratisq; mœni-
 bus, præterea turribus ac propugnaculis excitatis, totaq;
 urbe ad eum modum cōmunita, clausisq; portis, noctem,
 diemq; uniuerſi pro muro stantes, hostem fortissime pro-
 pulsabāt. Duces erant summa potestate duo consulares uiri
 lecti à senatu Crispinus, ac Menepbilus. Hi maxima dili-
 gentia procurauerant, uti necessaria quæq; in urbem im-
 portarentur, sic ut diuturnior quoq; sustineri oppugnatio
 potuerit. Erat item in urbe magna aquarū abūdantia, par-
 tim ex puteis sanè frequentibus, partim è flumio muros
 præfluente, ac pariter fossæ obiectus, et aquarū præbente
 copiam. His ita intra urbem comparatis, ut primū defendi
 muros diligenter, clausasq; portas Maximinus audiuit,
 decreuit mittere legatorū specie, qui illos alloquerentur,
 ac si possent, referari sibi portas persuaderent. Habebat
 autē in exercitu tribunū quendā Aquileiæ cinē, cuius nati
 atque uxor, præterea familia omnis in urbe erant cōclusi.
 Quare cum, centurionesq; nonnullos quasi oratores mit-
 tit, sperans facile illius auctoritatē municipes secuturos, qui
 ubi muro appropinquarent, in hanc sententiā uerba faciūt.
 Iubere communē imperatorē pacem depositis armis cole-
 re, seq; amicū pro hoste accipere, sacrisq; faciundis uaca-
 re, quā cædibus, miserari patriā paulopost (si obstinati
 perstiterint) ruiturā, licere ipsis (si uelint) una opera sibi
 quenq;, et salutis patriæ consulere: quippe obliuionē, ue-
 niamq; omnium quæ fecerint, optimū principem polliceri,
 quando nihil ipsorum, sed omnia forent aliena culpa con-

Aquilensium
 apparatus.

Crispinus &
 menepbilus A-
 quil, duces.

tracta. Talia quædam sub muro legati magna uoce pronūciabāt, sic ut facile exaudiri, si nō planē ab omnibus, certe ab ea multitudine possent, quæcūq; supra muros turreisq; constiterat. Etenim taciti omnes legatorū dictis aures dediderant. Quare metuens Crispinus, ne pollicitationibus illis, quæ uulgi inconstantia est, ad mutandū pace bellum, reserandasq; hosti portas impellerentur, discursans ipse per muros rogare, obtestariq; singulos, uti audacter manerent, fortiterq; resisterent, neq; fidem proderēt senatui debitam, P. Q. R. ne ue titulum seruatae ac propugnatae Italiae totius aspernarētur, neu promissis crederet periuri, fraudulētisq; tyranni, ne ue item benigna oratione inescati ruerent in manifestam perniciem, sed confiderent belli fortunæ, ita plerunq; dubiæ, atq; ancipiti, ut magnus interim numerus à paucissimis, & qui potentiores creduntur, ab ijs qui imbecilliores habeantur, uicti, superatiq; sint, ne ue utique expauescerent exercitus illius magnitudinem. Nam qui pro altero dimicant, cum suæ uictoriæ felicitatem ad alios uideant migraturā, minus profecto acriter decertāt. Quippe qui intellegant se quidem in periculi participatū admitti, cæterum extremos uictoriæ fructus ad alium pertinenturos. Qui autem pro patria pugnant, præterquam quod spe meliore esse debent (neq; enim aliena occupare, sed tueri sua contendunt) etiam animo sunt maiores, ut quos non alienum imperium, sed sua quenq; necessitas adigat, quoniam scilicet uictoriæ fructus ipsis potissimum debeantur. Talia quædam nunc singulis, nunc uniuersis ingerens Crispinus, homo suapte natura uenerabilis, ac Romana sicundia pollens, præterea gratus omnibus, nuti modestoq;

desloq; imperio persuasit multitudini, ut in officio, si-
 deq; permanerent, iussuq; legatos rebus infectis ad Ma-
 ximum reuerti. Dicebatur autem Crispinus ad bellum
 sic audacter sustinendum, etiam haruspicum responso, qui
 leta exta nunciarent, animatus: etenim magnopere fidem
 huiusmodi signis habere Itali consueverunt. Caterum non-
 nulla quoq; oracula ferebantur, patrij cuiusdam numinis
 uictoriam pronuntiantia: Belcm uocant indigenæ, magnaq;
 cum religione colunt, Apollinem interpretâtes, cuius etiâ
 speciem pro urbe ipsa pugnantem, quidam è militibus Ma-
 ximini uisam sibi in cælo affirmabât. Quod utrum sic esse
 nonnulli putauerint, an id commentum placuerit, ad leuan-
 dam infaniam tanti exercitus, qui bello impar foret aduer-
 sus minorem multo numerum oppidanorum, ut scilicet
 uicti potius à dijs, quàm ab hominibus uiderentur, haud
 sanè satis exploratum habeo. Caterum nouitas euenus
 cuncta credibilia facit. Postea uero quàm infecto nego-
 tio legati reuerterunt, ira & furore instinctus Maximus,
 magis, magisq; accelerabat. Vt autem ad fluvium
 peruenit, qui ad lapidem duodecimum procul est ab urbe,
 inuenit ipsum maxima aluei profunditate, ac latitudine
 defluentem. Etenim anni tempore solutæ uicinorum mon-
 tium niues, quas longa hyems durauerat, maximum tor-
 rentem effecerant. Sic ut nullo pacto transire exercitus
 posset. Nam pontem, quod opus magnum, atque pulcherrimum
 ueteres imperatores lapide quadrato construxerant, pylis
 ueluti quibusdâ paruis sensim crescentibus rup-
 perant, ac resoluerant Aquileienses. Ita cum neq; ponte,
 neq; nauigijs (quippe nulla suppeditabât) transire exercitus

Bel deus.

tus posset, substituit incertus consilij. Sed enim Germani alii quot ignari, quam rapido, abruptoq; impetu Italiae flumina deferantur, ratiq; sensim influere campos, quemadmodum apud ipsos consueverunt (unde etiam quia minimum se concitant, per facile congelascunt) ausi seq; , et equos natandi peritos alueo credere, ut fluminis ablati perierunt. Igitur cum biduum, aut triduum in tentorijs fuisset Maximus, ducta circum exercitum fossa, ne qui de improviso in castra ruerent, stabat in sua ripa deliberabundus, quoniam tandem pacto fluuium ponte iungeret. Sed magna lignorum ac nauigiorum penuria, quibus inter se iunctis pontem fabricaretur, nunciarunt quidam e fabris, esse permultas in agris illis desertis inanes cupas forma rotunda, quibus uidelicet incolae quondam ad uinum importandum utebantur, ea cum essent ad nauium similitudinem concava, deuincta mox inter sese scapharum more, innatatura uidebantur. Etenim ire pessum uinculis inter se constricta, ac uimnibus desuper iniectis, et puluere multo saburrata non poterant. Quod ubi factum est, facile milites in ulteriorem ripam transgressi, suburbanis aedificijs, quae deserta inuenerunt, igne correptis, uites arboresq; exciderunt, omnemq; eius regionis ornatum foedauerunt. Siquidem arborum comparibus ordinibus, ac uitibus inter se iunctis, et in sublime euectis, ad festae celebritatis speciem, quasi coronis quibusdam redimuta omnis regio uidebatur, quibus radicius excisis, exercitus ad ipsos urbis muros continebat. Sed omnibus defatigatis, non fuit imperatoris consilium urbem ipsam statim inuadere. Sed extra teli iactum constituto milite, diuisoq; in centurias, et cuneos, ac partibus

tibus muri totius unicuiq; attributis, uno tantū die ad re-
 quiescendum indulto, statim dēinde oppugnare urbē ag- Aquilēta oppu-
gnatur.
 greditur. Igitur machinamentis omnifariam admotis, cum
 genus oppugnationis nullū prætēmitteretur, plurima sci-
 licet, ac propēmodum cottidiana certamina edebantur.
 Etenim circumdatis uelut indagine quadā muris, magnāq;
 ui, atque alacritate pugnam capeſcente milite, resistebant
 audaciter Aquilēenses, clausisq; templis & domibus, uni-
 uersi cum liberis, & coniugibus urbem desuper ē turri-
 bus ac propugnaculis defensabant. Neque erat ulla tam
 inutilis ætas, quæ pugnare pro patriarecuset. Cæterum
 suburbanā omnia, & quicquid extra urbem ædificiorum
 fuerat, demolitus Maximus, lignis, materiaq; omni ad
 machinas abutebatur, quibus muri saltem aliquam partē
 demoliretur, qua immissus exercitus deriperet urbem, ac
 dirueret, totamq; cam uastam mox, desertamq; relinque-
 ret. Neq; enim decorum sibi, aut honorificum fore iter
 Roman arbitrabatur, nisi urbem deleuisset, quæ prima in
 Italia obstutisset, Quocirca multa pollicentes, atq; osten-
 tantes ipse cum filio, quem Cæsarem fecerat, obequitabāt
 militibus, eosq; ad pugnandum acriter adhortabantur.
 Enimuero Aquilēenses saxa desuper iaciebant, sulphurq;
 bitumine, ac pice mixtim dolijs, quorum manubria lon-
 giora, immittebant, atque ut primum exercitus muris suc-
 ceſſerat, ignibus iniectis disſpergebāt unanimiter umbrum
 ritu. Quamobrem pix illa cum cæteris, quæ supra dixi-
 mus, partes nudas corporis subiens, undiq; diffunde-
 tur, sic ut mīles loricas, armaq; cæteraq; ferro excan-
 descente, corijsq; ac lignis ardentibus, contrahentibusq;

se raptim abijceret. Itaq; cernere erat milites arma sibi ipsos detrahentes, quæ spoliolum speciem abiecta humi, commento magis artis, quàm uir pugnantium præferebat. Ex quo factum est, ut plerisq; militibus, aut oculi extinguerentur, aut summæ oris partes, manusq; item, et si qua præterea nuda in corpore patebant, ignibus labefactarentur. Sed et machinis quæ muro admovebantur, de super tædas iniiciebant, pice ac resina oblitæ, quarum extrenitas mucronem ueluti sagittæ haberet, quæ cum accensæ deferebantur, infixæ, inhaerentesq; machinis, facile, scilicet illas cremabant. Sed primis sanè diebus par utrinq; librata fuit pugnae fortuna. Dein mora iniecta, minus manusq; iam alacer Maximini erat exercitus, sed quia spes falsus, tristiorq; indies. Nam quos ne unum quidem diem sperauerant suum laturos impetum, eos non modo non cedentes, sed resistentes etiam audacissime animaduvertebāt.

+ Contra Aquileienses magis, magisq; indies uirium, atque animorum implebantur, et assiduitate pugnandi peritiam, pariter, audaciamq; consecuti, sic despiciebant milites, ut etiam iocarentur in eos, et caullarentur, nihilq; non contumeliæ obeunti muros Maximino exprobrarent, tum in ipsum iuxta, filiumq; nulla non iacerent probra. Quibus irritatus, ac furens, cum effundere in hostes iram non liceret, plurimos è suis ducibus, quasi parum strenue atq; acriter urbem oppugnarent, extremo supplicio affecit. Quo factum, ut infestior sibi atq; iratiorem militem reddiderit, et contemptibilior fieret aduersarijs. Euenit præterea, ut Aquileienses comæatu, rebusq; cæteris abundaret, quoniâ magna diligentia, quæcûq; ad homines, aut equos sustentant

sustentandos desiderantur, in urbem fuerant comportata. Cōtrā exercitus omnium rerum egenus, excisis feracibus arboribus, agroq; omni peruasato, partim sub tumultuarijs tētorijs agitabant, partim sub aperto cœlo tolerabāt solem, atq; imbres. Siquidem nihil alimenti, uel ipsi, uel iu-
mēcis importabatur, obseſſus omnibus Italiæ itineribus Ro-
manorum diligētia, murisq; & portis excitatis. Etenim uiros cōſulares cum lectissimis ac spectatissimis hominibus ex Italia tota miserat senatus, qui littora portusq; tutaren-
tur, neq; cuiquā potestati fierent nauigandi, sic ut inau-
dita, incognitaq; forent Maximino quæcunq; Romæ agi-
tabātur. Quin uiæ quoq; omnes, & calles, ne quis transi-
ret, diligentissime seruabātur. Ita eueniebat, ut exercitus,
qui urbem obsidebat, ipse inuicem obsideretur. Nam neq;
Aquileian capere, neq; Romam proficisci poterat, nauis-
giorum ac uehicularū penuria, quæ omnia prius occupa-
ta, & conclusa fuerant. Rumores quoq; suspicionibus in-
maius augebantur, esse uniuersum in armis Romanum po-
pulū, consensisse Italiā, gentesq; omnes Illyricas, Barba-
rasq; quascunq; aut oriens, aut meridies uidet ad exerci-
tum contrahendū, coniuratas in Maximini odium. Quæ
re desperantes milites, omnium rerum penuria laborabant,
uixq; aquæ satis habebant, quam etiā pollutant sanguine,
& cadibus de flumine hauriebant. Nā & Aquileienses ca-
dauera suorū, quæ humari nō poterant, in flumina præci-
pitabāt, & qui ferro, morboq; in exercitu perierāt, iudē
aluco demergebātur. Inter quos etiā qui inopia ciborū cō-
fecti, uix adhuc spiritū retentabāt. Cum igitur ad hūc mo-
dum morbus, atque inops exercitus esset, repente dū sub
tentorio

milites rerum
omnium penuria
laborant

tentorio quiescit Maximinus uacuo die à pugna, cum plerique, aut in tabernacula, aut in suas quisque stationes concessissent, uisum est militibus ijs, quorum ad urbem Romanam sub monte Albano castra erant, atque in his liberi eorum, coniugesque, relictae, neci dedere Maximinum, ut aliquando à diuturna, et inexplicabili obsidione requiescerent, neque Italiae bellum inferrent in tyranni gratiam, dānati omnibus et iniusi. Quocirca occupata audacia, sub medium ferme diem ad illius tentorium contenderunt, conspirantibus una corporis custodibus. Ibique postquam de signis militaribus illius imagines detraxerunt, prodeuntem mox tentorio, cum filio, ut ad eos loquerentur, continuo obtruncant, unaque praefectum praetorio, et quoscunque charissimos ille habuerat, Proiectaque ad ludibrium cadauera, canibus dein, uolucrisque lanianda reliquerunt, missis tantum Romam Imperatorum capitibus. Hunc habuit finem Maximinus cum filio. Ita male gesti imperij dedere ambo supplicium. Ceterum exercitus harebat necce audita principum. Neque enim perinde omnibus grata, praesertimque Pannonijs, Thracibusque Barbaris, qui scilicet imperium tradiderant. Sed quando infectum fieri iam nequibat, ferebant quanquam inuiti, et se gaudere cum ceteris simulabant. Quare depositis armis, pacatorum habitu, ad Aquileiae muros accesserunt, nuntiataque cade Maximini, petebant uti sibi portae aperiretur amicis iam, qui pridie hostes fuissent. Enimvero Aquileensium duces haud passi, proponunt Maximi, et Albini, ac Gordiani Caesaris imagines, coronis, et lauro redimitis. Quibus ipsi acclamantes, etiam hortabantur exercitum, ut agnoscerent,

Maximini ac
tlij caedes.

agnoscerent, salutarēq; & lētis exciperēt uocibus, quos senatus, populusq; Romanus Imperatores elegisset. Nam Gordianos illos superiores, cum dijs agere æuum, sed & forum rerum uenaliū supra muros exposuerunt, magna ciborum, uiniq; copia, prætereaq; uestiū, & calceorū, rerumq; adeo omniū, quas præbere hominibus posset ciuitas beata & florens. Igitur magis, magisq; ea res exercitum obstupescit, cogitantē fuisse illis abunde omnia, etiā ad longiorē obsidionē suffectura, contraq; se magna egestate omnium, prius aliquāto perituros, quam urbe omnibus circūfluente copijs potirētur. Ita manente sub muris exercitu, & quæ cuiq; usui forent, inde sumētibus, colloquētibusq; inter se, pacis erant, amicitiaq; uelut habitus, manēte adhuc obsidionis specie, cum scilicet clausa moenia Romanus circūsideret exercitus. Dum hæc ad Aquiliciam geruntur, interea equites, qui Maximini caput Romā ferebant, magno studio accelerātes, patentibus ubiq; portis, ac laureata populariū frequētia excepti, stagnis, paludibusq; inter Altinū, ac Rauennā enauigatis, Maximum Maximus, in urbe Rauēna inuenerūt, delectos ex urbe, & Italia cōtrahentem milites, ac Germanorū auxiliares, qui beneuolentia nomine publice à popularibus missi fuerant, quibus olim Maximus cū imperio diligētissime præfuerat. Ergo parāti copias aduersus Maximinū repēte occurrūt equites, capita ferētes principū, uictoriāq; nuntiātes, & rerum prosperos successus, consensumq; exercitus, & populi, ad eosdem colendos principes, quos senatus elegisset. His igitur præter spem nūtiatis, statim ad aras sacrificatum discurretur, uictoriā canētibus uniuersis, quam citra pulueris

pulueris iactum sibi pepererāt. Enimuero Maximus peracto sacrificio, Romā dimittit equites, ut rem gestā populo narrēt, & capita illa perferāt. Qui postquā peruenere in urbem, atq; infixā contis hostilia capita omnibus conspicienda prætulerūt, nemo utiq; uerbis ullis cōsequi posset festum, leticiamq; eius diei. Nulla quippe fuit ætas, quæ non ad aras & templa festinaret, nemo qui domi se continuerit, sed ibant cœu lymphati gratantes inuicem, atq; in circum ueluti futura concione frequentes concurrebant. Ipseq; Balbinus hecatombas immolabat, nulliq; nō magistratus, nulli non è senatorio ordine lætabundi supra quā dici posset, agitabant, quasi securim ceruicibus imminenti excussissent. Igitur nuntij, legatiq; per omnes provincias laureati dimittebantur. Dumq; ad hunc modum tanta Romanum Po. leticia tenebat, interea Maximus Rauenna profectus, Aquileiā peruenit, trāsmisiss paludibus, in quas fluuius Eridanus, ac uicina exundant stagna, sic ut per ora septem in mare precipitentur. Itaq; indigenæ patria lin-

Septem maria.

gua paludem illam, septem maria appellant. Statim igitur Aquileienses Maximū reſeratis portis excepere, nullaq; non Italiæ ciuitates legatos mittebant principes uiros candidatos, ac laureatos, & decorum patriorū simulacra aureasq; coronas, siquæ in donarijs fuerāt comportātes, qui fausta omnia Maximo acclamarent, & frondibus eum cōſpergerent. Quin exercitus etiam qui Aquileiam circumſederat, pacato habitu prodibat laureatus, non tñ uero concordiq; affectu uniuersorum, quā ficta beneuolentiæ, & honore temporario ad præſentem fortunam principis accomodato. Plerisq; tamen indignantibus, ac dolentibus clanculum,

clanculum, quē ipsi elegerant cecidisse, rerū potiri quem senatus creauerat. Enimvero Maximus uno, alteroq; die sacrificijs absumpto, tertio dein exercitū omnē in planiciē cōuocauit, atq; ex tribunali ad hunc modū uerba fecit.

Quam fuerit ex usu uobis pœnitētia, & reconciliata Maximi oratio
ad milites,
cum Romanis gratia, re ipsa didicistis, pacē uide-
licet pro bello agitantes, seruato etiā militari iureiurando,
quod est unum Romani principatus mysteriū sanctissimū.
Quare debetis etiam deinceps huiusmodi cōmodis frui,
fidem populo seruantes, senatuiq; Ro. & nobis impera-
toribus, quos à uobilitate & rebus gestis, longaq; serie
generis, quasi per gradus quosdam prouectos, pari iudi-
cio S. P. Q. R. elegerunt. Neque enim unius tantum
hominis peculiaris possessio principatus est, sed commu-
nis antiquatus totius Romani Po. Siquidem in illa urbe
sita est imperij fortuna, nobis autem dispensatio tantum,
atque administratio principatus unā uobiscum demandata
est. Qui si ordinem, quem decet, ac modestiam retinebi-
tis, si debitum principibus honorem, ac reuerentiam ex-
hibebitis, cum ipsi beatam uitam, bonisq; omnibus affluē-
tem adipiscemini, tum nationes, ac ciuitates uniuersæ pa-
cem colentes in officio permanebunt. Viuctis autem cum-
eli ex animi uestri sententia domi suæ quisque, neq; in ex-
ternis regionibus confluctabimini. Vt autem Barbaræ gen-
tes pacem, quietemq; tueantur, nobiscum erit hic labor.
Nam cum duo sint imperatores, facilius urbana res admi-
nistrabuntur, atque externæ, præsto scilicet futuro, al-
terutro, quocunque usus uocauerit. Neque uerò suspice-
mini rerum superiorum memoriam illā superfore, aut in
nobis

nobis (quippe nihil, non iussi fecisti) aut in Ro. Po. nationibusq; alijs, quæcunq; ob acceptas iniurias desciverunt. Sit omnium obliuio, sit foedus constantis amicitiae, fidesq; benivolentiae, ac moderationis sempiterna. Hæc locutus Maximus, ac pecunias magna copia pollicitus, paucos Aquilicæ commoratus dies, Romam reuerti constituit. Igitur dimisso exercitu reliquo in provincias, castraq; propria, Romam reuertitur ipse, cum stipatoribus ijs, quibus imperatorum custodia incumberebat, quiq; delecti ab Albino fuerant, neq; non auxiliaribus Germanis, quorum potissimum fidei confidebat, utpote quibus olim nondum adepto imperio cum potestate præfuerat. Ingreddienti urbem etiam Albinus occurrit, Gordianum Cæsarem secum adducens. Senatus autem, populusq; uniuersus lætis acclamationibus ueluti triumphantes exceperunt. Post id autem, cum publice, priuatimq; magna modestia et gravitate imperium gubernaretur, omnesq; omnia bona dicerent, lætareturq; populus, et gloriaretur patricijs, Imperioq; dignis principibus, militum tamē ulcerosi animi populares illas acclamationes haud æquis auribus accipiebāt, ipsamq; illam nobilitatē grauabantur indigne ferentes, datos sibi à senatu principes. Angebāt præterea eos Germani quos in urbe secū Maximus retinuerat. Nam futuros uindices sperabāt, si quid ipsi maius ausi forent, et iamq; insidias suspectabāt, ne forte ab illis per fraudē exarmaretur, mea mores Seueri principis, qui etiā Pertinacis interfectores exauclorauerat. Cum itaq; ludi Capitolini celebrarentur, deditis festo, ac spectaculis omnium mentibus, repente dissimulatum diu sensum milites indicauerunt. Namq; irasim

eti, ac

Et, ac nefano quodam motu unanimiter ad regiam concurrentes, senes principes ad necem deposcebant. Forte accidit, ut ne ipsi quidem inter se satis congruerent. Sed (ut est regnandi inexhausta aviditas, atque incommunicabilis natura potestatis) uterque ad se summam Imperij trahebat. Etenim Albino claritudo natalium, atque iterū gestus consulatus, Maximo autem præfectura urbi, & quòd rerum peritus habebatur, animos faciebant: utrunque tamen, patricia nobilitas, & quantum satis esset, illustre genus, ad summum Imperium stimulabant. Quæ res in primis ambos perdidit. Nam audito Maximus uenisse ad se occidendum milites, qui prætoriani appellantur, accessere statim Germanos auxiliares statuerat, qui scilicet in urbe ipsa erant, ac posse resistere prætorianis uidebantur. At Albinus dolum contra se, compositamq; aliquan suspiciens fraudem, quòd studere Maximo Germanos cognouerat, prohibuit acciri illos, negans ad prohibendos, repellendosq; prætorianos conuocari, sed id agi, ut summa rerum solus Maximus potiatur. Ac dum inter se ad hunc modum disceptant, ecce tibi unanimiter milites impetu in aulam factò, turbatis ianuarum custodibus, senem corripunt utrunq; laceratisq; uestibus quas gerebant, uilioribus sanè, utpote domi se continētium, nudos ipsos ex aula abstrahunt, ac per omnem ignominiam, contumeliāq; cedentes, irridētesq; senatorios Imperatores, barbarāq; & supercilia uellentes, neq; ulli parcentes corporis totius ludibrio, per mediam urbem ad castra deducebant, ne occidere quidem illos in regia decreti, sed lento mortis genere prius excarnificare, quo dolorem diutius

n n perpete

Maximi & Al-
bini cædes.

Gordianus Im-
perator.

perpeterentur. Sed ubi Germanos re deinde cognita, rap-
tis armis in auxilium concurrere nunciatum prætor-
nis est, statim illos nullo non ludibrio prius affectos con-
trucidant. Relictisq; in ipsa uia cadaueribus, tollentes in
altum manibus Gordianum Cæsarem, quando aliud nihil
occurrit, Imperatorem consalutabant. Idem ad popu-
lum uociferantes, iacere ipsorum manu, quos populus ab
initio recusauerat. Electumq; Gordianum, Gordiani ne-
potem, quem ipse Ro. Po. ad Imperium compulisset. Huc
igitur secum deducentes coiere in castra, clausisq; portis
quieti agitabant. At Germani ubi occisos, proiectosq; au-
dierunt, quorum causa properauerant, cum nollent irri-
tum bellum pro uiris uita defunctis suscipere, in sua diuer-
soria reuertuntur. Hunc finem uitæ habuerunt, indignum
uidelicet, ac nefarium, sancti, et uenerabiles senes,
claritudine generis, atque egregijs meritis,
ad Imperij fastigium prouecti. Cæte-
rum Gordianus cum annorum
esset ferme tredecim prin-
ceps ab uniuersis
declaratus
Ro-
manum suscepit Im-
perium.

F I N I S.

ANGELI PO

LITIANI IN EPICTETI

stoici Enchiridion, è græco à se interpre-
tatum, ad Laurentium Medi-
cem epistola.



AENEAS Lapitham, cum qui cū Centaurus
Centauris pugnaverit, Laurenti Me-
dices, ádeo uulncribus inuiolabilē, te-
lusq; imperiū fuisse scribit Pindarus
ut cum in eū Centauri ingentē quan-
dam sylvarū molem facto unanimiter

impetu congestissent, recto (ut idem inquit) pede terrā sci-
derit. At uero Epictetus hic noster, ea nō à Vulcano ut
Achilles, atq; Aeneas, sed à natura ipsa, ac ratione arma
accepit. Quæ non modo se à telis, & ferro, sed à metu
quoq; & dolore, cæterisq; animi perturbationibus tutū
inuiolabilemq; præstiterint. Bellum quidē hic uir, nō cum
Centauris, ut ille, sed cum fortuna, cumq; opinione acer-
rimum gessit. Quas ita ambas fudit, atq; fugauit, ut eas ex
uniuersa quoq; hominum uita externauit. Qui cum
& seruus esset, & claudus, & Homericō Iro pauperi-
or, haud tamen dubitauit, dijs sese amicū notissimo apud
græcos dislichō assuecrare. Legerat enim apud Platonem
in eo dialogo, qui Alcibiades primus, aut de natura homi-
nis inscribitur. Eum proprie, uerēq; hominem esse, cuius
omnis in rationali animo substantia existeret. Quapro-
pter quicquid extra hunc hominem foret, id ad se minime

Epictetus.

Homo uerus.

pertinere arbitratus est, neq; id uerbis tantum, aut libris, sed uita quoq; ipsa præ se tulit. Ita enim sese ab externorum cura auocauit, ut Romæ eius domus, ne ianuam quidem ullam habuerit. Quippe in qua præter uilissimū cubile nihil omnino esset. Huius de uita, ac moribus ingens uolumen, quod tamen olim culpa temporū interit, Arrianus uir clarissimus cōscripsit, eq; eius libris, quasi florē quendam, qui hunc Platicum, hoc est uerum hominem in libertatem uendicaret, excerpfit, atq; in uolumen redegit:

Enchiridion, quem quia librū ad manum semper habere oporteat, Enchiridion, quo nomīne militaris pugiūculus significatur, inscripsit. Sermo autem in eo omnino efficax est, atq; energie plenus, et in quo mira sit ad permouendū uis. Suos enim quauis affectus in eo agnoscit. Adq; eos emendādos, ceu quodam aculeo excitatur. Omnia uero ordinem inter sese mirum habent, omnibusq; ueluti lineis, quauis in plura id opus capita sit distinctū, ad excitandum rationalem animum, quasi ad ipsum centrū contendunt: ut is, et sue dignitatis curam habeat, et proprijs actionibus secundū naturam utatur. Stilus autem qualem res postularet concisus est, dilucidus, quiq; omnem respuat ornatū. Pythagoreorumq; præceptis, quas illi Diathecās uocant, quā simillimus. Hoc ego opus cum latinū facere aggrederer, ut indulti à te nobis huius tam suauis ocij rationē aliquam redderem, in duo omnino mendosissima exēplaria incidi, pluribusq; locis magna ex parte mutilata. Quapropter cum et cætera quæcunq; usquā exemplaria extarent, non dissimilia his esse audire. Permissi mihi ut sicubi aliqua capita, aut deessent, aut dimidiata superforent, ea ego de
Simplicij

Simplicij uerbis, quā id opus interpretatus est, maxima
 (quantum in me esset) fide supplerem. Quod si nō uerba
 ad unguem (id nullo modo fieri poterat) at sensum certe,
 ipsum purū, sincerumq; latinū à nobis redditū arbitror.
 Quod ne quēpiā fortasse perturbet, quemadmodū Ari
 starchus Homeri uersus, quos ipse nō probaret, ita nos sin
 gula ipsa capita, quæ nostris quidē uerbis explicētur, obe
 lo hoc est ueru iugulamūmus. Sufficere igitur Laurēti tuis
 occupationibus oculū aliquod, si potes, quod libelli huius
 lectioni impertias. Id enim disciplinæ genus in eo est, quod
 si recte perpendas, nō cuiquā magis aliorū, quā ingen
 tis fortunæ iuris conueniat. Sed quod in toto hoc libello
 pluribus explicatur, id omne Epictetus duobus his uerbis
 quæ etiā frequentissimè usurpabat, comprehendere est so
 litus: Sustine & abstine. Patriā hic uir Hieropolim Phry ^{Sustine & ab-}
 giæ urbē habuit, Romæ Epaphrodito ciuidam Neronis fa ^{stine.}
 miliari seruiit. Atq; ad Marci usq; Antonini tēpora per
 uenit. Domitiano autem imperante, eius dominatu offē
 sus, Roma Hieropolim migravit: ratus uerum esse, quod
 est apud Tragicum: Patriam esse cuiusq; ubi quis recte
 ageret. Tanta uero apud omneis homines eius uitæ admi
 ratio exstitit: ut Lucianus Syrus Epicteti lucernam ficti- ^{Epicteti lucerna,}
 lem, tribus drachmarum millibus ob eius auctoritatem ue
 nisse tradat. Nos ad te nunc nō lucernā Epicteti, sed eius
 imaginem animi, quæ multo plus lucis habeat, Laurenti
 mittimus. Nam cum uniuersam tuæ pulcherrimæ biblio
 thecæ supellecilem, quā tute nobis utendā concessisti, nu
 perrimè scrutarer, hoc unum merito opusculum, quasi ex
 borto flosculum, quod tibi offerrem, delibauī. Hic enim

unus est liber, nisi me opinio fallit, qui & naturæ isti tuæ ad magna quædam semper, atq; ardua excitatæ, & his tam duris temporibus, quibus te undique fortuna, exercendum accipit, maxime omnium conueniat. Vale.

EPICTETI STOICI ENCHIRIDION.

Quæ in nobis sint, quæ ue non, qualia ue quæq; sint.

CAPVT PRIMVM.



LORVM quæ sunt, partim in nobis est, partim non est. In nobis est opinio, conatus, appetitus, declinatio: & ut uno dicam uerbo, quæcunque nostra sunt opera. Non sunt in nobis corpus, possessio, gloria, principatus, & uno uerbo, quæcunque nostra opera non sunt. Quæ igitur in nobis sunt, natura sunt libera, nec quæ prohiberi impediri ue possint. Quæ in nobis non sunt, ea imbecilla, serua, & quæ prohiberi possint, atque aliena.

Quid ex eorū quæ nostra, quæq; aliena sint, ignoratione notitiaq; cueniat. CAP. II.

SI quæ natura sunt libera, serua putabis, & aliena quæ sunt, propria, impedieris, dolebis, turbaberis, incusabis deos, atque homines. Si uero quod tuum est id solū tuum esse putabis, & alienum quod re uera est alienum, nemo te coget unquam, nemo prohibebit, neminem culpabis, ne minem accusabis, inuitus nihil ages, nemo te lædet, inimicum non habebis.

Quod aliena omittenda, nostra curanda, quodq; utraq; assequi non est. CAP. III.

Si ergo

SI ERGO talia expetis, memento nō oportere modice commotū ea attingere, sed partim omnino dimittere, partim in præsentia reijcere, ac primo tui ipsius curam agere. Si autem & hæc ipsa uelis, regnare, scilicet diues esse, & domesticos dirigere, fortasse neq; hæc ipsa consequeris, quia priora quoq; expetis. Illa uero nullo modo consequeris, quæ sola homini felicitatem pariunt.

Quo nos pacto in aspera quauis imaginatione gerere oporteat.

CAP. IIII

CONTINUO igitur in quauis aspera imaginatione discere considerare, imaginationē esse illā, neq; id omnino esse, quod uidetur. Deinde scrutare id et examina his regulis, quas habes. Primāq; hæc, & maxime, utrum circa ea sit, quæ sunt in nobis, an quæ nō sunt. Quod si circa aliqd' eorū sit, quæ in nobis nō sunt: Prōptū hoc esto, nihil ad me.

Quomodo tractanda sunt, quæ in nobis sunt.

CAP. V.

MEMENTO appetitus promissionem esse, ut consequaris, quod appetis: declinationis autem promissionem, ut in id non incidas, quod declines. Qui ergo appetitus promissione excidit, infortunatus est: qui autem in id quod declinat, incidit, male est fortunatus. Si ergo sola declines, quæ præter eorum naturam sunt, quæ in te sunt, nunquam in id incidēs, quod declinabis. Morbum autem si declines, aut mortem, aut paupertatem, male fortunatus eris. Aufer igitur declinationem ab omnibus, quæ non sunt in nobis, eamq; transfer in ea, quæ præter eorū naturā sunt, quæ in nobis sunt. Appetitū uero penitus in præsentia aufer. Si enim appetis, quæ in nobis nō sunt,

nn 4

sunt,

sunt, ab aliquo eorum excidas, necesse est: quantum uerò eorum quæ sunt in nobis appetere expediat, nōdum tibi constat. Solo animi conatu, aut auocatione utere leuiter, & cum supputatione & remissione.

Quomodo tractanda, quæ in nobis non sunt.

CAPVT

VI.

IN uno quoq; eorum, quæ aut delectant, aut utilitatem præbent, aut diliguntur, memento considerare, quale id, quidq; est: incipiens, à minimis. Si ollam diligis, dic ollam diligo. Ea enim fracta, non perturbaberis. Si filium tuum amas, aut uxorem, dic te hominem diligere, mortuo enim non perturbaberis.

Quomodo preparari in actionibus oporteat, ut perturbatione uacemus, ac primo per meditationem.

CAPVT VII.

CV M rem quampiã aggressurus es, redige tibi in memoriam, qualisnam ea res sit. Si lotũ abis, præpone tibi quæcunq; in balneo fiũt, irrorãteis, inquietos, cõuitiantes, furantes, atq; ita tutius rem aggredieris, si autẽ cõtinuo dicēs, lauare uolo. Propositumq; meũ, quod secundum naturam est, seruare, & in quacunq; re similiter, nō peccabis. Hoc enim pacto si quid inter lauandum impedimẽti acciderat, in promptu hoc tibi erit. Non hoc uolebam solum, sed & meum propositum, quod est secundum naturã seruare. Non seruabo autem si moleste feram, quæ fiunt.

De perturbatione declinanda, per eorũ naturæ considerationem, quæ nos perturbāt. CAP. VIII.

PERTVRBANT homines non res ipsæ, sed rerũ opiniones, ut mors nihil terribile. Alioqui & Socrati uisa

missa foret, sed quia opinio de morte terribilis, ideo illa terribilis. Igitur cum aut impediamur, aut perturbemur, aut doceamus, nunquam alium accusemus, sed nos ipsos, hoc est opiniones nostras.

Ratio superioris præcepti, triplicisq; hominum gradus assignatio.

CAP. IX.

I N E R V D I T I est alios culpæ, cū quid male agat. Eius qui iam cœpit erudiri, seipsum. Eruditi, neque alium, neque seipsum.

Quomodo tractanda, quæ de externis videntur eligenda.

CAP. X.

O B N V L L A M alienam excellentiam te efferas, si equus superbiens dicat: pulcher sum, ferendum esset. Tu uero cum dicis superbiens, pulchrum habeo equum, memento te ob pulchrum equum superbiere. Quid ergo est tuum? præter usum imaginationum. Ergo cum in usu opinionum secundum naturam te habebis, tum uero superbias, ob aliquod enim tuum bonum superbies.

Quæ nobis ex externis concedantur, quoq; ijs pascito sit utendum per similitudinem.

CAP. XI.

Q V E Madmodum in nauigatione, ubi in portū est uentum, si ex eas aquatū, incidit ut cochleas in itinere, aut bulbos colligas, animū tamen ad nauigium intentū habere cōuenit, & sepe respicere, an gubernator uocet, Et si uocet, omnia illa abijcere, ne uinctus eo conijciaris instar pædum. Sic in uita, si pro bulbulo, aut cochleola uxorcula nobis, aut filiulus præbeatur, nihil sit prohibendū, si autē gubernator uocet, citre ad nauigiū relinquens hæc, neq; respiciens: si autē sis senex, nunquā procul à nauigio di-

nn 5 scede,

secede, ne forte uocatus desis, inq; id uinctus consociaris. Qui enim uolens non sequitur, necessitate hoc patietur.

Quo pacto sine perturbatione, & noxia externis acquiescere possimus. CAP. XII.

NE VELIS quæ fiunt, fieri ut uelis, sed uelis quæ fiunt, ut fiunt, & prospereris. Morbus corporis est impedimentum. Propositi uero minime, nisi ipsum uelit. Claudicatio cruris impedimentum est, propositi uero minime. Atq; hoc in quocunque incidentium considera. Inueniesq; id alterius esse impedimentum, non tuum.

Quòd impossibilia nō sunt quæ præcipiuntur, quando uires animo aduersus omnia insunt. CAP. XIII.

IN quocunq; incidentium memeto tecum ipse querere, quam tu uim habeas ad eius usum. Si malum habeas, uim bonam inuenies, ut ad uoluptates continentiam. Si labor offeratur, inuenies robur. Si coniciū, patientiam, Atque hoc pacto assuetus ab imaginationibus nō perturbaberis.

Quales præbere nos oporteat, cum externa amittamus. CAP. XIII.

N VNQVAM in re quapiam dicas, perdidi hoc, Sed reddidi. Puer obiit, redditus est. Ager creptus, nō ne & hic redditus est? Sed malus est uir, qui abstulit, quid ad te per quem repetierit, qui dedit. Quousq; autem tibi præbeantur, uelut alienorū curam habe, ut hospitij uiatores.

Responsio ad obiecta, quæ de superiori præcepto emergunt, ac regula qua talia eligere, ac erumnis exercemur. CAP. XV.

SI proficere uis, dimitte has considerationes. Si rem meā neglexero, nutrimentis carebo. Nisi puerū puniam, malus erit.

erit. Præstat enim fame obire sine dolore, & metu, quàm in affluentia uiuere cum perturbatione. Præstat & puerum malum esse, quàm te infelicem dominari. Igitur à minimis incipias oportet, effusum est olcum, ablatum uinum. Considera tanti abs te enī quietem, securitatemq; animi. Gratis autem nihil acquiritur. Si autem uoces puerum. Cogita posse illum non audire, aut audientem nihil eorum agere, quæ uelis. Sed non tanti is est, ut propter eum tute perturbetur.

Contra uulgi de nobis existimationem. CAP. XVI.
SI PROFICERE uis, ne moleste feras, si propter ea quæ extrinsecus sunt, demens, aut stultus uidearis.

Aduersus inanem gloriam. CAP. XVII.
NE VELIS rei cuiusquam gnarus uideri. Et si quibus esse aliquis uideare, ne crede tibi ipsi. Scis enim nō fāle esse, & propositum tuum secundum naturam seruare, & ijs, qui sint extrinsecus placere: sed necesse est, ut qui alterum curet, alterum negligat.

Quibus studendum sit, quibus non sit.

CAPVT XVIII.

SI uelis liberos, uxoremq; tuam, & amicos uiuere. Stultus es. Quæ enim in te nō sunt, uis in te esse, & quæ aliena, tua. Atque ita si puerum peccare non uis, stultus es. Vis enim ut uitium nō sit uitium. Si autem uelis appetēs aliqd eo nō excidere, hoc potes, hoc igitur exercere potes.

Quæ nos seruos faciant, quæ ne liberos,

CAPVT XIX.

DOMINVS cuiusq; est is, qui, quæ ille uult, aut non uult, potest aut dare, aut auferre: qui ergo liber esse uult, neq;

neque uelit quicquàm, neque fugiat, eorum quæ sunt in alijs. Alioqui ut seruiat necesse est.

Regula electionis præsentium, præteritorum, & futurorum per similitudinem. CAP. XX.

MEMENTO oportere te in cõuiuiuo uersari. In quo si fercula ad te perueniunt extenta manu modeste carpe. Si transit, qui fert, ne eum detine, si nondum peruenit, ne procul appetitum extende. Sed expecta, dum ad te ueniat, sic erga filios, sic erga uxorem, sic erga principatus, sic erga diuitias. Erisq; aliquando dignus deorum conuiuiuo. Si uero quæ apposita fuerint, non capies, sed contenes. Tunc uero non modo deorum cõuiua, sed collega eris. Id enim cum facerent Diogenes, & Heraclitus, atque his similes, merito & diuini erant, & uocabantur.

Quo pacto imaginationi moderandum circa ea, quæ fugienda uidentur. CAP. XXI.

CVM flentem uideas in luctu, quia eius filius, aut peregre absit, aut obierit, aut bona dilapidauerit, caue ne te imaginatio corripiat, tanquam in malis sit ille, cum sit in externis. Sed statim in promptu habeto. Non hunc casus hic torquet, quia alium non torquet, sed opinio: quantum igitur ad sermonem pertinet uersare audaciter cum illo, quinimo & si inciderit, simul geme. Caue tanem ne & intrinsecus gemas.

Quid ad nos attineat, quid ue supra nos sit aptissimi similitudine. CAP. XXII.

MEMENTO actorem te esse fabulæ, quancunq; is uelit, qui docet. Si breuem breuis. Si longum longæ. Si me dicum agere te uelit, & tunc ingeniose age: si claudum, si principem,

principem, si priuatū, ad te enim pertinet, datam tibi personam bene agere. Eligere ad alium.

Quo pacto & in diuersorum expectatione imaginationi moderandum sit. CAP. XXIII.

SI CORVVS aduersum crocitabit, ne te imaginatio corripiat, sed statim tecum ipse diiudica, & dic mihi hæc significant: sed uel corpori meo uel gloriolæ, uel natis, uel uxori. Mihi uero omnia prospera significant, si uoluerō: quicquid enim horum incidat, in me est, ut ex ijs utilitatem capiam.

Causa superioris sensus, & quasi conclusio.

CAPVT XXIIII.

INVICTVS esse poteris, si in nullum certamen descendes, quod ut uincas in te non est.

Quæ uia ad libertatem expeditissima sit.

CAPVT XXV.

VIDE ne quenquā, quæ tu, aut honore, aut potentia, aut fama præstantē uideas, beatū dicas, ab imaginatione uidelicet correptus. Nam si substantia boni in ijs est, quæ sunt in nobis, ibi neq; inuidia, neq; æmulatio locū habet. Tu autē nō Imperator, aut Cōsul esse uis, sed liber. Vna aut uia ad hoc est, cōtemptus corū, quæ in nobis nō sunt.

Solutio eorum, quæ superioribus

obstare uidentur.

CAP. XXVI.

ME MENTO, non qui cōuiciatur, aut uerberat, iniuriam facere, sed opinionem de hoc, uelut iniuriam facere. Cum te igitur quis irritet, tua te opinione scito irritari. Quanobrem à principio enitere, ne te imaginatio corripiat: si enim semel per aliquod tempus eam continebis, facilius

facilius tui ipsius compos eris. Mors & exilium, & omnia, quæ terribilia uidentur, ante oculos tibi continuo sunt. Maxime uero omnium mors, neque quicquam unquam humile cogitabis, neque quicquam cupies nimis.

Secunda pars, qua eum, qui iam profecerit, instituit. Eaq; primo dissoluât, quæ philosophari incipientibus occurrunt.

CAP. XXVII.

SI philosophiam cupis, præpara te continuo, ut irridearis, ut subsanneris à multis, ut dicant, repente nobis philosophus emerfit. Et unde nobis hoc supercilium? Tu uero supercilium quidem ne habe, quæ uerò tibi optima uidentur, ita retine, tanquam sis à Deo in hac acie collocatus. Quòd si persistes in iisdem & qui te prius deridebant, iidem postea admirabuntur. Si uero ijs terga dede-
ris, dupla irrisione afficeris.

Quòd à seipso ad externos conuersio philosophi statum destruit.

CAP. XXVIII.

SI quando euenierit, ut ad ea, quæ extra sunt, te conuer-
tas, uelisq; cuipiam placere, scito te de statu decidiſſe. Sa-
tis igitur tibi in omnibus sit, philosophum te esse. Si au-
tem uideri etiam uis, tibi ipsi uideare, & satis erit.

Solutio emergentiũ in eius animo cogitationũ qui
philosophiam aggrediatur.

CAP. XXIX.

HAE te cogitationes ne crucient, honore carebo, ne-
que usquam ullus ero. Si enim carere honore in malis est,
(ut certe est) nõ potest in malo esse propter aliud, nõ ma-
gis quàm in turpi. Nunquid igitur tuũ opus est, principa-
tu potiri, conuiuio accipi? minime. Quomodo igitur hoc
est, honore carere? quomodo uero, neq; usquã ullus eris.
quem

quem in ijs solis esse oportet, quæ sunt in te, in quibus tibi ipsi maxime esse licet. Sed amicis prodesse non potero. Quid tu ais prodesse? non habebunt abs te argentum, neque eos ciues Romanos facies. Quis tibi ergo dixit, esse hæc in nobis, & non aliena opera? Quis autem potest dare alteri, quod ipse non habet? Posside igitur inquit, ut & nos habeamus, si possum possidere seruans memet uerecundum, fidum, & magnanimum, ostende uiam, & possidebo. Si uero æquum ducitis, mea me bona perdere, ut uos, quæ bona non sunt acquiratis, uos ipsi uidete, quam iniqui sitis, quamque ingrati. Quod si fidum, uerecundumque; amicum argento præponitis, in hoc uos mihi opitulamini, neque ea me agere, æquum ducite, quibus hoc perdam. Sed patria, quantum in me erit, adiumento carebit. Rursus quod tu hoc ais, adiumentum? Porticus non habebit per te, neque balneas. Quid tum? neque enim calceos habet per cerdonem, neque arma per fabrum. Satis est autem si suum quisque opus expleat. Quod si ei quempiam alium compares, ciuem si dum, & uerecundum, nihil ne ei prodes? utique, neque tu igitur inutilis illi eris. Quo igitur ordine in ciuitate ero? Quo poteris: seruans simul te fidum, & uerecundum. Quod si dum illi prodesse uelis, hæc perdas, quem tu illi usum afferes, qui imprudens, infidusque euaseris.

Continuatio eorum solutionis, quæ philosophari incipientem impediunt.

CAP. XXX.

Præpositus tibi est quispiam in cōuiuio, aut in salutatiōe, aut in cōsilio. Si hæc bona sunt, gaudere te oportet, quia his potius sit ille. Si mala, ne ægre fer: quia tibi non acciderunt. Memento autem non posse te hæc solummodo facientem paria

paria cum cæteris consequi in ijs, quæ in nobis nō sunt. Quomodo ergo paria habere potest, alicuius fores nō frequentans cum eo qui frequentat, non deducens cum deducente, non laudans, cum laudante. Iustus igitur eris, atq; inexplibilis, si is nequaquam relictis, quibus illa emūtur, ea gratis, uolueris. Sed quāti emūtur lactucæ? obolo, si ita contingat. Vt igitur cum quis obolū præbens accipiat lactucas, tu non præbens, non accipias, haud minus habere te censes eo, qui accipit. Vt enim ille habet lactucas, sic tu obolū nō dedisti. Eodē modo hic cuenit. Non uocaris ad cuiusquā conuiuiū. Non enim quanti conuiuiū emūtur de disti. Laude id uendit, ministerio uendit. Da igitur si tibi conduit, quanti emūtur, quod si & illa amittere nō uis, & hæc accipere, inexplibilis es, & stolidus, nihil igitur habes pro cœna? nempe habes, quod non laudas, quæ non uis. Quod non ea persers, quæ ad eius limen perferuntur.

Quæ sunt communia etiam ex

naturæ uoluntate.

CAP. XXXI.

VOLUNTAS naturæ perpendi ex his potest, in quibus alteri ab alteris non differimus, uelut cum alienus puer fregerit poculum, in promptu statim est esse id ex ijs, quæ fiūt. Scito igitur cum tuum fuerit fractum, talem te esse oportere, qualis fueris, cum alienum frangeretur. Idem ad maiora quoque transfer. Alienus obijt filius, aut uxor, nemo est, qui non dicat, humanum id esse. Sed cum suus cuiusque obijt, statim, hei mihi, & me miserū. Oportebat autem meminisse quid nobis accadat, cum de alijs idem audimus.

Mali naturā in mundo nō esse. CAP. XXXII.

Quemad

QVE M A D M O D V M non idco sagittarij signū
figitur, ut nō attingatur. Sic neq; mali natura in mūdo fit.

Quam putanda sit animi perturbatio, quid ue agendū,
ne in eam incidamus,

C A P. XXXIII.

S I Q V I S tuum corpus imperium habenti traderet,
egre ferres, quod autem tu tuam mentem cui uis tradis, ut
cum tibi conuitia dicuntur, perturbatur illa, & confundi-
tur, non ne te pudet? Quicquid igitur aggressurus es, eius
initium primo tum quid deinceps sequatur considera,
Atque ita rem aggrediare. Id si non feceris, nunquā ipsam
prompte aggredieris, nihil eorum cogitans, quæ futura
sunt, Postmodum uero cum quedam apparebunt turpia,
pudore afficeris.

Efficax considerandi exemplum, quod quaq; in re,
quam sinus aggressuri, accidere possit.

C A P V T XXXIIII.

V I S olympia uincere? & ego per deos. Magnificum
enim est, sed considera, & initia, & consequentia, atq; ita
rē aggredere. Oportet bene sese instituire, necessarijs ue-
sci, abstinere condimentis, exerceri ad necessitatē, ad præ-
scriptam horam, in æstu, in frigore, frigidam nō bibere, nō
uinū. Si ita fruat res, totum te deniq; præfecto ipsi ccu me-
dico tradere. Tum in certamen prodire. Et interdū manū
uulnerari, talum distorqueri, multam aphen deglutire, in-
terdū uero & flagellari, postq; hæc omnia superari. His
animaduersis, si adhuc uis, abi certatum: sin minus, instar
puerorum deges, qui nunc palestritæ ludunt, nunc gladi-
atores, nunc tuba canunt, mox tragædum agunt: ita &
tu nunc athleta, nunc gladiator, nunc orator, tunc philo-

o o sophus.

sophus. Toto uero animo nihil, sed uelut simius, quicquid cernis, imitaris: aliudq; ex alio tibi placet. Non enim cum animaduersione rem aggressus es, neq; circumspectans: sed temere, & per frigidā cupiditatē. Sic nonnulli cum philosophum intuentur, aut cum à quopiā audiunt. Bene Socrates dicit, & qui potest dicere ut ille? uolunt & ipsi statim philosophari. Homo cōsidera primo quenā, aut qualis sit ea res quā aggredieris. Deinde naturā tuam consule, utrū id tolerare possis: Vis esse luctator, aut pantathlus? aspice brachia tua, aspice lūbos, aspice femora. Aliud enim alijs aptū rebus natura parens largita est. An te censes huiusmodi rebus studentē eodem modo uesci posse, eodem modo potū sumere, eodem modo irasci, eodē modo mœrere. Vigilare oportet, laborare, sedere à proprijs bonis, à pueris contemni, derideri ab omnibus. Vniuersis in rebus minus autoritatis habere, in honore, in magistratu, in iudicio, in cæteris omnibus. Hæc inquam omnia considera, & utrum pro his indolentiā, libertatē, quietem malis animaduerte-
re, quod ni malis, caue ea aggrediaris, ne instar puerorū modo philosophus, modo publicanus, paulopost rhetor, postremo cæsaris procurator fias, Hæc inuicē nequaquam conueniunt. Illud oportet hominē esse te, uel bonū, uel malum, aut ad interiora te uertas, necesse est, aut ad exteriora, uel philosophi locum teneas, uel idiotæ.

Quod officia à natura ducuntur, quodq; ut sese quisq; aduersus quempiam habeat, considerantur, tum de officijs erga homines.

C A P. XXXV.

OFFICIA habitibus pensantur, Pater appellatur, curandus est, cedendū ei in omnibus, ferendus cum aut obiurgat,

gat, aut uerberat. Sed malus pater est. At natura te non bono patri, sed patri conciliauit. Frater iniurius est, uide quo tu loco sis, non quid ille faciat. Propositum tibi est, ut secundū naturā tu facias. Nemo enim te lædit nisi uolentē, Tum læsus eris cum te lædi opinaberis. Sic ergo à ciue ad ciuem, à uicino ad uicinum, ad imperatorem ab imperatore officium inuenies, si considerare habitus assuesces.

Officia aduersus deos.

C A P. XXXVI.

PIETATIS erga deos id maximum esse scito, ut de ipsis bene sentias, puiesq; & eos esse, beneq; ac recte gubernare. Tum ut ita te compares, parēre eis, atque omnibus cedere, quæ fiant, neq; inuitum sequi, quasi omnia ex optimo consilio efficiantur. Hoc enim pacto neq; deos inquam culpabis, neq; incusabis, quasi neglectus. Id uero aliter efficere non potes, nisi ab his te auoces, quæ in nobis non sunt. Inq; ijs tantum, quæ sunt in nobis bonum, ac malum ponas. Quòd si eorum aliquid bonū esse, aut malum opineris, necesse est, ut cum ea non consequaris, quæ uelis, aut in ea incidās, quæ nobis, cōqueraris, atq; oderis eius rei causam. Omne ad hoc animal natum est, ut quæ noxia uidentur, eorumq; causas fugiant, atq; ab his auertantur. Vtilia uerò, & eorū causas querant, atq; admirētur. Non potest igitur, qui se lædi putat, eo quod lædere uidetur gaudere, unde & ipsa læsione gaudere impossibile est. Vnde & patri filius cōiuriatur, cum his quæ bona uidentur, filium nō impartit. Et Polynicem, atq; Eteoclem hoc inter se discordare compulit, quod tyrannidem bonum esse putabant, propter hoc agricola cōiuriatur dijs, propter hoc nauta, propter hoc mercator, propter hoc ipsum,

quibus aut uxores, aut liberi interiēre. Vbi enim utilitas, ibi pietas. Quamobrem qui ea curat appetere, atque cuius tate quæ oportet, Is eo tempore etiam pietatem curat. Libare autem & sacrificare secundum patrios mores, unumquēq; decet pure absq; lasciuia, absque negligentia, non parce, non supra facultatem.

Qualem se ad diuinationem adhibere, de quibus uatem consulere, quomodo diuinationibus uti oporteat. In quo simul & officium erga deos, & erga nos ipsos existit.

CAP.

XXXVII.

CVM ad diuinationē accedis, memēto ignorare te, quid sit euenturū, atq; ideo uatē adire, ut ex eo id audias. Quale autem quidq; sit, si philosophus es, non ignoras. Si enim ex ijs est, quæ in nobis non sunt, Necessariū profecto est, neq; bonū id esse, neq; malum. Tolle igitur abs te cū uatem adis, appetitum ac declinationem. Aliter enim tremēs uatem adibis. Sed cum noris quicquid euenturū sit. Susq; deq; esse, & nihil ad te, licebit quodcunq; id sit, eo bene uti, neq; te quisquā prohibebit. Fidens igitur deos tanquā cōsultos adi. Mox ubi quid tibi cōsuluerint, memēto quos in consiliū acceperis, quibusq; sit obaudire, nisi paruicris. De his autē (ut & Socrates dicētibat) consulendus est uates, quorum omnis consideratio relationem ad exitum habet. Cuius cognoscēdi occasio, neq; ex ratione nobis, neq; ex arte aliqua sit præbita. Quamobrē cum tantum periclitandum tibi fuerit, cum amico, aut cum patria, ne consule an periclitaturus sis. Nam si tibi uates dixerit aduersa ap- paruisse exta, manifestum est, aut mortem significari, aut corporis impedimentum, aut exilium. Sed dicētibat ratio, teq;

teq; confirmabit, ut cum amico, & patria pericliteris. Maximū igitur uati hoc est ipsi Pythio intende, qui cum de templo expulit, qui amico opem non tulerit.

Officia erga nos ipsos, ac de ijs primo quæ ad morum constantiā faciunt, quæ ue eam impediunt, & de sermone in primis ac silentio.

CAP. XXXVIII.

STATVE tibi ipsi formulā quandam, ac regulam, quam deinceps serues, & cum tecū ipse es, & cum in homines incidis. Silentium sit plurimum. Loquere necessaria & paucis, & raro, aut quādoq; cum te ad aliquid dicendum tempus uocat, dic quidem, sed non de quauis re. Non de gladiatorum pugna, non de cursu equorum, non de athleticis, nō de epulis, uel poculis singulatim. Maxime uero cūm nū non de hominibus uituperans, aut laudans, aut cum ceteris iudicans. Si igitur possis demuta eorum sermones, qui tecū sint, in id quod deceat. Quod si inter extraneos te deprehensum uideas, Tace.

De risu.

CAP. XXXIX.

RISVS neq; multus sit, neq; ob multa, neq; solutus.

De iureiurando.

CAP. XL.

IUSIURANDUM refuge, si possis: si minus, cū licet.

Aduersus cupiditatem, ac primo de conuiujs.

CAPVT

XLI.

CONVIVIA cum extraneis, ac uulgaribus respue. Quod si quando tempus incidat: Intentum habe animum, ne in uulgarem statum defluas. Scias enim necessariū esse, qui cum inquinato conflietetur, & ipsum inquinari.

De eorum, quæ ad corpus pertineant, usu.

CAPVT

XLII.

QVOD ad corpus attinet, ad purū usq; usum sume, uelut cibum, potum, uestim, domum. Quod autem ad gloriam, aut delicias pertinet, penitus circumscribe.

De re uenerea.

CAP. XLIII.

CIRCA rem ueneream quantum in nobis sit, ante nuptias pure agendū est. Quod si cogimur, quæ tamen sunt legitima assumēda, Ne sis tamen molestus utentibus, neq; redargutor, ne ue sæpius obijce te non uti.

Aduersus iracundiam, & quales nos erga detractores præbeamus.

CAP. XLIIII.

SI QVIS ad te deferat, ille de te male dicit: ne excusa, quæ dicantur, sed responde. Ignorat ille, & alia, quæ mihi adsunt mala. Alioqui non sola hæc diceret.

De speculatorum cupiditate.

CAP. XLV.

AD theatra sæpe accedere, necessariū non est. Quod si quando tempus incidat. Caue ne cuiquam magis studere uidearis, quàm tibi uelis, quæ fiunt, ita fieri, ut fiunt: cū tantūmodo uincere, qui uictor fuit. Status autē ne sit grauis, sed constans cū quadā lætitia. Egressus spectaculo, multa de ijs, quæ facta sint, ne disputa. Quando ad te corrigēdū non faciunt, neq; de omnibus sermonibus, qui dicti sint.

De auscultationum cupiditate.

CAP. XLVI.

AD recitantes ne accede, neque his uel raro intersis, quod si intersis, grauitatem, constantiamq; ita serua, ut molestia uaces.

De congressu cum potentioribus.

CAP. XLVII.

CONGRESSURUS cū aliquo, & eorū præsertim, qui potentiores uidētur. Præpone tibi, quid in hoc fecisset Socrates, aut Zeno, neq; dubitabis, quo te pacto gerere oporteat.

Quomodo

Quomodo præparare nos debeamus potentio-
rem adituri.

CAP. XLVIII.

CVM aditurus quempiã eorum es, qui magna possunt. Præpone tibi ipsi fore, ut nō admittaris intro ad eū, ut excludaris, ut tibi fores non pateāt, ut te ille negligat. Tum cogita, an cum ijs eum adire expediat, ubi adieris, ser quæ sunt. Neque tu tecum dicas uuquam. Talia non merebar. Vulgare enim est, quæ extrinsecus sunt calumniari.

De congressibus cum plurimis. CAP. XLIX.

IN CONGRESSIBUS absit, ut de tuis, aut operibus, aut periculis nimium, atque immodice memineris. Non enim quemadmodū tibi de tuis periculis meminisse, ita & alijs, quæ tibi acciderint, audire est iucundum. Absit etiam ut risum moueas, est enim res uulgaris, & nescio quo modo ducit ad uilitatem, & hæc una uenerationem, qua te prosequantur qui adsint, remittere potest. Nonnunquam uero & in sermonis obscœnitatem trahit: quòd si quando incidat, tum si res & tempus fert, obscœnitate utentem increpa. Sin minus, at saltem taciturnitate & rubore ostende, eum te sermonem ferre iniquo animo.

Quomodo resistendum uoluptati. CAP. L.

CVM uoluptatis cuiuspiã imaginationē capis, quemadmodum in cæteris serua te ipsum, ne ab ea corripiaris. Sed excipiat te res ipsa, atq; aliquod tute spatium cape. Tum utruq; tempus animo uoluta. Et qua uoluptate potieris, & qua iam potitus pœnitētia afficeris. Teq; ipsum tute increpa, eis uero oppone, quātopere si abstinueris gaudebis. Teq; ipsum tute laudabis. Quod si res postulare uidetur, ut rem aggrediaris: Caue ne suis te blandimētis, atq; illece

bris superet. Tum oppone, quàm melius sit, huius certaminis uictoriam tibi ipsi conscire.

Agendum bonum propter seipsum reliquis neglectis, ac primo de iustitia. CAP. LI.

C V M iudicaris faciendam tibi rem, idq; facias, ne da operam, quominus te facientem alij uideant, etiam si aliud quippiam ea de re multi sint opinaturi. Si enim non recte facis, ipsum opus fugiendum est. Si recte, ne metue increpatores non recte. Vt enim hoc aut dies, aut nox est, aduersus disiunctum magnam habet dignitatem, aduersus autem coniugatum dignitatem. Sic & maiorem partem eligere magnam, erga corpus dignitatem habet. Ad seruandam autem quam in conuiuium communionem oportet, indignitatem habet. Si quando igitur cum aliquo conuiuiaris, memento ne ad eorum, quæ opposita sunt, dignitatem aduersus corpus aspicias. Sed aduersus quoq; animum, qualem decet conuiuiam, te serua.

Quod non bonum simpliciter, sed quod nobis faciat eligendum. CAP. LII.

S I P E R S O N A M induisti supra tuas uires, neq; eam sustines, & quod implere potueras omisisti.

Quomodo animum uel ab irrationalibus affectibus, uel à suo peruerso iudicio seruemus. CAP. LIII.

I N T E R deambulandum, quemadmodum caues, ne clauum calces, aut pedem distorqueas: Ita caue, ne quod in teipso dominatur, offendas, & hoc si in quauis re seruemus, tutius illam aggrediemur.

De eorum, quæ ad corpus pertineant possessione.

CAP. LIIII.

MO

MODVS possessionis unicuiq; corpus est, uelut pes calcei. Si in hoc ergo consistas, modum seruabis. Si excedas, in præceptis seraris necesse est: uelut in calceo, si supra pedem extendas, sit aureus calceus, deinde purpureus, deinde punctabundus. Nullus enim terminus est, ubi modum semel excesseris.

De officio & cura erga uxorem. CAP. LV.

MVLIERES statim à xiiij. anno domine uocantur. His enim uiri ob concubitum blandiuntur. Virorum ergo culpa sibi deinceps nimis placent. Monendæ igitur sunt, fore ut apud nos in honore sint, nihil ob aliud, nisi si modestæ sint, & uirum reuereantur.

Degeneris signum, deq; nimio corporis cultu.

CAPVT. LVI.

DEGENERIS signum est, insistere ijs, quæ corporis sunt, ut plurimo exercitio, plurimo corporis cultui. Sed & cōsensus cuiusdā superuacanei signum est. Quibus enim gaudemus, cum ijsdem consentimus. Oportet igitur nimiam corporis curam, uelut ab re esse arbitrari. Maxime uero curam eius habere, quod ipso utitur corpore.

Præceptum ad patientiam, ac mansuetudinem.

CAPVT. LVII.

CV M quisquā tibi male facit, aut dicit, memeto illū suū se officiū facere arbitrantē, aut dicere. Esse igitur non potest, ut is quod tibi uidetur, sequatur. Sed quod sibi ipsi. Quod si male sibi uidetur, ipse læditur, qui & deceptus est. Verū enim cōiugatū, si quisquam falsum arbitretur, non coniugatū ipsum læditur. Sed qui decipitur. Si ab his igitur mouearis, mitte te aduersus conuiciantem præbebis.

Loquere igitur, sic in qua uis re, ipsi est uisum.

Quod res omnes partim altera alteris consentiunt,
partim dissident. CAP. LVIII.

OMNIS res duas habet ansas, alteram quæ ferri possit, alteram, quæ non possit. Frater si iniurius sit, ne cum inde capias, quod scilicet est iniurius. Hæc enim eius ansa est, quæ ferri non possit. Sed inde magis, quod frater est, quod tecum educatus: Atque ita inde cum capias, unde ferri possit.

De seruorum congruentia. CAP. LIX.

HI sermones non congruunt. Ego sum ditior te, ego igitur melior sum. Ego sapientior te, ego igitur melior te. Hi autem magis congruunt. Ego te ditior sum, mea igitur possessio, quàm tua melior est. Ego te sapientior, mea igitur oratio, quàm tua melior: tu uerò, neq; possessio es, neque oratio.

De iudicio rerum exacto. CAP. LX.

LAVATR quis cito, ne dicas male cum lauari, sed cito. Bibit quis multum uini, ne dicas male, sed multum. Nisi enim eius consilium scias, unde scis an male. Sic enim accidet, ut aliorum apprehensiuas imaginationes accipiamus, alijs autem assentiamus.

Aduersus gloriam, atque ostentationem. Et primo circa scientiam. CAP. LXI.

NULLO modo te ipsum dixeris philosophum: neque multum loquere inter ineruditos de speculationibus: Sed fac aliquid ex ipsis speculationibus. Veluti in conuiuio, ne dic quo pacto oporteat comesse, sed comede ut oportet. Memento enim & Socratem undecumq; abstulisse ostentationem. Quod

Quòd si de aliqua speculatione sermo inter ineruditos incidat, tace ut plurimum. Magnum enim periculum est euomere, quæ non cõcoxeris. Et cum quis dixerit te nihil scire, idq; te non remordeat. Tu scito initium esse operis. Nam & oues non herbam euomentes pastoribus ostendunt quantum comederint, sed cibum intus concoquẽtes, uellera extra feruntur, & lac. Et tu igitur ne speculationes ineruditis ostenta: Sed ex his concoctis opera.

Aduersus sobrietatis, tolerantieq; ostentationem.

CAPVT

LXII.

CVM attenuato sis corpusculo, ne tibi ob id place. Neq; si aquam bibas ex quauis occasione, dic aqua bibo. Sed cogita, quàm sint medici abstinentiores nobis, quàmq; tolerantiores. Tum quòd alia nõ habeamus bona, quæ alij habent. Quòd si exerceri uelis ad laborem, ac patientiã: tecum ipse hoc fac: neq; ab externis uideri uelis, ut qui uim patientes à potẽtioribus, quo populũ cõuocent, statuas insecundũ, & se uim pati clamãt. Ostentator eniu totus extra uergit, & patientiæ, atq; abstinentiæ bona destruit, cũ eorum finem statuit esse multorum opinionem.

Descriptio triplicis habitus ineruditi philosophi,

& proficientis.

CAP.

LXIII.

INERVDITI status, & formula est, nunquam à se ipso expectare utilitatẽ, aut nocumẽtum, sed ab externis. Philosophi status est & formula, omnem utilitatem ac nocumentum à seipso expectare. Signum proficientis hoc est. Neminem uituperat, neminem laudat, de nemine queritur, neminẽ accusat, nihil de seipso dicit, ceu si scit aliquis, aut aliquid sciat. Cum in re quapiam, aut impeditur,
aut

aut prohibetur. Seipsum accusat. Et si quis ipsum laudet: uidet laudantem ipse secum. Et si uituperet: non se expurgat. Degit autem instar ualitudinarij, cauens aliquid eorum, quæ sunt in se commouere, priusquam ad soliditatem perueniat. Appetitum omnem à seipso sustulit. Declinationem uero in ea tantum, quæ sunt contra naturam, eorum uidelicet, quæ sunt in nobis trāstulit. Conatu ad omnia remisse utitur. An stultus, an rudis dicatur, minime curat: utq; uno explicem uerbo, quasi aduersarium se ipsum obseruat, et quasi insidiatorem.

Quòd uerba propter opera. CAP. LXIIII.

CV M quis ideo gloriatur, quod Chrysippi sententias interpretatur, dicat ipse secum. Nisi aperte Chrysippus scripsisset, nequaquā haberē, unde gloriarer. Sed scripsit Chrysippus, nō ut quis eum interpretaretur, sed ut secundum se operaretur. Si ergo scriptis utar, tum corū bonū fuero consecutus, si autem interpretantē admirer, aut etiā ipse interpretari possim, grammaticum non philosophum admirer, aut agā. Quid autem prodest medicamenta quædam inuenisse descripta, eaq; intelligere, atq; alijs tradere, ipsummet ægotantem minime eis uti?

Quòd in his perseverandum. CAP. LXV.

IN proposito perseverandū uelut in lege est. Persta igitur, uelut si hæc transcendas, impius sis futurus. Quòd si quis de te dixerit, ne cura. Id enim tuum non est.

Quòd supersedendum non est, sed quā primum ad hæc incumbendum.

CAP. LXVI.

QVO te usq; differs, ut iam te aliquando dignum his, quæ optima sunt, putes, neq; usquā trāsgredi hæc statuas, quòd

quòd si diè de die termino adijcias, nō proficis, sed defici-
cis. Iam nunc igitur assuesce, ut tanquam perfectus uiuas
omnibusq; quæ accidunt, recte utaris. Et quacunq; in re
arbitrare propositum tibi certamen, neque ullum diem
negligas: quo enim die non proficis, deficiis. Hoc igitur
pacto Socrates uirorum omnium sapientissimus euasit,
quod si ipse nondum es Socrates, at uiuere debes, ut qui
Socrates uelis esse.

Tres loci in philosophia, eorumq; inter se ordo.

CAPVT.

LXVII.

PRIMVS ac maxime necessarius locus est in philoso-
phia, qui ad usum speculationum pertinet, uelut est non
mentiri. Secundus qui ad demonstrationes uelut est, cum
mentiri non oporteat. Tertius, qui ad eas confirmandas,
& prospiciendas spectat. Hoc est, quo pacto, & unde
demonstrare id possimus, uerum esse, aut falsum. Igitur
tertius quidem locus necessarius est ob secundum. Secun-
dus ob primum maxime omnium necessarius, & in quo
quiescere oporteat, primus est. Nos uero contra facimus.
Tertio enim loco immoramur. Inq; eo omne nostrum
studium conterimus.

Tres antiquorum sententiæ in promptu habendæ,

Quarum prima Cleantis, Euripidis secunda, Terc-
tia Platonis est.

CAP. LXVIII.

SEMPER hæc in promptu habendæ. Primum si reni-
tur: malus ero, gemensq; ac plorans sequar. Secundum.
Necessitas omnia sursum uersus ad diuinam causam ducit
uolentia, & inuita. Eam qui lætus sequitur, is uere est sa-
piens. Sed & tertium ò Criton (Si ita dijs placet) ita fiat.

Me uero

Me uerò Anytus, & Melitus interimere quidem possunt,
ledere autem non possunt.

EPICTETI STOICI ENCHIRI-
DION EXPLICITVM.

ANGELI POLI-

tiani pro Epicteto Stoico ad Bartholomæum
Scalam Epistola.

ANGELVS POLITIANVS
Bartholomæo Scalæ Salutem.



V quidem mi Scala non contentus, & stre-
nui militis, & fortissimi imperatoris officio
defungi, etiam tyrunculos tuos (quæ tua in
omni re diligētia est) ocio situq; languesce-
re nō sinis: Sed uel de tabernaculi umbraculis, ad campi
puluerē, ad sudorē, ad palū uocas: quippe qui omnis mili-
taris numeros ad te unū pertinere iure intelligas. Putabā
equidem factum à me satis, quòd Epictetū essem de Græ-
co interpretatus: Tu me ad eum quoq; tuendū, quasi tu-
ba nunc, claficoq; excitas. Igitur, quod Horatius inquit,
libenter hoc, & omne militabitur bellū in tuæ spem græ-
tiæ. Arcem tu quidem ipsam, uerēq; totius urbis caput op-
pugnās, qui primum Epicteti caput quasi totius circuli,
aut globi potius, quæ perfectissima figura sit, punctū abo-
leas. Tria autem sunt, quæ obijcis, sed quæ uel maxime à
præcipiendi ratione abhorreāt, quòd obscura, quòd supra
hominis uires, quòd falsa præceperit. Obscura, ut cū ne-
gas explicatam ab eo, quanam tandem nostra sint opera.
Supra hominis uires, ut cum nos naturæ imperio gemere
assueras.

*asseueras. Id quod plus posse, polleatq; affirmas, quam
 ullam hominis facultatem. Falsa, ut cum corpus cōtra Epi-
 cleti sententiam, in nobis esse contendis, quādo ex animo,
 ut ais constemus & corpore. Ea mihi nunc, quādo id tibi
 placet refellenda, dicendaq; nonnulla: non quidem, ut te
 doceam. Id enim esset, quod Græcè dicitur, sus Mineruā:
 neq; ut me legitimū Epicleti propugnatorem contra te
 putem. Non enim uel ego tanto me dignor honore, uel
 Epiclito tam fauco, quā te illi fauere certò scio. Sed ut
 impositam à te nobis personam quantum in nobis sit sus-
 tineamus. Proferam tamen in primis nōnulla in medium, &
 quasi semina iaciam, è quibus quemadmodum fabulæ ter-
 rigenas uiros Thebis aut Colchis saty dentium enatos di-
 cunt: ita omnes Epicleti nostri pugnacissimæ instructissi-
 meq; copię exoriantur. Sed ut Homerus irruenti in Græ-
 corū castra Hectori Salaminiū Aiace, ita nos tibi Athe-
 niensem Platonē obijciemus. Is igitur Plato in eo libro,
 qui de hominis natura inscribitur, Socratē cum Alcibiade
 illo, cui pulchro cognomen fuerit, disputātem inducit, quo
 in libro nihil esse aliud hominem quē dicimus probat, nisi
 rationis participem animū. Nam ut cerdo inquit, subula,
 ita homo ad agendum manu utitur. Hoc sumpto, & secū-
 dum assumit. Aliud autem est (inquit) quod re utitur qua-
 piam, atq; ea res qua utitur. Nam illa instrumentum est.
 Tum inducit, homo uerò is est, qui suo pte corpore quasi
 instrumēto utitur. Corpore autē ipso quasi instrumento,
 uel in artificijs, uel in actionibus reliquis, nihil oīno aliud
 utitur, quā rationis particeps animus. Mox & aliud sibi
 ex his uindicat, qđ corpore utatur, idē & corpori domi-
 nari.*

*Homo quid se-
 cundum Plato-
 nem.*

nari. Tum diuidit ad hunc modum. Neceſſe eſt hominem,
aut animum eſſe, aut corpus, aut utrūq; ſimul. Si uero ho-
mo quidem corpori, ſibi uero ipſi corpus non dominetur,
minime ipſum corpus homo eſt: At neq; utrūq; ſimul. Si
enim qui corpori dominetur homo eſt, corpusq; ipſum mi-
nime dominatur, haud proſecto utrūq; ſimul eſt, quod do-
minatur. Præter hæc, ſi ſuapte corpus natura immobile
eſt, Animus uero iſ eſt, qui moueat. Nos autem re ipſa in
artibus uidemus, artiſicè eſſe qui moueat, inſtrumenta quæ
moueātur: nihil eſt dubiū, quin corpus inſtrumentum uicem
aduerſus animū habeat. Ipſe igitur homo eſt, quiq; homi-
nis curæ ſtudet, animū cures, qui uero aut pecuniam, aut
eiſmodi alia curat, iſ nō modo hominē non curat, ſed ne
hominis quidē inſtrumentū. Iam ergo uel Platonis auto-
ritate, quæ tanta quidē eſt, ut quaſi illa Virgilij fama ca-
put inter nubila cōdat, uel ferreis illis ſuis, atq; adaman-
tis rationibus, conſtare nimirum arbitror, nō eſſe in no-
bis corpus. Vt iam mendacij crimine, ſi uidetur Epiſtetum
Virtutū triplex
gradus. abſoluas: ſed pergamus. Triplex apud Platonem uirtutū
eſt gradus. Sunt enim ſupremæ omnium, quas uocāt exē-
plares, qualis in ſapiente requirimus, in Deo ſtatui-
mus. Quæ ſequuntur, purgati animi dicuntur: qualis in eo eſſe
philopho uolumus, qui ſe ab omni corporis labe contā-
gioneq; auocarit. Vnde & in Protagora Plato idē, cuius
mihi dulciſſimum in ore uerſatur nomen, emoriendum ei
eſſe dicit, qui ſit philoſophus euafurus. Tertiū eſt uirtu-
tum genus, quas purgatorias uocāt: qualis in continente
eſſe ſtatui-
mus. negamus in temperante. Has ſibi uirtutes
iſ iure uindictet, qui rationis participem animum uere ho-
minem

minem esse sibi persuaserit, quique neque corpus animæ esse parem iudicet, neque ad hominem perficiendum concurrere ipsum arbitretur. Sed eo quasi instrumento utendum animum induxerit. Nam qui aut paria aut superiora corpori tribuat, eum non magis esse hominem putandum est, quam bruta illa, quæ uocemus animantia, quæ natura, ut egregie Sallustius inquit, prona ac uentri obedientia finxit. Animi ergo (ut idem inquit) imperio, corporis seruitio magis utimur: ut quo uno à beluis differamus, quoque uno substantia hominis constet, id nobis liberum seruemus. Corpore autem ipso non quidem ut parte aliqua animo adiuncta, sed ut instrumento utamur. Hunc Epictetus hominem instituentum accepit. Neque enim, uel ille sapiens his præceptis indigebat, qui se iam pridem in libertatem uindicauit, Quique metus omnis, et inexorabile fatum

Subiecit pedibus, strepitumque Acherontis auari.

Neque cum eo sibi esse negotium putat, qui à sua tantopere natura degenerauit, ut sit in brutorum numerum referendus. Hunc si hominem accipias. Iam ut arbitror, quæ sint hominis opera non ignores. Qui autem dixerat conatum, quam et appetitionem dicere possis, cum Græce sit *horme*: item appetitum opinionem, ac declarationem in nobis esse. Is proculdubio cum statim subiiciat, et quæcumque nostra opera sunt: ea nostra esse definit, quæ ex ijs, quæ sint in nobis deducantur. Vtrum uero corporis animi ne sint, qui à nostris affectus, seu perturbationes, pathe à Græcis uocentur: maior profecto est questio, quam quæ hoc tempore explicanda sit. Pertinere tamen ad animum eos omnes affectus, nemo ferè est quin fateatur. Sed ita pertinere quemadmodum prospere

δυσμ.

παθ.

ra, aduersaq; ualitudo ad corpus. Neq; enim minus hi animo, quàm illa corpori, uel profint, uel officiât. Quicquid igitur hi peccât affectus, quicquid agunt, nostrû est opus. Vt igitur in corpore temperamentû illud habitudinis, quâ

Symmetria. Symmetriam uocant, bonam corpori ualitudinem præstat, excessus uero defectusq; auferût: item profecto, & in affectibus accidit. Effrenati enim illi, & uolenti, miserum hominem: moderati uero & compositi felicem constituunt.

Animus auriga & rector. Sed cum sit animus id, quod & Plato idem diuine scribit, uelut auriga quidam, & rector: is si & stimulis parcat, & loris fortius utatur, facile ad calcem secundo cursu perueniat. Si uero aut lora nimis remittat, aut acrius quàm par est, stimulis citet: is ceu Phaëthon, aut Bellerophon aliquis præceps feratur necesse est. Hac igitur ratione nî feri, felices ne euadamus in nobis est. Quæ uero nostra sint opera facile colligas, cum quæ ad nos pertineant rationi cerneris. Quidquid ergo toto præcipit libro, in nobis est: stulte enim quod non foret, præcepisset. Obscurus igitur, aut perplexus noster Epictetus? quo neque planius quicquam, neq; enucleatius, neq; etiam lucidius, ne optare quidem ausis. Vt in eum ne dum tui isti lyncei oculi, sed uel hebetissimi quiq; inspicere possint. At sunt inquis ardua nimis, supraq; hominis uires, quæ præcipit. Quid nam id tandem? si filium, si uxorem amas, dic te hominem amare, mortuo enim non perturbaberis. Vtrum ne igitur, quod præcipit, an quod pollicetur, ut difficile factu reprehendus? Si quod præcipit: iam tu quæ in communi uita quotidie, quæ in foro, quæ in triuijs iacentur, factu difficilia putes. Quis enim non aliquando, quæ sint euentura cogitat?

At Te

At Terentianus ille seruulus ò inquit, Demea istuc est sapere, non quod ante pedes modo est uidere, sed etiam illa quæ futura sint prospicere. Et ut scenæ immoremur, audi senem apud eundem: Incertum est quid agam, quia præter spem, atq; incredibile hoc mihi obigit: ita sum irritatus, animam ut nequeam ad cogitandum instituere. Quamobrem omnes cum secundæ res sunt maxime, tum maxime meditari secum oportet, quo factò aduersam crumnam ferant, pericula, damna, exilia: peregre ueniens, semper cogites, aut filij peccatum, aut uxoris mortem, aut mortuum filie, communia esse hæc, fieri posse: ut nequid animo sit nouum: Quicquid præter spem eueniat, omne id deputare esse in lucro. Quam uero & illud Vergilianum graue est:

Nescia mens hominum fati sortisq; futurae.

Et seruare modum rebus sublata secundis.

Vides ut hæc non sunt obruta, ut passim exposita: uides quàm uterq; poëta hanc euentorum anticipationē ad cælum tollat, quod ei contrariū sit, ad manes deprimat. Sed ne in re manifesta, minime necessarijs argumētis ambitiosius utar, pergam quò tendis: neq; enim tam quod præceperit, reprehendi à te intelligo, quàm quod ille deinde nimis magnifice polliceatur: Non uidelicet perturbatum iri nos (si hæc præmeditata nobis fuerint) liberorū, aut uxoris morte: huic tu præcepto Naturæ augustū nomē, quod maximum (ut physici dicunt) ad omneis affectus momentū habeat, quasi Aiakis illum clypeū obiectas: Naturæ enim inquis imperio gemimus. An uero hic noster lachrymas arceat? qui etiā præcipiat, ut uel in alienis luctibus, si opus

Naturæ augustum nomen.

Solon.
Cato.

fit conferamus gemitus pariterq; fleamus. Neque tamen sibi Iuuenalis (cuius id dictum est) concedi à nobis postulet: Cogi nos in liberorum funere ad lachrymas, naturæ imperio. Naturæ enim nemo resistit, cui qui aduersetur, is gigantum more; quod dicitur, cum dijs bellum gerat. Multos autem legimus in charissimorum sibi pignorum obitu, lachrymis fletuq; abstinuisse. Vt Atheniensem illum Solonem; ut Censorium Catonem, qui ambo sapientes, & fuerint, & sint habiti. Non sunt quidem hæc facta facilia, non supra hominis tamen sunt vires. Si das in uno hoc, aut altero, dabis profecto & in multis, utraq; eo demonstrationis genere, quam inductione dialectici uocant, qua plurima apud Platonem philosophorū principem Socrates utitur. Vt necesse sit, cum quidē in uno, aut altero homine actu id extitisse cōcesseris, idem in uniuersa quoq; specie, uirtute scilicet facultateq;, inesse non diffiteare.

Vides igitur ut Stoico huic nostro sua ratio cōstet: uides ut dilucide, ut expresse loquatur: uel quòd per uniuersum librū, quæ sint nostra opera disseminat, ex ijs enim solis præcepta ducit: uel quòd affectus illos animi enumerarit, à quibus quasi fontibus nostra omnia opera deducantur: tum quantopere ad eius uestigandum sensum Platonis illa sagaciter comprehensa disputatio faciat. Vides ut non est in nobis corpus. Quanto uero dii boni, quo pugnatore, quibus se rationibus tuetur? ut si falsa loquutum peruiacius contenderimus, ipsam in nos Platoniam maiestatem, omnemq; academiam concitemus. Tantum uero abest, ut magis ardua sint eius præcepta, quàm quæ natura hominis efficere possit, ut etiam indulgentissimus uideatur Epicles-
tus no

tus uoster, qui ne ea quidem sibi præcipienda permiserit, quorum non modo uirtus, aut facultas, sed actus quoque exemplaq; passim extiterint. Cætera, quæ in tua epistola sis machinatus, nullo negotio si hæc dederis demolierur. Cur enim ut aridam succoq; carentem diuisionem illam uexes, qua ille paucissimis uerbis scienter, circumspiceq; omnia, quæ sunt suas in parteis tribuit, non intelligo. Nam & quod tute non is inficias, nihil eorum, quæ sunt eam diuisionem effugiat, & secunda diuisione minime indiget, cum utraq; pars uniformis supersit, ut iam si diuidere iterum tentes, comminuas potius, aut dilaceres, quàm distribuas. Non ergo aridum hoc est, sed uere corpus solidum, & succi plenum, neque enim quicquam ei diuisioni superest, neq; deest, nulla inest nugacitas, uerbis utitur proprijs, comprehensione aptissima, nihil ut excogitari circumspicius possit. At dixerit fortasse hic aliquis, cur autem non à principio Epictetus iste ostendit, qualis nam is homo foret, quem instituendum acciperet? Ostendit ille id quidem, sed paucis. Quid enim non ille hoc ostenderit, qui uel corpus ipsum, aliaq; id genus negarit esse in nobis? At id plinius oportuit, & pluribus, at non in abdito hoc erat, sed in promptuario ad manum uolenti id sumere, ac præstolo erat. Quid enim Platone ipso illustrius? potuit tamen (inquis) Platonis illa argumenta in pauca cõferre. Potuit, sed non tam decuit: præcepta enim hoc libello tradit, & quasi leges promulgat, non contentionibus pugnat. Suus cuique professioni finitus est terminus: ultra si progrediare, ex iure manu conserutum in iudicium sis uocandus. Vides ut mathematici demonstrationũ suarum principia non pro-

bent, sed earum patrocinium ei, quem primam philosophū dicimus commendent. Ad eum enim illa pertinent, quæ uniuersalia nuncupantur. Punctum, inquit Euclides, id est cuius pars nulla est, negato id, obmutescet mathematicus, sed adest periclitanti philosophus: quid ille tandē? Quod rem inquit quonpiam finit, id eo quod à se finitur uno interuallo minus est. Extorserit id, iam perget. Tria corpus interualla habet. Id à superficie clauditur, cui duo tantum adsint, longitudo, & latitudo: profunditatem enim minime illa quidem nata est, ea uidelicet una à corpore deficit. Superficies autem, quæ duo interualla habeat, linea terminatur, cui unum tantum interuallum adsit, quæ longitudo sit, linea postremo à puncto finitur: quod omni procul dubio carebit interuallo: quoniam id uerissimum est, quod dictum sit, omnem terminū uno interuallo ab eo quod terminetur deficere. Ergo & Epictetus hunc ita libellum orditur, ut quod à Platone probatum sit, pro concessio accipiat, eaq; eo omnem preceptorum seriem intertexat. Igitur ut apud Homerum Aiace se clypeo Teucer defendit, ita & Stoicus hic noster sub Platonis rationibus, quasi sub clypeo audacter pugnat. Non ergo limites, quibus se circumscripserat transgredi decreuit, ne (quod aiunt) extra chorū saltare cogeretur. Hæc, quæ pro Epicteto dicerem in præsentia succurrerunt, eaq; plura nimium fuisse intelligo, quàm epistolæ ratio postulat. Non plura tamen, neque pluribus (ut arbitror) explicata, quàm oportuerit. Quæ si accipis mi Scala, coëant iam in fœdera decetræ: sin respicis, age iam, qualem oppugnatorē præbueris, talem te Epicteto propugnatorem præsta. At qui eum
quidem,

quidem, & fuisse magnum uirum omnes tradunt, & mihi centies repetitus perpetuo placet. Verendum tamen est, ne meus mihi labor, tanquam scitus filiolus subbladiatur, idq; uel auctori ipsi apud me gratiam conciliet, tibi uero, quod me ad hanc ueluti pugnam prouocaris gratiam habeo: pertineret enim, id quod & Aristoteles ait, ad ingenij profectum, contentiosa disceptatio. Vt iam diuine Homerus pugnam ipsam, quod homines reddat illustreis κούραζεαυ uocet, nec minus egregie noster ignobile otium dixerit. Quare ut me sepe uel irrites etiam, atq; etiam te rogo. Est enim mi Scala relictandū his temporū turbinibus, literarū, & philosophiæ studijs, ut iam nos ipsos nobis, quantum liceat asseramus. Tua uero opera, quā tu quidē liberalissime, ut soles pollicere, non minus fidenter, cum usus uenerit utar, atq; ad hanc diem sum usus. Vale Kalendis sextilibus Millesimo quadringentesimo septuagesimo nono. Fcfulis.

ALEXANDRI

APHRODISEI, SUPER

nonnullis physicis dubitationibus, Solutionum Liber, ab Angelo Politiano in latinum conuersus.



ROBLEMATVM, alia suapte natura credibilia sunt, & nota, omnisq; ambiguitatis, & questionis expertia. Quis enim queso mentis cōpos dubitet, cur uolatilibus pennas natura sit clar-

gita? Quis enim prudens dixerit fomenti gratia, quasi

uestimentis primo circumdata, tum ob speciem, quemadmodum gressilibus quoque animantibus dati sunt uilli, serpentibus cortices, squamæ aquatilibus, aut testæ, uelut ijs, quæ testacea nuncupantur. Cur præterea alijs quidam cornua, alijs autem aculeos, alijs acutos unguis, aut rostra, aut eiusmodi quippiam tribuerit? hæc enim omnia uelut agnatis quibusdam hastilibus, quo sese ipsa ab iniuria tuerentur, armavit. Cumque omnes natura fructus, omniaque semina, tum ad generandum, tum ad genus excipiendum fabricata foret, corticibus ea, aut corporibus quibusdam mollibus, aut lignum, aut cutem imitantibus communiuit, et quasi intra scriniolum occuluit, ut rigoris, aut caloris, aut animantium etiam quorundam iniuriam deuarent. In plerisque autem, ne ipsam quidem inuolucrum reliquit inutile, sed idoneum cibum parauit. Plantas uero ipsas frondibus, cortice, cæterisque similibus, pinnarum, uillorumque uicem conuestiuit, ut quas præuiderat immodico frigore, aut æstu offendi posse, labefactari: quin et earum quasdam, etiam spinis quasi spiculis armavit, quibus animantium iniuriam propulserent. Florumque uarietate, partim ad speciem atque ornatum coronauit, partim uti uice præconum instantem fructuum paritudo præmonstrarent. Igitur qui nota hæc, dilucidaque sibi postulant explicari, sunt proculdubio mentecapti. Qui autem ambigunt, an sit igni insitus calor, ij tangendi non habent sensum: qui dubitant utrum natura, ac prouida ratio consulat ijs rebus, quæ oriuntur, et occidunt, quique ordinem, motum, positum, ductum, colores, cæteraque his similia non credunt, supplicio digni sunt. Hæc itaque suapte natura nota sunt. Alia rursus inexplicabilia, penitus soli cognita

cognita deo, scilicet illorum essentia auctori. Nam & artifex, qui sit opus aliquod solertius machinatus, omnis illius actuum tenet causas. Qui uero eius operis sit imperitus, causas quoque ipsas penitus ignorat. Inexplicabiles autem quaestiones huiusmodi sunt, cur quibus alae, aut plantae, aut latera titillantur, ridetur? cur uel nonnullis, cum marmora atteruntur, aut secantur cum stridet ferrum, aut limatur, ipso confestim auditu dentes obtorpescent? Cur denarium stuporem, qui est frigidis pomis proueniat, portulaca tamen, quae & ipsa frigida est, sanat? Neque sunt contrariorum contraria medicamenta, sed similia. Aut cur magnetis lapis ferrum tantum attrahit, de quo eius scobe uiuificatur: Succinum uero tantum folia arida, ac festucas aggregat, eisque agglutinatur. Et leo solum gallinaceum pauet. Villaris autem gallina edito ouo, festucis undequaque corpus purificat. Coturnices ueratro, quod toxicum homini, uescuntur. Sturni cicuta. Ascamonia flauam bilem trahit. Colocyntha uero, & Agaricum, & album Veratrum, Epholbionque, & Coccus cnidius pituitam. Nigrum autem Veratrum, & Epithymum nigram bilem. Quibusdam uero sedatur uenter ijs, quae perpurgant, contra uero ijs, quae sedant, perpurgatur. Tum alio alius cibatu magis delectatur, eumque facilius concoquit. Quis autem ignorat, marinam torpedinem, uel per ipsam lineam torporem in corpus adigere? Mulum autem si manu contineatur, contra torpedinem ualere? Infinita denique huiusmodi enumerare possum, quae sola experientia cognoscuntur. Quae propter, & à medicis proprietates arcanae appellantur. Proprietates
arcae.

Quod enim de horum proprietate assertur, arcanum

pp 5 propemodum

propemodum est ad causam afferendam. Praue enim quidam solutiones horum proponunt quàm plurimas, quae inutiles penitus, improbabilēsq; sunt. Dicunt enim purgatoria, quae calidissima sunt, humores trahere, quod proculdubio falsum est. Oporteret enim, quodcumq; esse calidum, idem & purgatorium esse. Nunc autem Piper, cū sit calidum, non trahit, sed concoquitq; solidatq;. Eodēq; modo & Mastichæ, & Aloë. Dicimus itaq; nō reciprocare sermonem. Nam si quocumq; alius ducatur, id habitū quidem calidum, uim autem uacuefaciendi habet. Non continuo tamen, quicquid est calidum uim quoq; habet ducendæ alui. Dicunt autem, & Struthocamelum ferrū concoquere, non proprietate quidem aliqua, sed caliditate, quod profecto absurdum: Leo nanq;, qui hoc animanti calidior est, ferrum tamen non cōcoquit. Neq; uero apud medicos tantum proprietates quedam sunt: sed apud philosophos item, ac grammaticos: ut ea, quae pathæ, hoc est affectus appellantur usibus adnotata, quo circa de ijs dūtaxat querendum, quae medium quendam locum obtinent, neq; ad cognoscendum ancipitia sunt, & sub explicationem cadere possunt. Quae enim falsa dicuntur, ea sunt omnibus nota, quae ueritatem præ se ferunt, horum nota sunt alia, & conspicua, alia obscura, & inexplicabilia, partim uero mediæ cuiusdam sunt naturæ, quorum nunc expositionem aggredimur. Omne autē problema, aut ex habitu ipso soluendum, aut ex coagmentatione, aut ex actione, aut è consensu erga aliquod simile, aut è colore, aut per sensus deceptionem, aut per nominis participatum, aut qua eius rei uires magis minus ue agāt, aut qua durius quicq; rariius ue sit,

fit, aut maius, aut minus, aut à tempore, & ætate, & consuetudine, aut essentia ratione, aut ex accidenti, aut similitudinem rerum conditione, qualia, quæ in problematis dicuntur. Inuenies igitur, si has tibi præponas formulas, quacunque de re ambigatur, uocare in disputationem possis. Quonia vero, haud ijs tantummodo acquiescendum est, quæ ad uniuersum feruntur, sed tanquam manu ducendus, qui eruditur. Age iam solutiones ipsas aggrediamur.

I.

Cur Homerus homines à canitie temporum $\omega\omicron\lambda\iota\omicron\varsigma$ $\kappa\omicron\tau\omicron\acute{\alpha}\phi\omicron\varsigma$ appellauit? Quoniam plurimum inde cani incipiunt, quia priora capitis humiditatis, pituitatisque plus habent, quam posteriora.

II.

Cur tantum priora capitis caluescunt? quia mollia, laxaque sunt. Cum igitur capillus, ob naturalem siccitatem careat alimento, facile ijs partibus defluit, haud enim facile heret, uelut in occipitio, quippe quod, & siccius sit, & conspissatius.

III.

Caluitium autem à siccitate ortum habet: hinc fit, ut qui crispato sunt capillo, quod siccius caput habeant, citius caluescant, serius canescant, siccitate consumente excrementa pituitatis. Sunt & uigiles præter ceteros. Somnus enim ex humiditate oritur. Argumento sunt infantes humidi, pariter somnulosi, atque excrementosi. Et humidi affectus, & ebriosi, & qui crebrius lauatur. Minus quoque excernunt per meatus, ut per nares, per os, per oculos. Qui uero molliore sunt capillo, ut quibus est humidum caput, eis contra euenit, rarius enim, aut nunquam caluescunt, sed & uitio generis, caluitium accidit, ut & podagra, & alij quidam affectus cognatione generis excipiuntur. Citius autem canescunt,

somnialem

somnolentiq; sunt, atque excrementosi. Catii autem albi, tritantur enim pituitæ colorem, unde ipsi ortum habent. Sunt interdum propemodum aureoli, cum vitellina bilis pituita sit immixta. I I I I.

Cur senes excrementosi, & uigiles? Excrementosi quidē sunt, quoniā ætate frigidiores, imbecillioresq; cū sint minus cōcoquunt, multaq; per meatus excrementa cōtrahunt. Cum uero solidis ipsis corporibus sicci sint, uigiles quoq; ob id ipsum sunt. Infantes enim & foraminum contextu, & solidis ipsis corporibus, humidi sunt. V.

Cur pueri, qui & humidi natura sunt, et excrementosi, canos tñ minime producūt? Quoniā humidi, calidiq; sunt. Pituita autem humida est, ac frigida: sinciput quoq; habet quasi cuteū, & rarū, quo superflua excernantur. Id ætate direscit, fitq; osseū, ac densescit. Vnde & suturas ei, naturæ postmodū tribuat, p̄ quas supuacui uapores efflarentur. Solutio ex habitu, & coagmētatione corporis. VI.

Cur fœminæ, ac Spadones ocyus canescunt? Fœminæ quidē, quod & natura sunt frigide, & minus exercētur, pluraq; ob id excrementa contrahunt, ac tñ præcipue, cum earū iam menses quieuerint. Spadones uerò, quod semen iam nō edunt, sed excrementū, quo semen gigni debuit per uniuersum corpus, unā cum sanguine diffundant. Id autem pituitatis naturam habet. VII.

Sed cur pilis carēt? Fœminæ quidem, quia frigide sunt, densosq; habet corporis meatus. Frigus enim condensat, hinc fit, ut qua pili erūpant uia nulla sit. Spadones autem: quia & humidi sunt, et supra modū excrementosi: hac enim ratione fit, ne locis humidioribus herbe pullulent. Neq;
item

item siccis, & lapidosis, ut quæ caluitiū imitetur. VIII.

Cur spadonibus, ut plurimum pedes distorquentur? Quoniam ob eam, de qua diximus, supernuacaneam humiditatem partes corporis uidas, mollesq; habent, atq; ob id imbecilles: quapropter cum totius corporis onus crura nō ferant, torquentur, ut si pondus harundini iniicias flectatur. Nam quod durum siccumq; est, idē & ualidum est, & actioni renititur: quod autē humidum, ac molle, id actioni resistere nequit, est enim imbecillum. Argumento sunt & ligna, & coria, & uimina, atq; itē homines. Balneis enim & poculis debilitantur, uictus norma modice desiccatur, ualidioresq; ad agendū euadunt. Quo efficitur ut spadones muliebres quodāmodo sint, atque imbecilli, similiterq; uinolenti, ut quibus pituitatis plurimum insit. Nam cum frigidi sint, contrarium inducere affectant. Vinum autem suapte natura calidū est. Ethiopes uero utpote naturæ siccioris capillo sunt crisso, macilenti, musculo- si, ualidi ad opus. IX.

Sed cur uoce acuta sunt? Rursus enim humiditatis copia implens asperam arteriam, eam coarctat, hinc spiritus per angustum means, uocis acuitatem efficit per latum, ut in uiris granditatem. Argumento esse possunt, foramina tibiarum. Abundare autem illos humiditate manifestum est, quod leues sunt, quodq; ijs in muliebrem modū man- me crescunt, palpebrasq; habent turgidiores, suntq; tenui capillo, & incano. X.

Cur nonnulli spadones rem uenereā modo aliquo affectant, atq; interdum amant? Quia multis circa pubertatē excessi testes, confracti ue fuerant, suntq; ueluti imperfecti spadones,

*spadones, quidam uero calidiori sunt iccore, ac semina-
lia uasa magna habent. Imaginantur itaque usum, quod
uero cupiunt, minime peragunt. Verenda enim ipsa mar-
cent. Nam qui ea inflat spiritus, perpetuo defecit. Is à
semine ortus per seminales meatus, ijs de partibus fere-
batur, quæ circa lumbos sunt. At in pueris seminales
meatus occæcati.*

X I.

Quare cum tres humores simplices, uniformesq; sint,
non tamen tres uniformes ægritudines, simplicesq; proge-
nerant, sed plures? Duplices enim in uero quoq; accidunt,
perpetuæ scilicet, & intercise: quia non ex ipsis tantum
humoribus morborum differentiæ proueniunt, sed & à
locis. Calidus enim & tenuis humor, acutam, breuem,
atque ardentem gignit febrim. Frigidus autem, & cras-
sus obtusam, & longam. Sic & lignorum quæ quidem
sunt calida, & aridissima, ueluti tede, & lauri ingentem
excitant flammam, citiusq; exuruntur: uiridia uero & hu-
mida, humilem & fumidum ignem edunt, seriusq; exu-
runtur. Rursus si locus quidem ipse spaciosus sit, atque
amplus, citius, ac maxime accendit humorem: quoniam
cum simul sit coaceruatus, unà omnis penitus putrefactus
accenditur. Si uero tenuis sit, & angustus, cum uniuer-
sum minime capiat humorem sed particulatim: quia non
simul omnis sit, putrescat, febrim quidē exilem excitabit,
sed quæ diutius ardeat. Admisce igitur humoris naturam,
ac locū, omnemq; earum febrium differentiam inuenies,
quæ ex humorū putrefactione proueniāt. Si enim in ma-
gnis cōceptaculis, ut in uenis puta, & in arterijs flaua bilis
putrescat, cum calida sit, ardētissimā, acutam, & breuem
accendet

accendat febrem, qualis est, qui ardor appellatur. At si in paruis uenis & arterijs, quæ circa cutem sunt, putrescat pituita frigida, languidam & diuturnam efficiet febrem, ut quam quotidianam dicunt. Præterea extrema quoque ipsa permutantur. Quod si in paruis conceptaculis flaua putruerit bilis, febrem faciet, minorem, breuiorēq; sed longiorem tamen aliquanto, quàm est ardor, ut tertianam, aut simpliciter acutam. At si in magnis conceptaculis pituita putruerit, breuiorem aliquanto faciet, quàm est quotidiana, similiter & nigra bilis, si in magnis putrescat uenis, quoniam uno tempore uniuersa quodammodo exurit, breuem faciet febrem per quartos, si autem in paruis, diuturniorem quartanam. Concurrunt enim frigidus humor, & crassus, & alterationi minime idoneus, atque angustus locus, qui uniuersam simul bilem exuri, consumi q; non sinit.

X I I.

Cur nonnullis ubi pudore afficiuntur sudant alæ? Quia maxime rarioris sunt meatibus. Natura autē auocās ab eo se se, quod sit honore, aut reuerētia dignum, modice unā cū sanguine maximas in uenas arteriasq; fugit, eāq; repleta destillant. At gaudentibus id euenit, quoniam remittitur, rarefcitq; corpus, maxime uero alæ.

X I I I.

Cur timentes pallent? Quoniā natura nostra, eāque uis, cui corpus est curæ, nihil ab externis pati uult. Atq; ut nos intra domos cōfugimus. Ita & ipsa securitatis satagēs, in corporis intima, quo ad eius fieri potest, se conijcit. Atqui & sanguinem, quem pro cibo uehiculoq; habet, eū scilicet, qui optimus sit, secū trahit. Is autē est sanguis, qui roseo cutem purpureoq; colore inficit.

X I I I I.

Sed

Sed cur eidē tremunt? Quoniā animalis uirtus cōsensu naturæ neruos destituit, quos prius seruabat, ij uero corporis partes tremoris expertes ferūt: hinc fit, ut & uenter ijs soluator, & mingāt de improviso. Nam qui musculi excrementorum meatus obstruunt, nūc imbecilles facti, superuacanea remittunt. x v.

Cur quos pudet rubēt? Quia natura sua sponte cōscientia quadā quod honore sit dignum reuerita, quasi nobilis puella, modice sese, in corporis intima cōtrahit. Mouetur autem unā secum sanguis, ac funditur: unde etiā cutis sanguinis colore inficitur. Alij sanguinem à natura obtendī, quasi uelamen dicunt. Quemadmodum & nos à natura uelut admoniti manum faciei prætendimus. x v i.

Cur nonnulli metu extincti? Quoniam fugiens supramodum naturalis uirtus, seq; in corpus intimum unā cum sanguine recipiens, insitum uiuificumq; calorem, eum qui propter cor gignitur, confestum suffocat, atque extinguit, quare & corruptionem inducit, hac enim ipsa ratione & oleum, cum plurimum, ac subito in lucernæ flammam inditur, eam extinguit, habet autem sanguis, qui est in corde, proportionem ad lucernæ flammam. Quosdam & immodicus dolor ratione eadem exanimauit. Resoluitur enim insiti caloris internus motus, ut operculo obiectus ignis extinguitur. x v i i.

Cur multi uinolentia exanimati? Quia rursus uinī copia naturalem uiuificamq; uirtutem caliditate suffocat. Præcipue uero hoc ijs accidit, qui insitum calorem exiguum, atque imbecillum possident. Quod enim & plurimum est, & ualidum reniti magis potest, spatiumq; corporis

peris copiam coquit: quemadmodū & flammæ copia maiorem quoque olei infusionem tolerat. XVIII.

Cur senes tremunt? Quia rursum naturalium uirtutum nerui ac particularum muscoli, cum sufficientem motum uirtutem minime capiant, haud quaquam pariter ad tolerandum corporis onus annituntur. Fit autem tremor, quoniam corporis pondus particulam deorsum trahit. Animalis autem uirtus sursum: hoc cum & fiat successione, & continēter tremorem ciet, hinc etiam cernui ingrediuntur, atq; ad humum uergunt, quorsum eos natura detrudit, hinc & bacillorum adminiculo pro tigillis sustentantur, obq; hanc ipsam uirtutum imbecillitatem steruus de improviso, urinamq; deijciunt. XIX.

Cur piper & sinapi integra si deuores uentrē minime excalfaciunt, si trita, excalfaciunt? Quia quæ uirtute tantum, non autē & actu suas habent qualitates, aliquo extrinsecus indigent adiumento, ut uirtutem in actum producant. Ipsa igitur tritura attenuata, atq; in intimū corpus per meatus penetrantia, tum à sua insita caliditate commota, agunt hoc pacto. Eademq; ratio est & ceterarū qualitatum. Sunt autem ex ijs, quæ per qualitatem agūt, nonnulla quæ actu ipso qualitatem habēt, ut aqua potabilis, ptisana, lac: humida enim, et frigida sunt, neq; ullo extrinsecus indigēt ministerio ad refrigerandū atq; humectandum: sed statim propriēq; agunt. Similiter & sal, & terra, & eiusmodi, sicca enim sunt natura, & uirtute, et aspectu, & actu. Mare enim, & salsugo, & uiua aqua humida sunt & imaginatione, & aspectu, sicca autē & uirtute, & actu: lini uero semen, & panis, sicca imagina-

tione & aspectu, humida uero sunt uirtute & actu. xx.

Cur nonnulli noctu nihil uident, die uident? Quoniam uidendi spiritum crassiorem habent, neq; qui aëra pertransire usq; ad uisibile possit: noctu uero crasse scit, quoniam solis absentia refrigeratur, uel (ut alij dicunt) quoniam interdiu à tenui, calidoq; aëre attenuatur, noctu uero densatur. In felle autē, & hyena, & noctua contra accidit. Interdiu enim nihil cernunt, noctu exacte cernunt: habent enim uidendi uirtutem tenuissimā, maximeq; perspicuam, quæ cū noctu modice crassescat, suscipiendo obiectui idonea fit, interdiu autem, atq; in claro lumine uehementer attenuata resoluitur, atq; dispergitur: unde & leones, qui eiusmodi ferē sunt, per solem ingredi nequeunt. Et ignem interdiu cernentes fugiunt. Est & eorum uidere pupulam uehementer splendidam, habentq; humida oculorum maxime perspicua. xxi.

Cur repentinum, uehemensq; gaudium nonnunquam exanimat. Quia uitalis uirtus, & insitus calor, cum immodice extrinsecus fertur, egeritur, atq; resoluitur, unde & sudant, & rubent, quoniā sanguis adest. Insitus enim calor, atque ipse ignis tum caliditate, tum quòd loco suo demigrat, sursum uersus mouetur. Rursum uero pabuli appetitu deorsum, utrolibet autem horum motuum per eunte, ipse corrumpitur. xxii.

Cur dolentes, & amantes, & irascentes suspirant admodum, & frequenter? quoniam dolentium anima ad ipsam doloris causam conuersa est, cupiētium ad id quod cupiunt. Irascentium ad id, quod iram ijs concitat. Igitur intenta anima ad id quod mouetur negligit, & quodam modo

modo obliuiscitur, motiuam pectoris musculis uirtutem præbere. Cor itaq; ipsum, neq; pectoris dilatatione aërem accipiens, ideoq; neq; perflatum, atq; refrigeratum, neq; item cōtractione excernens singultifica excrementa, quæ de sanguinis exustione gignuntur, dum suffocationē metuit, animam cogit, atq; admonet, ut quamplurimum musculis motum præbeat, maioremq; inspirationem, atq; expirationem efficiat, ut maiore quoq; uim frigidi aëris accipiat, maioremq; uim excrementorū effutiat, ut quòd exigue, crebraq; respirationes facturæ fuerant, idem maior una efficiat. Vnde & græcum nomen suspirio ex angustia pectoris præci dederunt. Suspirant autem diutius, & frequenter, quoniam in id semper quo mouetur conuersa est. Natura autē cogit eam, ut aliquando plus motiue uirtutis musculis pectoris per cor immittat, quod autē in pectore respiratio idem in corpore perspiratio est, quæ per arterias fit. Similis autē est inspirationi dilatatio. Expirationi autem contractio, sub pulsus uerò nomine, dilatatio, contractioq; comprehenditur.

XXIII.

Cur isiciū difficile concoquitur? Quoniam leuitate sua humido pabulo intra aluum innatat, idq; per mediā, neq; sese ad eius corpus applicat, qua applicatione concoctio fit. Tum circa gulam redundat, cuius officium appetitus est, non coctio: extra uero corpus, si in aquam indatur, innatat, neque demergitur: quia dum carnes interruntur, leuem concipit spiritum, corpus in altum expuit, humidisq; innare cogit, hinc & lentus est, quoniam spiritus est particeps.

XXIIII.

Cur antequam balneum ingrediamur, calidum minge

q q 2 mus

mus, cum diutius in balneo supersedimus frigidū? Fit hoc nimirum, quasi ad alterius cuiuspiam comparisonem. Emissa enim urina tepidae qualitatis est, ac modicè calida. Extra igitur balneum, quoniam frigidum est corpus nostrum, quæ urina emissæ est, uelut ad corporis cōparationem, calida est. In calido autē, quoniam multo magis corpus quàm urina calefit, frigida urina uidetur, quāuis aliquo modo calida sit, uerumq; id esse, uel ex eo apparet. Ei enim qui balneum ingreditur, ut calfiat, si calidū solium ingreditur, quæ calida est aqua, admodū feruida uidetur, si autem iam excafactus ingrediatur, non itidem ei feruida uidetur.

xxv.

Cur loca maritima fodientes, dulcem aquam inuenimus? Nimirum quoniam in mari, quæ tenuior sit aqua, dulcis est, quæ crassior salsa, tenuis igitur aqua per terræ meatus influens, in ipsa occultitur terra, quam deinde fodientes inuenimus. Dulcis est autem, quoniam per brumam in aëra attollitur. Crassa uero aqua exiccata emundatq; fit sal. At in littoribus, quæ meatus laxioris habeāt, salsa inuenitur aqua. Excolatur enim eò etiam crassior maris aqua.

xxvi.

Cur putealis aqua per brumam calida, per æstatē frigida est? Quoniā quicq; semp cōtrariū ut inimicū fugit. Frigidum uero, & contrariū calido esse, & ipsum corrūpere manifesto apparet. Igitur quoniam calor per æstatem aëra occuparit, fugit frigus in intimam terrā, atq; ob id, aquam frige facit. Per brumā uero, quoniā frigus in aëre plus pollet, rursus calor in intimū defugit, aquamq; excafact.

Contraria enim eodem in loco, ac tempore simul manere,

manere, contra naturæ legem est.

XXVII.

Cur breui statura homines proceris ut plurimum sunt prudentiores? Quoniam cōstipata, atq; compacta illis est anima in uniuerso corpore. Proceris uero, in longitudinem distenta resoluitur: quapropter Homerus Vlysssem breuem, ac prudentem: Aiacem uero procerum, ac stolidiorem describit.

XXVIII.

Cur minus prudentes, cum ingrediuntur sese ueluti suspendunt. Quia ut inualidus gubernator haud in rectum nauim agit, Ita marcidior anima corpus.

XXIX.

Cur stolidorum quàm plurimi, prudentes gignunt liberos, ac robustos? Quia stolidiores in coitu uoluptati magnopere succumbentes, animam habent corpori magnopere immerfam: Quo efficitur, ut eorum semē, quàm plurimæ uirtutis, tum rationalis, tum naturalis particeps prudentiores, qui nascantur, efficiat. Prudentioribus autem, atque ijs præsertim, qui sint eruditi, secus omnino accidit. Prudentiæ enim uis, aliquid eorum semper, uel in re ipsa uenerea reputans quæ sint extrinsecus necessaria, ideoq; suspensior, efficit ut quod semen defluit, quàm plurima careat naturali uirtute. Hinc soluendum, Cur stolidi, atque ineruditi liberos gignant corpore robustos, Eruditi contra imbecillos.

XXX.

Cur ferarum stercus haud ita male olet? Quia sicciori, minimeq; superuacaneo utuntur nutrimento, maximeq; exercentur, quin & dorcadum, & aliorum quorundam animalium stercus, uelut aromatum quodammodo imittitur odorem. Hominis igitur stercus pessime omnium olet, quod ij & uario, & humido uestuntur nutrimento. Idq;

qq 3 etiam

etiam supra satiem, & intempestive, & cum minime indigent, Tum minus exercentur, minusq; quā cætera animalia caloris habent, quare cum neque planè concoquatur, neque ob copiam persfletur, sed ueluti commarceat, mali est odoris. XXXI.

Cur sinapi, cæteraq; id genus acria cuti imposita ulcerant, deglutita uero, aluum iam nō ulcerant? Quia prius demutantur ea & concoquuntur quam agant. Præterea resoluitur à (credo) nimia corporis humiditate. Item cum supra cutem ponuntur, temporis ad agendū plus habeat, quoniam ea conspissatior est. Estq; præterea imbecilla. At quod intimum est, & laxioris meatus habet, & ualidius est. XXXII.

Cur qui dolent, quiq; gaudent ridentes lachrymant? Qui quidem dolent, meatuum qui sunt in oculis, spissitudine eorum exprimunt humiditatem, qui autem gaudet, raritate meatuum humidum effundunt. Quibusdam uero in oculis, his qui angustioris meatus habent, in neutro lachryma exprimitur. XXXIII.

Cur hordeacea farina, cum sit frigida, resoluit pituitates? Siquidem omne frigidum condensat ac resolutionem impedit. Equidem puto non quia refrigeret, ideo resolue re, sed quia eiciat: uim eijciendi, atq; humores diuidendi possidet. Suntq; plurimæ eiusmodi species sibiipsis contraria agentes, nō illæ quidē prima ratione, & sese ipsis, ac præcipue, sed secunda, & ex accidenti: ut auium, quod quidem est calidum febrim diminuit. Non quia id quidem calidū est, simile enim similia auget. Sed quia ex uenis eijcit morbiferos humores, uimq; habet prouocandæ urinae. Itemq;

Itemq; iris & hyssopus lateris morbo, quæ pleuritis dicitur, conferunt: quamvis enim calida sint, tamen eos humores incidunt, qui pituitatem intra eam membranulam gignunt, qua costæ subcinguntur. Et aqua calida circumfusa rigorem soluit, qui tetanus dicitur, quicq; ex lentis frigidisq; humoribus generatur. Soluit autem non proprie, sed ex accidenti per medium aliquod, hoc est per insidentem caliditatem. Si igitur sua sponte nullius medijs interuentu agant, proprie dicuntur, primaq; ratione agere: sin medijs agant interuentu, non autem sese ipsis, ex accidenti tum agere, perque secundam rationem dicuntur.

XXXIII.

Cur mingentibus accidit, ut & flatum edant? Quoniam cū vesica urinæ plena est turget, premitq; & coarctat directū intestinum. Dum itaq; exinanitur, incluso intestinis spiritui, excundi occasionem præbet. Quidam vero consensum quendam, harum inter se particularum esse ad deiectionem arbitrantur.

XXXV.

Cur qui oscitantem uideant, & ipsi oscitant? Quia natura animantium, maximeq; ratione carentium, similitudinum quendam consensum, itemq; affectuum habet: Atque ita fit, ut meiente asello, cæteri item meiant, cum sint urina repleti.

XXXVI.

Cur lippus, sanum lippitudine afficit: Sanus uero lippus haudquaquam sanitate afficit? Quia oculi humecti sunt & molles, atq; affectibus expositi. Tum quia sanitas, ex habitudine modica, uitium ex immodica accidit. Quod igitur modicum est, facilius ab immodico mutatur ac uertitur, quā cōtra. Ergo & lippitudo, quæ immodica

qq 4 quedam

quædam habitudo est, facile sanitatem utpote modicam demutat. Fit autem mutatio naturali corporum inter se consensu.

XXXVII.

Cur numisma, & pomum in aqua maiora quam sint, uideri solent? Quia affusa ijs aqua, cōcolor sit, aspectūq; decipit, quasi maiora sint. Tali enim ratione, & sol, & luna, & quæ erraticæ stellæ dicuntur, cum iuxta ortus aut occasus linitem spectantur ampliori corpore uidentur, Sua enim qualitate, circumfusum sibi aërem afficiunt.

XXXVIII.

Cur triangula procul cernentibus, rotunda putantur? Quia cum aspectus procul angulos uidere nequeat, utpote acutos, eos ignorat, quibus ob aspectus deceptionem subductis, rotunda putantur. Idem in remo accidit qui sub aqua perfractus apparet.

XXXIX.

Cur ligno procul uapulante, ictum continuo uidemus, sonū serius exaudimus, quamuis unā cum ictu, & sonus fiat? Quoniam uisum subtiliorem auditu, acutioremq; habemus: Ictum igitur uisus, utpote acutior, anticipat: Auditus autem, ut qui crassior est, sonum tardius consequitur. Hac ipsa ratione soluendum est, quod in nubiu inter se cōflictu brumæ tempore, ubi ictus oritur eius, quem tonitrum dicimus, eiusq; ignitio, quā fulgetrā uocamus, ut in ijs quæ pyrecbola, hoc est igniuoma dicuntur, prius fulgetran cernimus, atq; ita postmodum tonitrus exaudimus, licet cōflictu ipso prior tonitrus, posterior fulgetra, aut unā saltem ambo orientur. Et hic igitur passus, utpote subtilior, auditum præuertitur, atque ita fulgetran prius uidemus. Tum & auditus tonitrum sentit, ut qui crassior,

crassior, atque ad consequendum tardior est. XL.

Cur sit, ut cum nuda facie, reliquo amictu corpore simus, in maximo tamē frigore reliquum quidem corporis rigeamus, faciem minime? Consuetudine: assuevit enim facies aëri tolerando, maxime uero nos consuetudo aduersus omnis affectus communit.

XL I.

Cur flaua bilis, quæ per uniuersum uitæ tempus ea tunica, quæ bilis uesica dicitur, continetur, cuiusq; corpus maxime affectibus expositum est, minime ipsam corrodit: At si uel ad exiguum temporis, in dentem, cuius est corpus ad patiendum minime aptum, ingrucrit, statim eum exesum reddit? Quoniam ita est à natura institutum, ut eo tantum in corpore inhabitet, ideoq; minime ipsum lædit. Magnum enim remedium contra dolorem naturæ nomen est. Milleq; alia possim tibi exempla afferre. Decem in matrice menses infans permanet, nullum ponderis sensum prægnati præbens. Spiritus autem leuis in eum incidens, dolorem continuo acutum citat, qui et tensionem, et intolerabile efficit pondus. Aspera arteria unius est spiritus receptaculum, In eam si mica, aut potius uncula deerret, suffocationem, aut uehementem efficit tussum. Id nisi natura ipsa præsinisset, haudquaquam fieri uel ad minimum posset.

XL II.

Cur nonnulli cum balneum sitientes intrant, absq; siti exeunt: nonnullis uero contra accidit? Sicciores quidem balneo uescunt, statimq; sedāt, sitis enim siccitate prouenit, præsertim si non penitus à siccitate resoluantur. At qui uidiore sunt, minimeq; sitibundi, si diutius immorentur, sub calido præsertim aëre atque intra aridam conti-

gnationem, resoluta per sudores humiditate, sitibundi efficiuntur.

XLIII.

Cur radícula comesa, alij foetidum cructant, alij minime? Quorum quidem alius, ac stomachus superuacantis malisq; humoribus, ijsq; ad pituitatem uergentibus, minime exuberat, eorū purus est ructus: At quibus exuberat, foetidus. Radícula enim calida est, humorumq; crassitudinem incidit, atque attenuat. Ex humoribus autē spiritus excitat, eosq; per ructum effutit. Sic & coenū quiescēs, nihil olet, motum uero, & conturbatū, grauem halitum efflat. Qui uero radiculam ipsam grauis naturæ, ac foetidae qualitatis esse autumant, quoniam ea cum extra corpus sit, diutiusq; seruetur grauius oleat, proculdubio falluntur: omnes enim qui ea uescerentur, grauem ructum edere oporteret.

XLIII.

Cur in maximis rigoribus digiti ac summa corporis nigrescunt & decidunt? Quoniā extremum frigus abigit, atque retrudit insitum calorem sub intimum corpus, atque ita summa corporis liuescunt quidem primo, tum nigrescunt, & quodammodo cadauerantur. Decidunt autem, quoniam natura reliquo intenta corpori agglutinat sibi quod sanū inest, quod uero iam periit, dimittit à sese, atq; extrudit. Summa autem præcipue afficiuntur, quod neq; admodum carnosæ & minus calidæ sunt. Nam & stirpium hæ præcipue foliorum defluuium bruma patiuntur, quæ minus calida natura sunt, atq; ob id imbecilliores, atq; rariores. Qui uero dicunt, statim à principio insitum calorem, à frigore, quasi ab aduersario fugientem, in intimum corpus peruadere, tum sese colligentē, & quasi instaurant

instaurantem, ceu resumptis uiribus, in eas rursus particulas, magna repente copia, auxilio accurrere, atq; ita, uel quia repente, uel quia maxima caloris ui eodem remigrarit, summa corporis exurere, quia in ijs residens magis congregetur, ij proculdubio falsum autumant. XLV.

Cuius qui summa corporis rigentia, igni admouet ut calfaciant, uehementer dolent? Repentina uidelicet qualitatis mutatione. Plurimum enim frigus, in plurimum calorem demutant: quicquid enim immodice, repetitq; fit, mala uidelicet habitudine, id naturæ cruciatum affert: quicquid autem bona habitudine et modo, et secundum naturam repente immutatur, id naturam magnopere delectat: consistit autem maxime in habitudinis modo humanum corpus, multoq; magis, quam cæterorum animantium. XLVI.

Cuius qui piper, aut magnum panem comederunt, singultiant? Est uero proportio, et cum ijs quæ extrinsecus aut ingrauant, aut dolorem incutiunt. Piper enim flauaq; bilis proportionem cum spinis habent: pituita autem et panis: cum grauissimo lapide. Qui alium minime excrementosum, sensibile, calidamq; sunt nasci, ij ocysime piperis acrimonia mordicantur, stomachum excitant, ad id quo dolent, excernendum, ac persequendum, atque ita quem singultum dicimus effutiunt: qui uero frigidiores nasci sunt stomachum, maioremq; in eo pituitatis uim habent, minusq; sentiunt, ij tardius singultiant. Idemque ijs accidit, qui magnum repente panem deuorant. Panis enim copia, ac magnitudine degrauantur. Neque enim suas partes cessare natura patitur, ubi quicquam absit, quod se lædat. Piper igitur qualitate acris id efficit secundum proportionem pungentis intrinsecus bilis, Panis autem

quantitate ponderis, uelut & pituitæ copia, intrinsecus degraans, singultum efficit. XLVII.

Cur qui in unguibus affectus existunt, uehementer cruciant? Quoniam nerui, qui per digitos tenduntur: peculiaribus excrementis, ungues gignunt: quemadmodum & dentes in gingiuis sunt. Cum itaque sensibilis neruorum uirtus in extrema progreditur, inq; ijs collecta, ueluti in conuallem profluens aqua congregatur, atque copiosior existit, proculdubio quo magis affectum sentit, magis etiam cruciatur. XLVIII.

Cur deuorato repente magno pane, singultientibus, retentio spiritus, singultum resoluit? Quoniã stomachus adiacet asperæ arteriæ. Ea uero stomachum premens, atque in angustum adurgēs, id agit, ut & qui in co cibis conslipatus sit, exprimatur in uentrem, atque ita exoneratus, singultum sistat. XLIX.

Cur deuorato pane singultientes, ubi quid triste audiunt, non singultiunt? Quoniam in id animam intendunt, quod tristitiam asserat: quo efficitur, ut mouendo pectori, minus sit intenta. Rursum igitur, cum non erumpat spiritus, uerum copiosior cogatur, singultum sistit, ut & ante didicimus. L.

Cur imagines prope quidem, planos colores, procul autem stantibus, partim concauos, partim deuejos ostendunt? Quoniam uidendi uis, in longo intervallo extenditur, atque resoluitur: quo fit, ut intima colorum, exacte, planeq; non cernat. Sed candidos quidem colores deuejos, nigros autem concauos uideat. Candidum enim, cum sese splendido admouit, extrinsecus splendet. Nigrum uero

uero utpote tenebrosū, intrinsecus. Artiū uero aliæ materiam transformant: ut cum statuarius aneum equum, aut bouem, aut aliud eiusmodi animal fundens, aut cudēs hominem fingit, aut aliud quippiā, mutata scilicet de specie in speciem materia æris: Aliæ additione agunt, ut ceræ, aut luti fictor: Aliæ demptione, ut qui sculpendo animal fabricantur. Aliæ coagmentatione, & insertione, & glutinatione, ut in domo, ut in nauigio ædificando, in tela, in fabrilī opere: Aliæ habitudinis alteratione fiunt, & per profundum quodammodo: quemadmodum natura è semine animantia procreat: Aliæ habitudinis simul alteratione, & adiectione corporis, quemadmodum natura particulas enutriendo auget: Aliæ uero, mīxtione colorum, & corporum adiectione, ut pictura. L I.

Cur si frigida aqua neruis inimica, calida amica non est, imo uero & ipsa inimica? Si enim tale quippiam noxium, contrariū porrò utile est. Cōtraria enim in idipsam eodem modo agere nequeūt. Prima igitur ratione, ac per se calidum, qua est calidū, infestum neruis simpliciter nō est: sed qua calidum, & humidum est: qui autē neruos habent læsos, eorū nerui, quia plurimum sensus habēt, multæ intensiōis, multæq; adstrictionis indigent. Sunt enim suapte natura sicci. Humiditas autem, utpote contraria, emollit remittitq; ipsos, ac putrefacit. Calidū uero ipsum suapte natura minime noxium esse patet. Calidi enim olei utilis haustus, quia adstrictionis quoq; uim cōtinet. L I I.

Cur si poma nocent, quoniam frigida sunt, atq; humida, aqua tamē quæ eiusdem sit habitudinis, minime nocet? Quia subtilior est aqua pomis, citiusq; excernitur: quo fit

fit ut non adeo lædat. Imo uerò corporis particulas modice intendit.

LIII.

Cur quæ difficilem habent concoctionē, crassōq; sunt humore, multò facilius concoquantur, ut bubulæ carnes, quàm quæ & faciliori sunt coctione, & minus crasso humore, ut saxatiles pisces? Quidam id consuetudini tribuunt: Nonnulli habitum quendam naturalem, atq; arcanū, neque explicabilem in causa esse putant: Quidam uero immodica alui caliditate, quæ concoctibilia sint, quàm par est, utpote mutabilia summa incendij ui concremari dicunt, atque corrumpi. Quæ autem concoctioni minime idonea sint, utpote difficiliora mutatu, cum non admodum mutantur, concoqui tantum. Sic enim & palæ, ut quæ suscipiendis affectibus aptiores sunt, plurimo igni in cinerem abeunt. At quernis lignis non item accidit, ut quæ rite comburantur.

LIIII.

Cur dolentium superficies pallefcit? Quia natura (ut diximus) ad intimum corpus unà cū sanguine penetrat. Sanguis autem is est, qui ipsam calfacere superficiem, ac rarefacere sit solitus.

LV.

Cur in Aegypto, quæ calidissima est regio, frigidum uinum gignitur? Eadem ratione. Rursus enim ad uitium radices defugit frigus, easq; frigesfacit, sunt enim uites multò quàm cæteræ stirpes suscipiendis affectibus aptiores.

LVI.

Cur calida aqua puteo indita, frigidissimam reddit aquam? Quoniam quod in puteo frigus est, calidæ repugnat: Cumque eam frigoris abundantia superet, calorem ipsum omni copia persequitur. Atque ita multa cum frigiditate

gilitate percalfacientem aquam influit, eamq; hoc pacto admodum refrigerat.

L VII.

Cur ubi exiguum animal in oculos inuolat, statim altero clauso oculo extruditur? Quia uidendi spiritus iam per oclusum oculum exire non potest, ut iam didicimus, sed collectus in sese, magnaq; in apertum oculum copia contendens, implet ipsum et tumefacit, et quasi extrinsecus promit, atq; ita pellitur, extruditurq; infectum.

L VIII.

Cur colaphis icli ignem cernunt? Quia uidendi spiritus iclu attenuatus magnopere ignescit, atq; in aera egressus talis cernitur, qualis iam euasit. Idem euenit, cum duos simul lapides, aut cum ferrum ferro atteras. Interceptus enim aer magnopere attenuatur, atq; ignis fit. Idem quoque in nubibus accidit.

L IX.

Cur non omnium attritu lapidum ignis excuditur? Quia pleriq; cedentes nimium sunt, nimiumq; leues, et laxi meatibus. Neque enim pariter percussus aer attenuatur: quippe, qui neq; uehementer ob leuitatem percutitur, et fugit, receditq; intra meatus. Non ergo pariter totus percutitur, atq; ignescit. Idem et lignorum euenit attritu. At uero a sole, atq; aqua ignis creatur: quoniam infracti ad uictrum solis radij uelut etiam in speculis euenit magis ignescunt, rursumq; ad supera reflectuntur.

L X.

Cur priories feruida gaudent? Quoniam pituita, cuius crassitudine, ac frigidityte pruritus oritur, cutis sensum obtundit.

L XI.

Cur ijdem balneis gaudent? Quia calor pituitam fundit, eamq; ungues resoluunt.

L XII.

Cur magis humeri pruriunt? Quoniam anticis partibus frigidiores

frigidiores sunt. Ideoq; plus habet pituitæ: quo fit, ut senes q frigidiores sunt pruritu magis afficiantur. LXIII.

Cur facilius scalarum descensus, quam ascensus est? Quoniam in descensu, corporis pondus deorsum uersus suapte ui fertur, & quodammodo descendente adiuvat: In ascensu uero laborat uis, corporis pondus sursum uersus attolens. Sic enim & lapis facilius deorsum, quam sursum fertur. Quod enim graue est, deorsum fertur. LXIII.

Cur infantes, ut primum eduntur, flent? Quia sensus eorum, atque natura ueluti peregrinatur. Nam est calido, molliq; ipsius matricis corpore in aëra frigidum exeunt. Fortasse tamen & à lumine exterrantur. Non (ut quidam aiunt) quod anima coelestium regionum extorris, terrenum corpus inhabitet, atque ideo flere infantes cogantur. LXV.

Cur apes, & formicæ, muscæ, omniaq; insecta oleo pereunt? Quia respiracula angusta habent. Oleum uero utpote lentum, eorum respiracula obstruit, atque ob id pereunt. Idem & serpentibus ex ijs contigit, quæ mali odoris sunt. LXVI.

Cur flantes calida refrigeramus, frigida calfacimus? Quoniam respiratio calida fit, exiēs autem spiritus eorum qualitatem resoluit: calida uero refrigeramus, quod eorum calidam qualitatem mouemus, ac resoluimus. LXVII.

Cur, quæ carnes noctu sub plenilunio fucrint, putrescunt? Quoniam tunc aër calidus ab eo, atq; humidus fit, quæ habitudo ad putrefaciendū maxime facit, unde efficitur, ut si modicus sit calor, atq; humor, cōcoctio fiat, si immodicus, extinctio, si calor præualuerit, exustio. Luna quoque

quoq; quatuor nacta habitus uidetur: Media enim humida, & calida quodammodo est: Plena, calida quodammodo & sicca: Quo tempore desinit, sicca, & frigida. Cum luminis omnino est expers, frigida est, & sicca: est enim & solis expers radiorum, qui tunc calidi sunt. L X V I I I.

Cur dolore affecti pallent? Quia rursum natura eius, quod sese angit reminiscens, paulatim ad intima defugit, unà cum sanguine eo, qui cutem depingat: minus tamen in ijs, quàm in metuentibus euenit. L X I X.

Cur gaudentes rubent? Quia natura sponte sua delectanti sese occurrit, qui extrinsecus sit, ut nos amico, liberisq; solemus. Eam uero & sanguis affectatur? is qui (ut supra diximus) cutem suo colore roscam reddit. Pallor autem à contrario accidit. L X X.

Cur in sopore nocturno, cum subito oculos aperiimus, lucem uidemus? Quia uidendi spiritus collectus inter dormiendum, atque adauctus, repentinus plurimusq; per tenebras erumpit: Cumq; ipse sit lucidus, instar luminis cernit. L X X I.

Cur uerentes oculos deijciunt? Quia animi speculum sunt oculi. Nam & animi affectus per oculos cernimus, ut dolorem, iram, pudorem, Quoniam uero non sustinet animus, contra id, quod sit honore dignum intueri conscientia quadam, ideo aliquandiu oculorum musculos demitti cogit, Idq; uelut sese operiens efficit. L X X I I.

Cur auris omne humidum tolerat, exceptis aqua? Quoniam cum frigida sit, ad audiendi neruum continuo fertur. Frigidum uero omne uicinis insensum. L X X I I I.

Cur antequam uehemens excitetur uentus, quædam ue-

luti stellæ excurrentes eum præmonstrant, aut quasi fulgetræ, maximeq; per sudum? Nimirum quia cœperat quidem prius moueri, nobis autem, qui & crassa, & duri sensus corpora nacti sumus, nondum manifestus apparet. Supernum igitur aëra, utpote magis tenuem, magisq; ætherium perflans, in ignem conuertit, atq; ita eius partis scintillantis uidemus. uehementior autem deinceps uirtus crassiorem hunc aëra, qui sit circa terram, mouet, atque ita sentitur.

LXXIIII.

Cur qui uentus angusta loca inflat uehementior est, quam qui laxa? Quia colligens sese unum in locum intenditur in seipso, fitq; maior, increscitq;, & uehementior euadit. In locis autem latioribus explicatur, atque dissipatur, fitq; languidior, imbecilliorq;: hoc idem in calore accidit, in qualitatibus, & in aquis.

LXXV.

Cur aliqui longinqua, quamlibet magna minime uidentes, propinqua tamen, quamlibet minutissima cernunt, quos & myopas, hoc est luscinos uocant, quia conuiuentes uideant? Equidem arbitror, uidendi spiritum tenuem his esse, ac purum, qui cum procul abeat, resoluatur, neq; obiecta attingere possit: uix autem propinqua cernit propter tenuitatem, ac puritatem. Sunt & qui minutissima procul cernunt, ut senes quidam. Hi igitur contra, quia uidendi spiritum crassum, eundemq; multum nacti sunt, necesse habent, ut is per longiusculam quodammodo uiam moueatur, eoq; paulo attenuetur, atq; ad uisibilia suscipienda idoneus fiat. Sic ergo duo inter se opposita soluantur.

LXXVI.

Cur præter omnia animantia, soli canes post coitum uinciuntur? Quia angustos habet meatus collum matricis: com-

les autem in re uenerea inflatur, neque statim exit. Tum quia semen glutinosum est, utraq; enim ijs, nimia siccitate accidunt. Siccum enim cogit, coartatq; particulas, atq; humida condensat.

LXXVII.

Cur soli canes per æstatem rabie laborant? Propter sicca habitudinis præceptionem. Natura enim sicci sunt, magisq; in æstibus: Excalfactæ igitur eorum humiditates atq; exiccate inflammantur, tum uniuersa eorum habitudo, eoq; pacto insaniunt uelut phrenetici: unde & eorum salua ueneni est instar, atque siccissima. Inflammari autem constat, uel frequenti anhelitu, uel igneis oculis, uel oris hiatu, quem ad protrahendum aëra apertum semper habent, uel quod eorum cauda ob siccitatem incuruatur, atq; macrescit: rabidi uero fiunt præcipue qui siccissimi sunt. Sunt & qui caniculæ sidus in fluxu quodam suo rabiem ijs asferre dicant.

LXXVII.

Cur qui repête, atq; inuiti execantur, minus cruciâtur, quàm qui per electionem execantur? Quoniam qui de improviso, ij alio conuersum habent animû, sensusq; omnes inequaliter susipientem. At qui per electionem, ij cum sciant quid passuri sint, animam semper in ipsum, quod inciditur corpus intentum habent, quare cum sensum æqualiter suscipiant, magis in ipsa sectione cruciantur. Solutio questionis à consensu qua magis.

LXXVIII.

Cur qui onera baiulant, cantantes ambulant, eodemq; qui trahunt? Quia modulatione rationalis anima oblectatur, quo fit, ut in eam conuersa, minus ipsum sensum suscipiat, unde efficitur, ut non tantopere onus ipsum sentiat, hac ratione solue, cur in funeribus tibie, ac tympana

adhibentur, cur ad dolentis, aut lugentis, aut ægrotantis mos obtinuit, ut hominum cōueniat multitudo, diuersosq; inserant sermones, uergens enim ad uerba animus calamitates nūnus sentit, quapropter & Scenica oblectamenta, uariaq; eius genera ab antiquis excogitata sunt, ut animi distraherentur.

LXXIX.

Cur Aethiopes febricitantes ut plurimū extinguūtur, & lippientes ulcerantur? Calidissimi sunt, atq; siccissimi, & quasi elementorū quēdā ijs resolutio accidit, & quod humidi exiguum ijs inest, consumptum, atque corruptum efficit, ut & cætera elementa resoluātur. Fugit enim calor cibi penuria. Exurgit frigus caloris absentia. Regnat & siccitas humiditatis interitu. Atque ob id ipsum cadauera frigida, siccaq; sunt, unde & diuinus Homerus haud ignarus duo quidem elementa effugere utpote tenuia, & leuissima, duo uero in extinctis corporibus permanere ait: Sed uos ò cunctis tellus fiat, & unda.

Siccitatem ille nimirum, ac frigiditatem intelligit. Ulcerantur autem in lippitudinibus eorum oculi, quoniam sanisquis ex inflammatione fit biliosus, multaq; acredine oculos per fluctum corrodit.

LXXX.

Cur in conuiujs contra rationem poculis utantur. Incipientes enim exiguis, expleti magnis poculis bibunt? Vis detur id proculdubio ridiculum, sed neq; præter rationem tamen fit. Vt enim frequentius ad mensam possint perpetuoq; bibere, incipiunt quidem à paruis poculis, desinunt autem in maioribus. Parua enim pocula non tam queunt exsatiare, quàm abūdātor potus. Si igitur à maioribus incipiant, frequenter id facere, ut in ijs delicijs adsolet, non possunt

possunt. Natura præterea ipsa immēsis illis, capacissimisq; poculis, ueluti re quapiam peregrina turbatur, seq; ab ijs auerit. Paruis autem paulatim assuescens, copiam quoque ipsam postmodum feret.

L X X X I.

Cur, qui aqua intercute laborant, cum pleni aqua sint, sitiunt semper? Quoniam & ipsum eis humidum, salsum fit, quippe, quod minime permeet, sed putrescat, atque os alui exsiccet. Quin & febriculas tenues habent. Præter hæc autem, quantò uenter tumidius fit, tantò reliquū corpus, cū minime sua ratione nutriatur, siccius euadit, unde etiam macrescit. Plurimum enim nutrimentum in aquam abit, ipsumq; adauget morbum.

L X X X I I.

Cur in cōuiuijs priusquam cibum capiamus, ac repleamur, anguste accumbimus, post repletionem uero, atque ante conuiuij finem laxamur, neque iam urgemur? Quoniam cum à principio uehementem ciborum appetitum accumbentes habeant, in ea, quæ intus hoc est in mensa sunt, concurrunt simul uniuersi, atque repente: Post cibi uero satietatem, alius deorsum uergit, alius in obliquum, alius item modo quouis alio sedet, neque supra modum in ea, quæ intus sunt uergunt: Atque hoc pacto, ubi expleti cibo sumus, relaxamur. Præter hoc autem & quia omnes à principio, cum comedunt, in pectus, atq; in latitudinem corporis cubant, euenit, ut anguste accumbamus.

L X X X I I I.

Cur quocunque loco pilos habemus, cani gignuntur præterquam in axillis? Quia is locus calidus est, arterijs enim scatet, & uenis. Tum rarus, atq; ob id pituitatis excrementa perpetuo excernens: hinc fit, ut perpetuo sudet.

Y R 3

L X X X

LXXXIIII. Cur si pituita frigida est, & crassa, & lenta, similiterq; nigra bilis, frigida, & crassa, sed multo, quàm pituita minor, quartana tamen diuturnior est, quàm cotidianæ? Quia pituita tametsi frigida, copiosior est, humida tamen est: humidum uerò facillime alteratur atque immutatur. Nigra uero bilis, frigida, & sicca, quo efficitur, ut difficillime alteretur, aut immutetur. Decipiunt itaque ipsa similitudine frigiditatis, & bilis redundantia, reliquam uero contrariam qualitatem occultant. Præter hæc pituita magis naturæ consentanea est, quàm nigra. Vnde & cum quis sanus famæ extinguatur, natura pituitæ tam ipsam in nutrimentum uertit. In febrî igitur quotidiana, quicquid utilis pituitæ offendit, id omne in nutrimentum consumit. Quod autem inutile est putrescens febrim accendit.

LXXXV.

Quare cum quatuor sint humores qui interdum putrescunt, tres tantum febres, non autem quatuor existunt? Quia sanguis secundum naturam est, & nutrimentum corporis. Is exuberans repletionem tantum facit, corruptus autem, non iam sanguis remanet. Mutatur enim excalfactus in flauam bilem. Reliqui igitur humores exundantes quidem morbos pariunt, maximèque circa custem, ut serpentia ulcera, & caneros, duplexq; genus uitiliginis, albos uidelicet, & leucas: Putrefacti autem, febres.

LXXXVI.

Cur si in duobus aduersis parietibus geminæ sint è regione fenestræ, quas uehementior perftet uentus, altera tantum clausa, iam per alteram non intrat uehemens ille, & plurimus uentus, qui spiret, uelut utraque aperta acciebat?

debat? Quia aër qui mouetur, hoc est uentus corpus est, altera igitur clausa, qui per alteram intrarat aër, locum domus replet. Cumq; corpus sit, non iam reliquum aëra, qui corpus quoq; sit ingredi finit. At si fenestra reseratur, qui locum occuparat, exitum nactus, locum ingrediendi, & alteri dat: Idemq; rursus per obiectam fenestram erumpens, alium altera ingredi finit. Idq; continenter fit: clausa uero aduersa fenestra, non iam id amplius accidit.

L X X X V I I.

Cur amantiū extremae partes, modo frigidae sunt, modo calidae? Quoniam ubi dolore affecti sunt erga amicam, eaq; se desperant potituros, insitus calor unà cum natura in intima penetrat, quo fit ut extremae partes frigescent, obq; id ipsum, & pallent, & tristes euadūt. Contra uero cum aut bona spe ab amica sunt affecti, aut cum uehementer irascuntur, tum innatus calor ad cutem uergit unà cum natura, fiuntq; calidiores, & rubicundiores. Obq; hanc ipsam causam pictores amorem nunc tristem pingunt, & quiescētem, nunc uolantem, & ridentem. Puerum uero mutabilem, quia cupido uehemens quidem est, non tamen diuturna, & perpetua. Dispositio enim perpetua est, ut in legitimis amicis, aut in patre erga filium, aut in uxore erga uirum: Amor autem non perpetuus est, ut plurimum enim circa ignotos accidit. Dispositio quoq; modica stabilisq; est: Amor autem uehemens, & insanienti similis. Faciem uero habere fingunt, atq; esse pinnaū: quia amantiū animi suspensi tolluntur, suntq; mutabiles, ceu uolucres. Tum cordi insitus calor semper ijs exardescit, incessabili uidelicet uehementiq; cura erga id quod capiunt.

Amoris simul-
lacrū qualiter
fiat, & rationes.

Tenet autem dextra gladiū, sinistra autem pharetram & quā plurimas sagittas, quoniā à principio quidē ex uno oculorū radio amor oritur, unā enim & uidit, & cupijt, ut uero primum cupijt, perpetuos emittit amans radios in id, quod à se cupitur. Is autem radius sagittæ similitudinē habet, quod cum amans in corpus iaculatur. Sunt uero intra pharetram sagittæ, quoniā occultos emittant radios, qui amant: ut autem uentus ignem, sic consuetudo amorem accendit. Non enim proprie ex ipsa amor oritur: si enim hoc esset, proculdubio oporteret ex consuetudine semper amorem gigni: Amoris autem ortus repētinus est. Est uero nudus, quia absq; medio desiderium id, manifestūq; euēnit. Neq; enim per alterum quippiam amat quisquam, sed neq; clam, neque quam ignorat. Quapropter & statuarij honoris gratia nudos interdum deos, regesq; effingūt, ut qui indicare uelint, ad apertū illud uirtutis eorum, ac mentis, extra omne clancularium utium existere. Non est autem unus amor, sed plures, seu quia diversi rerū sunt amores, aliter enim atq; aliter amant, quemadmodum & diuinus Plato ait, amorem multorum capitum beluam esse, seu quia sub multos (ut idem ait) amores idem cadit: matrem uero habet Venerem, hoc est, cupiditatē, ueneris enim simulachro cupiditatē effingūt. Fertur item amor Erinnyis furiā amasse, uidelicet quia multi iniquē amarunt, impijsq; sunt cupiditatibus affecti, quemadmodum & à me ipso in secundo allegoriarū libro ostentum est, quem in confictas de dijs historias composui.

LXXXVIII.

Cur in pestilentia, alij pereunt, alij minime? Hoc nimis rum ex habitudinis conuenientia accidit. Nam si quis ma-

lis hu

Dij & reges
cur nudi interdū
pinguntur.

his humoribus plenum corpus sit nactus, ei profecto inspi-
rans is aër, qui sit putredinis effector, & quod exiguum
utilis humoris insit facile corrumpit: quo fit, ut corrupto ijs
humore uniuerso, & insanabiles affectus, & quàm pluri-
mi exoriantur, eoq; pacto occidant, quòd si neq; multa quis
habeat excrementa, & bonis abundet humoribus, is aut
nihil, aut parũ omnino à pestilenti aëre offenditur. Attrahi
uero ab ea quàm diximus conuenientia, id quod agendi sit
causa, uel externae materies ostendunt, quercus enim haud
quaquam affectibus idoneae, neq; eiusmodi sunt, quae facile
ignē cōprehendant. Multo autē magis idoneae arundines
sunt, magisq; igni excipiendo expositae, sed & stuppā mul-
tò ijs magis. At si quis madidā capiat stuppā, uiridesq;
arundines, quercum uero aridissimam eligat, uel eam sul-
phure spargat, quod minime idoneũ erat comprehenden-
dis ignibus, id maxime idoneum reddiderit, si igni admo-
ueat. Hoc item exemplo, & questionem aliam soluere po-
tes, qua ratione eueniat, ut lassitudo diurnā potius febrim
gignat, quàm aut eam, quae ex putredine fit, aut eam, quae
habitualis dicitur. Dicimus enim euenire id ex dispositio-
nis praeceptione. Habebat enim naturales spiritus humo-
resq; minime superuacuos. Solida uero omnia siccissima
sunt, & causa in ea incurrit. Et cur solis ardor alijs somnũ
excitat, alijs non item. Quoniam, cui multa in capite pi-
uita inerat, ea effusa caput humescit, atque inde sopitur.
Qui autem sicco sit capite, cum magis id, magisq; exsicce-
tur, peruiugio afficitur.

L X X X I X.

Cur sol nigrum quidē hominem, linũ uero candidũ
reddit: Ceramq; emollit, limũ durat? Propter dispositionē
rr 5 rursus

rursum patientis materiæ. Humores enim omnis excepta pituita, cum sunt præter modum excalescenti circa ipsam cutem nigri apparent: linum uero, aut nitro, aut salisugine infectum, cum sol eius sordes absumat, albescit. Rursum uero, cum ex eadem cera humiditatem eliciat, quæ in eius intimo sit, euenit ut emolliat. At uero in limo, omnem sol humiditatem, quæ & plurima sit, & in ipsa superficie re-
dundet, depascitur, atq; ita cum desiccatur, durumq; efficit. Si ergo circa id, quod patitur, & agens uertitur, magno nobis usui esse potest. Si enim pietate animum armemus, corpus ciborum modestia exornemus: uita autem nõ possidente, sed ijs contenta, quæ sint uicliui opportuna, nosmetipsos stabiliamus, tum omnes uitæ molestias, quoad fieri possit, euitemus. Neque uos agenti malo idoneos præbeamus, ut id quod patitur, agat quicquau, si quis uidelicet est, aut demon, aut stella, aut alia quæpiam extrinsecus causa.

X C.

Cur icterici difficile deijciunt, & deiectio ijs alba est? Quia flaua bilis toto corpi corpore diffusa est, quod & oculi indicant, & cutis color, neque ad intestina iam confluat, ut prima naturæ lex exigit, atq; ita stercus non coloratur: neq; sua acredine deiectionis intestinorum uirtutem irritat ad euacuandum stercus, propterq; id ipsum medicina, quæ ut artes ceteræ naturam imitatur, ubi in ægritudinis periculo corpus uersatur, ægrotanti uirtuti auxiliatrix adest. Nam quia stercus deijciunt, bile irritante, adq; eius expulsionem intestina prouocant, & musculos, ipsum uero stercus molle lubricumq; est, ob lētos illos humores, qui in intestinis sunt, eiq; adiacent. Merito etiam clyster pro bile

bile mel habet, quod eijciendi vim habet: item nitrū, quod & vim habet eijciēdi, & intestina ac musculos ad expul-
sionem citat: hydreleum uero, hoc est oleum aqua dilutū
ad humectandum, emolliendumq; stercus, quod sit à febrī
desiccatum. Scire autem oportet, nunc sua sponte naturā,
ac sine medici ope agere, ut in ægri tudinum iudicijs, ut in
concoctionibus. Est enim tūc medicus uelut spectator qui-
dam, & arbiter, & iudex duorum aduersariorum, mor-
bi, & naturæ. Nunc uero per solum agit medicum, ut in
articulorum fractionibus, inq; articulorū iniectione. Nūc
uero per medicum simul agitur & naturam, ut in sordi-
dis concavisq; ulceribus. Medicus enim sordibus ulcus
perpurgat, ijs quæ ad eiusmodi purgationem pertinent,
tum cæcis illis meatibus relaxationē præbet: resecat enim
quicquid ijs est pro operculo, ut sic dixerim, eosq; ob-
struit, ut purum sanguinem acquirant. Natura uero per
ulceris meatus purum sanguinem suggerit, qui à nutri-
mentis sit creatus, eumq; ad carnis generationem trans-
fert. Is rursus à desiccantibus uenenis condensatus, idē-
nea caro fit.

X C I.

Cur ij, qui febrī continua laborarunt, post iudicij tem-
pus, quam crisin uocant, nigerrimā aliquandiu cutem ha-
buerunt? Quoniam ex flaua bili continua accidit, quæ in
ipso ægri tudinis rigore perusta in nigram demutata est.
Atq; ita in ea quā diximus crisi, à natura ipsa ad cutē re-
pulsā tinxit ipsam: quemadmodum etiam in uiriliginibus
alba quoq; est cutis. Eius autem humoris crassitudine diffi-
cile eiusmodi color resoluitur.

X C I I.

Cur nigra bilis ad mammam, aut ad crus accedēs cor-
rosionem

rosionem operatur, in his uero qui melancholici uocantur, cum in ipsam confluat cerebrum, id tamen non agit? Quia in mamma quidem multæ magnæq; insunt uenæ, propter lactis generationem, atq; ob id bilis copia eò confluit. Simuliter & in crure multa bilis deducitur, quippe quæ ad inferna feratur. At uero in cerebrum, tum quia superne est, tum quia minutos habet uenulas, exigua quædã bilis ascendit, quæq; pungendi tantum, non autem corroderendi uim habeat. Frigidum præterea, atque humidum est, quo efficitur, ut modo aliquo nigræ bilis habitudini aduersetur, ipsamq; emolliat, quæ igitur proprie nigra bilis est, ea corrodentem in mamma cancrum gignit: in crure uero chironiam ulcus, & quod nomades à depascendo uocant: in cerebro autem ferinam melancholicam. Quæ uero non proprie nigra bilis sit, sed melancholicus humor, & seculentus, fluctationem tantum, & tumorem, qui cancrum imitetur, sed minime corrodat, placidamq; melancholiam gignit.

X C I I I.

Cur in ijs, qui intestinorũ difficultatibus laborant, papyrus conglobant, eaq; in anũ ciecta profunt? Quia concurrentibus musculis sedis, humectata papyrus musculos sua relaxatione excitat. Idemq; in hypophoris agit, quæ in ulceribus concurrunt. Relaxatis igitur musculis, stercus uelut destitutum deijcitur.

X C I I I I.

Cur quæ uasa à Græcis baucalia dicuntur, cū aqua repleantur, sonum quendam sibi proprium edunt, à quo & nomen uasis est factum, uelut alia sunt apud Græcos nomina sonorum factitia: ut in aqua phlæxibos, & in aluo botborygmos, & cætera? Quia cum uas eiusmodi inane est aquæ aëre

aëre impletur, corpore uidelicet tenuissimo. Cum ergo indatur repete in ipsum aqua, sua grauitate aërem persequitur, utpote tenuem, atq; excludit: simul enim manere in baculo, quoadusq; repleatur nequeunt. Est enim à philoſophis demonſtratum, non poſſe duo corpora eundẽ locũ tenere eodem tempore. Cum ergo aër repente ſurſum per anguſtias extruditur, ſonus neceſſario exoritur, neque is unus, ſed plures. Quædam enim ueluti pugna inter ambos incidit. Aqua enim deorſum aërem premit: aër uero ſurſum aquam: hoc cum ſucceſſione fiat, accidit, ut frequenter ſonus fiat.

X C V.

Cur in uasīs, quæ à Græcis harpagia, quaſi raptoria dicuntur, digitus corũ ori iniectus non ſinit aquam fundo effluere, elcuatus aut ſinit? Quia cũ ex ore digitus eleuatur, aër ingrediẽs trudit aquã deorſum, quo ſuapte natura fertur, atq; ita per foramina fundi exit, propter hoc ipſum omnia mechanica inſtrumenta per aërem, et aquã conficiuntur, ut oronomia, clepsydra, uocumq; imagines, quæ de ſtatuis reſultant, atq; alia ijs ſimilia.

X C V I.

Cur, et uinum, et aqua alieno tempore febricitantibus data, phreniten efficiunt, hoc eſt duo inter ſe contraria: frigida enim eſt aqua, calidũ uero uinum? Dico igitur uinum ipſum cũ ſuapte natura ſurſum feratur, exurere cerebrũ, uia cum febris perturbatur: itaq; uehementer à principio animæ inſtrumentum ætherius quodammodo ſpiritus eſt, uimq; ipſam prudẽtiæ idẽ agere compellit. Inde uero hoc patet, multi quippæ etiã ſani plurimo perpetuoq; meri potu utentes, mentis impotes fiunt: aqua uero ipſa uelut obſtruẽs corporis meatus, per quos uidelicet reſoluitur iſ ſpi-

ritus,

ritus, qui à putrefactis humoribus oriuntur, eosq; crassiores reddēs, id agit, ut plus ob id ipsum putredinis, febrisq; resultet, sepe uero & aqua ab immodica febre deuicta, eius pabulum fit. Quenadmodum in furnis usu uenire uidemus: qui enim ignem accendere uolunt, exigua quadam aquula ignem irrorant.

XCVII.

Cur mulieres acuta sunt uoce, itemq; & spadones, & pueri? Quia humiditatis abundantia, arteria eis in amplū minime protenditur. Caliditatis enim officium est, meatus in amplum relaxare, ut ergo angustatibia acutū edit sonum, sic & aspera arteria. Dicūt autē nōnulli, mulieres acuta esse uoce, quia cōferat in paritudine clamare ad pariēdi facilitatē, quod proculdubio falsum est.

XCVIII.

Cur infantes aestate siderantur? Quod uulgus aestu laborare eos dicit. Febricitant enim tenui quadam profunda q; febricula, ijsq; oculi excuantur, fiuntq; uigiles, & imbecilles. Nonnulli uero & fluxu uentris laborāt, quia infantes passibiles sunt, magnamq; uim pituitæ in capite habent, ut dictum est. Igitur in aestibus pituita supra modum excoacta, ac putrefacta febrim accendit, unde & cartilagine cerebri ignescunt, atque ob id uigiles sunt. Ignitio autem per arterias ad cor descendens, & uiuificum spiritum reddens ignitum, febrim sine putredine accendit. Cum uero ex febre multa bilis procreetur, euenit ea ratione, quam superius explicauimus, ut bile aluum, atque intestina mordicante uentris resultet fluxus. Esse autem eius causam, radicemq; affectus in cerebro patet, quoniam capiti refrigerantia admoventur, eaq; utpote ignitionem extinguentia prosunt. Laborant tamen hoc ipso etiam

etiam adulti, quibus scilicet in capite pituita, aut exiguum flauæ bilis coaceruatum sit, & putrescat, per ipsam igitur inspirationem, perq; ignitum quodammodo aërem spiritus ignescunt.

X C I X.

Cur rotunda ulcera difficile curantur? Quia ex bile acri, quæq; vim corroderendi habeat, oriuntur. Nam quia guttatim confluat, & corrodat, rotundum ulcus facit, propterq; id ipsam exurendo, desiccandoq; idonea reddunt medicamenta. Atque hoc quidem pacto medici. Naturales autem & philosophi euenire id dicunt, quia nullum sit principium, unde uonica incipiat. In circulo enim, neque principium, neque finem accipere est, atque ob id dicunt, cum eius figuræ ulcera, ferro à medicis incitantur, in figuram aliam demutari.

C.

Cur aliquem ad locum uel necessario proficiscentes, cū tamen co peruenerimus, ulterius aliquando progrediamur? Quia animū sæpe in rem quampiam habemus intentum, coq; inclinatum, & conuersum, neq; penitus sensibus imminentem, ut quæ ijs propria sint cognoscat. Velut igitur locum uidentes, non uident: neq; enim præsto is est, qui sensibilia iudicet.

C I.

Cur mel omnibus dulce, ictericis tamen gustatibus amarum uidetur? Quia bilem amarum habet, quæ per totum corpus, perq; ipsam linguam redundet. Mel igitur cum comedunt, fit ut quiescens humor connoueatur. Gustus deinde ipse, cum iam bilis amaritudinem sensit, imaginatio nem parit, ut mel amarum putetur.

C I I.

Cur uehementer irascentibus oculi ignei fiunt? Quia ira feruor est eius sanguinis, qui sit circa cor, calidiq; spiritus:

ritus:

ritus: hic igitur utpote subtilior superne fertur, perq; oculos, qui perspicui sunt, transparet, habentq; uapores sanguineos ascendentes. Vnde & facies rubra ijs apparet, huius rei non ignarus Homerus inquit:

-Instar erant ardentis lumina flammæ. C III.

Cur infusa serpētibus aqua eos expellit? Quia natura frigidi sunt, & sicci, & nervosi, & exigui sanguinis, fugiuntq; immodicam frigiditatem. Esse autem illos huiusmodi habitudine, uel hinc colligitur. Latebras enim hyeme querunt, terræq; intima utpote calidiora. Occidente autē sole, ut plurimum, rursus aër, aut frigidū fugiunt, rursumq; æstate, quoniam terræ intima frigida sunt, inde fugiunt. Inq; locos calidos demigrant. C IIII.

Cur ouum si affetur rumpitur, si in aqua bulliat minime? Quia cum igni eius humiditas appropinquat immolde calsit, & exurit, pluresq; ob id spiritus gignit, qui cum ob loci angustiam exitum querant, rupto putamine diffugiunt. Idem quoq; agunt in dolijs, & in fictilibus cum mustum effluet. Multa præterea flamma oui putamen affatione dirumpit. Id quod & fictilibus uasis supra modū adustis accidit. Vnde naturaliter uulgo ouum cum assandum est, aqua præmadidant: aqua enim calida suapte mollitie humiditates paulatim effundit, ac per raritudines resoluit. C V.

Cur in coitus uoluptate homines quodammodo oculis cōniunt, atq; huic aliquid simile, & in cæteris sensibus patiuntur? Quia deuicli ab affectu uoluptatis, magis eam quodammodo cōniuentibus oculis comprehendunt. Non enim eleuantur, ipsumq; extrinsecus animū unā cum sensibus

sibus ad aëra protrahunt, quo efficiatur, ut corporeos illos affectus minus sentiat.

C VI.

Cur nonnulla licet uniformia medicamenta uim tamen contrariā habent, quemadmodū experientia ipsa indicat, Mastiche enim eijcit, resoluit, & intendit: Acetum autem & calfacit, & refrigerat? Quia insunt ijs individua, minimaq; corpuscula per interpositionem, non confusionem, ut harena humectata conglobatur, unumq; corpus effici uidetur. Re uera autem multa sunt minutissima in harena corpuscula, quod si hoc uerum est, haud est absurdum in alijs, alijsq; mastiches particulis contrarias uirtutes, & qualitates occultari, neq; inter se confundi, quia natura eis tantum corporibus legem illam inseruerit.

C VII.

Cur cum pedis digitum offendimus inguen tumescit? Quia semper natura, quæ ad corpus pertineat prouidens, solet accurrere uelut auxilio ijs partibus, quæ dolore laborent, quoniam uero utilissimū omnium humorum, & nutriente, & cognatum, ipsum uidelicet sanguinē pro uehiculo habet, necessariū est, ut cum ea ad pedis digitum, unā cum sanguine descendat, impleantur eæ uenæ, quæ maxime in inguine sunt, eaq; partes quæ circum uasa ipsa sint, atque adenes à Græcis appellantur, quippe quæ rotunda sint corpora. Immodica igitur constipatio, inflammationē eleuationemq; efficit, appellaturq; id inguen, ex ipso loco denominationem mutuatum.

C VIII.

Cur natura auibus, neq; uesicam urinæ receptaculum, neque renes elargita est? Quia multa indigebant humiditate, ut oriri pinnae, atque incrementum possent. Eamq; ipsa uolandi exercitatione consumunt. Neque omnino quidem

mingunt. Cum uero bibunt, stercus immodice humidum deijciunt.

CIX.

Cur pueris in urinæ uesica calculi gignuntur, senibus uero intra renes: Quia angustos in renibus meatus pueri habent: terrenus uero humor, & crassus uolentia angustiarum ab urina extruditur, tum è renibus ipsis, tum ex conceptaculis, quæ lunæ formam habent in ipsam urinæ uesicam: Ea cum latos habeat meatus exeundi locum urinæ præbet. Humori uero ipsi, unde calculi gignuntur insidendi, suoq; more conspissandi. At uero in senibus contra cucinit: Laxos enim renium meatus habent, quo fit, ut in urina exire, & terrenus humor insidere, congelariq; possit. Color autem calculi humorem quoque ostendit, à quo ortum habeat: solutio ex compositione, situq; membrorum.

CX.

Cur si caliditate calculus congelascit, calidi enim sunt pueri, similiq; ratione fit in senibus: Neq; enim tanta concedenda est frigiditas, quanta in glacie, niucq; sit: Extremum enim frigore renes demorerentur: Non contrarijs tamen ad frigiditatis solutionem, uerum similibus utimur, hoc est calidis, ut petroselino, feniculo, & eiusmodi: Disco igitur accidere, ut exustione, torrefactioneq; nimia calculus in harenulas exteratur: quemadmodum in testis, ut fictilibusq; uasis, cum supra modum torrefacta fuerint, harenæ proueniunt. Fitq; hoc pacto, ut exigui lapilli unà cum harenulis facile inter mciendam effluant. Euenit quoque nonnunquam ut frigida epota, facile calculus extrudatur, renibus uidelicet protentis ipsum fluxu nimio per excernendi uirtutem deijcientibus. Euenitq; præter hoc, ut im-

modicus

modicus renum ardor, cuius causa calculi congelascunt, à frigida extinguatur.

CXI.

Cur in renibus inq; urinae uesicae ulcerum difficilis curatio? Quia urina cum sit acris, exulcerat cicatricem, quā opportuna medicamēta obducunt. Magis autem in uesica insanabilia sunt, quod intra eam permanet urina. In renibus autem defluit.

CXII.

Cur in solijs calida aqua commota, calidior nobis, non frumq; ferè adurens corpus uidetur? Quia descendenti nobis appellens aqua, & ipsa patitur, hoc est, cum non frum ipsa excalfaciat corpus, & ipsa à nobis quodammodo refrigeratur. Didicimus enim, quaecunq; in generatione, corruptioneq; agant, ea quoque ipsa proculdubio pati. Quoniam igitur aliquo refrigerata pacto, non iam similiter excalfacit, manifestum est, assuefc iam nos, neque ipsam iam caliditatem sentire, quemadmodum à principio: quoniam immodica eius caliditas à nobis diminuatur, si ergo calidam mouentes, eamq; quæ cuti adhæserat transmittamus, aliaq; calida aqua sincerior accedat, nondum uidelicet, aut agens, aut à cute ipsa patiens, suamq; caliditatem immodicam seruans, merito nobis calida, exurensq; uidetur, quatenus & ipsa agens patiatur, suamq; remittat caliditatem, quemadmodum illa prior. Atque hoc per successionem fieri potest: quandiu enim calidam mouemus, tandiu semper ad nos accedens, re uera ipsa calida uidetur: propter q; id uulgus naturali motu, cum uult in solio corpus magis excalfieri, mouet continenter aquam, quoad uult.

CXIII.

Qua ratione, si quicquid mouetur, se se ipso calidius

fit, maximeq; in calido aëre, & loco, aër tamen cum uerberatur, atq; mouetur, frigidior nobis tactu uidetur, idq; uult maxime per æstatem, quo tēpore solis calor, multo ardentior est: Hoc uidetur contrariū superiori esse. Calida enim aqua, calidior nobis sollicitata uidebatur: Hoc autem loco frigidior calidus uidetur aër, cum & mouetur, & sollicitatur? Dico igitur usu hoc euenire, ut quod in re quæpiam plus est, aut qualitate, aut uirtute, uincat quidem id, & uertat, quod minus est. Modice uero & ipsum, quod fortius est, contra patiat. Calida igitur aqua, cum calida uehementer est, calescenti adhærens corpori, & ipsa contra refrigeratur, neq; iam eandem qualitatem seruat. Qui nos igitur circumdat aër, æstate modica, cum sit calidus ad aquæ calidæ similitudinem, ingruens in corpora, à nobis ardentibus, ob calidum anni tempus calfit quodammodo, atq; ipse nos cōtra calfacit. Quod & lineæ agunt uestes, quæ cum frigidæ prius essent, mox à nobis calfactæ, nos ipsos postmodo calfaciunt. Cum igitur aërem sollicitamus, transmittitur è corpore, qui à nobis præcalfactus aër fuerat, alter autem nondū, excalfactus accedit, qui nobis frigidus uidetur. Idq; per successionem fit. CXIII.

Cur, quæ in pupula oculi ulcera fiunt, cum exoleuere, alba uidentur, quæ uero extra pupulam in nigro oculi non item? Quia per solam pupulā uidendi spiritus exit, qui & perspicuus est, & lucidus. In albedinibus igitur ijs, quæ leucomata dicunt, cum cicatrix meatus conspisset, eius tunicæ, quæ cornea specie est, nō iam uidēdi spiritus exit, quo fit, ut magna deinceps copia cōtractus cicatricē illustret, eamq; calidam ostendat: quoniam uero ex uisus condensatione

tione spiritus non exit, euenit, ut non uideant. CXV.

Cur paleæ, & calidâ aquam, & frigidam niuem, hoc est aduersas inter se qualitates cōseruât? Quia palearū natura manifesta qualitate caret, unde & à nōnullis ἀπορία apœa hoc est qualitatis expertes appellantur. Cum igitur facile suapte natura confundi, cōmisceriq; possint, ocysime quibus adhæserint cōserunt, eorumq; ipsæ confusionē suscipiunt. Collato enim sibi calido calfiunt, idq; ipse contra recalfaciunt, atque cōseruant, similiterq; frige factæ à niue, eamq; ipsæ refrigerantes, frigiditatem eius cōseruant, quemadmodum, & cera, & oleum, quæ facile confundi possunt, suntq; item qualitatis expertia, cōserunt eorum qualitati, quæ cum ipsis admisceantur, quippe, quæ & eorum fusionem accipiant. CXVI.

Cur bruma per sudum clariora uidentur sidera? Quia & à uentis, & ab imbris, uel qui nos circumdet aër, uel qui altior sit, motu ipso extenuatus, & quodāmodo expurgatus puriorē sidereorū corporum conceptionē multoq; faciliore, ulterioremq; progressum uisui præbet: quod & in puris perspicuisq; fluuiorum aquis manifestò apparet. Multò enim puriora, clarioraq; uidentur, quæ in ijs corpora insunt. At in crassis & cœnosis, aut nullo modo, aut confusa transparent. CXVII.

Cur sæpe inter inieciendum horremus? Quia acris bilis defluens, atq; urinae uesicam mordicans uniuersum quoq; irritat corpus, atq; excitat ad eius particulae consensum, ut deijciendi uim modice offerat, atq; ita qui horror dicitur, effici solet, hoc uero pueris maxime accidit. Multo enim plura ob nimiam saturitatem excrementa sunt nati.

CXVIII. Cur noctu dolores magis intenduntur?
 Quia anima secum ipsa otiosa non iam, aut uisui, aut audi-
 ui, aut alijs huiusmodi sensibus intendit, neque quicquam
 agit, neq; ad externas actiones prouocatur, quo efficitur,
 ut multo plus corporearum perturbationum, tangendi
 sensu suscipiant: paucæ etenim per noctem animales ope-
 rationes existunt, quales sunt respiratio, & cogitatio.
 Animum uero cum ad externa per suas operationes pro-
 trahatur, corporeas perturbationes minus experiri mani-
 festo apparet, quando in luctibus, in aduersis ualitudinibus,
 inq; cæteris huiusmodi accidentibus, amicorum congres-
 siones, ac narratiuncule eorum qui sint affecti, perturba-
 tiones alleuant, atq; solantur. Animaduerte autem, natu-
 ram quidem in suis operationibus minus interdum agere,
 ut in ciborum concoctionibus, in humorum permutationi-
 bus, in sanguinis euocatione, in pullulandi, nutriendi, con-
 crescendi similitudinis, aliorumq; his similitu operatione.
 Animam uero magis agere in suis actionibus, ut in quin-
 sensibus, in motibus particularum corporis, in imagina-
 tione, in cogitatione, & memoria: contra uero noctu, ma-
 gis enim agit natura, minus anima. CXIX.

Cur utrum per brumam, cum quid uehementius cali-
 dum inijcitur disrumpi solet? Quia plurima frigiditate
 ex circumuente aëre, toto suo corpore affectum est. Cum
 igitur repente calidam, non præcalfacto uitro indimus,
 tum caliditas contrariam sibi frigiditatem proculdubio
 persequitur, illa autem unà cum spiritu ipso repente sus-
 giens, confractionem eorum corporum efficit, quæ intra
 utrum sunt. Dandum enim est, inesse & in uitro exiguos
 meatus;

meatus, qui subtiliorem aëra contineant, quos tametsi oculis, sensuq; non assequimur, natura tamen ipsa, req; uera inesse non diffiteamur. Alij uero dicunt, quod uehementer sit frigidum, id arefacere, atque, exasperare uitri corpus, unde efficiatur, ut quæ subtilior in eo pars sit, siue is humor, siue aër sit, extrudatur, & uelut ignescat, unde etiam confractioni, corruptioniq; idoneum euadat, quemadmodum & aridissima ligna. Sic enim & Hippocrates aiebat, uenas à frigido rumpi. Quod igitur uehementer est calidum, id eiusmodi uitri corpus inueniens, multo id magis arefaciens, ruptionemq; eius efficit perfractionem. Si ergo præmollitum fuerit, tum modice præcalfactum, nequaquam lædetur: quemadmodum & athletæ, cum sunt luctaturi, oleo à magistris, quos pædotribas uocant, præmolliuntur. Et qui uocem exercent, ut respirationis partes emolliant, peanissant. Etenim cum frigiditas in patenteis illos meatus incidit, facile unà cum spiritu profugit, & uitri mollitudo caliditati cedens, haud facile perfractionem subit. Esse autem in uitro meatus, uel è uasis testaceis patet. In quæ si aquam indas, atque hos pice linas, exudet tamen humor. Videre est autem & fiamum de uitri corpore, per brumam erumpentem, cum in ipsum aquam infuderis. Et uitrum confractum extrinsecusq; applicitum ei liquori, qui sit intus, qualitatem suam præbere.

C X X.

Cur pueri, maximeq; infantes, haud ita facile luxantur ut uiri? Quia ex mollitudine corporis solo terræ cedentes, resoluūt eius tensionem ac duritiem, ut ulterius agere non possit: uiri igitur cū duro sint corpore, quod aut terræ du-

ritati, aut lapidi resistunt, intentionem percussionis adau-
gent, lapidemq; ipsum cogunt in sese, utpote durioris, age-
re. Hac eadem ratione & spongia cedens non frangitur,
uitrum uero, aut testa, aut quod aliud eiusmodi durū cor-
pus casu confringitur. Hinc progrediens ē similitudine, di-
cere possis, Cur uenti motus uehementior, quercū quidem
deijcit, arundinem non deijcit? Quoniam quercus, utpote
dura, robustaq; & ingens uento resistens, eius uim inten-
dit: arundo uero, ut quæ mollis leuisq; sit, & exigua, cum
uenti flatibus huc, atque illuc cedat, eius uim resoluit. Eo-
demq; pacto luctator aduersario renitens, uim eius adau-
get. Cedens uero aliquādo, cumq; eo se unā circumagens
huc, atq; illuc citius eius tensionem soluit. CXXI.

Cur infantes nutricis canticum audientes uagitum fa-
ciunt, mox uero etiam dormiunt? Quia substantia musi-
cæ, quemadmodum & scientiæ, artesq; cæteræ animo sit
insita, quemadmodum & igni calor est insitus: quomodo
& Plato ait, Reminisci animum nostrum scientias, non
discere. Audiens igitur animus huiusmodi canticum,
qua quidem reminiscitur, quiescere infantes cogit, qua
uero oblectatur, in somnum allicit. Nam cum labe corpo-
ris minime sit infectus, scientias quasi perspicuas habet:
coinquinata uero in corpore, in illarum modicam obliuio-
nem delabitur. CXXII.

Cur nutrices cum somnum infantibus alliciunt, eos mo-
uent? Ut humores motu fusi, cerebrum moueant. Idem to-
lerare tamen non possunt adulti. CXXIII.

Cur nonnulli ebrij gemina uident? Quia oculorū mu-
sculi plus minusue repleti, atq; coipso languidi, oculos alte-
rum

rum sursum, alterum deorsum torquent: quo fit ut oculorum radij eodem pariter non tendant, sed in diuersa loca, atque corpora. Atque ita alteruter oculorum priuato cernendi utens officio, duplicem efficiat uisum. Id esse uerum uel inde apparet, qui enim digito alterum oculum terunt, sensimq; sursum trudent, gemina uidere coguntur.

CXXIIII.

Cur qui natura strabones sunt, gemina non cernunt? Quia oculorum peruersionem non illi quidem sursum deorsumue, sed dextrorsum, sinistrorsumq; habent, qui cum eum positum sortiti sint, qui in rectam lineam moueatur, duos radios in idem corpus concurrentes habent. Qui & unum colorem, qualitatemq; ad oculos referunt, quam & ei suscipiant.

CXXV.

Cur pubescentes pueri hirciunt circa annū quartumdecimum? Hirciunt. Quia tunc, quæ per humana corpora natura meat, plurimā, ac repentinā ætatis mutationē efficit. Cuius rei fidē operatio facit. Videre est enim foëminarū quidam augeri mamas propter lactis collectionē, tum ea loca, quæ circa coxā sunt, intra quæ permanere foetus possit. Virorum uero pectus, ac humeros, quibus imposita graui corpora sustineantur, testiculos præterea, intra quos & gigni, & permanere semen possit. Membriū quoq; genitalē, ut exire semen facilius possit. Vniuersum præterea dilatatur corpus. Quod & morborum mutationes indicant, & quæ solutiones circa annum quartumdecimum fiunt, & uocis asperitas, quæ branchus hoc est raucitas appellatur, sumpta uidelicet tralatione ex hircorum uoce in eum modum clamantium. Nam cum aspera alteria à

555 principio

principio dilatetur, accidit, ut qua magis, qua minus dilatetur, sitq; intus eius corporis superficies, uelut inæqualis usque ad ipsum guttur. Spiritus itaque per parteis illas exiens, ac ueluti offendens propter uie inæqualitatem, uocem quoq; inæqualem efficit, & asperam, & quodammodo raucam. Idem & ijs accidit, quibus in asperam arteriam destillationes defluunt. Fit enim defluente humiditate, ut levis intrinsecus membrana inæqualitate repleta, inæqualem spiritus exitum efficiat. Talem uero scito esse & hircorum asperam arteriam, ac guttur, humiditatis uidelicet abundantia. Itemq; eorum, qui plurimo olei potu utantur. Atqui illi quidem frequentibus, intensisq; clamoribus, atq; arterie asperitate, uocem quoq; inæqualem habere putantur. Gruibus uero, atq; ijs omnibus uolucribus quibus aspera uox sit, arterie à natura totæ asperæ datæ sunt. Post uero pubertatis annū hircuire pueri desinant: quia aspera arteria tota, planeq; dilatatur, ac naturalem æqualitatem accipit.

CXXVI.

Cur epotum oleum ciet uomitum, maximeq; flauæ bilis? Quia cum leue sit, quodq; ad supra feratur, nutrimenta ad stomachum prouocat, eaq; eleuat, atque suspendit. Atque ita ingrauat stomachus ciectiuam uirtutem ad uomitum citat. Atque in prunis flauam bilem, quippe & leuis, & subtilium sit partium, atque ita facilius sursum feratur. Ferri uero oleum sursum re ipsa patet. Cum enim humido cuiuspiam admiscetur, superiorem in locum excurrit.

CXXVII.

Cur solum oleum minime humidis admiscetur? Quia cum lentum sit, atque in semetipso constipatum, secari in parteis

parteis indiuiduas, atq; eo pacto reliquis humidis admisce-
ri non potest, quamobrem neq; cum in humum funditur,
cito eam subit.

CXXVIII.

Cur oleum quidem, atque aqua frigore constringitur:
uinum uero, acetum, & garus minime? Quia cum oleum
qualitatis sit expers confusioq; idoneum, cito friget, atq;
ita uehementer ut extrema quoq; frigiditate frigeat. Aqua
uero sua sponte frigida, facile, cum semetipsa frigidior fit,
congelascit. Garus autem utpote subtilium partium, &
calidus haud cito friget. Eodemq; modo & uinum: at
acetum utpote subtilissimarum partium congelationem
non tolerat.

CXXIX.

Cur contraria qualitatibus idem efficiunt? à frigido
enim pariter atque à calido humidum constringitur. Nix
enim & ius frigiditate congelascunt. Cataplasmata ue-
ro, & uesticæ calculi caliditate. Fit quidem id, sed di-
uersa actione: calidum enim depascitur, consumitq; hu-
miditatis copiam. Frigidum uero densitate nimia obtu-
rans, sordidam humiditatem exprimit, quemadmodum &
spongia manu pressa, quam intra meatus aquam habet,
abijcit.

CXXX.

Cur sæpe horror cessauit, cum quid formidolosum in-
cidit, ut fragor quem is audierit, qui laborat, ut cū repen-
tina aqua deijcitur? Quoniā sæpenumero humoribus tē-
pore digestis, atq; attenuatis, naturalis omnis calor uehe-
menter simul, ac repente à cute in corporis intima fugiēs,
morbificum humorem consumens resoluit. Idē & The-
riaca facit, eorumq; quāplurima, quæ calida, siccaq; sunt
specie, cum post concoctionem sumuntur.

CXXXI.

Cur

Cur qui se circumagunt, neque id agere tamen consueverunt, ut plurimum decidere solent? Quia animalem spiritum qui sit in cerebro conturbari cogunt, eumque humilitatibus unà conuolui. Is deinde cum minus idoneus ad animalem uim suspiciendam sensituiam uidelicet, atque motuiam efficiatur, non sinit actionem in musculos nervosque permeare? Quo fit ut corporis pondus, ut quod neque uehatur, neque sustentetur ab anima, feratur ad terram, ad quam uergit, propterque id ipsum, et tenebras uident, quoniam uidendi spiritus conturbatus sit, neque pariter atque sensus reliqui operetur. At his, qui sensim circumagi consueverunt, raro id accidit. Facit enim consuetudo, ne quasi peregrinae inter se sint anima, atque natura, sed tempore quodammodo concilientur: quod enim paulatim continenterque fit, sensum latet, atque ubi plurimum euasit, iam non ut peregrinum in ea incidit, quae eum suscipere consueverunt.

CXXXII.

Cur uitrea specula ualde splendent? Quoniam albo plumbo intrinsecus linuntur, cuius natura lucida est, quae cum uitro, quod et ipsum splendidum est, admisceatur, multo magis lucet, suosque radios per uitri meatus transmittens, duplicat quod in superficie, atque extra uitri corpus est, atque inde magnopere fit lucidum.

CXXXIII.

Cur in speculis, inque perspicuis aquis, nos ipsos uidemus? Quoniam qualitas aspectus ad splendida corpora magna ex reflexione rursus per oculorum radios, ad sui ipsius spectaculum remigrat. Migrare autem qualitates à facie, neque esse id absurdum, et ij ostendunt, qui iuxta arbores manent, quod uiridi aspectu esse consueverunt. Viridis

ridis enim qualitas uiridium foliorum ad ipsam faciem de-
migrat. Similiter & in aquam fluentem migrans, eam
quoq; uiridem ostendit.

CXXXIIII.

Cur puræ speluncæ, & altissima loca, atq; pura, uocis
imaginem gignūt, ac remittūt? Quia & hæc quoq; loca,
ex reflectione ictum remittentia, soni imaginem edūt. Ver-
berat enim uox aërem, aër uero locū, qui quo magis uer-
beratur, eo magis uerberat, eoq; uehementiorē uocis effi-
cit sonū, humida uero loca, & ueluti molliora, ictui cedē-
tia, cumq; resoluētia, imaginem minime edunt: pro quali-
tate autem, & quantitate ictus, ac uocis, redditur qualitas,
quātitasq; eius imaginis, quæ Echo appellatur: hæc prauē
nonnulli deam quandam esse fabulantur, alij Pana dicunt, Echo.
Pan.
eius amore captū, quod proculdubio falsum est. Vir enim
quidā sapiens fuit, qui primus & cupijt, & peruestigauit
eius causam uocis intelligere: atq; ut qui amant, neq; po-
tuntur, iniquo animo serunt: eodē & illo pacto, dum eius
solutionē causæ inuenit, ægre habebat. Quēadmodum &
Endymion, qui primus lunæ cursum inuenit, uigilās no- Endymion.
ctes, eiusq; cursum animaduertēs, & motū inquirens, in-
ter diu dormiebat. Fabulatur igitur amatum esse à luna,
eamq; ad ipsum dormientē accessisse, quia sui ipsius causæ
solutionē philosopho quasi tradidit: quin & pastore fuisse
tradūt, quod in desertis puris, atq; altis locis eius motū
suspiciebat. Et ei cōpactā fistulā tribuunt, quòd loca edi-
ta ut plurimum perflantur, uel quòd figurarum cōsonan-
tiam inquirebat. Similiterq; Prometheus, cum sapiēs esset, Prometheus.
fidereaq; aquilæ causam peruestigaret, naturamq; eius,
ac situm, cumq; discendi cupiditate ueluti exederetur,
tum

tum demum quieuit, cum ei Hercules dubitationem omnē sua sapientia soluit.

CXXXV.

Cur aqua stans, quæ in superficie, nō autem in profundo terræ sit, lapide per eam iacto, multos circulos efficit? Quia iactus eius intensione à quavis sui corporis parte procul aquā lapis persequitur, atq; ita circulus fit, quousq; uidelicet pertinet iactus descensio. Quod si in modica sit intensio, & circulus maior fit: descendēs autē usq; ad terram lapis, ipsamq; deinceps aquam corpore trahens, multos merito circulos efficit. Primo enim superficie aquæ mouens diducit, tum per ipsam perpetuo descendēs ad profundum, rursus diuidens aquā, & alium efficit circulum: atq; hoc per successionē fit, donec lapis constiterit, ac requirit. Quoniā uero lapidis intensio eo descendēte paulatim remittitur, necesse est posteriorem quenq; circulum priori contractionem esse: Quoniam & à lapide similiter ictu ipso aqua diuiditur.

CXXXVI.

Cur risum multi è liene oriri putant, asserentes nō similiter risu uideri affectos, quibus lien uitatus, ut quibus integer sit: imo uero illos magnopere tristes esse? Equidem ex accidēti arbitror, nō proprie risus causam in liene consistere: Nā si ualeat, trahit ex iccore fecosum omnē, & melancholicum humorem: quo fit, ut cum purus, defecatusq; sanguis, cum per uniuersum corpus, tum in cerebri permisceat, naturā sinul, animamq; oblectet, atque instar uini eas exhilaret, & in tranquillitatem ducat, atq; imo risus ab ea moueatur.

CXXXVII.

Cur mule non pariunt? Quia è diuersa animantium specie constant: tum differentiū qualitate, & natura seminum

nam immixto, aliud quiddam gignēs, præter id, quod est prius, & eorum quæ genuerit, naturā abolet. Quemadmodum & candidi, nigriq; admixtio extremorū colorem abolēs, colorē alium, qui est fuscus generat, qui nihil extremorum omnino est. Generatrix igitur qualitas abolita est, & formarum aptitudo.

CXXXVIII.

Cur qui natura surdi, iidem & muti? Quoniam quæ non audierunt, dicere, exprimereq; non possunt. Quidā uero medicorū dicunt, unam esse neruorum coniugationem, quæ ad linguā, quæq; ad aureis pertineat: quo fit, ut affectuum quoq; consensus ijs accadat: qui autem ex accidenti sunt muti, surdi omnino non sunt: localis enim oritur neruorum passio.

CXXXIX.

Cur qui ieiunii diutius fuisse, sumpto mox cibo rigēt? Quia cibi sumendi interuallo, bile redundant, atq; ita acidum humorem coaceruant. Post cibum igitur particule illæ corporis resotæ, bilem ab se in cutem abigunt, atq; ita rigor oritur, bile uidelicet particulas ipsas mordicante, atq; ad se persequendum excitante.

CXL.

Cur sues sursum spectantes silent, cum baiulantur? Quia supra cætera bruta ad humum semper uergunt: Fetore enim delectantur, cumq; requirunt. Ergo in repentina illa aspectus mutatione, ueluti peregrinæ sunt, atque hospites, plurimoq; lumine attonitæ silentium perferunt. Quidam dicunt asperam arteriā, quæ angusto meatu fit, resupina ipsa figura coire.

CXLI.

Cur sues fimo delectantur? Medicorum quidē sententia, eo naturaliter delectantur, habent enim maximū iocur, in quo & cupiditas inest. Aristoteles autem rostri amplitudinem

plitudinem in causa esse putat, habet enim resolventē sese
olfactum, & cū foetore ueluti confligentem. CXLII.

Cur conualescentibus ulceribus, & pituitate cessante
pruritus oriuntur? Quia sanata, & consolidata pars, re-
liquias persequitur humoris, qui contra naturam inest,
quicq; ulcus effecerat: Atq; ita per cutem exiens, seseq; re-
soluens pruritum efficit. CXLIII.

Cur qui affectus alterum tantum oculum infestant,
grauiores, diuturnioresq; sunt? Duabus causis: quoniā flu-
ctio ad unum tantum oculum coaceruatur: quidquid enim
in plura diducitur, fit seipso imbecillius, minusq; agit,
quoq; id magis fit, eo inefficacius euadit. Vel quia cum
sese sanus oculus in suis actionibus mouet, & egrotum
oculum toties moueri cogit. Scimus autem maximum cuius
iusus egrotæ partis medicamentum in quiete ipsa consi-
stere. CXLIIII.

Cur homo magis frequentiusq; & uehementius quā
bruta sternuit? Quia copiosiori magisq; uario alimēto po-
tuq; idque ultra satiem utitur, quod cum minime conco-
quat, ut par est, multum congregat spiritum ob multam
humiditatem: is ergo utpote subtilis ad cerebrum ascen-
dens, cogit frequenter ad excretionem excitari, sternutæ-
mentumq; efficit. Sonus igitur fit, quia per narium angus-
tias uehemens spiritus meat: ut per sedem uētris crepitus,
per stomachū ructus, per guttur uox, per aures sonitus,
similiterq; per intestina immurmuratio illa, quæ borbo-
rygmus appellatur. CXLV.

Cur mortuorum capilli, unguēsque ad tempus aliquod
augentur? Quia marcente carne, quæ partes circa eorum
radices

radices occuluntur, nūc apparent, atq; decipiūt, imaginatiōemq; affrūt, quasi creuerint. Alij re uera dicūt augeri, quia hæc ab excrementis ortū habere soleant. Cadauera autē in excrementa quā plura à principio, propter accedentē putredinē resoluūtur, hæc autem & per medullas, & per corporis extrema, unā cū corpore ipso excrementa supradictorum ortum adaugent. CXLVI.

Cur in digitis manū potius quā in pedibus utiliginum species eæ, quas leucas uocāt, oriuntur, puerisq; magis quā perfectis? Quia ortū ex pituitæ excremento habent. Pituita autē pueri utpote edaces ac pigriores, magis abundant. Pedū uero ungues, motu deambulationeq; magis exercentur, excrementaq; resoluunt. CXLVII.

Cur pili in pedibus haud cito canescūt? Eadem ratione, pedes enim frequēti, intensaq; ambulatione, quod in se decurrerit pituitatis excrementū resoluunt, id autē canos gignit. Pubes autē & ipsa sero canescit, quia calida natura est, atq; in coitu pituitam resoluit. CXLVIII.

Cur quā plura animantia caudas motant, cum nos agnoscunt: Leo uero etiam latus uerberat, cū irascitur, eodemq; modo taurus? Quia tergi medullam ad caudam usq; pertinentem habēt, quæ in se motuam, animalemq; uim cōtinet. Anima igitur quod sibi motū est agnoscens, ueluti manu aliqua, ut in hominibus cuenit, caudam motare cogit, quæ manifestō ostendat eius intra se uim occultam inesse, quæ quod oportet agnoscat. In leonum uero, ac taurorū excandescētia consentit natura animæ, eamq; uehementius moueri cogit: quemadmodū & homines manus ipsi suas, aliam uel corporis partem sepe irati

t t uerberant.

uerberant. Cum enim nequeat anima, quod se lædat ulci-
sci, statim alio sibi modo solatium excogitat, suumq; affe-
ctum ictu, percussioneq; curat. CXLIX.

Cur si exusta, & sicca hordea ulceribus equorū impo-
nantur, nō iam albus cicatricibus pilus, sed reliquo conco-
lor innascitur? Quia ciciendi uim habet, abstergūtq; &
resoluant insidens pituitatis excrementum, atq; inuilem
omnem operationem, quæ propter ulceris cruditatē, pro-
pterq; eius partis imbecillitatem coacta fuerit. CL.

Cur in hominum ulceribus pilus haudquaquam inna-
scitur? Quia hominum cutis spissa est, argumentum pilo-
rum tenuitas, ac mollities. Cū uero cicatrix cute ipsa sit
conspissatior, meatus occæcat. Equis autē, quod ad com-
parationem pertineat rarior est, argumentū crassior pi-
lus. Quapropter minime ijs meatus totus in cicatricem
occluditur. Subsidentia uero, & cōgregata excrementa,
cum per tenues illos meatus, qui supersunt erumpāt, con-
crescunt, & pilum gignunt. CLI.

Cur quos dipsas momorderit, sitiq; sint intolerabili af-
fecti, eis epota theriaca, quæ sicca, calidaq; est, sitim se-
dat, nō autē magis incendit? Dico igitur, nō qualitatis ra-
tione sitim sedare, sed mutuo quodam cōsensu, ac ratione
naturali. Id est huiusmodi Antidotus, quæ plurimis ex her-
bis cōponitur, quæ consensum aliquē cum singulis corpo-
ris partibus habeāt: uelut Dictamū proprietatē quandam
aduersus cor habet, ipsumq; confirmat, & seruat, Eupa-
torium uero, cum iecore, Scolopendrium cū liene, Petro-
selinum cum uentris orificio, Hysopus uero cum septo,
& cum pulmone, Helcnium uero cū renibus, Ruta cum
collo,

collo, Gentiana cum cerebro, Sefeli autem cum uessica tori-
næ. Vnum quodq; igitur horū mellis dulcedine allectum
trahit, quod sibi propriū ad tutelam est. Inter quæ omnia
sunt & uiperarum immixtæ carnes, quæ naturalem
quendam mutuū affectum habent, quam antipathian di-
cunt, aduersus quoduis uenenosum animal corruptibilēq;
uirtutem. In singulas igitur parteis distributi, affectum il-
lum, qui corruptionem minetur, agere non sinunt. Repu-
gnant enim ceu legitimi quidam milites, qui pro sua ipso-
rum patria arma ceperint.

FINIS.

PETRVS CRINITVS IO. FRAN

cisco Pico Mirandulano Principi, S. D.

HAftenus in eo fuit Mirandule princeps, ut Politiani
problemata ex Alexādro Aphrodisæo, putauerim
supprimēda potius quā in uulgus emittēda. Neq; id adeo,
quod opinatus sim unquā haud ita parū in illis Politiano
elaboratū. Sciebam quidem, qualiscūq; sit his demum ge-
nius, ob id latinis tradita, ut legi: cōposita, ut probari pos-
sent: quanquam enim legēt hæc quidem, ut litigent, multi
magis ut improbent. Quibus & plerunq; consentiūt im-
probi: Probi non idem. Verum cum id opus à Theodoro
Gaza primum, quod tū in pontificis bibliotheca, tum ali-
bi uisitur. Deinde à Georgio Valla diu post sit interpreta-
tū, ueritus sum, ut dignū satis operæ precii uideri posset,
si tuis quasi auspicijs in lucē, conspectumq; promeretur.
Sed uentum ad id est, ut omnem in hoc ego lapidē, ueluti
in causa mos olim cōiecturali, amouēā, id & ueterū adeo
t t 2 exemplis,

exemplis, & Ioannis Maynardi suafu, Hic enim, qua est
 in philosophiæ sacris, uel auctoritate, uel religiōe, fecit,
 ut bonis me iuuenibus consultum iri putem, si labor hic
 quoq; Politiani uelut ex asse rependatur, quin & studio
 forum ingenia ex collatione multiplici, uariaq; interpre-
 tatione certius in his quiddā, & ut dicebat Hieronymus
 excultius assequeuntur. Iam uero in expedito, & ad manū
 sit, hoc æque ab antiquioribus factitatū cognosse. Siquidē
 Arati Phenomena M. olim Cicero ciuibus suis latina ex-
 hibuit, sequuti mox eū, ut alios mittam, Germanicus Prin-
 cept, ac Sextus ipse Ruffus, quibus hic idem labor excu-
 buit, & in gratiam latini sermonis exsudauit. Sed & Pla-
 tonis quoque libri aliquot, Tam à Lucio dicuntur Apu-
 leio, qui Milesiam lusit fabulam, quā à Boëtio mox Se-
 uerino in latinum conuersi, pari ferme labore, & cona-
 tu, dissimili tamen stilo, & oratione. Essent & aliorum
 permulta exempla, sed ita contemno in his auctoritatis am-
 bitum, ut uideri quandoq; malim à causa destitutus. Mul-
 to futurum potius princeps optime, ut ad quæstiones ac-
 cedamus. Theodorus igitur Gaza, uir (ut doctis uisum)
 doctissimus, & ut homo Græcus, iudicio summo, nullo pa-
 cto credebatur Problemata ipsa Alexandro illi Aphrodi-
 seo adscribenda, qui Aristotelis opinionum mirificus fue-
 rit speculator. Quippe & stilus ipse non idem, ac sensus
 quoque, cum de animis præcipue agitur, haud ita conso-
 nant. Nos uero ut id scimus receptum plerisque hæte-
 nus pro Alexandri opere, ita posthac id ipsum liberum
 uolumus opinaturis, Cæterum quod ad Politiani perti-
 net interpretationem, tantum pro tempore illud admo-
 nuimus,

maxim, Politianum ipsum, si paulo plus in humanis egisset, multa fuisse, uel his additurum, uel inducturum: omnino pleniora essent hæc omnia, decoctior aq̃. Iam nec illud humanissime Princeps omiserim, quòd oracula quoq; ex Hippocrate, cum Claudij Galeni commentarijs (ita enim τὸν ἀφορισμὸν appellabat) latini homines legerent. Nam & pars adhuc aliqua extat, ac plurimum in ea re laboris, & uigiliarũ, quod is olim mihi referebat, exhaustum. Sed hunc laborem quidam è charis supplerunt. Parũ moror, si & illud in calce Plutarchi Cheroneſis amatorias adiecimus narrationes ad Pandulfum Collenucium, qui adeo Politianũ suspexit, adeo eruditionem eius obseruauit, ut nostrũ quoq; studium (quid hoc enim negem?) propemodum, ut alumnũ se agnoscere profiteatur. Vale. Kalendis Aprilis. M. cccclxxxvij.

Florentiæ.

ANGELVS POLITIANVS

Pandulfo Collenucio Pisaurensi iurecon-

sulto. S. D. P.

Memini te, cũ Alexandri Aphrodisæi problemata, quæ nos è græco nuperrime sumus interpretati, lectitares, eius nouitate fabulæ delectatũ, quæ Erinnyn furiam à Cupidine amatam cõfingeret, quoniã peruerse quidam nimium (ut ipse inquit) impièq; amarint. Quare cum quædam Plutarchi amatorie narratiunculæ in manus inciderent, quæ id ipsum perspicue declararẽt, eas tuo nomine subcisiuis horis latinas feci. Quĩ enim tibi negarem, quod tam amanter, tam ingenue peteres, ut tibi aliquid è græco breue egregiumq; transferrẽ, quod amoris nostri

monumentū, ac pignus extaret? Quare (ut Catullus ait) habe tibi hoc, quicquid est libelli, atq; hoc nunc quidem, alia cum licebit. Tu uale, & principis tui uirtute benignitateq; fructe, nos concessō nobis à Laurentio Medice Fesulano ocio, uel his temporibus fruimur: neq; enim uir ille aureus passusest, ut musis nostris, quæ in suo gremio creuerint, aut uestra ista classica, aut pestilentiae fragor obstreperet. Fesulus nonis Sextilibus. M. cccclxxviij.

P L V T A R C H I C H E

RONEI AMATORIAE NARRATIONES, Angelo Politiano interprete.



NALIARTO Boeotiae urbe, puella quaedam fuit forma praecellens, Aristoclea nomine, Theophaniscuiusdam filia. Hanc duo amabant iuuenes, Strato Orchomenius, & Callisthenes Aliartius. Ditiore Strato erat, multoq; magis puellae amore incensus: Namq; eam forte fortuna in Lebadia uiderat, cum sese illa in Hercyna fonte commodum perlucet, Erat enim Ioui regi sacra cistam latulura. Incertus quid ageret Theophanes (metuebat enim Stratonem, ut qui & opibus, et genere omnibus ferme Boeotij anteiret) eius optionis Trophonium consulere cogitabat. At Strato, cum a uirginis domesticis, magis ad sese illam, quam ad Callisthenem uergere persuaderetur, operam enixe dabat, ut puellae ipsi coniugis optio daretur: ut uero Theophanes palam omnes natam interrogauit, Ea q; Callisthenem

nem maluit, continuo apparuit iniquissimo Stratonē animo tulisse. Post biduū igitur Theophanē, Callisthenēq; adiit, affirmās uelle se amicitia aduersus eos initam seruire, tametsi nuptias deus sibi aliquis inuiderit: laudant illi, eumq; ad nuptiarum epulas uocant. Magnam uero is sociorum, ac ministrorū instruit manu, eosq; omneis inter ipsam turbam aliū alibi dispersos, ac ueluti latentes esse iubet, donec puellā de more ad fontem, qui Cnisoēssa uocatur, descenderet, ut uidelicet nympharū sacris, quae Protelea uocēt, operaretur. Tum facto impetu, qui in insidijs erant dispositi puellā corripunt. Ibi eam Strato ad se trahere, Callisthenes contra (ut decuit) retrahere ad se: idem & utriusq; socij, pro se quisq; obnixte agere, donec puella inter repugnantium manus dilacerata, exanimataq; est. Callisthenes igitur continuo ex omnium sese oculis abstulit. Neq; postea compertum cuiquam, interemerit ne se, an profugus Bæotia exularit: Strato autem in omnium conspectu supra ipsam uirginem ferro se iugulauit.

C V M Phidon quidam Peloponnesiorum principatu insidiaretur, Arguamq; urbem, quæ sua patria esset, reliquis omnibus imperitare uellet, dolum primo Corinthijs intendit: Misit enim qui ab eis nulle adulescentes, cum ætatis uigore, tum fortitudine præstantes peterent. Mittuntur igitur, Dexandro duce, Cum itaque in animo haberet Phidon, insidiari ijs, ut Corinthiū imbecilliores efficeret, eaq; suo arbitrio uteretur: (Id enim unū totius Peloponnesi ueluti propugnaculum esse intelligebat) rem omnem cum socijs quibusdam communicat. Inter eos, & Abron quidā fuit Dexandri hospes, is ei insidias aperit:

quo effectum est, ut ante insidiarum tempus Corinthiam omnes incolumes discesserint. Vestigabat Phidon eius arcani proditorum, omniq; in id conatu incubebat. Metuens uero Abron, una cum coniuge, ac domesticis Corinthum migravit: atq; in Melisso, qui uicus est agri Corinthij, habitauit. Ibi & filium suscepit, cui à loco nomen Melisso
 Aæxon. fuit. Huius autem Melissi filius fuit Aæxon, forma pariter, atq; modestia inter æqualeis excellens. Eum quoniam plurimi amantur, sed omnium ardentissime Archias ex Heraclidarum genere, qui cum diuitijs, tum potentia Corinthijs omnibus anteibat. Is cum persuadere adolescenti frustra tentasset, ad uim animum adiecit. Profectus igitur comes fabundus ad Melissi ædes, amicorum, ac domesticorum magna stipatus caterua, puerum abducere tentabat. Renitente igitur patre, unaq; secum, & uicinis, qui concurrerant, miserum illum ad se retrahentibus, in repugnantium manibus Aæxon discriptus est. Ita domum quisq; digressi. At Melissus pueri caduer in forum illatum, miserabiliter ostentare. Simul supplicium de sceleris autoribus efflagitare. Miserabantur quidem omnes senem, præterea tantæ agebant nihil. Cum itaq; re infecta domum redisset, obseruato celebritatis Isthmiacæ tempore, conscenso Neptuni templo, Bacchiadas implorabat, patrisq; sui Abromis beneficia commemorabat, inuocatisq; dijs, præcipit se de templo iecit. Haud multo post, æstus quidem ingens, ac pestilentia urbem inuadit. Consultum igitur de ciuitatis salute oraculum respondit, Neptuni illam esse iram, non quieturam donec Aætonis mortem uindicareint. His Archias auditis, (namq; is oraculo intererat) Corinthum quidem nunc

nime redijt, Sed in Sicilia nauipræuectus, Syracusas con-
didit, cūq; ibi duas filias suscepisset, à Telepho cuius flo-
rem ætatis decerpserat, quiq; in Siciliam secum naviga-
rat, per insidias est interemptus,

Vir pauper Scedafus nomine, habitabat in Leuctris,
qui est Theſpiæſis agri exiguus pagus: huic filie duæ fue-
runt, Hippo, & Miletia, siue (ut quidam aiunt) Theano,
& Euexippa. Erat autē Scedafus uir probus, atq; aduer-
sus hospites perhumanus, tamen si ille haudquaquam mul-
ta possidebat, Cum ad eū igitur duo Spartani adulescētes
acceſſissent, perlibenter accepti sunt. Exarſerūt illi uirgi-
num amore, quoq; minus quid auderēt, Scedasi probitate
prohibebantur, perrexerunt igitur in Pythonem, quo ui-
delicet iter instituerāt: consultoq; (ut res tulit) deo, domū
regrediebantur, factōq; per Bœotiam itinere, in Scedasi
rursus domum se recipiunt. Is forte fortuna per ægre abe-
rat, sed eius filie eos de more accipiūt, qui cū puellas in-
custoditas offēdissent, uim in eas faciunt, quas cū supra
modum excepta cōtumelia sese miseras affliſſanteis uide-
rent, ambas interficiunt, iactisq; in puteum cadaueribus,
abeūt. Reuersus Scedafus, puellas quidem nusquam uidet,
cinnia uero, quæ relicta à se forent, salua offēdit, incer-
tusq; diutius rerum omnium perſtitit, donec admurm-
rante catella, & nunc ad se cursitante, nunc ad puteū fre-
quentius redeunte, coniecit id, quod erat, atq; ita filiarū
corpora extraxit. Cum uero ei uicini dicerent, uidisse se,
qui eius domū pridie eius dici ingrederentur Lacedæmo-
nios illos, qui & superioribus diebus apud eū ipsum di-
uertissent, transactū ab iisdē facinus proculdubio intelle-

xit. Nā & superioribus diebus sæpe ipsas puellas laudabant, quicq; eas desponsaturi essent, beatissimos prædicabant. Lacedæmonē itaq; proficisci statuit, remq; omnē ad Ephoros deferre. Sed cū ad Argiuorū peruenisset agrū, noctu præuentus in diuersorio resistit. Ibi & senē alium offendit Orei ciuē, quod in Estiæatide agro oppidū est. Quem cū & gementē, & Lacedæmonios diris agentem uideret, interrogauit, Ecquo nā is malo à Lacedæmonijs esset affectus? Narrauit ille subditū se esse Spartanorum ditioni, mīssū uerò in Orcum, qui magistratu fungeretur Aristodemum, omni prorsus crudelitate, atque iniquitate usum esse. Nam cū (inquit) filiū meū amaret, neq; precando quicquam, pollicitandoq; efficeret, ad uim conuersus, cum de palæstra rapere aggressus est, prohibēte uero id palæstræ magistro, ac nōnullis adulescentibus opē ferentibus, statim quidem Aristodemus digressus est: postridie autē instructa triremi adolescentē rapit, atq; in ulterius littus trauctum uiolare nititur, fortiusq; reluctāntē gladio iugulat. Tum in Oreū regressus cōuiuium celebrat. Ego uero interim facinus indignū audio, natiq; corpus humi mando. Tum Spartam contendo, remq; omnem ad Ephoros deferro, cuius illi rationē prorsus nullam habuerunt. His Scedasus auditis, uehementer perturbatur. Nā & sui rationem nullam habitum iri existimabat: ita uicissim hospiti suam calamitatem narrat. Cohortatur ille, ne ad Ephoros accedat, sed in Bœotiam redeat, liberisq; suis tumultum condat. Minime id tamen Scedaso persuadet. Pergit igitur Spartā, atq; Ephoros conuenit. Neglectus ab his, Reges adit. Mox populares singulos ambiciens,

ens, suam calamitatem conqueritur: Quæ cum omnia frustra cecidissent: Tum uero Scedasilus median per urbem currere, manus ad solem tendere, tum ferire humum, furias inuocare, postq; hæc omnia, sibi mortem consciuit. Haud multo igitur post, poenas Lacedæmonij dederunt. Nam cum uniuersæ Græciæ imperitarēt, omneisq; urbes præsidij firmassent: Thebanus Epaminundas, quotquot suæ urbis præsidium tenerent, ad unū trucidauit. Insurgentibus uero in bellum Lacedæmonijs, occurrunt Thebani ad Leuctra, loci uidelicet auspiciū captantes. Nam & antea eo ipso loco libertatē recuperarant, quo uidelicet tempore Amphyction à Sthenelo in exiliū pulsus, in Thebanorū urbem confugit: qui cum Chalcidenses uelleges fecisset, tributū immunes Thebanos reddidit: quippe qui Chalcodontē Embœensium regem interfecerit. Fusi igitur, caesiq; ad unum Lacedæmonij omnes ad ipsum natarum Scedasi monumētum. Ferunt autem priusquam in pugnam prodiretur, Pelopidæ uni ex Thebani exercitus militibus, signis quibusdam, quæ aduersa putarentur, ex terro Scedasum in somnijs uisum, qui bono esse animo iuberet: uenire enim in Leuctra Lacedæmonios, suppliciū sibi suisq; natabus persoluturos: simulq; iuberet, ne ante in pugnam prodirent, quàm egiā candidum pullū, qui paratus afforet, ad uirginū sepulchrū immolarent: Pelopidam uero militatibus adhuc in Tegea Lacedæmonijs, misisse in Leuctra dicunt, qui de eo sepulchro anquirerent, req; omni ab indigenis comperta, optima imbulum spe, eduxisse exercitum, atq; ita uictoriam reportasse.

PHOCVS Bæotius quidem genere erat, utpote ex Clisante:

Clisante:unicam hic filiam habuit forma atque modestia
 præcellentem. Triginta illam Bœotiorum primarij adu-
 lescentes, uxorem sibi quisq; postulabant. Phocus uero
 alias ex alijs, nuptiarum moras neclebat, metuens uide-
 licet, ne qua uis inferretur: postremo rogantibus illis,
 Pythium dixit eius se optionis consulturum. Id illi audi-
 tum ægerrime tulerunt, Phocumq; ipsum factò impetu
 interemerunt. In ipso autem tumultu fugitans puella, per
 agros errabat, sequebantur uerò adulescentes. Sed cū ea
 in agricolas incidisset, qui triticum in area coaceruarēt,
 salutem per eos consequuta est: occuluerunt enim ipsam
 agricolæ in tritico, atq; ita à persequentibus transmissa
 est. Quæ cum euasisset, celebritate, quæ Bœotijs omnibus
 communis foret, obseruata, Coronam profecta, ad Ito-
 nie Mineruæ aram supplex confedit. Ibi procorum ini-
 quitatem narrans, nomen simul cuiusque, ac patriam edo-
 cebat. Miserabantur itaque Bœotij puellam, atque adu-
 lescentibus succensebatur. Ei uero, cum hæc audissent, in
 Orchomenum confugiunt, à quibus repulsi ad Hippotas
 abierunt, qui uicus prope Heliconem inter Thebas, &
 Coronæ situs erat. Ab his igitur suscepti sunt. Post hæc
 mittunt Thebani, qui Phoci interfectores sibi dedi postu-
 lent. Quod ubi minime impetrant, bellum eis Thebani
 unâ cum cæteris Bœotijs inferunt. Eius belli Imperator
 Phœdus fuit, qui tum Princeps Thebanorum erat. Ex-
 pugnato igitur uico munitissimo, quiq; intra ipsum erāt,
 ad extremam sitim redactis, comprehensos Phoci inter-
 fectores comburūt, indigenas uero ipsos in seruitutē ab-
 ducunt, dirutisq; moenibus, ac domibus, agrum Thebani
 inter

inter se, Coroneiq; diuiserūt. Fertur uero nocte ipsa, quæ Hippotarum captiuitatem præcesserit, uocem sæpius ex Helicone auditam, quæ diceret, adsum: procos autem triginta uocem illā, ut quæ Phoci esset, agnouisse. Quæ uero die ad bellum prodierunt, monumentū senis, quod in Clisante foret, Croco fluxisse traditur. Phædo autem Thebanorum Principi, atq; Imperatori à pugna redeunti nunciatum, filiam sibi natam, quam ille, accepto auspicio, Nicostratam appellauerit.

Alcippus genere quidē Lacedæmonius erat, ducta uero Damocrita uxore, binos ex ea scæminei sexus liberos suscepit. Is cū & optime ciuitati consuleret, & ea ageret, quæ esse è Repub. intelligeret, inuidiā in se corū concitauit, qui aduersas ei partes in Repub. fouerent, à quibus falsis sermonibus persuasi Ephori, uelle Alcippum leges dissoluere, exilio uirum mulctarunt. Exiuit ille quidē Sparta. Damocrita uero uxor, quæ se uiro comitem, unā cum filiabus præbere uellet, prohibita est. Quin & eius bona publicarunt, ne dos uirginibus superesset. Sed cum nōnulli puellas sibi ob paternā uirtutem uxores postularent, senatusconsulto ab inimicis prohibiti sunt uxores illas accipere, quippe qui de ipsarū matre uotum dicerent auditū, ut sibi quā ocyssime liberi ex natis orirētur, qui patrem uindicarent. Cū igitur undecunq; Damocrita impugnaretur, communē quandam totius populi celebritatem obseruauit, ad quam mos erat, ut unā cū uirginibus, domesticisq; omnibus, atq; infantibus mulieres conuenerent: quæ uero ex nobilitate essent, scorsum ipsæ à cæteris, in magno quodam androne pernoctabant. Ibi illa gladio

dio sub uestem accincta, comites secum filias educit, noctuque in templum proficiscitur, obseruatoq; tempore, quo omnes mysterio interfarent, cū oclusæ fores essent, magnam lignorum uim ad eas constipauit, quippe quæ ad manum, præstoq; foret, ad sacrorum usum conuecta. Tum ignem inmisit: accurrentibus autem auxilio uiris, filias ipsa suas, tum sese ipsam Damocrita gladio interfecit: quapropter cū minime haberent, in quos iram effunderent, extra fines Damocritæ, natrumq; corpora proieciunt. Quamobrem irato deo. Ingens ille traditur Lacedæmone terræmotus extitisse.

FINIS.

MAGNIATHANA

SII IN PSALMOS OPV=

sculum, Angelo Politiano interprete.



Q^UONIAM quidem scriptura diuina magistra est & uirtutis & ueræ fidei, sed liber Psalmorum habet etiã quodammodo imaginem status animarū. Vt enim qui adit regem, prius ipse habitum uerbaq; componit, ne forte imperitus habeatur: Sic diuinus hic liber currentes ad uirtutem, & eos qui uitam saluatoris in corpore cognoscere gestiunt, admonet prius per lectionē motionum omnium, quibus anima afficitur, deinde de uarijs format instruitq; sermonibus. Potest igitur unusquisque in Psalmis motum statumq; animæ suæ deprehendere, atq; ita figurā quāsq; disciplināq; suam quibusq; uerbis placere deo possit. Et quibus uerbis sese corrigere ualeat,

beat, & deo agere gratias. Ne si præterquam fas est dicat, incidat in impietatem. Non solum enim de operibus, sed de omni ocioso uerbo reddenda apud iudicē ratio est.

Si igitur beatū aliquem dicere uelis, habes quomodo, & quamobrē, & quem dicas in psalmis. j. Beatus uir qui nō abiit. xxxj. Beati quorum remissæ sunt. xl. Beatus qui intelligit super egenum. iij. Beatus uir qui timent dominum. & cxxvij. Beati omnes qui timent dominum.

Si conqueri Iudæorum contra saluatorem insidias, habes ij. Quare fremuerunt gentes.

Si te tui persequuntur, & multi insurgunt aduersum te, iij. psalmum dicas. Domine quid multiplicati sunt.

Si autem ad hūc modū tribulatus inuocasti dominum, & quoniam exaudiuit agere uis gratias, canito iij. Quū inuocarem. & cxlij. Dilexi quoniam exaudiet dominus.

Si uides insidias tibi à malignantibus fieri, & auribus percipi cupis orationem tuam, canito psalmum v. Verba mea auribus percipe.

Si minas dei sentis, & inde territum te uides, dicere potes psalmum vj. Domine ne in furore. & xxxvij. Domine ne in furore &c. Quoniam sagittæ tuæ.

Si autem consilium incunt aliqui contra te, quemadmodum Achitophel cōtra Dauid, & hoc aliquis tibi nuntiet, cane vij. Domine deus meus in te speraui. Et confide in deo qui te liberabit.

Cernens autem gratiam saluatoris circumquaq̃ ue diffusam, & restitutum saluti genus humanum. Si alloqui dominum uis, cane viij. Domine dominus noster quā admirabile est nomen tuum.

Si rursus

Si rursus canere uis pro torcularibus deo gratias agens, habes viij. Domine dominus noster, & lxxx. Exultate deo salutari nostro.

Si coerceri inimicum uis & creaturam saluari, non confidens in teipso, sed in dei filio, dic ix. psal. Confitebor tibi domine in toto corde meo.

Si quis te metu afficere uelit, tu confidens in domino cane x. In domino confido quomodo di.

Si multorum superbiam & malitiam uides abundare, ita, ut nihil sit inter homines sanctum. Confuge tu ad dominum, & dic xj. psalmum. Saluum me fac domine.

Si diutius perseuerent aduersariorum insidiæ, ne te ipsum negligas quasi tui dominus sit oblitus, sed inuoca dominum canens xxvj. psal. Dominus illuminatio mea.

Si quos audis blasphemantes contra prouidentiam, ne sis tu quidem particeps eorum impietatis, sed ad deum confugiens, dic xij. Dixit insipiens in corde suo non est deus. Corrupti sunt, & lij. Dixit insipiens & cætera.

Si scire uis qualis est regni coelorum ciuis, cane xiiij. Domine quis habitat in tabernaculo tuo.

Si tibi oratione opus est, propter resistentes tibi & circumdantes animam tuam, cane xvj. Exaudi domine iustitiam meam, & lxxxvj. Inclina domine aurem tuam, & lxxxvij. Misericordias domini in æternum cantabo, & cx. Domine clamaui ad te, exaudi me.

Si scire uis quo pacto Moyses orabat, habes lxxxix. Domine refugium factus es nobis.

Si euasisti ab inimicis & liberatus es à persequentibus te, cane tu quoque xvij. Diligam te domine fortitudo mea,

mea, & cætera.

Si miraris ordinem rerum creaturarum, & diuinæ prouidentie gratiam, cane xvij. Coeli enarrant gloriā dei &c. & xxvij. Ad te domine clamabo, &c.

Si tribulatos uides, consolare eos, & pro eis orans dic uerba psalmi xix. Exaudiat te dominus in die tribulationis, & cætera.

Si te custodiri à domino uides, & prospere agere, gaudens cane psalmum xxiij. Dominus regit me, &c.

Si contra te irruunt inimici, eleua animā ad deum, & dic xxiiij. Ad te domine leuaui animā meam, &c. & frustra eos inique agentes uidebis.

Si perseuerauerint inimici, & sanguinolentis manibus abstrahere, uel occidere te quærunt, ne des homini iudiciū. Suspecta enim sunt humana omnia. Sed deum iudicem postulans: ipse enim solus iudex est. & dic xxv. Iudica me domine, quoniam ego in. xxxiiij. Iudica domine nocentes me. & cxlij. Iudica me deus, & discerne causam meam.

Si autem seuius inslent, & multitudo instar castrorū sint inimici, despiciētes quasi ne uictus quidē sis, nihil formidans, cane xxvj. Omnes gentes plaudite manibus &c.

Si rursus impudentes sint qui insidiantur, minime illos curans, cane ad dominū, quæ sunt in psal. xxvij. Magnus dominus & laudabilis nimis.

Si scire uis quomodo gratias acturus accedere ad deum debes, intelligibiliter intelliges. cane xxvij. Audite hæc omnes gentes, &c.

Deinde renouans domum tuam & animam, quæ dominum suscipit, & sensibilem domū in qua corporaliter habitas,

bitas, age gratias, & dic xxix. Deus decorum dominus loquutus est, & cxxvj. Nisi dominus ædificauerit &c.

Si te odio haberi propter ueritatem ab amicis & propinquis uides, ne remitte studium, ne ue aduersantes excimesce, sed futura cogitans, cane xxx. In te domine speraui, non confundar in æternum.

Si baptizatos uides à corruptibili generatione liberatos diuinam benignitatem admirans, cane xxxj. Beati quorum remissæ sunt iniquitates.

Si canere uis inter multos iustos uiros, & recte uiuentes colligens, cane xxxij. Exultate iusti in domino, rectos decet collaudatio.

Si incidisti in hostes, & eos prudenter euitasti, atq; insidias effugisti, & ob id agere uis gratias, conuoca nites homines, & cum eis cane psal. xxxiiij. Benedicam dominum in omni tempore.

Si uides iniquos in malum certare, ne putes secundum naturam esse in illis peccatum, quemadmodum heretici quidam, sed dic xxxv. psal. Dixit iniustus ut delinquat in scinetipso, non est timor dei ante oculos eius, & uidebis quod ipsimet peccandi causa sunt.

Si malos iniqua agentes cernis, & contra paruos superbientes, & admonere uis aliquos, ne istos attendat aut æmulentur, quoniam cito extinguetur, dic & tibi & alijs xxxvj. Noli æmulari in malignantibus &c.

Si statuisti habere tui curam, & uides insidiantem aduersarium, maxime enim contra tales excitatur, ac uis te met in eum parare, cane xxxviij. psal. Dixi custodiā uias meas, &c.

Si multos

Si multos uides pauperes & mendicos, ac misereri uis, potes & eos, qui iam sunt miserti, probare, & alios ut idem agant hortari. dicens xl. Beatus qui intelligit super egenum & pauperem, &c.

Si desiderium habes erga deum, inimicos audis exprobrantes, ne perturbaberis, sed intelligens immortalem fructum, qui ex hoc desiderio nascitur, consolare animam spe erga deum, & hac releuans mitigansq; uitae dolores, dic xlij. psal. Quemadmodum desiderat ceruus ad, &c.

Si recordari frequenter uis beneficia dei, quae patribus fecit, & in exitu de Aegypto, & in deserto, & quomodo deus quidem bonus, ipsi autem ingrati, habes xliij. Deus auribus nostris audiuius, item lxxvij. Attendite popule meus, &c. lxxxvij. Misericordias domini in aeternum cantabo, &c. cj. Domine exaudi orationem meam, & clamor, &c. cy. Confitemini domino quoniam bonus, quoniam in seculum, &c. ccvj. Confitemini domino quoniam bonus &c. Dicant qui cxij. In exitu Israel de Aegypto, &c.

Si confugiens ad deum euasisti, quae aduersus te dicta sunt, & gratias agere uis deo, & narrare eius erga te benignitatem, habes xlv. Deus noster refugium & uirtus.

Si peccasti, & conuersus poenitentia afficeris, & uis misericordiam consequi, habes confessionis uerba in psalmo l. Misere mei deus secundum magnam misericordiam tuam, & cetera.

Si calumniam passus es apud malum regem, & diabolum uides gloriantem, secede & dic, quae sunt in lj. Quid gloriaris in malitia, qui potens es iniquitate.

Si qui te persequuntur & calumniantur prodere uolentes,

tes, sicut Pharisei Iesum, & alienigenæ David, ne tadio marcescas, sed confidens in domino. cane liij. Deus in nomine tuo saluum me fac, & lv. Miserere mei deus, quoniã conculcauit me homo.

Si autem cõcurrat persecutio & non cognoscens in speluncã ingreditur, in qua tu absconderis, ne metue, habes enim in hac necessitate utilia cum ad consolandũ, tum ad memoriam rei colendam uerba, in lvj. psal. Miserere mei deus miserere mei, quoniam in te confidit anima mea, & cxlj. psal. Voce mea ad dominum clamaui.

Si obseruari iusserit domum, qui insidiatur, iusserit ut effugeris, age gratias deo, & in tabulis animæ tuæ rem incidens. dic lvij. Eripe me de inimicis meis deus meus.

Si exprobrẽt inimici, qui tribulant te, & loquacius detrahant, qui amici esse uidentur. & in exercitatione tua labores aliquantulum, potes inuocare tu quoque deum dicens, quæ sunt in iiij. psal. Quum inuocarem, exaudisti me deus iustitiæ meæ.

Contra hypocritas & in facie gloriantes, dic ad eorũ conuersionem lvij. psal. Si uere utique iustitiam loquimini, recte iudicate filij hominum.

Si asperere irruant in te, & capere animã tuam uelint, oppone illis subiectionem tuam ad deum, & bono animo sis: quò enim magis inscuiunt illi, eò magis domino subiacentur: dic autem psalmum lxj. Non ne deo subiecta erit anima mea?

Si persecutionẽ fugiens in desertum cõcesseris, ne metuas quasi solus ibi sis, sed habens deũ, & ad ipsum diluculo surgẽs, cane lxij. Deus deus meus ad te de luce uigilo.

Si perter

Si perterrefaciant inimici, nec struere insidias desinant, & omnia inquirūt aduersum te, etiam si plurimi sint, nec cesseris. Sagittæ enim paruulorum erunt horum plagæ, si cecineris lxij. Exaudi deus orationem meam cum deprecor. & lxij. Exurgat deus & dissipentur inimici eius, & fugiant qui odiunt eum à facie eius. lxx. Deus in adiutorium meum intēde, domine &c. & lxx. In te domine speraui non confundar in æternum.

Si cauere deum uis, habes lxiiij. Te decet hymnus deus in syon, &c.

Si quos imbuas resurrectionis mysterio, habes lxxix. Qui regis Israël intende, &c.

Si misericordias à deo petis, cane psal. lxvj. Deus miseratur nostri, & benedicat nobis.

Si uideas impios in pace prosperari, ne scandalizetis, ut commouearis, dic tu quoque lxxij. Quam bonus Israël deus, his qui recto sunt corde.

Si irascitur populo deus, habes uerba, quibus hunc consolentis, in lxxij. Vt quid deus repulisti, &c.

Si confessione tibi est opus, cane lxx. In te domine speraui, &c. lxxiiij. Confitebūtur tibi deus &c. xcj. Bonum est cōfiteri dño, & psallere nomini tuo. &c. ciiij. Confitemini dño & innocate nomē eius. cv. Confitemini dño quoniā bonus, &c. cvij. Paratū cor meum deus, &c. cx. Confitebor tibi domine in toto corde meo. cxij. Confitemini dño quoniā bonus. cxxxv. Cōfitemini dño quoniā bonus, quoniam in æternū misericordia eius. & cxxxvij. Confitebor tibi dñe in toto corde meo, quoniā audisti uerba oris mei.

Si uituperare gentilem uis & hereticos, ut apud quos

dei cognitio non est, potes intelligendo canere, & dicere, quæ sunt in psal. lxxxv. Inclina domine aurem tuam, & exaudi me, quoniam inops & pauper sum ego.

Si occupauerint inimici effugia tua, & magnopere tribuleris, quanquam perturberis, ne despera, sed ora. & si clamans exauditus fueris, age deo gratias dicens, quæ sunt in psal. lxxvj. Voce mea ad dominum clamaui, uoce mea ad deum, &c.

Si persequerantes inimici irruerint, & polluerint domum dei, ac sanctos occiderint, & eorum corpora uolatilibus cœli proiecerint, ne metuas illorum crudelitatem, sed compatiens patientibus, dic psal. lxxviij. Deus uenerunt gentes in hereditatem tuam polluerunt templum sanctum tuum.

Si canere uis domino in celebritate conuocatis dei seruis, cane lxxx. Exultate deo adiutori nostro, iubilate deo iacob. & xciiij. Venite exultemus domino, iubilemus deo saluari nostro.

Si rursus inimici congregentur undiq; & minentur domui dei, conspirantes contra pietatem, ne te multitudo & potentia illorum perturbet, habes uelut anchoram spei uerba quæ sunt in lxxxij. Deus quis similis erit tibi? ne timeas neq; comescaris deus.

Si indes domum dei & æterna eius tabernacula, & desiderium habes ad illa sicut habebat apostolus, dic & tu lxxxiiij. Quam dilecta tabernacula tua &c.

Si cessauerit ira & soluta captiuitas fuerit, habes quibus gratias deo agas. lxxxiiij. Benedixisti domine terram tuam, auertisti captiuitatem iacob, & cxv. Credidi propter quod locutus sum &c.

Si discor

Si discordiam catholicæ ecclesiæ aduersus schismata cognoscere uis, & illos cōuertere, potes dicere quæ sunt in psal. lxxxvj. Fundamenta eius in montibus sanctis, &c.

Si exhortari teipsum uis & alios ad religionē, ac persuadere quod spes in deum non confundit, sed intrepidam reddit animam, lauda deum dicens, quæ sunt in psal. xc. Qui habitat in adiutorio altissimi, &c.

Si canere uis sabbato, habes xcj. Bonum est confiteri domino & psallere nomini tuo altissime.

Si gratias agere uis dominico die, habes xiiij. Dixit insipiens in corde suo non est deus, &c.

Si canere uis in secunda sabbati, habes quæ sunt in xciiij. Venite exultemus domino, &c.

Si canere uis parasceue, habes laudationē in xcij. Dominus regnauit decorē indutus est &c. Tunc enim domus ædificata est, quamuis circumire conati sunt hostes. Atque ideo triumphale carmen canendum est ipsi deo.

Si captiuitas fuerit ac uastata domus, rursusq; ædificata, cane quæ sunt in xcy. Cantate domino canticū nouum, cantate domino omnis terra.

Si uexata terra fuerit ab hostibus, & deinde quiescat regnante domino, habes quem canas xcyj. Dominus regnauit exultet terra.

Si uis quarta sabbati canere, habes xciiij. Deus ultionū dominus, deus ultionū libere egit. Tunc enim traditus ulcisci mortem cœpit, & de ea triūphare: quum igitur Euāgelium legens uideris Iudæos consiliū ineuntes aduersus dominum, & ipsum audacter stare pro nobis aduersus diabolum, cane quæ sunt in xciiij. ut dictum est.

Si uides prouidentiam domini in omnia, & dominum ipsius, & uis imbueri aliquos ipsius fide & obedientia, Cum persuaseris prius, ut confiteantur, cane xcviij. Iubilate deo omnis terra.

Si potestatem iudicandi in eo cognoscis, & quod misericordie iudiciū admiscens iudicat deus, atq; accedere ad ipsum uis, habes ad hoc uerba. c. psal. Misericordiam & iudicium cantabo tibi domine.

Si propter imbecillitatem nature nostre assiduus uita malis aliquando, ceu medicus, tædio afficeris, & consolari te uis, habes psal. cj. Domine exaudi orationem meam, & clamor meus ad te ueniat.

Et quoniam conuenit semper & in omnibus agere deo gratiam, quando ipsi benedicere uis, habes quo tuam animam adhorteris. cij. Benedic anima mea domino & omnia quæ intra me sunt nomini sancto eius &c. & cij. Benedic anima mea dominum, domine deus meus magnificatus es uehementer.

Si laudare uis deū, & scire quomodo ob aliquod oportet laudare, & quæ uerba dicere laudans debet, habes cxij. Laudate pueri dñm, laudate nomē domini, &c. cxvj. Laudate dñm oēs gentes, laudate eum omnes populi. cxlv. Lauda anima mea dñm, laudabo dñm in uita mea, psallam deo meo quā diu fuero. cxxxij. Ecce quā bonum &c. cxlvj. Laudate dñm quoniā bonus est psal. cxlvij. Lauda hierusalem dominum, lauda deum tuum Sion. cxlvij. Laudate dñm de cælis &c. cxlix. Cantate domino canticū nouum, laus eius in ecclesia sanctorū. cl. Laudate dominū in sanctis eius, laudate eum in firmanento uirtutis eius.

Si habes

Si habes fidem quemadmodum dominus dixit, & cre-
dis in his quæ orans loqueris, dic cxv. Credidi propter
quod loquutus sum.

Si te ascendente sentis actionibus sic ut dicas his obli-
uiscor autem qui præcedunt contendo, habes in uno quoq;
processu quæ dicas quindecim graduum Cantica.

Si captiuatus es alienis cogitationibus, & sensisti te
abduci, & pœnituit, desine deinceps, & manens ubi te
peccantem deprehendisti sede, ac luge tu quoq;, quemad-
modum fecit populus, dicens quæ sunt in cxxxvj. Super
flumina Babilonis illic sedimus &c.

Si tentationes putas esse tui probationem, age post ten-
tationes gratias deo, dicens cxxxvij. Domine probasti
me & cognouisti me.

Si teneris rursus ab inimicis et liberari uis, dic cxxxix.
Eripe me domine ab homine malo, à uero iniquo eripe me.

Si orare uis & deprecari, dic v. Verba mea auribus
percipe. cxl. Domine clamaui ad te exaudi me. cxlj. Voce
mea ad dominum clamaui, uoce mea dominum deprecatus
sum. cxlij. Domine exaudi orationem meam, auribus per-
cipe obsecrationem meam. cxly. Lauda anima mea domi-
num, & cætera.

Si inimicus tyrannus insurrexit aduersus populum, tu
quoq; sicut Dauid Goliath, ne timeas, sed unâ cum Dauid
crede, & canens dic cxliij. Benedictus dominus deus
meus qui docet manus meas ad prælium.

Si bonitatem dei, & in te, & in omnes recolis, & be-
nedicere deo uis, dic uerba quæ Dauid dixit in lxxxvij.
Benedixisti domine terram tuam &c.

Si cantare uis domino, habes quid dicas xcy. Cantate domino canticum nouum, &c. xcviij. Cantate domino canticum nouum, quia mirabilia fecit.

Si paruus forte in aliquo usu fratribus anteponeris, ne extollaris contra ipsos, sed dans gloriam deo, psalle tu quoq; clj. Quid gloriaris in malitia, qui potens es iniquitate, qui proprius dei es, alias cl. Laudate dominum in sanctis eius, Laudate eum in firmamento uirtutis eius.

Si canere uis obedientiam habentem alleluia, habes ciiij. Confitemini domino & inuocate nomen eius. cv. Confitemini domino quoniam bonus, quoniam in seculum misericordia eius. Quis loquetur potentias domini. cvj. Confitemini domino quoniam bonus &c. Dicant nunc qui. Et cx. Confitebor tibi domine in toto corde meo. cxj. Beatus uir qui timet dominum in mandatis eius uolet nunc mis. cxij. Laudate pueri dominum &c. cxiiij. In exitu Israël de Aegypto. cxiiij. Dilexi quoniam exaudiet dominus. cxv. Credidi propter quod locutus sum. cxvj. Laudate dominum omnes gentes. cxvij. Confitemini domino quoniam bonus, &c. Dicat nunc Israël. cxviij. Beati immaculati. cxxxiiij. Laudate nomen domini. cxlv. Lauda anima mea dominum &c. cxlvj. Laudate dominum quoniam bonus est psalmus. cxlvij. Lauda Hierusalem dominum cxlvij. Laudate dominum de cœlis. cxlix. Cantate domino canticum nouum, laus eius in ecclesia sanctorum, & cl. Laudate dominum in sanctis eius.

Si seorsum uis canere de saluatore, habes de eo in quous uis psalmo. Precipue uero habes xliij. Ad te domine leuauit animam meam. cix. Dixit dominus domino meo sede a dextris

dextris meis &c. Indicantes ipsius ex parte legitimam generationem, & corporalem eius præsentiam. x. autem scilicet, In domino confido. & lxxij. scilicet, Saluum me fac deus, & cætera: prædicentes de diuina cruce. Et quantum pro nobis insidiarum suscepit, & quàm multa passus est. & ij. Quare fremuerunt gentes. & cvij. Beati immaculati: significantes Iudæorum insidias, & malignitatem, & Iude Scharioti proditionem. Item xx. Domine in uirtute tua. xlix. Deus deorum dominus loquutus est, &c. lxxj. Ostendentes regnum eius & iudicandi potestatem, & eius præsentiam in carne. xv. autem, Conserua me domine, quoniam speraui in te &c. Indicat eius in carne resurrectionem gloriosam. xxiiij. Domini est terra & plenitudo eius. & xlvj. Omnes gentes plaudite manibus & cætera: nuntiant eius in cælum ascensum. xcij. Dominus regnauit. xcy. Cantate domino canticum nouum, cante domino omnis terra. xcviij. Cantate domino canticum nouum, quia mirabilia fecit. xcviij. Dominus regnauit irascantur populi. Si leges speculari poteris, quæ dominus nobis beneficia per passionem contulit.

TALIS EST STILVS ET
 Character Psalmorum, ad hominum utilitatem.

Angeli

ANGELI POLI-

TIANI AD MAGNANI-

mum Laurentium Medicem Petri F. in

Platonis Charmidem è Græco à

se in Latinum conuer-

sum, præfatio.

Cum sæpe mecum animo reputarẽ magnanime Lau-
 Medices, & tanquã ex alta quadam specula huma-
 næ huius uitæ cõditionẽ intuerer, illud in primis cũ admi-
 rabile mihi, tũ miseratione dignissimũ uisum est, quòd cũ
 omnes homines pari quidẽ studio ad felicitatẽ ipsam tan-
 quã ad portũ aliquẽ tutissimũ uiã affectent, adeo tamen
 pauci tãta præsertim, tã multorũ inuestigatione existerẽt,
 qui ad eã adipiscendã recto uirtutis itinere ingrederẽtur.
 Sed cũ & natura quidẽ ipsa ad felicitatis indagacionem
 quosdã quasi igniculos nostris mētibus inseruerit, & (qđ
 in Protagora Plato ait) neminẽ omniũ nõ inuitum peccare
 sapiẽtes arbitrẽtur, illud mihi profecto maxime extare ui-
 sum est, omnẽ malorũ omniũ causam, quæ quidẽ humano
 generi plurima sane, atq; acerbissima incubuerint, qbusq;
 uniuersa uita nostra uelut turbulētissimis tēpestatibus hinc
 atq; illinc perpetuo iactetur, nõ tam nostra nobis uolũta-
 te, quàm illius inueniẽdæ difficultate emanasse. Hinc itaque
 effectũ est, ut quæ homines singuli per se ipsi naçtũ sint, ea
 quidẽ mordicus teneãt, alienis uero, atq; ad se minime per-
 tinẽtibus, dies noctesq; pro se quisq; anxie inhient, mul-
 toq; quàm quorum ipsi potiti sint priora ea, ac potiora
 esse arbitrẽtur. Atq; illi quidẽ nauibus, ut est apud Flaccũ,
 atq;

atq; quadrigis bene uiuere potentes, & tanquam inter
 omnis generis margaritas, præciosam unam de qua diuina
 sapiëntia locuta est, in tenebris peruestigantes, cū neq; pon-
 dere, neq; tactu, neq; itē magnitudine eā à cæteris discer-
 nere ualeāt, cōcursant temere, & rixantur inter se, atq; in-
 fidis quibusdā imaginibus allecli, dum id quod indagatur
 habere se ambigunt, neq; omittere quas legerint, neq; à
 quæredī labore, obstinatis iam animis desistere audēt. Nē-
 pc uero hoc illud est, quod Homerus ille noster diuinæ sa-
 piëntiæ quasi quidā Oceanus, herbā quā μῶλυ uocat,
 quāq; Vlysses à Ioue per Mercuriū accepta, quasi quodā
 Antidoto cōtra Circes ueneficia usus sit, nigra quidē ra-
 dice ipsam, flore autē lacti quā simillimo, uirisq; morta-
 libus inuentu difficillimā esse dicit. Quapropter cū tantis
 simus ignoratiæ tenebris præpediti, tantisq; idcirco labo-
 ribus, ac periculis exerceamur, nō minus profecto nobis,
 quā Homericō illi Diomedī & uulnere, & sudore in cō-
 fecta hostiū acie laboranti, sapientissimæ Palladis, hoc est
 sanctissimæ philosophiæ auxilium implorandum est, quæ
 & ipsa nobis omnem illam, quæ nostris nunc oculis obdu-
 cta mortales hebetat uisus, atq; humida circū caligat, nu-
 bem cripiat, ut (quod diuine idē Homerus cecinit) sit no-
 bis lumine promptū. Purgata iam in luce hominē spectare,
 deumq;. Nisi enim philosophiam ipsam totius uitæ du-
 cem, & uirtutis, ut ille inquit, indagatricem, atq; expultri-
 cem uitiorum assequamur, quæ immortalis dei munere è
 cœlo in terras ad regendū, gubernādumq; hominē de-
 missa est, nūquā profecto nobis uel pura in luce refulgere
 uel pretiosam illam Margaritam nostro (ut aiunt) marte
 eruerē,

Moly herba.

ignarus

Philosophia uir-
tutis dux.

Quia philosophia
arcedi.

cruere, uel ab humana huius uitæ illecebris, quæ nos circæi poculi instar in frâs, bestiasq; cõuertit, ullo pacto eua dere licebit. Verũ enim uero ut non ex omni ligno, ueteri proverbio, Mercurius fingitur, ita pfecto nõ cuiusuis nature est intima philosophiæ adyta penetrare. Qui enim animo angusto, sordidoq; essent, rerumq; humilium cupiditatibus mancipato, eos Plato in eo quem de Repub. inscripsit libro, à sacrosanctæ philosophiæ limine, ceu profa nos quosdam, atque ad eam capeffendam minime idoneos, non iniuria ablegauit. Haud enim quaquam fieri posse arbitratu est, ut quem animum sordida illa rerum ignobilium cura occupauerit, eo ipso humanarum, diuinarumq; rerum scientia comprehēderetur. Est etiam Platonis eiusdem in Phædone uera illa, & tibi Laurenti certe non inaudita uox, par omnino esse, ut qui ad sapientiæ studium se conferant, prius quidem emoriantur, animamq; ipsum ab omni corporis sensu, contagioneq; auertant, & quasi in suum ius, suamq; libertatem uindictent. Quod cum ita habeat, nihil profecto minus sapientiæ studioso consentaneum esse potest, quàm cibi, potionisq; ac foedioris etiam corporis uoluptatis, uestis præterea & calceorum, aliorumq; huiusmodi nimia appetitio, & cura, quæ ipsius tantum corporis cultui, usuiq; nulla animi participatione subministrant. Quamobrem cum ad philosophiam ingredientibus prima nobis censorsio quasi supercilio temperantia occurrat, eademq; diligenti examine multum ac diu pensitatos ad recondita usque sapientiæ arcana comitetur, nemini profecto obscurum uideri potest, ingens omnino quiddam, atque eximium, maiusq; multo, quàm

quantum

quantum facile præstare homines possint, suscipere, ac
 profiteri eos, qui se philosophi nunc, maximeq; Plato- *Πλάτωνος*
 nici censere non erubescant. Itaq; cum complures id tem- *contemne*
 poris garrulos, nugaces, putidulos ineptos, eosdem leues, *γυναι*
 pusillos, inuidos, gloriosos, auaritie, luxurieq; iuxta ad-
 dictos, animaduverterem, qui hoc sanctissimum philosophi
 nomen illotis (ut ita dicam) manibus Harpyiarum more
 attrectare & contaminare nefas non putent, atq; in ipsum
 academie sacrarium refractis iam pudoris, ac reuerentie
 claustris, quasi canes in templum temere, impudenterq; *υβρισι αλλο*
 irrumpant, operæpretium facturum me existimaui, si
 quem ego uel ab ipsis inferis tantæ temeritatis uindictam
 excitarem, qui aut interdicto cum leuiculis hisce, abiectis-
 simisq; homunculis contenderet, aut ex iure manu con-
 sertum uocaret, quòd in alienas (ut inquit Cicero) posses-
 siones tam temere irruissent. Atque ego quidem cum ad
 eum qui hoc prouinciæ susciperet perquirendum toto ani-
 mo, & cogitatione conuerterer, in ipsum peropportune
 incidi Platonem, philosophorum omnium sine controuer-
 sia parentem, ac deum, totiusq; sapientiæ quasi quoddam
 (ut aiunt) terrestre oraculum. Qui cum per diu sanè (ut
 uidebatur) latine sciendi auidissimus fuisset, libenter equi-
 dem ego hanc ab eo gratiã, quã uidebam uelle inui, eumq;
 pauculis admodum diebus, quos apud me sit diuersatus la-
 tinum sermonem edocui. Quem quidem ille (quæ sua est
 docilitas) ita sanè auide, celeriterq; arripuit, ut ad litẽ iam
 ipsam philosophorum sinijis intendendam omni studio ac-
 cingi uideretur. Quapropter cum te unum magnanime
 Laurenti Medices, id quod uidere aliquãdo ille, perquam
 impense

*Quam in li-
bello aliquid*

impense cupiebat, ex uniuersa hominū multitudi-
ne intelligat, qui & Rempub. sapiēter gerat, & philoso-
phiam ipsam omnium bonarū artium parentē longo iam
tempore exulantē, quasi postliminio in patriam reuoces,
nihil profecto antiquius habuit, quā ut euestigio incredi-
bili quodam animi ardore, maximāq; alacritate uisum te,
salutatūq; tuāq; uirtuti, quo ad eius fieri posset gratula-
tum accurreret. Te unum sibi tam iusta in causa iudicem,
præcipue nuncupare. Tecū ut cum optimo academiæ pa-
trono, acceptas idēiudem à Simiulis istis iniurias cōtume-
liasq; liberius exposlaret. Tecum de hac ipsa, quā sæpe
dicimus temperantia acutissime disputaret, & quid de ea
ipse sentiret, subtiliter prosequeretur. Quā quidem ille ab
ipso statim disputationis exordio, quasi quandā in delubri
uestibulo ædiuiam collocat. Haud enim omnino quēquam
penitissimis illis philosophiæ mysterijs iniendum censet,
qui non ipsam prius temperantiā sit cōsecutus. Neq; uero
id iniuria. Vt enim agricola, cum iam stirpibus sentibusq;
agrum bene omnem purgarit, tum demum sementē ipsam
aggreditur, ita profecto homines debent, cum iam omnem
rerū sordidarum cupiditatem, atq; intemperantiā ex ani-
mis porrò ciecerint, cæterosq; huiusmodi affectus ferro,
atq; igni, uariāq; disciplinarū machinatione persecuti fue-
rint, tum demū purgatis iam animis, ueræ sapientiæ semē-
na excipere oportet, ut nulla pullulantiū cupiditatum quasi
spinarum cōmixtione suffocata, ad ipsam beatitudinis fru-
gem mature perueniant. Atq; hoc est scilicet cur prisca illi
theologi Homerus, Orpheus, Hesiodus, Pythagoras itē,
& hic ipse de quo agimus Plato, aliq; quā plurimi mu-
sarum,

Prisca theologi.

farum, ueræq; sapientiæ antistites, multiplicem illam totius philosophiæ cognitionem per quædam fabularum, atque enigmatum inuolucra, integmenta; tradiderint, & quasi sepibus quibusdam cancellisq; obstruxerint, ne religiosa quodammodo Eleusinarum dearum mysteria profanarentur, & quasi suis (quod dici solet) margaritæ obijcerentur. Verissimum enim est quod Pythagoricus Lysis in epistola ad Hipparchum scribit. Qui corruptis, obscœnisq; moribus, speculationes, sermonesq; dixerit nos immisceat, nihil omnino secus agere, quàm si cœnoso puteo, purissimam infundat aquam, quæ & cœnum cõturbet, & suam ipsius contaminet puritatem. Quod cum ita sit magnanime Laurenti, dignum profecto te, tuaq; uirtute, ac sapientia feceris, si diuinũ hunc philosophum animi, uirtutisq; magistrum, tecum id est cum homine temperatissimo de temperantia disputaturum, præstanti illa tui uultus hilaritate, atq; eximia quadam, qua tu insigniter excellis humanitate comiter, benigneq; excipies. Et quicquid tibi uel familiæ cura, uel amicorũ negotia, uel respublicæ tribuet ocij, id omne ad illius præcepta celebranda, tecũq; recolenda potissimum cõferes. Si enim cœlestis huius musæ cantibus, atres mentemq; adhibueris, nunquã profecto insidiosa illæ nostri Homeri Sirenulæ (quas tamen ipse ab ineunte iam ætate à tua nõ modo familiaritate, sed etiã cõgressu in hunc usq; diem cana iam tum prudẽtia adultaq; uirtute prohibuisti) nunquã illæ te blandissimis noxiorum carminum irritamentis, illecebrisq; seducent. Sed ut Platonem tandem ipsum Latine tecum de temperantia disputantem, atq; hunc fabularũ leuissimũ gregẽ, qui sacrosan-

Etiam Platonici philosophi nomen tam profane sibi, tamq;
impudenter arrogant polluta religionis reum agentem,
eosq; tua quidem potissimum sententia, omnibus uero de-
inceps suffragijs damnatos pronuntiantem audias. Age
iam patrone nū dulcissime uacuas philosopho aures, inten-
tamq; animum, quantum in te est paulisper accommoda.
Cuius tamen singula uerba Angelum Politianum tuum
semel tibi, iterūq; cōmendant. Εὐτύχη μὲν γέτα

id est, Felix esto
musarum dux.

FINIS LIB. XII.

P L A T O N I S C H A R

M I D E S D E T E M P E R A N

tia, ab Angelo Politiano in Latinum ē

Græco sermone ad magnanimum

Laurētium Medicem Pe

tri F. conuersus.

S O C R A T E S.



V E N I equidem nudius tertius ex Poti-
dea ab exercitu, tū (ut qui peregre diu-
tius abfuissem) libenter me ad consuetos
amicorum cōuentus contuli, atq; in tū-
rei palestrā, eam quæ ex aduersum tem-
plo Basince sita sit ingressus, magnū ibi hominū numerū
offendi, quorū ego alios ne norā quidem, plurimū autem
ipsoꝝ non mihi aderāt, ut uero me de improviso ingre-
dientem conspexerunt, statim omnes erinus aliunde alius
me salutare. Chærephon uero insanienti similis ē medijs
exiliēs currere ad me, apprehensaq; manu, O mi inquit So-
crates, et quomodo nobis ē pugna saluus aduenis. (Haud
enim

enim ita priusquā nos illinc proficisceremur, bellum in Potidæa gestum erat: cuius belli rumor, apud eos quidē, qui illic adessent quā nuperrime increbuerat). Hic ego ut tute inquā cernis. Atqui huc inquit nuntiātū est, cum ipsum omnino bellum atrocissimū fuisse, tum in co illustriū quā plurimos cecidisse. Et uero inquā rite ad uos perlata sunt. Tum ille an tu inquit pugne interfuisti? Inter fui, huc ergo agendum ait, sedensq; nobis singula enarrato. Neq; enim dum omnia liquido intelleximus. Et cum dicto, sessum me adducens, secus Critiam Caleschri filium constituit. Ut uero consedi, tum ipsum Critiam, tum alios salutari, simulq; ijs enarraui, quæ me de exercitu, diuersi pro se quisq; diuersa interrogarent. Ut autē super ijs satis cuiq; factum uisum est, ego item ex eis uicissim percunctari occepi, tum quo nunc pacto philosophiæ studia in ciuitate uigerent, tum uero ex adolescentibus essent ne aliqui, aut sapientiæ, aut pulchritudinis, aut utriusq; pariter gloria excellentes. Hoc loco ad hostium Critias intuens, cum gregem adolescentulorum intro ad nos euntiū, interq; se altercantium, simulq; aliam turbam à tergo subsequentiē conspicaretur, de formosis quidem, O Socrates confestim (ut opinor) certior fies inquit. Qui enim huc ad nos pergunt, tum præuij sunt eius, tum amantes, qui unus omnium (ut nunc quidem est) adolescentium, habeatur pulcherri-mus. Atqui et ipsum quoq; aspicio, iam proxime ad nos accedentem. Quis uero inquam ego? aut cuius tandem est? nosū sane et tu inquam (tamen si ille nondum adolescentiam inierat, cū tu à nobis profectus es) Charmidem Glauconis auunculi nostri filiū, meumq; sobrinum. Noui equi-

dem per Iouem inquam. Neq; enim malus, uel tūc erat cū adhuc puer esset. Nūc uero (ut arbitror) facile iam in adulescentiam peruenerit. Statim inquit scies, & quantus ille, & qualis euaserit. Hæc dum loquitur cōmodum Charemdes ingreditur, Et mihi quidem ò socie nihil pēsi. Quod enim ad formosos attinet, facile equidem alba sum regula carpentarij. Omnes enim ferè, qui ea ætate sint, formosi mihi uidentur. Eminuero cum ille mihi, tunc uel corporis amplitudine, uel fōma admirabilis est uisus, tum ceteri unā omnes eius amore correpti uidebantur, à deo exterriti, tumultuantesq; fuere, ut primum ille in palestram concesserat. Complures præterea, & alij amantes à tergo subsequebantur. Quod uero ad uiros attineret, minime equidem admiratione dignum ducebam. Ego autem uel ipsos quidem ad pueros animum aduerti, ut nemo ex ijs unus alium quēpiam intueretur, ne is omnino quidem, qui inter eos esset minimus. Sed illum omnes unum tanquā dei statuā contemplabantur. Tum me cōpellans Chærephon, Quid tibi uero inquit uidetur adolescēs Ò Socrates, numnam uultu honesto? Nihil inquam supra. At uero (inquit) si sese nunc exuere uelit ne ille iam tibi, uel deformū esse uultu uidebitur, ita omni prorsus reliqua corporis facie pulcherrimus est. Atqui ijs quidem ipsis, quæ à Chærephonte dicta essent, & reliqui consentiebant. Et ego Ò Hercules inquā ut mihi uirum inexpugnabilem describitis. Si modo unum ad hæc accesserit idq; paululum quiddam. Quidnam? inquit Critias. Si animum ad uirtutem, haud ineptum habet. Sane uerò par est Ò Critia eiusmodi esse ipsum, quandoquidē uestra ex familia duxit originem.

nem. At uero inquit ille & hoc quoq; ipso, quàm pulcherrimus, quàmq; optimus est. Cur uero inquā non hoc ipsum primo cum exuimus, idemq; prius quàm corporis speciem contemplanur. Omnino enim (quæ sua ætas est) disputationis iam satagit. Et ualde inquit Critias siquidē ille, & philosophus sanè est, & ut alijs, ipsiq; sibi uideatur, adeo poëticus. Hoc uero inquā boni o amice Critia, ex alto uobis principio ab ipsa iam Solonis cognatione emanauit. Sed cur nō tandē mihi indicas adolescentē, atq; huc ad nos accersi iubes? Neq; enim arbitror, quod iunior sit, turpe illi erit nobiscum differere, cum tute hic adsis, quē ille tutorem consobrinumq; sit nactus. At pulchre inquit dicis. Eum iam accersamus: & cum dicto ad seruum, qui subsequeretur, eia inquit puer Charmidem accersere, eiq; nuntia, uelle me ipsum medico inspectandum præbere, qui eum de imbecillitate cōsulam, qua mihi mane aiebat laborare sese. Et ad me conuersus Critias. Hodie inquit cum bene mane exurgeret, capitis grauedine non nihil affligari questus est. Sed quid te tandem prohibet? quominus asimulare possis, aliquod capitis habere pharmacum. Nihil sanè inquā. Veniat modo. Atqui iam inquit aderit, id quod est factum. Venit enim, risumq; mirificum concitauit. Vnus enim quisq; nostrum, qui inibi consideremus, dum adolescenti locum cedit, proximum detruere obnix, quo ille apud se potissimum sederet, usque dū eorum qui in extremo acquiescent, alterū quidem in pedes cōsurgere perpulimus, alterum uero obliquum deturbauimus. Ille uero cū ad nos perrexisset, inter me & Critian medius cōsedit. Hic uero iam o amice hæsitare ego,

Et mea omnis illa audacia excisa esse prorsus, quam ego præ me à principio tuleram, quasi cū illo essem perquam facile disputaturus. Ut uero Critias, cum me ipsum inquit esse, qui id tenerem pharmacum, atque ille inspexit me oculis, quiddam præ illis ferens, ò quàm inevitabile, simulq; se ad me interrogandum parauit, omnesq; qui in palæstra adessent, eòdem confluentes corona nos undiq; circumuenerunt, tunc ego iam ò generose, et quæ sub uestimento essent inspexi, et urebar, et iam nō amplius mei ipsius eram, et sapientem Cydiam in amatorijs iudicabam, qui de formoso puero alij præcipiēs cū loquitur. Caue inquit ne cum aduersus leonem inultus uenerit, partē illi eripiat carniū. Ipse enim mihi uidebatur ab huiusmodi pecude expugnatus esse. Querenti uero illi, an ipsum ca-

pitis pharmacum tenerem, uix id quodam-

modo respondi tenere me. Quid igitur

inquit est? Et ego folium

quoddam, et cantatio

supra pharmacū,

quā qui ca

nat,

eoq; utatur, incolumis poro

rō euadat necesse est.

Cantationem

uero.

*Reliquum summa diligentia quæsitum,
habere nequiuimus.*

